

**PETRI BEMBI EPI  
STOLARVM LEONIS**

DECIMI PONT. MAX.

Nomine scriptarum.

**LIBER IX.**

**FEDERICO LANDO**

Placentino.



**A**UDI de ijs, qui te amant, ciuibus  
tuis, qui Romæ sunt, te ex interitu  
Baptista Landi filij tui Romæ à Petro  
Francisco Maluicino ciue Placentino  
proximè diebus interfecti, per motum  
atq; perturbatum, reliquosq; liberos tuos irainiuriaq;  
per citos parare arma in Maluicinarum familiam, ut de-  
functi mortè modis omnibus vindicetis. Ea in re tamen si  
tuo tuorumq; dolori iusto præsertim facile ignosco, mo-  
lestimeq; fero ea, quæ acciderunt: te tamen, quæ quidem  
certe in primis diligo, cuiusq; & prudentiam et tempe-  
rantiam omnibus in rebus semper probavi, moneo paterne  
atque hortor, ut quam adhuc quidem moderationem a-  
nimi tui vitæq; rationem es complexus, ea posthac etiã  
utare, teq; ipse primum, deinde tuos contineas, ne quid  
Placentiæ tumultus vestra causa exoriat: quod planè  
fiet, si & ipse quieveris, & quiescere iusseris tuos. Id ut  
facias etiam atque etiam abs te peto. Erit & mihi gra-  
tum, & tua ætate, integritate atq; prudentia dignum.  
Equidem quæ cogitari atq; statui à me debent, ut dolo-  
ri tuo atque iniuria pro iustitia satisfiat, in ijs tibi eomi-

q. 11

nus deero, quo te magis intellexero meis monitis præ-  
ceptisq; paruisse. Da. 18. Cal. Aug. Anno secundo. Roma.

**CANONICIS ET SOCIETATI**

Ecclesiæ Veronensis.

2

**I**NTELLEXI vos emphiteoscos nomine villam  
atque agrum, Cederelli qui fuerat, Domitio Pomedello  
dedisse. Qui quidem Domitius cum alumnus sit Antonij  
Thebaldei, quem ego virum propter eius præstantem in  
optimarum artium studijs doctrinam, pangendisq; car-  
minibus mirificam industriã vnicè diligo, grata hercule  
mihi ea vestra liberalitas fuit. Itaque certior factus su-  
peresse etiam vobis portionem quandam ex illis ipsis Ce-  
derelli bonis, quam nemini adhuc quidem donauistis,  
has ad vos literas dedi, ut sciretis, si, quod est reliquis  
eorum bonorū, eo à vobis Domitius augebitur, mihi id  
per quam gratum futurum. Vos autem in eo præterea  
& modesti ac probi adolescentis arctam angustamq; re  
vestra liberalitate explicabitis, & virum egregium ac  
per elegantem, deoq; vestra ciuitate optime meritū eius  
patronum eo beneficio vobis deuincietis. Dat. XVI. Cal.  
Aug. Anno secundo. Roma.

**SIGISMUNDO REGI**

Poloniæ.

3

**P**ERFERTVR ad me, seditionibus non negligen-  
dis in Pannonia per factiosos homines & scelestos exci-  
tatis arma temere tractari, ac trucidari passim pluri-  
mos, & intestinū quoddam quasi bellum existere contra  
Vladislai Regis Pannonia fratris tui voluntatem. Itaq;  
timendum esse, nisi ei rei quam celerrime occurratur, ne  
freti ac permoti ea occasione Turcæ Regnum illud

NB 4 con



G

327

F 5-2

Carolus Rnoftius  
Lantiscang





2599 - 1928.

3 1324

PETRI BEMBI  
CARDINA=  
LIS PATRITII VE  
NETI EPISTOLARVM  
LEONIS DECIMI PONTIFI-  
cis Maximi nomine scriptarum  
libri sexdecim:

AD PAVLVM TERTIVM PONT.  
MAX. ROMAM MISSI.

EX

*Emendatis codicibus, descripta omnia.*

Adiunctus est Index, qui nomina eorum, quibus  
epistolæ sunt missæ, exhibet.



COLONIAE AGRIPPINAE,  
Excudebat PETRVS HORST  
Anno cl. M. LXXXIIII.



THE HALL

CARDINAL

OF THE

OF THE

OF THE

OF THE

OF THE

OF THE

OF THE

OF THE

OF THE

OF THE

OF THE

OF THE

OF THE

OF THE

OF THE

OF THE

OF THE

OF THE

OF THE

OF THE

3

PETRVS BEMBV<sup>3</sup>  
PAVLO TERTIO

PONT. MAX.

S. P. D.



Cum Latinus Iuuenalis internuntius apud Rempub. nostram tuus his proximis brumæ diebus Patauium venisset: proque iure vetustæ nostræ necessitudinis apud me diuertisset, iucundissimis inter nos sermonibus percunctationibusque habitis, & curato corpore bibliothecam est ingressus: erat enim eius cubiculo proxima. Itaque libros singulos excutiens in volumen incidit sepositum, nec satis explicatum Epistolarum, quas quidem ego in Leonis Decimi Pontificatu maximo eius nomine conscripseram, non planè omnium: nam tot exempla difficile fuisset vno volumine includere: erant enim prope innumerabilia: sed illarum tantum modo, quas porro propterea quòd erant multorum euentuum & rerum variarum pleniores, in arculam aliorum scriptorum Roma proficiscens cōieceram. Earum ille aliquot non sine voluptate, vt videbatur, perlectis: illius enim temporis libenter reminiscebatur, quo & ipse Leoni decimo perfamiliaris fuit: reliquarum autem congerie inspecta: Quid tu, inquit, Bembe has lucubrationes tuas prodire in manus hominum non sinis? Debueras profecto. Nam & eius muneris, quo apud Pontificem illum maximum fungebare, erunt illæ quidem semper testes: & rerum ab illo gestarum memoriam continebunt: vt eius ipsius regni tanquā historiam videri possis, si eas edideris, confecisse. Te autem vnum maxime omnium conuenit, qui res Venetas posteris tradendi laborem suscepisti, tui etiam Pontificis partem illam vitæ in illustri orbis terrarum theatro positā, cursumque



muneris omnium maximi cognoscendum his tuis literis posteritati mandauisse. Equidem fateor, is amici hominis & prudentis viri sermo me magnopere commouit. Cumque multa ea de re inter nos essent dicta: addidissetque ille, existimare sese tibi eam scribendi rationem valde placitum & probatum iri: pollicitus esum, me, quod suadebat atque hortabatur, breui facturum: quod quidem nunc facio. Eas autem ad te Paule potissimum literas mitto: qui & Pontifex Max. es, vt Leo Decimus fuit, & in optimarum artium disciplinis multo, quàm ille, habitus doctior. Vera enim fateri omnes non solum honeste possumus, sed etiã debemus. Præter hæc vt meæ peruerteris in te obseruantia, pietatis, cultus, hos sexdecim epistolarum libros: tot enim sunt: tanquam indices & quasi prædes tu à me primū, deinde cæteri abs te habeant, valde cupio: eaque me cogitatio vehementer delectat. Qui etiam eo iustius ad te libri veniunt omnibus politioribus literis & doctrinis perornatum: quo magis ipsi ea Latine loquuntur: quæ adhuc quidem satis vel inepte, vel etiam perperam, nulla quidem cetera cum dignitate, more exemploque; urbana forensis disciplinæ solita sunt scribi ab epistolarum Pontificalium magistris: qui triginta esse consueverunt. Hæ quoniam epistolæ multas ad exterarum persæpe nationes perferuntur: esse vsui nostra hæc diligentia poterit non hominibus solum nostris, sed illis etiam, ad quos ea non Romane scribendi consuetudo, quod à Romanis Pontificibus proficiscitur, contagionem quandam affert tradentium maiestate fultam & comprobata: vt errare se sic scribentes non existiment. In eo si quid ipsi profuerimus: tibi id vni maxime acceptum referri oportebit: cuius autoritate moti hos & digessimus libros & edidimus. Vale. Idib. Ian. M. D. XV. Patauio.

PETRI

75

PETRI BEMBI EPI  
STOLARVM LEONIS DECL  
MI PONT. MAX. NOMINE  
scriptarum.

LIBER PRIMVS.

LEONARDO LAVREDANO  
REIP. VENETORVM  
Principi.



*T* si non dubito, quin ab Legato tuo ho-  
mine & prudente & diligente ea liben-  
ter intellexeris, quæ hic proxime accide-  
runt: tamen illa ipsa si meis etiam literis  
ad te perferentur, multo tibi iucundiora  
putaui fore. Nam cum Iulius secundus Romanus Pont.  
quem quidem iam ad se reuocare Deus Opt. Max. con-  
stituerat, rebus omnibus, quæ ad breui morituros perti-  
nent, sanctè compositis, ad extremum vnctus Nono Cal.  
Martias de vita placidè constanterq; decessisset: atque  
ego, qui tum Cardinalem gerebam, ceteriq; ex eodem  
collegio principes eius funeri celebrando præstitutum le-  
ge tempus dedissemus, diuinæ mentis auram suppliciter  
precati, quæ incepta nostra cogitationesq; prouoheret,  
vnum in locum in Vaticano conuenimus, vt nouū Ponti-  
ficem more maiorum legeremus. Itaq; quemadmodum  
ei placuit, qui Petrum legit, vt suum vicarium in terris  
gereret, cuius deinceps munus reliqui summi Pontifices  
gereremus, omnium Cardinalium suffragio me in de-  
mortui locum ad diem quintum Idus Martias legerunt,



*Et summum Pontificem creauerunt. Quæ cum ita se habeant, hæc ad te scripsi, non solum vt scires me, qui profecto quamdiu inter Cardinales fui, te, remq; istam publico magno amore sum complexus, à paterni animi beneuolentia atq; officio posthac non discessurum: sed etiã vt te certiozem facerem, magnam me iam spem recte atque cum dignitate rem Romanam administrandi in Senatus tui, qui grauissimus semper est habitus, sapientia, consilijs, equitate, quodq; omnium est maximum, erga nos perueteri constantiq; amore posuisse. Datum prid. Id. Mart. M. D. XIII. Ante coronationem. Roma.*

FRANCISCO GONZAGÆ

MARCHIONI MANTVÆ,

2

*IVLIO secundo Pontifice Max. ex hominibus compositæ sancteq; abeunte, cœlestemq; in patriam à summo reuocato ac restituto Deo, quod quidem Nono Calend, Martias ante lucem fuit, ego & reliqui fratres mei ecclesiæ Romanæ Cardinales, cum ei famus concelebrauissemus, in conclaue vnà omnes secessimus: vbi sacris factis adhibitisq; precibus more institutoq; maiorum, omnibus ad vnum suffragijs ad diem quintum Idus Martias me in eius locum sublegerunt, Pontificemq; Max declarauerunt. Cuius te rei certiozem facere volui, vt quoniam quo tempore in Cardinalum ordine versatus sum, te amari semper equidem plurimum, planè scires atq; consideres, me in posterum etiam omnibus in rebus, quæ ad tuam dignitatem pertinebunt, propensum animum & paternam voluntatem allaturum. Datis Idib. Martijs. M. D. XIII. Ante coronationem. Roma.*

PETRO BIBIENÆ.

3

CVM

CUM ingenium, probitatem, moresq<sup>3</sup> optimos, tum fidem & obseruantiam erga me tuam & iam inde à te sub maiorum meorum clientela susceptam, & post magna cum tua laude multis in rebus declaratam atq<sup>2</sup> adhibitam qui ignoret, nosq<sup>3</sup> cognouerit, esse neminem existimo. Sed quoniam inter reliqua tua in me Cardinalem periucunda perq<sup>2</sup> grata officia ea mihi optatissima fuerunt, quæ apud Venetos, quorum præclara vrbs multos iam annos te continuit, plurima & maxima mihi atq<sup>2</sup> meis præstitisti: nunc quidem, cum summi Dei largitate ac munere ad Petri nauis gubernacula regenda euocatus atq<sup>2</sup> constitutus sum, virtutem & fidem eandem tuam, quas plurimi semper feceram, honestandas mihi esse atque ornandas putavi. Itaq<sup>3</sup> internuntium te meum atq<sup>2</sup> interpretem apud Leonardum Lauredanum Venetorum Principem remq<sup>2</sup> istam publicam atq<sup>2</sup> senatum facio: cui te muneri diligenter administrando, idoneum propter tuam prudentiam, propter verò consuetudinem multorum annorum, quam habes cum ista ciuitate, illi etiam Reipublicæ gratum & optatum magnopere confido fore. Dat. XVI. Cal. April. M. D. XIII. Ante coronationem. Roma.

LEONARDO LAVREDANO

VENETORVM PRINCIPI. 4

IVSSIMVS interpretem apud te remq<sup>2</sup> pub. tuam esse nostrum Petrum Bibienam cum prudentia & rerum gerendarum vsu praditum hominem, tum in primis nobis & probatum & gratum: scripsimusq<sup>2</sup> ad illum ea de re. Quamobrem abs te petimus, vt omnibus in rebus, quas is nostro nomine ad te perferet, eandem illi fidem

Ad 4 habeas,



habeas, quam haberes nobisipsis, si te coram alloquere-  
mur. Dat. 16. Cal. Apr. 1513. Ante coronationem. Roma.

SIGISMUNDO POLO-

NIAE REGI.

5

INTELLEXI magna quidem cum molestia inter  
te atque Albertum Marchionem, ut appellant, Brande-  
burgensem societatis Marianorum Theutonicorum in  
Prusia magistrum, plurimas atque maximas iam inde  
à vestris maioribus ortas atque traditas dissensiones ex-  
titisse: eamq<sup>3</sup> ob rem omnes homines, quibus vestra v-  
triusq<sup>3</sup> rationes atque causa cognita essent, magnopere  
vereri, ne post eum diem, qui dies erit pridie Id. Maias,  
magnum atque apertum bellum inter nos commouea-  
tur, maximisq<sup>3</sup> cum gentium & populorum, qui vestro  
in imperio sunt, detrimentis atque cladibus, exerceatur:  
qui dies praestitutus à vobis fuit, quo die ille statueret v-  
trum à te imperata faceret, an se in libertatem vendica-  
ret. Itaq<sup>3</sup> vel pro mea in omnem Christi populum cura et  
studio, vel maxime pro ea voluntate, quam quidem erga  
te beneuolam et propensam in primis habeo, grauiter tuli  
hoc ingressu atque initio mei Pontificatus certiore me  
fieri, noua iam iamq<sup>3</sup> à vobis bella imminere, nouos ar-  
morum motus, noua incendia excitari: cum illud in pri-  
mis cupiam, eiq<sup>3</sup> rei omnem meam curam & cogitatio-  
nem adhibendam statuerim, ut ea quae dudum succensa  
ardere adhuc flagrareq<sup>3</sup> videntur, bella inimicitiaq<sup>3</sup> ma-  
gnorum principum, modis omnibus restinguantur. Quod  
quidem Dei Opt. Max. auxilio, qui ad se tendentes, seq<sup>3</sup>  
vnum respicientes conatus hominum consiliaq<sup>3</sup> non de-  
serit, breui fore confidebam. Quamobrem paterno te &  
amore

amore & studio esse hortandum putavi, ut cursum atq;  
 impetū irarum tuarum tātisſper ſuſtineres, dum à me le-  
 gatus ampliſſima cū poteſtate iſtuc venit: qui veſtris cau-  
 ſis et controuerſiſ cognitis, quæ aqua ſint, amice ſtatuat,  
 cōcordesq; vos, ſi fieri poteſt, & pacatos reddat. Decre-  
 ui enim meos legatos magnos viros ad plurimas quam-  
 primum nationes mittere. Vel tu, ſi id tibi erit antiquius,  
 rem totam integrasq; parteis tuas Lateranenſi concilio  
 iam incepto agi remittas atq; reſicias: à quo porrò ma-  
 xime conuenit Regum & Ducum & magnorum prin-  
 cipum contentiones controuerſiaſq; terminari. Quod &  
 nobis erit gratius, ut cauſa ipſa, cuius nōnullas ſapius par-  
 tes aliquot ante me Romani Pontifices recte vtrique ve-  
 ſtrum conſulentes attigerunt, Roma per conciliū transi-  
 gatur: & tibi certe cum ad rerum tuarum ſtatum ſecu-  
 ritatemq; conducibilius, tum ad animi tui quietem &  
 tranquillitatem longe aptius, non vnum modo Ro. Pon-  
 tificem, ſed vnā cum ipſo etiam reliquos omnes vniuer-  
 ſamq; Remp. veſtrarum litium, expoſtulationum, diſcor-  
 diarum diſceptatricem extitiſſe: cum exiſtimandum ſit,  
 q̄ totius Reip. oculis perſpecta decernuntur, ea et rectiſi-  
 me conſci, & firma atq; ſolida plane fore. Iniquum eſt  
 etiam et proſecto miſerum, optimas populoliſſimasq; na-  
 tiones, quæ ad Chriſtiana ditionis atq; gloria terminos  
 propagandos vel propter fortitudinē animorumq; robur  
 omnium aptiſſima, vel propter locorum naturam oppor-  
 tuniſſima videantur eſſe: ſuis inter ſe odijs conteri, ſuis i-  
 pſarum ſimulatibus infringi & debilitari. Tum illud ve-  
 hementer timeo, ne ſi vos magnos principes hoſtes perpe-  
 tui noſtri Turcæ, quos habetis finitiſimos, conuerſis contra

vos armis concurrere male animatos senserint, magna ipsi ex ea re latitia voluptateq<sup>3</sup> percepta opperientes; dum vestris cladibus vires opesq<sup>3</sup> vestra fracta ac debilitata sint, vnanimis atq<sup>3</sup> integri vos adoriantur, & magno vestro cum malo, quod Deus omen obruat, Christiano nomini notam aliquam insignem atq<sup>3</sup> perpetuam inurant. Hoc cauere ipse, cui quidem vniuersi gregis mandata cura atq<sup>2</sup> sanatio est, maxime omnium debeo: & profecto cauebo, si te de me, deq<sup>2</sup> re Christiana publica bene merendi studium cogitatioq<sup>3</sup> excitabit: qua nulla esse regibus magis propria, nulla honestior ac plane laudabilior potest. Quod quidem te facturum tua virtute atq<sup>2</sup> prudentia fretus sanè confido. Atq<sup>3</sup> id quo lubentius facis, scire te volo eadem me de re ad Albertum literas daturum, ab eoq<sup>3</sup> postulaturum, vt se contineat. Verum quo tu propter Regiam dignitatem atq<sup>3</sup> amplitudinem apud omnes homines maior excelsiorq<sup>3</sup> es, eo te cupimus priorem facilioremq<sup>3</sup> meis hortatibus praesto esse. Quanto enim te ipse leniorem & placabiliorem mihi & Reip. praestiteris, tanto se Deus omnibus tuis aggrediendis tractandisq<sup>3</sup> rebus magis beneuolum atq<sup>3</sup> propitium adiunget. Dat. 15. Cal. April. M. D. XIII. Ante coronationem. Roma.

EPISCOPO ESERMIAE DESIG.

IULII PONT. MAX. APVD VENETOS internuntio.

6

NE ad te de eo, quod Pontifex Max. factus sum, more maiorum scriberem, nuntij, qui de tua morte ad me allati sunt, sanè fecerunt: quos fuisse falsos, lator, deq<sup>2</sup> incolumitate tua voluptatem magnam capio. Qua scribis



scribis de tui gaudij magnitudine, deq<sup>3</sup> istius vrbis letitia ex summo pontificatu meo percepta, ea nobis gratissima fuerunt: itaq<sup>3</sup> fore pro tua in nos obseruantia, proq<sup>3</sup> eo amore & charitate, quibus semper erga illam Remp. fuimus, certum exploratumq<sup>3</sup> habebamus. Reliquas de quibus scribis, res in tuum aduentum reuicimus. Poteris autem, quoniam audita morte tua Petrum Bibicnā veterem clientem et familiarem meum apud istam Remp. meum internuntium esse volui, ad urbem atq<sup>3</sup> ad me duce isto & Senatu salutato redire. Datum 15. Cal. April. M. D. XIII. Ante coronationem. Roma.

RAIMUNDO CARDONAE

PROREGI, RELIQUISQVE MAGISTRATIBUS regni Neapolitani.

7

CERTIORES facti sumus Selinum Maumethem Turcarum regem classē validam & terrestres copias permagnas, quibus transmissis Rhodum insulam innadat, summa diligentia comparare: praemississe etiam iam nunc naues longas, quas habebat paratas, ad tentandos eius insulae aditus, portusq<sup>3</sup> idoneos capiendos: vt bellum ex sententia conficere facilius atq<sup>3</sup> celerius possit. Quibus rebus cum in tempore occurrere, & societatis Hierosolymitanae de re Romana deq<sup>3</sup> Christiana vniuersa optime merita consulere incolumitati magnopere statuerim, te magistratusq<sup>3</sup> istius regni omnes diligentissime hortor, vt Guidonis eius societatis magistri, & Ludouici Galliae Cisalpinae Prioris eiusdem societatis promagistri, & Fabritij Legati procuratoribus commezatum omnis generis, armamenta, reliquasq<sup>3</sup> res ad munitiōnem & tutelam eius insulae opportunas atque idoneas vestris

vestris ex locis exportare libere permittatis: auxilio etiam, si opus erit, vestro ac diligentia ipsos ad ea quæ volent transportanda iuuetis: vt citius comparare se ad propulsandum bellum possint. Datum 11. Cal. April. M. D. XIII. Anno primo. Roma.

D V C I E T D E C V R I O N I -  
B V S G E N V A E. 8

MAGNOPERE vos hortor: vt Hierosolymitanis militibus, qui duas naues ad bellum idoneas comparandi causa istuc veniunt, omnem vestram operā, curam, studium, auxilium prabeatis, vt celeriter eas naues cōemere, atq; omnibus & ad nauigandum & ad bellum gerendū opportunis rebus ornare atq; instruere possint, seq; ijs insulamq; Rhodum tueri: quam ad opprimendā Turcarum Rex ingentem classem atq; exercitum comparat. Quod quidem eo etiā diligentius facio, vt vos commoneā, quod cognoui fœdere vos atq; sanctionibus inter illam societatem ciuitatemq; vestrā interpositis ad id teneri. Quamquam quidem, quæ rei magnitudo atq; periculum est, ac certe vestra in me obseruantia, planè confido etiam sine vllis fœderibus sponte vos ac libere nobis id petentib; tributuros. Dat. 11. Cal. April. M. D. XIII. Anno 1. Roma.

PROSPERO COLUMNAE. 9

QVOD antea tuo nomine fecerat Fabritius Columna frater tuus, vt mihi, q̄ Pontifex Max. declaratus essem, gratularetur, te etiam per literas fecisse, animiq; tui lætitiā ostendere cumulate voluisse, mihi certe gratissimum fuit: qui & te amaui, & virtutem tuam feci semper plurim: quæ quidem te in primis virtus clarum apud omnes homines facit. Itaq; istam tuam in me obseruantia  
reperi-

repetitā testificationem lato animo accipio. Quod autem scribis te nobis præstò semper futurum, offersq; mihi te amantissimis verbis, velim sic existimes, mihi te & fuisse antea omni tempore charissimum, et nunc ista tua in nos voluntate cognita esse etiā chariorem. Potes igitur, vel debes potius considerare, q̄ ad tuam dignitatem conseruandam augendamq; pertinebunt, ea tibi à me pro mea in te voluntate, proq; mei muneris ratione semper fore paratissima. Dat. 8. Cal. April. M.D.XIII. Anno 1. Roma.

## PROLEGATO PICENI. 10

RENVNTIATVM mihi est, Efinos his proxime præteritis interregni diebus cōtra bonos mores, contraq; iudicia à fratribus meis Bernardino sanctæ Crucis et Antonio sancti Vitalis Cardinalibus facta atq; à Rom. Pontifice comprobata, armatos in agrum Anconitanum hostiliter irruisse, crassatosq; quandiu libuit domum reuerisse: Anconitanos autem & ipsos arma sumpsisse, seq; vlcisci, controuersiasq; cum Efinis suas ferro decernere tentauisse. Quarum rerum indignitatem pro huius imperij maiestate grauitè, vt debui, tuli. Mando igitur tibi, vt magistratui & 10. ciuibus Efinæ vrbs abs te appellandis denunties, ad nos se vt conferant: Anconis item sex, quos voles, ciuibus imperes vt idem faciant, die vtrisque præstituta ad nos veniendi, ac pœna, quanta tibi videbitur, committenda, si non venerint. Dat. 8. Cal. April. M. D. XIII. Anno primo. Roma.

## PAVLO CAPELLO

## VENETO. II

ET si etiam sine tuis literis me ad summum pontificatum Dei Opt. Max. astra prouectū esse te magnopere letari,



latari, pro tua in me vetere beneuolentia facile existimare potuisssem: tua tamen per literas ea de re volaptaris abs te percepta tam illustris significatio mihi gratissima iucundissimaq<sub>3</sub> sanè fuit. Et amavi enim te omni tempore, dum Cardinalem gessi, & abs te amari volui: tuq<sub>3</sub> omnibus in me studys atq<sub>3</sub> officijs functus es et optimi amicissimiq<sub>3</sub> hominis, & grati viri. Illud etiam pergratum nobis accidit, quod scribis ciuitatem istam vestram & Senatum eum nuntium hilari animo priuatim publiceq<sub>3</sub> accepisse. In quo cum ipsi illud egeritis, vt nostro erga vos beneuolo atq<sub>3</sub> propenso animo pares officij ac pietatis partes attulisse videamini, nos id curabimus, quoad Romanæ rei dignitas rationesq<sub>3</sub> patientur, vt nec frustra nec immeritò nos ad nostri Pontificatus nuntium gauisos fuisse perpetuo cognoscatis. Dat. 7. Cal. April. Anno primo. Roma.

GVIDONI MAGNO MAGISTRO, ET CONVENTUI RHODIO. 12

AD diem nonum Cal. Marty iulio secundo Pontifice Max. cœlestibus restituto, quam quidem ille migrationem omnibus sancte obeundi muneribus perfunctus placidè atq<sub>3</sub> constanter pertulit, si atres mei Ecclesiæ Romanæ Cardinales, quorum ipse in collegio tunc eum magistratum exercebam, cunctis suffragys demortui mihi locum atq<sub>3</sub> munus detulerunt, Pontificemq<sub>3</sub> maximum fecerunt. Quæ de re dandas ad vos esse literas duxi, non solum vt de mea declaratione certiores ipse vos facerem, sed etiam vel maxime vt illud sciretis, me pro antiquo perpetuoq<sub>3</sub> vestro in re Christiana conseruanda studio

deo diligentia laboribus atq; in Romanos Pontif. pictate & fide vobis ordinig; vestro nulla in re, que ad vestram incolumitatem dignitatemq; pertineat, defuturum. Caterum ex ijs literis, quas Iulio Pontif. Max. 4. Non. Febr. dedistis, ea, qua Selinus Turcarum rex contra vos insulamq; vestram cogitet, facile cognosci, quantumq; iam longarum nauium, quantum militum habeat in vicinis vobis portubus & locis. Quam quidem vt debui rem grauiter molesteg; tuli. Itaq; cum vestra postulata mihi maxime probarentur, omnibus vestra societatis militibus, qui Rhodi non essent, imperaui, vt ante Cal. Mai. vel ad summum ante Id. Maias se ad vos conferant. Omnes etiam Christianos homines aliquid hoc in bello muneris vobis defendendis hostibusq; vestris propulsandis obeuntes omni animorum contracta labe purgauimus, literasq; ea de re dedimus cōceptis verbis: quos quidem fore permultos, expectationemq; hominum longe superaturos puto. Legatum praterea vestrum cum duabus nauibus magnis commeatu, armamentis, rebus bellicis omnibus, et bono in primis milite optime instructis ad vos propediem transmittam. Hortor aut vos, vt forti atq; inuicto animo huius belli rationē administretis, meminertisq; quantam quamq; veram gloriam maiores vestri Rhodo insula ab exercitibus clasibusq; Sultani huius Selini aui defensa sint consequuti. Quo in bello quoniam pietatem, quoniā Christi rem, quoniam Dei Opt. Max. causam defenditis, sperandū certe est, omnia vobis prospere atq; feliciter euētura. De me verò ita vobis ipsi pollicemini, vel potius plane recipite, pro istius insula vestraq; societatis defensione me omnes meas vires, opes,

omnium

omnium studia prompturum, in vnumq<sup>3</sup> collaturum. Extremum illud est, vt me de rebus singulis, quæ istic agantur, certio rem quam creberrime quamq<sup>3</sup> diligentissime faciat. Dat. 7. Calen. April. M. D. XIII. Anno primo. Roma.

THOMAE CAMPEGIO

EPISC. FELTRINORVM DESIG.

internuntio apud Ducem Mediolanensem.

ET magna nobis beneuolentia Cardinalem gerentibus cum Palauicinorum familia intercessit: & nunc Dei benignitate ac munere ampliori loco positi eius ipsius gentis erga nos Romanosq<sup>3</sup> pontifices egregia promerita memoria repetentes, illud in primis magnopere confidimus, ad nostrorum oppidorum Parmæ Placentiaq<sup>3</sup> conseruationem & incolumitatem eam familiam magno esse vsui semper posse, magnoq<sup>3</sup> ea de causa eius familiae fidem & diligentiam nobis adumento futuras. Itaq<sup>3</sup> Galeatium Palauicinum in nostris nobis militibus placet esse, & cataphractis equitibus centum præesse: eiq<sup>3</sup> ea stipendia dari volumus, quibus eum militum numerum alat, quæ dari nostris totidem equitum præfectis consueuerunt. Quos quidem centum equites celeriter ab illo confici magnopore cupio: vt minus moræ sit, dum se vtiliter gerere, nobisq<sup>3</sup> præstare esse possit. Hanc tu illi rem significabis meis verbis: quemadmodum etiam Iulius Medices Archiepiscopus Florentinorum designatus & Bernardus Bibiena Quæstor noster his de rebus diligentius ad te perscribent. Dat. 4. Cal. April. M. D. XIII. Anno primo. Roma.

MARCO



ET animi tui præstantiam & fidem erga me Romanosq; Pontifices tuam, omnibus in rebus facile cognoui. Itaq; te de altera facio equidem plurimi, virtusq; tua nobis antea probata & cognita eo nunc & optatior est & iucundior, quo ad voluntatem illam meam, quam tibi dudum perspectam esse non dubito, amplificandi dignitatem tuam, Deus Opt. Max. etiam facultatem adiunxit. De altera nihil miror, qui antehac & huius reipublice maiestatem omni semper studio ac pietate fueris prosequutus, & nos amaueris, eandem te habere nunc, vel etiam propensiores in utresq; voluntatem: cum & tui amantes nos ampliori loco positos, et illam ad hominis tibi amicissimi curam, & procuracionem videas peruenisse. Ceterum de militum numero in ista vrbe nobis charissima retinendo, reliquisq; de rebus, quæ scribis: ea nobis omnia valde probantur. Iis de rebus quoniam literas ad Episcopum Pola Bononia magistratū dedi: eas ad literas te remitto: ex quibus ea, quæ per vos curari atq; administrari volumus, perspicias. Dat. V. Calend. April. CIO. IO. XIII. Anno primo. Roma.

## RAIMUNDO CARDONAE

Proregi Neapolis.

15

INTELLEXIMVS oppidum nostrum Regium Lepidi de re Romana optime meritū propter plurimas grauissimasq; ea in vrbe atq; agro multorum exercituum moras, quas aliquot annos pertulit ita fessum laboribus, ita iam exhaustum impensis ac prope consumptum esse: tuos vt milites, quos Regij & in Regiensi habes, a-

B lere

lere ulterius non queat. Quamobrem ego? Qui eam ciuitatem valde diligo, incolumemque esse, quanquam hoc quidem fieri iam vix potest, maxime cupio: te etiā atque etiam hortor, vt ad tua erga nos nondum hoc loci postos plurima illustra<sup>q</sup><sub>3</sub> promerita hoc etiam adiungas: quod quidem nobis erit maximum atque luculentissimū vt ex eo oppido atque agro tuos milites deducas: ne Regienses pro suo erga nos studio vltima se damna pati sentiant: difficilimoque tempore suis precibus apud me nullum esse locum conquerantur. Id tu si feceris, tam nobis erit gratum, quam si tantundem atque etiam eo amplius oneris Romæ ipsi detraxisses. Dat. tertio Cal. April. M. D. XIII. Anno primo Roma.

## MAGISTRATIBVS RE-

gij Lepidi.

16

ET fides ergo Romanos Pontifices, & pietas erga nos vestra, quas quidem multis in rebus perspeximus, nobis gratissima iucundissima<sup>q</sup><sub>3</sub> ceciderunt. Itaque scire vos volumus, istam nobis ciuitatem vos<sup>q</sup><sub>3</sub> singulos plane charissimos esse: incolumitatem<sup>q</sup><sub>3</sub> vestrā, & fortunas omneis eò à me studio defensum iri, vt vos vestri officij nunquam pœniteat. Quod cum faciam, ad eam procurationem, quam prestare omnibus ijs, qui ad huius rei pub. fidem se contulerunt, eiúsque sub tutela sunt, pro cura magistratus mei magnopere debeo, propriam etiam voluntatem erga vos amorēque præcipuum & germanum adiungam. Quod attinet ad Neapolis proregis milites à vestra vrbe vestroque agro deducendos, scripsimus ad illum hac de re diligenter: confidēque vos ea, quæ vultis, consequuturos. Prid. Cal. April. An. i. Ro.

ANTO-

EPISTOL. LIB. I.  
ANTONIO CARDONAE

Marchioni Padulae.

79

17

PROCVRATORES Regiensium, quorum ciuitatem optime de rep. esse promerita omnes homines intelligunt, apud me conquesti sunt, propterea quod annos alii quot plurimorum exercituum, & impressiones exceperunt & moras pertulerunt, ita se nunc attritos, ita plane confectos esse, ut Proregis Neapolitani milites ferre alereque nullo modo possint. Itaque a me precibus omnibus orantes obsecrantesque contenderunt, ne pro suis erga nos fidei, obseruantia, studiorum, laborum meritis damna ultima perpeterentur dare operam, eam urbem atque agrum uti Prorex suis militibus subleuaret. Id ille ni faceret, quo pacto quaque via tantum ipsi oneris sustinere, tantum perferre calamitatis possent, plane affirmarunt se nescire. Eas ego preces, ut debebam, pro cura pontificatus mei proque mea in illos charitate neque inanes esse neque irritas cum magnopere cupere, acquisitima. non postulabant, literas ad Proregem dedi ea de re quam potui studiosiores & diligentiores. Quam quidem tametsi confido, quemadmodum saepe mihi alias, dum Cardinalem gerere, plurimis maximisque in rebus satisfecit, ita nunc etiam pro sua in me obseruantia facile, qua volo, esse facturum: cupio tamen, magnopereque abs te peto, ut re apud illum iuuentutem illa mirifica prudentia incredibilique lenitate, quibus quidem virtutibus magnopere abundas, hac in re sic utare, ut quae ipsum per se facturum puto, te hortatore libentius atque celarius faciat: praedemque te illi des, id ab eo si consequemur, permagni nos eam rem beneficii loco esse habituros. Tibi quidem certe tantum debebo

B 2 ut ad



vt ad meum pristinum erga te amorē necessitudinemq;  
nostram magnus cumulus sit accessurus. Dat. Prid. Cal.  
April. M. D. X I I I. Anno primo. Roma.

## I V L I A N O M E D I C I

Fratri Florentiam,

18

E X tuis literis intellexi, te à legato istius Reip. atq;  
tuo, qui apud Ludouicum Regem Gallorum est, certio-  
rem esse factum, de summi pontificis munere mihi cre-  
dito Regem illum magnā latitiam cepisse: deq; me mul-  
ta grauissimis amantissimisq; verbis fuisse loquutum.  
Quaēq; idem Rex de te cum illo egerit summa cum tua  
dignitate & illustri testificatione amoris erga te sui,  
quantumq; tibi tribuerit, libentissime cognoui. Iucunda  
etiam mihi fuit voluntas, quā prae te fers, gratum te ei  
atq; memorem illius in te beneuolentiae ostendendi: ra-  
tionesq; tuae, quibus me de tractanda pace vti cogitem  
hortaris, multa illae quidem prudenterq; collectae, mihi  
magnopere probantur. Quibus de rebus omnibus hoc te  
primum scire volo nullam me ad rem tā prouum tamq;  
propensum esse, quā ad omniū Christianorū principū  
animos sanctissimis concordiae vinculis colligandos inter  
seq; cōglutinandos, nihil plane tam cupere, quā pacē.  
Quā quidem si pacem omni tempore humelioriq; in for-  
tuna summopere cōcupiui, cuius tu mea voluntatis opti-  
mus atq; locupletissimus esse testis potes, certe nūc Pon-  
tifex maximus, cum Christi vicariū gero, qui pacis fons  
atq; autor pacē hominibus diligentissime cōmendauit,  
multo magis eam velle, multo curare impensius debeo.  
Neq; mea ē memoria excidit, quantum Rex te amaue-  
rit, cū in Galliam turbulentis illis nostris temporibus te

con-

contulisses, quòue loco apud se habuerit: quanta semper etiā in Gallorum reges cū patriā, tum familia in primis nostrā obseruātia exstiterit: in qua manere te, modo cū dignitate fiat, nō solum volumus, sed etiā optamus. Eorundem Regū quanta fuerint in rem Romanā merita, quanta huius ipsius, non sum oblitus. Ipse quoq<sup>3</sup>, si per illum non steterit, omnia ei paterna officia ita sum praestaturus, vt quae tu, quae familia nostra reliqua illi debet, etiā persolvere videamur voluisse. Quod si, vt scribis, eius animus ea quae recta sunt cogitat, facile et ipsi inter nos conueniemus, & tu, quae vis hac in re quaeq<sup>3</sup> optas, assequere: tuamq<sup>3</sup> apud me autoritatē, tuas cohortationes plurimū valuisse cognosces. Vnum illud cogitare te est aequissimum: vt quoniā rex te internuncio vti apud nos voluit, non tu illum minus ad bene de nobis merendum tuis literis excites, quā me ad illum amantiſſime complectendum es cohortatus. Extremū est, de quo te regē certiorē facere plane volo, vt intelligas me daturū operā, vt illum de pontificatu meo gauisum fuisse, nunquā pœniteat: praesertim si aequus atq<sup>3</sup> honestas, hoc est cum huius reip. maiestate coniunctas pacis condiciones proponet. Dat. prid. Cal. April. M. D. XIII. An. primo Ro.

ANTONIO CARDONAE

Marchioni Padulae.

19

TV I praesentis ijs tractandis rebus, quae ad te magna ex parte pertinent, valde egeo. Itaq<sup>3</sup> te hortor, quod bona cū venia Proregis Neapolitani fieri possit, ad nos venias. Dat. Cal. April. M. D. XIII. Anno primo. Roma.

RAIMUNDO CARDONAE

Proregi Neapolis.

20

B 3 Quo-

**Q**VONIAM cum Antonio Marchione, sic enim appellant, Padula quadam nobis tractanda sunt rationem stipendiorū & conditiones ab eo cum Florentinis ineundas firmandasq; spectantia, te hortamur, quatenus sine tuo incommodo fiat ei permittas, ut ad nos se conferat. Dat. Cal. Apr. M. D. XIII. An. primo Roma.

### VLADISLAO PANNONIAE

Boemiæq; Regi.

21

**N**VNTIATVM nobis est, certos Boëmorum militum duces magnis pollicitationibus per fautores scismatis excitatos bellum cogitare: quo bello scismaticis auxilio sunt, cumque ijs coniuncti populos recte sentientes, quiq; nobis parent, aggrediantur, remq; Christianam exagitent atq; perturbent. Id ipse agre molesteq; ferens, qui quidem à Deo vocatus, ut Christi vicarium geram, Christiani gregis incolumitati salutique consulere in primis debeo, magnopere te hortor, abs te que amanter ac vere paterne peto, ut eos Boëmorum motus comprimas, ardoremque animorum malis artibus sollicitatū restringas, ducesq; illos in officio contineas. Nā si se scismaticis adiunxerint, praterquam quod pœnam à Iulio secundo Pont. max. scismaticis constitutam ipsi committent, ego etiam pro mei officij ratione, quin eos sacris interdiciam, pœnisq; grauissimis dedam, facere nō potero. Erit itaq; optimum, ac propter tuā & eximiam in rebus omnibus prudentiā & perpetuā in Roma. Pont. pietatem expectatum abs te, vel plane etiam postulatū, & tum illis salutare, tum tibi ad laudem & gloriā amplissimam, des operam, ut Boëmis meliora cogitantibus facilius cōtra hostes Christiani nominis nostra arma cō-

uertā



ueri possint. Id si feceris, cum nobis, qui propenso animo erga te atque beneuolo sumas rem gratissimam facies, omniaq; ad tuā dignitatem atq; amplitudinem ornandam nostra studia confirmabis: tum de hac Repub. cuius nomen regibus praeipue sanctissimum debet esse, longēque commendatissimum, bene ampliterq; promererebere.

Dat. Cal. April. M. D. XIII. Anno primo. Roma.

## SIGISMUNDO POLO-

niæ Regi.

22

POST eas literas, quas proxime ad te dedi, Maxilianus designatus Romanorum imperator mihi per literas & per legatū suum significauit, Regni sui ac totius Germaniae permagni interesse, ne Marianorum Theutonorum societas vlla in re vel armis vel etiā concordia nomine abs te laedatur. Itaq; à nobis petijt, quorū auctoritatē apud omnes nationes maximi fore non dubitabat, curaremus eam rem, ut q; ea controuersia, quæ inter vos sunt, aut iudicarentur, aut certe suscinerentur, efficerentur. Quamobrē ego, qui antea illis tantummodo de causis, quas ad te perscripsi, vehementer optabā, ut vel meo Legato, quem istuc mittere decreui, vel sacro Lateranensi consilio, quod mihi magis probabatur, causam totā cognoscendam terminadāq; remitteres: nunc quidem, cum à Maximiliano certiores facti sumus ad se suūq; imperiū atq; ad omnes Germanos eas controuersias pertinere, petatq; à nobis ut pro nostra officij cura demus operā, ne quid ex ijs controuersijs detrimenti Christiana Resp. capiat, te magis magisq; hortari et monere volui, abs teq; pro meo in te amore, proq; tua in illū quem gero Christi vicariū obseruantia iā & petere, &

liberius contendere, velis tuam causam, vt maiori cum dignitate transigatur, à Lateranensi consilio oognosci & terminari. Primū enim tua, deinde imperatoris totiusq; Germania demum etiā nostra maxime interest, quibus quidē ea societas præcipue subest, ei societati præ iudiciū nō inferri vllō modo. Cogitare etiā illud debes, firmā quidem inter vos concordia rationē posse nullam inueniri, uellam esse pacē, nulla fœdera diutius perman- sura, quæ non in eorū omnium, quorū interest, consensu voluntateq; sanciantur. Id autem, nisi Roma confici- tur, quo pacto fieri apte possit, plane non video. Quam- obrem si in eam cogitationem diligentius incubueris, vt des operam, ne frustra scripsisse, ac temere in nostris hortationibus spem hac vt volumus transigendi posuisse videamur: de ipsa certe Repub. deq; nobis bene te esse meritum, & ipse profitebor, & tu senties. Dat. Calend. April. M. D. XIII. Auno primo. Roma.

## H E N R I C O R E G I

Britanniæ.

23

ET si ea, quæ de tua religione atq; in hanc Rempub. nosq; ipsos propensa præstantiq; voluntate, deq; tuis plurimis egregijsq; virtutibus Episcopus Vnigormiensis Legatus tuus quotidie cōmemorat, mihi per se gratissi- ma iucundissimaq; sunt: tamen illa ipsa gratiora etiā et iucundiora efficit eiusdem oratoris probitas, prudentia, virtus, atq; is, quo illum amplexus magnopere sum, a- mor charitasq; mea prope singularis. Itaq; cum de te ea, qua volo, quæq; de Rege præstātissimo magnaq; spei adolescente possunt dici, libenter ex audio: tum propte- rea, quod ab homine nobis amicissimo, & virtute prædi-

to tua

to tua virtutes predicantur, vberiore[m] ea res nostram  
eam voluptatem facit. Spem enim capio fore, vt, quo-  
niam, animi tui magnitudinem atq[ue] praestantiam cum  
egregia in Deum Opt. Max. pietate, in Romanos Pon-  
tifices obseruantia maxime coniunctam & consociatā  
esse intelligo, & tu de tuis virtutibus vberrimos iucun-  
dissimosq[ue] fructus, & Christiana Resp. de te magnos pro-  
uentus, egregia incrementa, illustres vtilitates sit per-  
ceptura. Quam te cogitationē incumbere noctes atque  
dies decet, vt in ista adolescentia florentiq[ue] tua aetate  
ea fundamenta iacias virtutis & probitatis tuae, quibus  
reliqua aetas omnis egregie praeclareq[ue] nitatur. Quod e-  
rit, si in huius pontificatus obseruantia non modo perma-  
nebis, sed etiā in dies singulos magis magisq[ue] te accen-  
des ad eius dignitatē maiestatē gloriā tūendam, & au-  
gendam. Id cū vt spero, ipse feceris, curabo profecto ego  
enitarq[ue], vt ea tibi à me ornamenta proficiantur, qui-  
bus latari facile possis te eiusmodi cogitationes suscepisse.  
Hac autē, atq[ue] his lōge plura, de q[ui]bus mea nō solum spe,  
sed etiā erga te mente, quanquā multa cum oratore  
tuo egerim, in meas tamen etiā ad te literas partim eo-  
rum aliquā facile conieci, vt ibi ipse omnia de me pater-  
na officia polliceri vberius, & cumulati[us] posses. Reliquū  
est, vt intelligas, eundem ipsum oratorem tuum, quem tū  
etiā, cum fortuna leuiore nitebamur, vnice semper dile-  
ximus, nunc, quia is egregiā tibi singularemq[ue] operam  
praestat, à nobis etiā impensus amari. Eius enim & pru-  
dentiam atq[ue] agendis rebus probitatem cognitā perspe-  
ctamq[ue] habuimus iam inde ab illis temporibus, cū is viri  
clarissimi patris tui istiusq[ue] regni res negatioq[ue] procu-



rabat summa atque mirifica diligētia: & postea ex aduersis eius turbulentisque rebus, quæ sunt illa tempora consecuta, magnam molestiam cepimus: vt q̄ hominis plane probi et nobis amicissimi agre molestē que tulimus illam calamitatem. Quas ob res atque causas omnis cū eum tibi esse charissimum existimem, illud magnopere cupio, vt mea commendatione tibi sit etiā charior, omnibus q̄ in rebus, quæ ad eius dignitatem pertinebunt, quibus in rebus ei asperare prouehere q̄ illum possit aura studiij & fauoris tui, quæ quidem res erunt semper plurima atque maxima, & fidem illius erga te & meam in illum beneuolentiam charitatemq̄ recordere. Dat. 3. Non. April. M. D. XIII. Roma.

## SACRIS VIRGINIBVS

muratarum Florentiæ.

24

NVM MOS aureos ducentos procuratori vestro curari iussi, munus quidem pro mea in vos voluntate sane pusillum: sed hoc leuius initium meā erga vos liberalitatē promendi vberiores in dies largitiones consequentur. Vos tantū & hortor singulas, et amanter ac paterner rego, Deo opt. max. beatissimāq̄ matri semper virgini, quibus quidam vestras preces esse gratas, et probatas puto eo nomine gratias agatis, quod me nihil omnino de sese meritum sui vicarij filij gerere in terris voluerunt, atq̄ in huius pontificatus tam illustri fastigio collocauerunt. Qua quidem in statione atque munere me vt excellent ad ea & cogitanda, & procuranda, quæ suæ maxime voluntati consentanea sciunt esse, vt ab ijs suppliciter petatis, ego à vobis diligenter peto, & postulo. Dat. 3. No. April. M. D. XIII. Anno primo. Roma.

RAI-

EPISTOL. LIB. I.  
RAIMVND O CARDONAE

27

Proregi Neapolis.

25

G A L E A T I V M, Antonij Mariam, Octavianū, & Christophorum fratres Marchiones Palauicinos, quorū egregiam erga Romanos Pontifices fidem, & obseruatiam plurimis in rebus perspexi, tibi magnopere commendando: hortorq; te, vt omnibus in rebus, quae quidem ad dignitatem eorum commendaq; pertineant, eos eorumq; necessarios tue aere: cogitesq; si vniuersam illam familiam charissimā habueris, teque illi commodum beneuolumq; prabueris, te mihi rem gratissimā esse facturum. Dat. 3. Non. April. M. D. X I I I. An. primo. Roma.

MAXIMILIANO MARIAE.

Mediolanensium Duci.

26

ET antehac Galeatij, Antonij Mariae, Octavianij fratrum Marchionum Palauicinorum, vniuersaq; eorum familia in hanc Rempub. pietas perspecta et cognita nobis fuerat, cum in Cardinalium collegio versaremur: et nunc plane illam illustriorem fecit Christophorus eorū frater: qui accepto de Pontificatu nostro nuncio ad nos se contulit: ostenditq; quanti nos faceret multis amantissimisq; verbis. Itaq; eos ipsos, necessariosq; eorū omnes summo opere diligimus, charissimosq; habemus, & certe sumus habituri. Hac ideo scire te volui, vt tametsi considerem vel propter familiae splendorem, vel per sese charos tibi eos fratres esse, haberes tamen ipsos multo etiam meo nomine chariores, omnib;que eorum in rebus amoris erga illos meo tantum tribueres, quantum pro ea, quae te amplector, charitate ij, qui mihi sunt charissimi, expectare à te non temere possunt. Itaque eos  
tibi

tibi omnes commendo maiorem in modum: vt q<sub>3</sub> ipsos  
mea causa perhumaniter amplectare, plane abs te peto.  
Erit id mihi sane gratissimum. Dat. tertio Non. April.  
M. D. XIII. Anno primo. Roma.

Ferdinando Hispaniæ Regi.

27

PRAETER eam, quam tu quidem omni tempore  
Romanæ Reip. fidem pietatemq<sub>3</sub> præstitisti, pro cuius au-  
toritate maiestatiq<sub>3</sub> defendēda plurimas grauiissimasq<sub>3</sub>  
contentiones non es veritus subire atq<sub>3</sub> suscipere: præ-  
terq<sub>3</sub> illam singularem beneuolentiā, qua nos à mea, fa-  
miliā vero nostrā ab ineunte tua ætate es prosequutus:  
ea etiam res non delectat, quod qui me leuioribus in for-  
tunis degentem semper iuuiisti, maioremq<sub>3</sub> esse voluisti,  
eundem te nunc, cum quidem hoc in statu & dignitate  
summi Pontificatus Dei Opt. Max. clementia nos collo-  
carit, libentiori animo confidimus omnia curaturū, quæ  
ad nostram cum huius imperij maiestate consociatā di-  
gnitatē tuendam amplificandamq<sub>3</sub> pertinebunt. Itaq<sub>3</sub>  
inter alia, quæ mihi quidem pro mea pietate voluptati  
atq<sub>3</sub> lætitiæ sunt, tuū & in Romanos Pontifices animū,  
& in me amorē in primis pono. Sed & hæc, & alia plu-  
ra cum Hieronymo Vicco Legato tuo homine singulari  
prudētia prædito nobisq<sub>3</sub> gratissimo communicauimus;  
qui ad te omnia diligenter perscribet. Ea tu intelliges:  
et abisq<sub>3</sub> operam, vt quæ ad Petri nauis tranquillum pro-  
sperumq<sub>3</sub> cursum pertinent, ita cogites, vt tuam veterē  
in Christi vicarios pietatem nobis in puppi sedentibus e-  
tiam auxisse videare. Ego certe nulla in re dignitati,  
amplitudini, gloriaq<sub>3</sub> tua deero. Dat. prid. Non. April.  
M. D. XIII. Anno primo. Roma.

Ber-

EPISTOL. LIB. I. 29  
BERNARDINO SEVERINI  
Bissinianorum Principi. 28

QVAM mihi tuo nomine reddidit Manna pixidem  
miles Hierosolimitanus Vincentius, ea sanè munus qui-  
dem & per se elegans, & mihi gratum fuit Vincentiū  
etiam, vt veterem familiarem meum, quemq; in primis  
diligō, & vidi ipsum libenter, & quæ abs te attulit co-  
gnoui diligenter. Quibus in rebus ab eo meum consiliū  
intelliges. Dat. 8. Id. April. M. D. XIII. Anno. I. Roma.

IOANNI BOIARDO

Regiensi. 29

EA quæ tu his diebus proximis & amanter, & forti  
magnoq; animo egisti ista in ciuitate mihi charissima,  
deq; me optime merita in officio retinenda, mihi sanè  
gratissima ceciderunt. Itaq; te de hac tuâ tã præstanti  
voluntate vehementer laudo, fidemq; & probitatē tuā  
facio plurimi: scireq; te volo, tuam mihi rem, dignitatē  
familiam, tuos omnes magna cura et esse nunc, & sem-  
per fore. Modo tu, quod reliquum est, eundem te in po-  
sterum, qui quidem adhuc fuisti, tuūq; similem & ger-  
manum præsta. Porro beneficium optime te posuisse co-  
gnosces. Dat. VII. Id. April. Anno primo. Roma.

THOMAE CAMPEGIO FELTRI-

morum episcopo, & Cornelio Galanti  
meis apud Ducem Mediolanen-  
sium internuntijs. 30

MANDAVI Bernardo Bibiena Quæstori meo,  
scriberet ad vos ea, quæ scribenda erant hoc tempore:  
& erant illa quidem non minimi ponderis. Quamobrē  
eius literis fidem omnem habebitis: quæq; volo per vos  
fieri



fieri, sic ea conficietis, vt de vestra diligentia & studio  
vos & laudandos & ornandos putem. Dat. VI. Id.  
April. M. D. XIII. Anno primo. Roma.

# PETRI BEMBI EPI

## STOLARVM LEONIS

### DECIMI PONT. MAX.

Nomine scriptarum.

### LIBER SECVNDVS.

### PETRO BIBIENAE NO-

stro apud Venetos internuntio.



LLATVM ad nos est, Senatū istum  
Venetum remq<sub>3</sub> publicum Ludouico  
Gallorum Rege fœdus percussisse, pa-  
ctionesq<sub>3</sub> inter se atq<sub>3</sub> illum firmanis-  
se. Ea de re quoniam neque ab Legato  
Veneto neque abs te verbum vllum: esse autē ita de ista  
Rep. meriti videbamur, vt celari ab illa tantis de rebus  
non debuissimus: vera esse qua feruntur non existimo.  
Quia verò à multis magnis illis quidem & probandis  
aut oribus nuntiantur, nullam illis fidem adhibere plane  
non queo. Itaque, quoniam res est eiusmodi, vt maxima  
momēta videatur habitura, maximasq<sub>3</sub> & periculosis-  
simas rerū conuersiones allatura, has ad te litteras per  
meū tabellariū magnis itineribus perferri volui: tibiq<sub>3</sub>  
mando, vt ab isto Senatu, in cuius quidem & erga Ro-  
manam Remp. illustri obseruantia, & erga me spectato  
perueteriq<sub>3</sub> amore multū confido, cures ea te de refieri  
quā diligentissime certiorē: ipsumq<sub>3</sub> horteris ad om-

res suas cogitationes nobiscum communicandas. Esse enim illi exploratissimū debet, suam sibi incolumitatē dignitatē prope nō maiori cura esse, quā sint mihi. Quibus de rebus omnibus per eundē tabellariū ad me rescribes, quæ cognoueris: dabisq; operam, ut is ad nos quāmo-  
cissime reuertatur. Dat. quinto Id. April. M. D. XIII. Anno primo. Roma.

## GVIDONI MAGNO MAGI-

stro &amp; conuenruj Rhodio.

2

VINCENTIVM equitem Hierosolimitanum veterem familiarem meum vnice diligo: eius etiam, & opera & fide, & vtor multis in rebus hoc tempore, & vti in posterum cogito. Itaque esse illum iussi apud me. Qua de re certiores vos fieri volui, ut, si is cum reliquis vestra societatis militibus, qui quidem ad defendendam Rhodum preesto vobis esse compelluntur, non erit, culpam in ipsum ne vertatis, neue poenis in illos à vobis constitutis, qui edictis vestris non paruerint, eum multandum statuatis, sed potius vti mea causa manere hic iussu a quos vos illi atque beneuolos prabeatis. Erit id nobis gratum. Dat. quarto Id. April. M. D. XIII. Anno primo. Roma.

## RAPHAELLO BESALV ET

socijs apud Venetos Mercatoribus.

3

MANDO vobis, ut omnem pecunia summam quā habetis ex rationibus Michaëlis episcopi Metropolitani, cum Petro Bibiena internuntio meo quāmprimum car-  
retis. Dat. 3. Id. April. M. D. XIII. Anno primo. Roma.

## ANTONIO MARIAE

Marchioni Palauicino.

4

IVAM

TVAM quidem & fratrum tuorum atq; vniuersa prope familia gentisq; vestra in summos Pont. fidem & pietatē, multis illam quidem in rebus mihi antea plane cognitam, nuper ex oratione Christophori fratris tui etiam libenter agnoui. Amorem autē & beneuolentiam officiaq; vestra, quæ quidem in me nondum Pontificem max. multa et præclara contulistis, non tã ex ipsius verbis, parce enim et pudenter eam rem attigit, quàm meo more illum intuens sum recordatus. Itaq; vos omnes, teq; in primis cū propter meas rationes, tum vestra ipsorum causa valde amo, habeo que charissimos. Tuã verò præcipue virtutem etiam ornare magnopere cupio. Itaq; cū primū se occasio dederit, vt militum res Romana indigeat, te vocabo, & in nostris exercitibus loco egregio habere, tuamque dignitatē amplificare in primis curabo, quanquàm etiam fratres tuos eo tempore inornatos non relinquam. Hanc meam voluntatē latere te nolui, vt scires non solum amari te à me, sed etiã tuos omneis, teq; in primis magna mihi cura esse. Dat. tertio Id. April. M. D. X I I I. Anno primo. Roma.

Ioanni Paulo Balioni.

§

MITTIMVS Perusiam Mathæum familiarem, nostrum ad perquirendum Nicolaum Foroliuiensem, quē isthic latere certiores facti sumus, curandumq; vt is in custodia quàm primū fieri potest, habeatur. Quamobrem magnopere te hortor, pròque nostra dignitate etiam atq; etiam moneo, vt Mathæum cura, studio, fauore tuo iuues, omnib;que in rebus illi præsto sis, vt facilius atq; celerius, ea, quæ volumus, curare atque consicere possit. Dat. Prid. Id. April. Anno primo. Roma.

Fraus

ET diligentia tua in nostris mandatis peragendis,  
& Bretinori Decurionum alacritas & fides in illis accipiendis, mihi probatur. Quamobrem ad eas, quas ad me dedisti literas ita tibi respondeo, vt si tibi à Bretinorianis satisfactum abunde est, culpamq; ab ijs ex eo tēpore, quo te Bretinorum misimus, abesse cognoscas, Praefecto nostrorum militum, ipsisq; militibus mandes, vt ad Bretinorum ne accedant, neue in agrum Bretinorianum impetum faciant: & si qui in eo nunc sunt, vt inde quāprimum decedant, eorumq; res intactas post hac, atq; ipsos incolumes sinant esse. Id ni fecerint, mulctam, quā voles, eis statuendi tibi ius facultasq; esto. Quod verò attinet ad priorem eorum in nos mandataq; nostra temeritatē, & arrogantiam, ea de re volumus, vt Episcopus Polæ Bononiæ magistratus iudicet, condemnetq; illos, vti sibi equū, & iustū videbitur. Alexandrum autē, quem istuc in custodia scribis esse, eidem magistratui mittes, vt is de eo modis omnibus querere possit, quæ sunt quarendā, & statuere, quæ statuenda sunt. Quibus tu confectis rebus, & rectē vt volumus cōstitutis ad nos te referes. Dat. Id. April. M. D. X I I I. Anno primo. Roma:

ALTOBELLO EPISCOPO

Polæ Bononiæ Magistratui.

7

DE Alexandro Nauio, quem ad te in custodia mitti iussi, diligenter abs te questionem haberi volo, ad veritatem admissi facinoris inuestigandam: quo rectius quæ aqua sunt, decernere atq; statuere possis. Eius potestas tibi fiet à Francisco Pulica internuntiō apud Bretino-

Et mandis



*rianos meo: ad quem literas dedi ea de re. Id tu pro tua diligentia curabis: meq<sup>3</sup> facies de eo, quod egeris certior rem. Præterea quoniā Nicolaū Foroliuiensem esse Perusia intellexi, isq<sup>3</sup> se vnā cum Ioanne Paulo Balione, qui est propediem ad Venetorū castra profecturus, fortasse in viam dabit, vt se in tutū recipiat, iterq<sup>3</sup> ista faciet: mando tibi, vt diligenter illum inuestigare ac perquiri cures. Qui si in illius comitatu erit, des operam, vt vel à Balione ipso tibi dedatur, vel à te intercipiatur. omnibusq<sup>3</sup> modis caueas, ne elabi subterfugereq<sup>3</sup> te possit. Caterū tua prudentia permitto, vt prioris Bretinorianorū in nos audacia & sceleris de ipsis sumere pœnas possis. Aequū est autē, illud te prius diligenter inspicere, metūne illi nostrorū militū tuos admittere ad sese homines, tua facere mandata recusarint. Id si ita est, ignoscere te eis volo, nec seuerius quicquā in eos decernere. Sin aliter se res habet ex nostra dignitate negotiū administrabis, quemadmodum tibi aequū & iustum esse videbitur. Dat. Id. April. M. D. X I I I. Anno primo. Roma.*

FRANCISCO MARIAE, VRBINATIUM Duci Urbis & Reipub.

militum Præfecto,

8

*ET virtus & diligentia in regendis exercitibus tua, egregiaq<sup>3</sup> in nos obseruantia, amor etiam erga familiā nostram tuus, qui profectò dum nos ipsi in collegio Cardinalium versaremur, omnibus in rebus semper enituit, nunc quidem, cum Dei Opt. Max. benignitate summus nobis Pontificatus creditus delatusq<sup>3</sup> est, nos admonent, vt te ijs ornamentis afficiamus, quibus à nobis non præteritus hoc ingressu nostri muneris videri possis. Itaque nobis-*

nobismet ipsi pollicentes, eundem tuum animū, eandem nobis fidem posthac non solum præstitum abs te, sed augmentum etiam & cumulatū iri, neq; modo adolescentiā, sed virtutes etiam tuas suum certe robur incrementūq; capturas, quo eras loco & statu apud Iulium patrum tuum, qui Pontifex Max. ante nos fuit, in eodem etiam apud nos esse te volumus, tibiq; imperium nostrorū exercituum, quo cum imperio nunc es, in annum quidem proximum certe, in alterum autem, quoad nobis libet extendimus & prorogamus, cum eadem, quam habes, turma ducentorum equitum cataphractorum, & levis armaturæ equitum centum, eodemq; ad eos alendos stipendio tibi solito dari nummū aureorum tricies mille, ad te verò ipsum decies & ter mille atq; octingentorum quadraginta quatuor. Quod quidem certe munus mea in te benevolentia si vt libenti animo tibi à me deferretur, ita tu eo munere gnaviter atq; strenuè fueris usus, quemadmodum planè confidimus te facturum, non vereor, ne ad veterem meum vere paternum in te amorem adiunctis in dies singulos recentibus tuis in reipub. meritis à nobis omnia sis impetraturus, quæ ad tua commoda, dignitatem, amplitudinem ab huius Pontificatus maiestate nō abhorrentia pertinebunt. Dat. XVI. Cal. Maias. M. D. XIII. Anno primo. Roma.

## PETRO BIBIENAE

internuntiō.

9

SCRIPSIMVS de mense Martij Leonardo Landadano Venetiarum principi, mandaret vt fructus ecclesiæ Adrianae, qui per ipsius ministros contra fas impediri dicebantur, Bertrand Episcopi Adriæ procuratoribus

Et 2 regis

restituerentur. Id quoniā factum adhuc nō est: causam autem eius rei dicunt esse, quoddam quibusdam sacris Virginibus Venetijs in Ferrariensi agro sui item fructus iniuste detinentur, mando tibi, vt eundem Leonardum hor-  
teris, quæ Episcopo Adriano cōtra ius detenta sunt, quoniam is nihil habet cū illis virginibus commune, ea reddi aliquando tandem eius procuratoribus imperet. Qui vero illarū virginū fructus à Ferrariensibus intercepti dicuntur esse, de ijs me confidat esse in petentibus administraturū. Dat. 12. Cal. Mai. M. D. XIII. Anno. 1. Roma.

## OCTAVIANO EPISCOPO

Laudis Pompeiæ designato. 10

CVM pluribus te de causis alloqui magnopere cupiā valde te hortor, vt ad urbem venias vt possim corā tecū agere, quæ volo. Erit id mihi vehementer gratum. Dat. IX. Cal. Maias. M. D. XIII. Anno primo. Roma.

## MAXIMILIANO MARIAE

Mediolanensium Ducī. 11

QVONIAM Octavianum Episcopum Laudis Pōpeia Designatum pluribus de causis esse hic magnopere cupio, peto abs te vt illi ad nos vt veniat, non permittas solum, sed etiam suadeas: quem quidem sum, si venerit, amanter paterneq; suscepturus. Dat. IX. Cal. Maias. M. D. XIII. Anno primo. Roma.

Magistratibus Ariminensium. 12

MANDO vobis, vt Achillem Taurellium cum suis equitibus omnibus vestrum in agrum recipiatis, & quæ dari nostris militibus solita sunt, ei militibusq; eius dari iubeatis: neq; difficiles vos prabeatis ea in re, quemadmodum quidem mihi demonstratum est solere vos per-  
sape

*sape facere. Id autem eo vobis erit leuius, quo isti ipsi paucos apud vos dies sint milites commoraturi. Dat. IX. Cal. Maias. Anno primo. Roma.*

## THOMAE EPISCOPO

Feltrinorum internuntio.

13

**EXEMPLVM** *literarū, quas ad Maximilianū Mariam Ducem Mediolanensium dedi de restituenda Marco Cardinali Senogallienſi oppidi Cugnoli possessione, habebis cum his literis. Tibi verò mando, vt cum ipſo Duce agas curesq; diligenter eā rem, quā tu ijs ex literis velle me magnopere cognosces: vt Cardinalis ius suum obtineat: ne iam mihi sapius eadem de re sit scribendum. Dat. VI. Cal. Maias. Anno primo. Roma.*

## ALFONSO ATESTINO

Ferrariensium Duci.

14

**FRANCISCVM** & Pasotum Fantutios ciues Bononienses bene de nobis meritos captos à tuis ministris complures iam menses in custodia magistratus tui habent. Eos quoniam & amo ipsos & mihi admodum indecorum est meos homines honestos viros sic affectos & captos abs te detineri: constitutū mihi erat cum hic esses, te praesentem alloqui ac planè abs te petere, vt eos permitteres domū redire. Veruntamen id facere antequam ea, quam habes mecum, magni ponderis causa componeretur, haberetq; finem suum, sane nolebam: ne quae leuiora essent, grauioribus anteferrentur. Itaq; tu quia confecta nondum re Roma discedere voluisti. Fantutiorum liberationem etiam differre aliud in tempus statueram: & profecto distulissem, nisi, vt postea intellexi, tantula illis mora quorū mihi salus charissima de-



bet esse, magnum esset detrimentum, magnam calamitatem allatura. Nam praterquam quod in custodia esse atq; in carcere per se miserum calamitosumq; est: permagni eorum interest ipsos hoc tempore cum domi esse posse, tum vel maxime ad nos accedere suarū fortunarum prope omnium constituendarum causa. Quamobrē ne rei eiusmodi tā per se pia, tam mihi debita, tam illi? salutaris confectio diutius proferatur, te iam nunc etiā atq; etiam hortor, vt eos missos facias, vt redire in patriā, atq; ad me venire possint. In eo tametsi boni principis munere eris ipse functus, qd per te facere semper debes, tuū tamen tū facilem & liberalem, tū verò propensum ad bene de merendum animum etiam libenter agnoscam. Dat. quinto Cal. Maias. Anno primo. Roma.

## FRANCISCO GONZAGAE

Marchioni Mantuæ.

15

INTELLEXIMVS de Alexandro Gabloneta procuratore tuo certiorē te esse factum, quosdam principes in Italia viros contra te cogitare, armaq; ab ijs comparari, quibus te ditionemq; tuam aggrediantur. Itaq; te precibus omnib. petere, ne tuos populos tuasq; fortunas vllorum hominū cupiditate atq; libidine turbare diuexariq; pateremur. Quas ad res ita illi respondimus, existimare nos neminē quidem in nostri Significari ditionem armis inuasurū, praesertim nobis charissimi, atq; in nostra beneuolentia tutelā & curā amantissime recepti. Veruntamen si quis erit tā à nobis alienus, in te vt sit atq; in tuos eiusmodi quidpiam moliturus, pollicizari illi sumus, nos tibi praesto futuros, eiq; interminaturus, vt se contineat. Quod si ij nostri monitus atq; minae

nihil

nihil proderunt: exercitus ipsos nostros Franciscumque Mariam, Vrbinatiū Ducē, generū tuum cū imperio ad te defendendum, hostesq; tuos, quos esse nostros existimabimus, propulsandos & profligandos mittemus. Itaq; te volumus bono animo esse, atque existimare urbē istā nobis tuā tuosq; populos nō minori curā esse, quā quā vrbes quicq; populi sub nostra ipsorum ditione sunt: eandem vtrosq; fortunam, idem periculum subituros. Quā quidem omnia tametsi Alexandrā ipsum ad te scripisse diligenter existimo: voluit tamen nostris etiā literis ad te perferri: vt per me quoque de meo in te animo ac voluntate fieres certior. Dat. 3. Cal. Maias. anno 1. Roma.

## S. DACIAE REGI.

16

PERLATVM est ad me, quod quidem mihi iucundissimum fuit, magno te istarum nationū fauore incredibiliq; voluntate Regem Daciae salutatū, illustris viri patris tui loco bene atque laudabiliter regnare, adolescentiaq; tua annos egregia spe tuorū de te populorum firmare: itaq; eiusdem patris tui desiderium praesenti tua praestantiq; virtute facile leniri. Quā nos rē euentumq; tum fortuna tum prudentia in primis tuae animi erga te nostri propensione sociantes, te paterna nostra charitate ac pietate amantissime complectimur: omniaq; tibi, quā quidem ad Regium honore dignitatemq; tuā confirmandam augendamq; pertinebunt, quoad nostra rationes patientur, libentissime polliceor. Quoniā autē ea nostra mens est is animus, vt Christiani reges atq; Principes, qui dissentiunt inter se, concilientur, vt ad Christiani hostes nominis repellendos, suscipiēdumq; contra Turcas bellū cōuertere cogitationes nostras possimus: e

Cc 4. hortor.

hortor, vt hanc nostram voluntatem iuues. Id optime fiet, si in Reges Christianos, quique sunt, tua arma non mouebis, tuasq; vires non exercebis. Quorum quidem quod vnus in primis Henricus Britannia Rex multis de causis mihi esse charissimus debet: illud abs te impensius peto & postulo, ne eum Regem eiusq; populos aut lacestas & perturbes ipse, aut id fieri permittas à tuis, hoc nobis gratius facere nihil potest. Dat. tertio Calend. Maias. M. D. XIII. Anno primo Roma.

### HIPPOLYTO CARDINALI

Atestino.

17

EX tuis literis intellxi id, quod etiam sine ijs exploratum mihi erat, Pontificatus mei nuntio audito te magnam latitiam cepisse. Itaq; mihi ea de re officiosissime amantissimisq; verbis gratularis. Aegre fers etiam suffragiorum ferendorū tempore te non affuisse. Quae quidem mihi omnia optatissima legenti iucundissimaq; fuerunt: ex animo enim beneuolentissimo mihi dudum perspecto & cognito sanè proueniunt. Magnopere autem vellem eo te tempore Roma fuisse: rem enim nostram, qui tuus est in me amor, profecto in primis iuisses. De meo verò in te animo ita te volo existimare: amorem meum, qui quidem antea erga te atq; Alphonsum ducē Ferrariensem fratrem tuum eximius semper fuit, hac in me Dei Opt. Max. benignitate ac munere etiam augmentum multiplicatumq; esse: vt quo maior ipse sum, eo vterq; vestrum & coniunctior mihi sit, & certe charior. Quod autem mihi eundem fratrem tuum commendas: voluit is iustis quidem de causis, quas ab ipso intelliges, infectis rebus suis Roma proficisci. Spero tamen, quoniā

eius.

ius rei fundamenta iecimus, quod superest, me daturū  
operā, vt intelligatis vos mihi ambos incolumitatemq;  
vestrā magna curae esse. Dat. M. D. XIII. An. 1. Roma.

PAVLO GERMANO MIGDEL-

burgensi Forosempronienſiū Episcopo. 18

EGREGIAM in omni prope disciplina doctrina  
tuam, plurimarumq; optimarum artium scientiam ma-  
ximi semper feci. Quamobrem excellens tuum ingenium  
studio ac fauore meo commendare aliqua nunc iam in  
re atq; prosequi cupiens, libros de Pasce obseruatione,  
ac mortis Dominica die, quos nouissime confeciſti, volo,  
atq; igni & aqua interdico, et mando, ne quis imprime-  
re possit, imprimere facere, aut impressos venundare,  
quoad vixeris, prater te, vt vsum aliquem ex tuis labo-  
ribus hac etiam ex parte percipias, ipsiq; tui libri dili-  
gentius impressi in lucem prodeant. Dat. prid. Calend.  
Maias. M. D. XIII. Anno primo. Roma

SIGISMUNDO REGI

Poloniae.

19

PROXIMIS diebus te hortari vnus atq; alteris  
literis non destitimus, controuersiam, quā cum Alberto  
Prusiae Magistro aliquot iam annos habes, habuisti que  
cum eorum nonnullis, qui ante illum Magistri fuerunt,  
vt aliquando tandem terminari sine armis posset, velles  
eam sacro Lateranensi Concilio remittere, a quo quidē  
maxime conuenit Regum causas disceptationesq; iudi-  
cari. Qua in re si meis hortationibus animū adhibuisti,  
quaq; te facere ipse aequum, & iustum putabam, ea cō-  
cordi inter te atq; illum voluntate es iā ita complexus,  
vt ei Concilio vterq; vestrū suam causam remittendam,

Cc s statuer



statuerit, eiusmodi nuntium leto animo accipiam: teq;  
 de tua ista lenitate atque in Rempub. obseruantia ma-  
 gnopere commendabo. Sin autē, quemadmodum & à  
 Thoma sancti Martini, & ab A. sancti Sixti Cardinali-  
 bus, qui te summopere diligunt, & quibus incolumitas  
 tua, dignitas, amplitudo magna cura est, nuper intelle-  
 xi, lubens ipse paratusq; es ad ea pacta foederaq; seruā-  
 da, quae quidem solenniter inter vos nouissime statuta,  
 sanctaq; sunt, quaeq; propediem sunt sancienda, tua ista  
 voluntas etiā atque ad pacē propensus animus mihi pla-  
 ne vehemēter probatur. Teq; magnopere hortor, ab il-  
 lis ipsis, quas commemorauī, tum factis tū sunt pactio-  
 nibus ne recedas: modo eiusmodi sint, quibus arma &  
 discordia auferātur, pax atque trāquillitas exoriat. Si  
 enim is exitus istic aut partus iam est, aut cōparari,  
 modo velitis, potest, quid attinet noua iudicia querere:  
 quae quidem vt suū ad finē perducī possint, neque breuis  
 temporis, neq; parui sumptus propter locorū longinqui-  
 tatem indigant necesse est? Quamobrē abs te nunc qui-  
 dem vehementer quaeso & opto, primū vt in eadem sen-  
 tentia tete confirmes ac plane perstes; deinde vt nullam  
 prorsus ansam Prusiae Magistro des, à pacto inter vos  
 foedere de sciscendi: vel potius vt omnia cogites, omnia  
 premunias, omnia moliare, quibus ille nihil queri de te,  
 nihil inuenire causa possit ad pacē concordiaq; reijciē-  
 dam. Hoc nos hortari monereq; te nō magis nostrū est,  
 quanquā id quidem nostrū maxime: pacē .n. à Domino  
 relictā nobis atq; traditā cū alijs velle cōmunicare ma-  
 gnopere omnes debemus, quā tuū etiā modis omnibus  
 prestare atq; efficere, ne te frustra monuisse videamur.

Qua

*Qua in re præterquã quod tuæ tuorũq; populorũ quieti optime abs te consulatur, nobis etiam rem gratissimam facies. De re autem P. cuius te obseruantissimũ semper fuisse omnes prædicant, etiã bene merebere. Dat. prid. Cal. Maias. M. D. XIII. Anno primo. Roma.*

## ALBERTO SOCIETATIS

Marianorum Theutonicorum

magno Magistro.

20

*SVPERIORI epistola te etiam atque etiã monui, velles eã controuersiam, quã cum Sigismundo Rege Polonia multos iã annos habes, vt aliquando res ipsa atque causa confici sine armis posset, vel tantisper sustinere, dum noster Legatus ad istas regiones mitteretur, qui quæ æqua essent, inter vos statueret: vel sacro Lateranensi Concilio remittere: à quo maxime cõuenit magnorum Principum causas disceptationesque iudicari. Nunc autem quoniã ijs de rebus diligentius perquirentes intelleximus proxime inter vos pactum sanctumq; esse quid vterq; vestrũ facere, quibus stare cõditionibus debeat: quo ex fœdere erat statutũ, vt quæ superessent cõtrouersia inter vos pactis eã atque fœderibus ad octauum Idus Maias terminarentur: quanto maiore possum studio ac diligentia te plane hortor, quæ sollemniter celebrata inter te & Regẽ Polonia pacta conventionesq; sunt, eas ne reijcias, celebresq; quæ sunt celebrãda, sic plane, si erũt eiusmodi, vt bella cõtentionesq; deponantur, securitas atque ociũ subsequatur. Nã si is istic finis vel paratus iã est, vel parari vobis volentib; potest: quid opus est nouorũ iudiciorũ: ad quæ quidẽ terminanda neq; breuissimi tẽporis, neq; minima impensæ propter*

propter regionum longinquitatem vterque vestrum indigebit? Quanquā vt verū fatear, pupugit me rumor quidam tibi plane non honorificus mihi etiam per molestus, qui multorū iā vocibus & sermone percrebuit instantium, per te fieri, abs teq<sub>3</sub> impediri, ne res ad exitū perducatur. Quare his quidem literis impensius etiam abs te postulo & peto, vt quibus pactionibus pollicitus es te staturū, ijs ne te laxes fidemq<sub>3</sub> tuam praestes, omniaq<sub>3</sub> agas, coneris, efficias deniq<sub>3</sub> vt pax inter vos conficiatur: neq<sub>3</sub> Rex Polonia conqueri de te apud nos vllō modo possit. Quam planē te ad rem vel hortari vel monere, non magis mei muneris est, quod tamen est in primis meū, quā tui etiā efficere, ne frustra operā posuisse nos appareat. Ita enim & tua tuorumq<sub>3</sub> quieti magnopere consules, & tua in nos praeclare officia constabunt. Dat. Frid. Cal. Maias. M. D. XIII. Anno. i. Roma.

## CONVENTI ET SOCIETAT-

ti Marianorum Theutonicorum.

21

SCRIBIMVS Alberto Marchioni Brandeburgensi societatis vestrae Magistro, cumq<sub>3</sub> etiam atq<sub>3</sub> etiā hortamur, vt ei controuersia, quā cum Sigismundo Rege Poloniae habet, finem atq<sub>3</sub> modum adhibeat, quantumq<sub>3</sub> in se est efficiat, vt ad pacis tandem studium res consensusq<sub>3</sub> perducatur. Tum illud addimus, vt quoniā nobis renuntiatum est per illum stare, quominus causa eū quem commemorauimus exitū habeat, det operam ne quis ipsum nolle pacē atq<sub>3</sub> concordiam apud nos queri iure possit. Quae quidem omnia vobis etiam perscribere volui: cum quia exploratum habeo conuentum istum vestrū magna apud illum autoritatis esse, eaq<sub>3</sub> ferē cogitare

gitare ipsum atq; agere, quæ vobis vnīs probantur: tum quod intelligo huius ipsius culpā rei, quod adhuc confecta non sit, in vos reijci. Itaq; vos vniuersos & hortor & paterne moneo non id solum, vt Magistrum vestrum ad pacem atq; concordiam cum Rege Polonia ineundā ne impediatis, sed vt omni etiā vestra diligentia & auctoritate compellatis ad ea pacta fœderaq; quæ confecta proxime inter illos sunt, amplectenda atq; seruanda: quæ vero conficienda sunt, ea vt conficiat vt discordia omnis atq; dissensio tam vtriq; eorū detrimentosa, tã indigna Christianis Principibus, tam nobis molesta aliquem aliquando tandem exitum nanciscantur: ne dissentientibus studijs nationes istæ, quæ ad Christianam gloriam augendam atq; propagandam sunt aptissimæ, similitates inter se atq; odia semper exerceant, suis semper viribus conterantur. Id si vos in animū induxeritis, communiq; consilio effeceritis, egregie de me atq; ampliter vos esse meritos profitebor: rem verò atq; operā ipsis vobis magnopere debitam, & virtute dignam vestra bonitateq; nauabitis. Dat. prid. Cal. Maias. M. D. XIII. Anno primo. Roma:

## MAGISTRATVI BONONIAE. 22

DEMONSTRATVM mihi est nostra interesse vt Regij Lepidi forum aliquot peditum tutela muniat. Quamobrē mando tibi, vt ex ijs militibus, qui apud te sunt, viginti quinque pedites, qui præfectum suum habeant strenuum aliquem ac idoneum virum, illò mittas. Ante tamen quàm id facias, nostrum hoc consilium cum Rusino Regiensium Magistratu communicabis. Qui si etiam equitatu peditatuq; opus esse duxerit ad reliquū  
oppi-



oppidum, eiusq<sup>3</sup> agrum muniendum, XXV. equites le-  
uis armatura cum peditibus alteris totidem eorūque  
praefectis ad eum mites. Dat. Cal. Maij. M. D. X I I I.  
Anno primo. Roma.

## RVFINO REGII LE-

pidi Magistratui.

23

INTELLEXI opera pretium esse, istius oppidi  
forum aliquo militum numero praeiuviri. Quamobrem  
mandavi Bononia Magistratui, vt XXV. pedites ad  
te mitteret cum eorum praefecto. Quibus tu stipendium  
dari solitum ex istius ararij prouentibus conficies. Ca-  
terum si ad reliquum oppidum eiusque agrum tuendū  
vel peditatus alicuius vel equitatus indigebis, eos à Bo-  
nonia Magistratu, cum erit opus, petes. Dat. Calend.  
Maij. Anno primo Roma.

## MARCO MARTELLO RE-

gij Lepidi Quaestori.

24

MANDO tibi, vt quae Iulij secundi Pont. Max.  
tempore ex salis aliarumq<sup>3</sup> rerum vectigalibus arariis  
isti nostro publicanorum reliqua debebantur, ea omnia  
cures atque exigas. Quā quidem tu ad rem istius ma-  
gistratus opis atque auxilij si indigebis, volo, hisq<sup>3</sup> ipsis  
litteris ei mando, vt te omnibus in rebus ita iuuet, vt ne-  
gotium recte atque celeriter conficiatur. Dat. Calend.  
Maij. M. D. X I I I. Anno primo. Roma.

## CIVIBVS ET MERCATO-

ribus Lucensibus tribus.

25

FIDE atque integritate vestra optimorū hominū  
ac praestantiū virorū testimonio praeclare cognita vni-  
cuique vestrum largior, vt & merces vestras omnis ge-  
neris

neris in Galliam transalpinā mittere, & in Gallia quicquid libuerit mercium emere, & emptum in Italiā transportare, summamq; mercaturam exercere, omniaq; agere vt soliti estis, & vobis vsui venerit, libere atque secura liceat, duobus anni temporibus & mercatibus, qui Lugduni fiunt ad Augusti atque Nouembris Cal. Dat. XII. Cal. Iun. Anno primo. Roma.

## EVANGELISTAE TARASCO-

nio, & Iacobo Gambaro, meis apud

Placentinos internuntijs.

26

MANDO vobis, vt si Raimundus Cardona noster fœderatorumq; nostrorum Imperator exercitum sibi à Ferdinando Hispaniarum Rege creditū educere e Gallia citeriōre voluerit, ipsum exercitumq; eius nostro nomine recipiatis, atq; à Placentia quo ei libuerit versus per loca prouinciasq; nostras comitemini: curamq; & diligentiam adhibeatis, vt qua solita sunt per nostros homines amicissimis exercitibus parari, ea ipsi militibusq; eius per vos parentur: quos quidem meos internuntios procuratoresq; hac in re atque illo traducendo exercitu volo esse. Dat. X. Cal. Iunias. M. D. XIII.

Monachis Neapolitanis.

27

INTELLEXI velle vos Gasparis Hispani præfecti militum cadauer ab illo, quo illatū consentientibus vobis fuerat, loco in alium minus idoneum locum transferre. Quam rem quoniā eos, quorū interest, agre molesteq; ferre audio: vos hortor, ne eorū animos ea de causa mœrore afficiatis, cadauerq; ne amoueatis. A quo si religione impedimini, vel aliqua alia mutandi loci satis iusta causa vos mouet, id omne ad nos defertote: qui, q̃

erit æquum atque iustum, statuemus. Dat. VII. Cal.  
Iunias. M. D. XIII. Anno primo. Roma.

ANNIBALI, ANTONIO GA-  
leatio, Alexandro, Hermeti Bentiuo-  
lis germanis fratribus.

28

OBSEQVIVM humilitasq<sub>3</sub> vestra, quam ad me  
partim ipsi accedentes pedibusq<sub>3</sub> meis aduoluti, partim  
per internuntios idem agentes modis omnibus supplices  
præstitistis, precesq<sub>3</sub> interpositæ vestrae atq<sub>3</sub> effusa la-  
chryma largiter, quibus quidem subiectissime petijstis,  
vt vestras, qualescunq<sub>3</sub> essent, in Romanos Pontifices  
culpas errataque ne plecterē, ignosceremq<sub>3</sub> vobis neces-  
sitate potius & vi, quā vel sponte, vel vlllo certo consi-  
lio compulsis ea facere, quæ fecistis, me in eam cogita-  
tionem adduxerunt, vt vos non indignos venia ducerē.  
Quare sic existimans, vobis mala multa aliquod perpes-  
sis annos nihil esse antiquius, quā sub hoc imperio posse  
honeste pacateq<sub>3</sub> viuere, vestrum istum bonum, vt vide-  
tur, perhumilemq<sub>3</sub> animū fauore, vel amore potius am-  
plectens meo, nec tam pœna, quā pœnitentia vestra  
contentus, primum quidem vobis cum vestra in eos, qui  
ante me fuerunt, Romanos Pont. omnis generis delicta  
tum pœnas ob id lege Iulia cōstitutæ remitto, atq<sub>3</sub> ab-  
oleo ita quidem, si mihi prædes dederitis sestertium duū  
militum, vos à meo & eorum, qui mihi successuri sunt,  
Pontificum Maximorum imperio mandatisq<sub>3</sub> non dis-  
cessuros, neq<sub>3</sub> quicquam vnquam contra me atque illos  
tentaturos. Domos deinde, villas, fundos, bonaq<sub>3</sub> omnia  
sacerdotijs exceptis, quæ quidem bona ante diē Calend.  
Noembr. M. D. XI. Ioannes Bentiuolus & Geneueræ

parentes

rentes vestri vestrumq<sup>3</sup> singuli quocunque nomine habebatis, possidebatis, ea nobis vniuersa, etiam si in alios translata sint, condono ea lege, dum quæ à vobis rerum & pecuniarum summa debentur, quibus de summis liquet, earum creditoribus antea satisfactum sit: quibus verò de summis nondum liquet, de ijs vos omnibus, cum liquebit satisfacturos: deq<sup>3</sup> iuri stando prædes à vobis cautionesq<sup>3</sup> sint data quos prædes quasq<sup>3</sup> cautiones esse idoneas magistratibus sit probatum. Deniq<sup>3</sup> vniuersam vestram familiam atque eos omnes, qui aut vobiscum exilio multati sunt, aut quoniam vestrarum partium sunt habiti, postea in exilium sunt missi, quiq<sup>3</sup> vos sequuti sunt, eundem ad statum conditionemq<sup>3</sup> repono atq<sup>3</sup> restituo: & præter hac ad patriam etiam reditum illis omnibus tutum atque liberum mando esse, ijs exceptis, qui hominem occiderint: quos quidem volo in eo quo nunc sunt, exilio, priuatione, interdictis manere, vtpote mala fidei homines, atque immeritos, quibus quicquam tale res hac publica largiatur. Volo item, vt illi, quorum nomina in nostris ad Episcopum Polæ Bononiæ Magistratum dandis propediem literis ex eo numero excipiemus, ad patriam ne redeant, neue recuperationem bonorum suorum adipiscantur, quoad aliter iussero. Quoniam autem per difficile, admodum vobis futurum intelligo, duum milium sestertium prædes æuario dandos nostro reperire, qui perpetui maneant: satis habebimus eos à vobis per triennium duraturos & valituros dari quo in tempore aut rem totam terminabo, aut alteros à vobis prædes datum iri, quoad opus erit, iubebo. Quæ quidem omnia de plena Christi gratia munificoq<sup>3</sup> sine deprom-



pta collatag<sup>3</sup> in vos si ad bonam mentem reuersos perinde accepisse vos intellexero, vt propensa perpetuag<sup>3</sup> vestra in nos obseruantia, cultu, studijs, officijs, diligentia huius vos nostri muneris in posterum esse meriti atque grati videamini, voluntas erga vos mea pronuag<sup>3</sup> ad incolumitatem vestram animu: etiam augetur: deq<sup>3</sup> vestro ipsorum ad patriam atq<sup>3</sup> lares vestros reditu, quem adhuc vobis liberuq<sup>3</sup> vestris precludimus, ea, qua à nobis precibus omnibus petistis, quaq<sup>3</sup> vultis aliquando statuemus. Dat. VII. Cal. Iun. Anno primo. Roma.

Bononiæ magistratui.

29

MAXIMILIANVM, Romanorum Imperatorem designatum summo opere amo: euq<sup>3</sup> maiestas, amplitudo, dignitas, resq<sup>3</sup> omnes mihi magna cura sunt. Itaq<sup>3</sup> cum intelligam in illius oppido à uina periculum esse, ne, per seruatos homines tumultus à iquis excitetur, qui in eius fiauam vergat, in linationemq<sup>3</sup> afferat eius rebus, quibus de omnibus valde quidem sollicitus sum: mando tibi, vt si Vitus Frustro, qui eius nomine ei oppido præest, seditionum & nouarum rerum causa, quis is commoueri videat, abs te auxilium petierit, omnem eam armatorum hominum & militum nostrorum manu illi mittas ad urbem tuendam tumultuq<sup>3</sup> compescendos, quam is volet: curesq<sup>3</sup> omni studio, vt imperatoris res tam sint tuta, quam huius reipub. atq<sup>3</sup> nostra. Dat. Prid. Cal. Iun. Anno primo. Roma.

Heluetiorum pagis duodecim.

30

LECIIIS vestris literis, quibus à me petitis, vt declarationem vestram de Episcopo Gebennensi faciam velim: tam probatamq<sup>3</sup> esse. Equidem libenter hac in re vestris

re vestris postulatis annuissem, nisi Duci Allobrogum ante  
 ea scripsissem mihi statutum esse, cuius nomen ad Epi-  
 scopatum illum sim subleclurus. Itaq<sup>3</sup> vos potius hortor,  
 ut eum ipsum, quem nominabo, gratum optatumq<sup>3</sup> ha-  
 beatis. Id si feceritis, & erit mihi sane gratum, & reip.  
 dignitatis per vos ratio habebitur. Dat. prid. Cal. Iun.  
 M. D. XIII. Anno primo. Roma.

Magistratui Regij Lepidi, & M.

Marcello Quæstori.

31

VOLO & vobis mando, ut omnes istius ararij pro-  
 ventus & vectigalia pristinum ad statum et rationem,  
 atq<sup>3</sup> eam, quam lege Iulia formam acceperant, reuoce-  
 tis: eaq<sup>3</sup> deinceps utamini. Calend. May. M. D. XIII.  
 Anno primo. Roma.

PETRO BIBIENAE IN-

TERNUNTIO.

32

EXEMPLVM literarum, quibus literis ad Leo-  
 nardum Lauredanum Venetiarum Principem scribitur  
 Franciscum Marchionem Mantua in nostram fidem esse  
 receptum, ipsar<sup>q</sup> literas cum his ad te literis muto, ut  
 & nunc quidem eam illi re meo nomine significes, red-  
 dasq<sup>3</sup>, quas ad eum literas dedi, & posthac quibuscunq<sup>3</sup>  
 in rebus Francisco ipsi apud istum senatum esse vsui possis,  
 eum iuues, uti & hominem de nobis optime merum  
 nobisq<sup>3</sup> charissimum, & signiferum nostrum, & in fi-  
 dem nostram receptum. Dat. VI. Non. Maias. Anno  
 primo. Roma.

LONARDO LAVREDA-

NO VENETIARVM

Principi

33

Dd 2

FRAN-

FRANCISCUM Gonzagam Marchionem Mantua urbemq<sub>3</sub> eius & ditionem in beneuolentia nostra fidem & patrocinium recepi. Nam & amavi hominem, cum inter Cardinales essem, omni tempore: & amari me ab illo plare perspexi: plurimaq<sub>3</sub> eius in nos familiamq<sub>3</sub> nostram egregia officia & studia extiterunt. Eam rem tibi esse cognitam volui, primum vt ipse pro eo, quo te remq<sub>3</sub> istam publicam amore charitateq<sub>3</sub> amplector, mea omnia, beneuolentiaq<sub>3</sub> in primis rationes tibi senatuiq<sub>3</sub> tuo notas atq<sub>3</sub> declaratas facerem: deinde vt tu illum eiusq<sub>3</sub> oppidum, populos, reliqua omnia omnibus posthac in rebus ita tractares, vt intelligeret, cuius ipsius tuendi nos curam studiumq<sub>3</sub> suscepimus, cum non solum propter huius imperij maiestatem Signiferiq<sub>3</sub> officium, quem gerit, sed etiam quod à nobis vnice diligitur, abs te tuaq<sub>3</sub> Repub. esse tutissimum. Dat. 6. Non. Maias. M. D. X I I I. Anno primo Roma.

Magistratibus Parmæ.

34

OPTIMUM vestrum in nos alacremq<sub>3</sub> animum, quem quidem mihi Benedictus Rubeus vestro nomine detulit, libenter agnosco. Et quoniam diligentiam adhibui, vt sub Reip. imperium rediretis, redeuntes nunc vos paterno amore charitateq<sub>3</sub> amplector atq<sub>3</sub> recipio: dabiturq<sub>3</sub> à me quidem opera, vt vos ciuitatemq<sub>3</sub> istam perinde tractem, vt neq<sub>3</sub> mea me diligentia in ea recuperanda, neq<sub>3</sub> vos vestri in rep. recolenda studij obseruantiaq<sub>3</sub> perimitat. Dat. tertio Non. Maias. Anno primo Roma.

Magistratibus Placentiæ.

35

ET obsequium vestrum & cultus, quem mihi La-

LARIUS

Zarus Maluicinus & Nicolaus Scottus Interpretes vestri diligenter præsiterunt, gratus mihi atq; optatus accidit. Itaq; de eo vos studio, quod quidem maximum, ut sub huius reipub. imperium rediretis, communi omnium consensu adhibuistis, & laudo, & redeuntes in fidem meam clientelamq; recipio: daboq; operam, ut magis magisq; in dies singulos id voluisse vos atq; fecisse late-mini. Dat. tertio Non. Maias. Anno primo Roma.

Thomæ Episcopo Feltrinorum apud

Mediolanenses Internuntio.

36

MANDO tibi, ut oppida Placentiam & Parmam sub reip. imperium redeuntia nostro nomine recipias liberaliterq; tractes, quemadmodum quidem eorum civium erga nos voluntas, studium, pietasq; postulat. Dat. tertio Non. Maias. Anno primo Roma.

M. Antonio Columnæ.

37

MANDO tibi, ut Cotignolam oppidum in deditio-nem nostro nomine recipias, itaq; tractes, ut eius muni-cipibus atq; incolis nihil detrimenti tuis à militibus infe-ratur. Caterum quod ad arrogantiam ipsorum attinet, multamq; ea de causa Decurionibus statuendam, quid fieri oporteat, scribam ad Bononiæ Magistratum prope diem. Dat. tertio Non. Maias. Anno primo Roma.

Magistratui Bononiæ.

38

MANDO tibi ut Achillis Taurellj, cui nuper præse-cturam militarem contuli eiusq; militibus statua des eo in loco, qui tibi esse opportunior videbitur: eisq; dari mandes tectum, lignum, stipulam, vti solitum est, ma-ximeq; convenit. Dat. quinto Id. Maias. Anno primo. Roma.



C V M tibi certum statutumq<sub>3</sub> sit Roma discedere, idq<sub>3</sub> vt nobis volentibus tibi facere liceat, precibus omnib<sub>3</sub> petieris: vti de Iulo Secundo, cuius stipendia annos aliquot multa cum laude fecisti, opime merito tibi quod petis, do atque tribuo. Itaq<sub>3</sub> & Roma proficiscendi, & ad quasvng<sub>3</sub> nationes Reges populos te conferendi, atque vbi volueris gentium commorandi, harum litterarum significatione tibi facultas esto: teq<sub>3</sub> illis ipsis, ad quos accesseris, quemadmodum quidem de viro egregie spectataq<sub>3</sub> virtutis, deq<sub>3</sub> homine meis omnibus valde amico mihiq<sub>3</sub> percharo facere me conuenit, studiose diligenterq<sub>3</sub> commendo. Dat. tertio Id. Maias. Anno primo. Roma.

Francisco Marchioni Mantuæ.

I N I E R Petiliani Comites, quemadmodum appellat, et meâ familiam meq<sub>3</sub> ipsum in primis, quo tempore Cardinalem gessi, plurima beneuolentia necessitudinisq<sub>3</sub> officia parua & mutua extiterunt: vt nihil nolle nos eorum causa, nihil ipsi nostra potuerint, quod ab amantissimis coniunctissimisq<sub>3</sub> hominibus esset petendum. Ea necessitudo à maioribus nostris constituta eo nunc quidem cum ijs, qui superstites sunt, seruatur à me diligentius, quo ipsi magis de rep. benemerentur, cui præesse me Dei largitas atq<sub>3</sub> benignitas voluit. Quamobrem etiam abs te peto, vt Cola Chiappino bonorum, qua ab egregio viro patre suo amantissimo tui sibi relicta in Brixiano habet, Asulanam possessionem ne perturbes: sed ipsum patris sui hereditate optime parta frui permittas, vel quia ita te velle æquum honestumq<sub>3</sub> est, vel quod in eo  
mibi

mihî ipsi gratissimum feceris. Dat. prid. Id. Maias.  
Anno primo. Roma.

Magistratui Bononiæ.

41

Ex tuis literis intellexi Cotignola oppidum sese nostris militibus deditisse. itaque postulas ut tibi mentem meam in eo significem. Quam re volo, & tibi mando, ut oppidanos ita multes itaq; punias, ut arrogantia, qua in nos sunt vsi, eos pœniteat, discantq; se gerere reuenter, exemploq; ceteris sint, nihil temere faciendi. Dat. prid. Id. Maias. Anno primo. Roma.

Magistratui Foroliuiensium.

42

MANDO tibi ut quicquid stipendij nomine M. Antonio & Mutio Columnæ Praefectis equitum nostris ab ista ciuitate dudum instituti atq; recepti debetur (Debetur autem, ut mihi demonstratum est. Mutio quidem prope integrum solidum, M. Antonio verò non nomina certe portio) id eis omne subductis rationibus curari iubeas sine vlla mora. Dat. quarto Non. iun. Anno primo. Roma.

Alfonso Atestino Ferrariensium Duci.

43

SUPERIORIBVS diebus te sum per literas hortatus velles Franciscum & Pasottum Fantutios ciues Bononienses huius Reipub. homines captos à tuis liberos missosq; facere, sperans me id abs te pro Reip. dignitate facile impetraturum. Postea verò quàm ab Hadrianorum Episcopo legato tuo cognoui te laxiorem quidem illis commodioremq; carceris conditionem mea causa dedisse: de libertate verò eis restituenda tempus ad deliberandum sumpsisse, dum Hyppolitus Cardinalis frater tuus Romam accederet: iterum te atq; sapius & hortor

Dd 4

&amp; moneo,

& moneo, cogites, quàm sit honestum nostros municipes, honestissimos viros abs te captos tamdiu detineri. Quæ quidem res quoniam sine nostra dignitatis diminutione differri diutius non potest, præterquam quod illis nihil tale meritis morâ omnis laboriosissima arumino-sissimaq; est, abs te magnopere peto, ne Fantutorum liberationi tempus ullum ulterius des: vt gratus erga Deum humilisq; animus, atque officiosa in eius vicarium mens esse tua facile appareat: quo nihil potest esse laudabilius. Dat. octauo Id. Iun. Anno primo. Roma.

Leonardo Lauredano Venetiarum

Principi.

44

VENIT ad me Hercules Atestinus, narrauiq; mihi ab Augustinis ciuibus tuis ad sestertium ducenties sibi iampridem deberi: proq; ea summa adamantem eum, quem ab ipsis Iulio Secundo diuenditum nos habemus, obligatum sibi esse affirmavit. Itaq; petijt agerem tecum, vt Augustinis mandares, sibi quod debent, persoluerent: id ni facerent, à me cuius in potestate adamas est, eos nummos sese dixit petiturum. Quamobrem quoniam Iulio nihil omnino harum rerum denuntiatum fuit, usq; gemmam eam aperte mercatus omne illis pretium persoluit, quo de pretio atque summa pacta inter ipsos stipulationesq; extiterunt: ego sanè, qui nihil eius rei habeo, quod non sit Reip. pecunia comparatum, te etiam atq; etiam horior, cogas ipsos ciues tuos Herculi fidem soluere, vt & is perspicua in re neque sanè noua perueniat ad suum, & mihi molestia ea de causâ non exhibeatur. Dat. octauo Id. Iun. Anno primo Roma.

Magistratui Bononiæ.

45

Et si

ET si mihi dubium non est, quin omnes nostri Praefecti militum paratissimi sint, quocumq; oporteat proficisci: volo tamen, vt ijs omnibus eorumq; vicarijs qui istic sunt, significes, sese mihi rem gratissimam esse factururos, si quamprimum cum suis militibus Parmam Placentiamq; se conferent tantisper, dum ea municipia in ijs bellorum motibus, quos illis in locis excitari audio, se à me deserta esse destitutaq; ne arbitrentur: quae quidem certe mèrita de nobis sunt, vt eorum incolumitatem salutem fortunas non negligamus. Id vt libentius faciât, recipere te eis volo, quartam alteram vnius anni stipendiorum partem, quam adhuc non merent: à Quaestoribus representatum iri. Quod si nihiloscius profectionis excusationem aliquam quispiam afferet, ei te volo dicere, abunde me ea incommoda repositurum: non enim facti modo pradiationem atq; laudem, sed etiam laborum suorum praeium consequetur. Dat. quinto Id. Iun. Anno primo Roma.

Praefectis militum eorumq; vicariis. 46

CUM magnopere vos cupiam, cum ea manu, quam habetis Parmam atque Placentiam accedere ad ea municipia nobis quidem charissima tuenda atq; munienda, ne se illi à me ciues atq; muncipes in his rerum motibus turbulentisq;, temporibus vel obliuione praeritos, vel amore ac studio destitutos putent, scripsi ea de re ad Magistratum Bononia pluribus verbis: quas ad literas vos reijcio. His tantum vobis literis exploratum esse cupio, si eam profectionem alacri animo atq; studio susceperitis, apud me praeclare posueritis. Dat. quinto Id. Iun. Anno primo. Roma.

Dd 5 PETRI



PETRI BEMBI EPI-  
STOLARVM LEONIS DECL-  
MI PONT. MAX. NOMINE  
scriptarum.

LIBER TERTIVS.

MAXIMILIANO MARIAE  
MEDIOLANENSIVM DVCL.



**L**ATVM est Heluetios pro tua ditio-  
nisq; tua propugnatione cum Gallis apud  
Novariam conflixisse, eosq; superavisse,  
ac prope ad internicionem pulsos fug-  
osq; redegissee. Ea res tamen si propter  
eorum magnum numerum, qui quidem Christiana  
Reip. esse vsui aliquando potuissent, meum animum do-  
lore admodum perculit, tamen pro tua in nos obseruan-  
tia & meo in te tuosq; omneis veteri singulariq; amo-  
re magnopere gaudisus sum, qui de te statu rerum tua-  
rum deturbare atq; expellere sunt aggressi, eorum co-  
natus cogitationesq; non solum irritas & inanes fuisse,  
sed ipsis etiam insignem cladem attulisse. Cuius quidem  
euentu atq; victoria Deo Opt. Max. qui te tueri atq; de-  
fendere voluit gratias agere, tantorumq; beneficiorum  
summum, in illi acceptam referre te in primis decet: vt pius  
in illum esse, ac dignus eo munere maxime fuisse videat-  
re. Quod quidem fiet, si duci efferriq; te victoria dulce-  
dine non sines, neq; statues eos omnes, qui contra te ali-  
quid conati sunt, vsquequaque velle te perdere ac per-  
sequi. Quam incogitationem vt incumbas, lenissimeq;  
agas,

agas, eodem illo n. eo te amore beneuolentiæq; admonitus vel potius impulsus te rogo, & quidem valde rogo: atq; vt si quid à quoquam erratum peccatumq; est, cū autem fort. asse à multis, venia id magis, quàm vindicta dignum existimes, à te peto. Sic enim melius eorum, qui ab alienati sunt animos tibi beneuolos reddes, neque infirmabis vllam rerum tuarum partem. Quis enim potes in vltos animaduertere, quin ditionis tua homines multes ac punias? Quod si saepe facias, tuas ipsius opes debilitaueris. Accidet enim id, quod esse tibi exploratissimum debet, vt minus multa perficias, cum timore, non beneuolentia, erunt negotia constituenda. Extremum illud adiungitur, quod quidem haud scio, an omnium primum atque maximum sit, quod si parces multis, si veniam pluribus dabis, imitatus Dominum fueris, qui tibi vires subministravit ad tui nominis hostes fugandos atq; propulsandos. Nihil enim illo mitius, nihil iniuriarum minus retinens, nihil ad parcendum, ad miserandum pronius atque profusus vnquam fuit. Quamobrem redeo ad illud, vt te amantissime hortor, vt tua victoria quàm moderatissimo quàmq; leuissimo animo vtare. Quod si feceris, neq; aures maleuolis hominibus praeberis, id quod solet esse difficillimum, efficies, prudentiamq; cum fortuna coniunges. Dat. tertio. id. Iun. Anno primo. Roma.

Raimundo Cardonæ Proregi

Neapolis.

2

HELVETIORVM contra Gallos victoria: de qua nuntij nuper ad me sunt allati, non solum propter Maximiliani Insubrū Ducis incolumitatem fortunæq; eo pralio restitutas plane atque confirmatas, sed etiam  
quia

quia tu pro illo laborasti, mihi gratissima atq<sup>3</sup> iucundissima accidit. Quanquam sanè tot fortes homines, tot claros viros, tantam tamq<sup>3</sup> bellicosam manum, quæ quidē reip. Christiane dignitatem tueri facile propagareq<sup>3</sup> potuisset, funditus perisse non molestissime ferre non potui. Pacem enim maxime, non bella, hominumq<sup>3</sup> in Deum pietatem, non iacturam Christiani sanguinis, aut prelij dimicationem cupere singuli exoptareq<sup>3</sup> debemus. Quoriam autem ad Maximilianum dedi literas, quibus literis hortatus eum sum ne omnes illos, qui aliquid in se conati molitue sunt, dignos putaret quos vsque ad internitionem persequeretur, peto abs te, quem quidem scio plurimum apud ipsum valere, vt autoritate tua studium meum iuues ostendasq<sup>3</sup> ei nihil esse viro Principe dignius, nihil omnino laudabilius placabilitate, lenitate, misericordia, nihil contra detestabilius inclementia iracundia, crudelitate. Itaq<sup>3</sup> velit iniuriarum obliuisci, mitemq<sup>3</sup> se atque flexibilem ad humanitatem præbere: vt & dignus eo munere, & optimi tranquilliq<sup>3</sup> animi atq<sup>3</sup> in primis Deo grati esse maxime videatur. suorumq<sup>3</sup> populorum non tam fortunas, quam etiam animos possidere. eisq<sup>3</sup> amicisimis & beneuolentissimis vti possit. Id si feceris, et ipsi optime consulueris, et certe mihi, qui summa illum beneuolentia sum complexus, quietemq<sup>3</sup> & multorum finem laborum cum omnibus, tum illis maxime populis aliquando tandem dari cupio feceris gratissimum. Dat. tertio Id. Iun. Anno primo. Roma.

Maximiliano Mariæ Mediolanensium

Duci.

**H E R I** pro me singulari in te amore & studio te  
sum

sum per literas hortatus, velles in ista tua recenti contra Gallos victoria moderatissimo animo vti, neq<sup>3</sup> duceres eos vniuersos, qui quidem aliquid in te conati sunt esse vsquequaque persequendos: rationesq<sup>3</sup> quæ me ad eas hortationes impellebant, illis in literis exposui. His autem literis Gulielmum Marchionem Montis ferrati eadem de causa tibi magnopere diligenterq<sup>3</sup> commendo. Qui quoriam tenuem ditionem, neque opibus neq<sup>3</sup> viris præstantem habet; non potuit se inimicis tuis opponere, eisq<sup>3</sup> interdicare ne per ipsius fines contra te copias suas ducerent, aut etiam ne illis ex locis secum traherent, quos vellem: tibi idem permissurus, si tu in Galliam exercitum ducere voluisses. Quamobrem cum mihi omnium Principum Christianorum, omnium populorum salus incolumitasq<sup>3</sup> curæ esse maxime debeat, existimaui esse te commonefaciendum, malles in eum, qui præterea nobis familiaq<sup>3</sup> nostra omne est necessitudine coniunctissimus liberalitatem & beneuolentiam, quam vel odia vel crudelitatem exercere. Sic enim & quæ te digna sunt, statues, & ditionem tuam ditioni proximam eo tibi officio magnopere deuincies, & mihi erit gratissimum, si te in illum mitissimo esse animo atque amicissimo intellexero. Deus etiam, qui tantum in te præsidij tantum gloriæ contulit, ea de re atq<sup>3</sup> clementia magis magisq<sup>3</sup> te in dies & amabit & tuebitur. Dat. secundo Id. Iun. Anno primo. Roma.

Raimundo Proregi Neapolis.

4

GULIELMUM Marchionem Montis ferrati virum probum & spectata virtute hominem, & cum mihi plane charissimum, tum meis prope omnibus veteri beneuolentia



uolentia & necessitudine coniunctissimum commendo  
 tibi sane quàm diligenter: Petoq; abs te, vt Maximilia-  
 no insubrum Duci persuadeas, ne in eum ditione mœ  
 eius velit quicquam durius aut acerbius cogitare, pro-  
 pterea quod is Gallorum rebus non auersissimus fuerit.  
 Is est enim eius regni status atq; conditio, vt inimicus  
 esse Gallis etiam si velit non possit. sed quoquo modo se-  
 res habet, mihi gratissimum feceris, & Dei Opt. volun-  
 tati maxime consentaneum, qui suas iniurias obliuisci,  
 quàm vindicare mauult, quemq; imitari nos oportet, si  
 Gulielmum cura, ope studio, autoritate tua inueris. Idq;  
 vt facias te plane rogo ipsam autem gratissimum & tua  
 beneuolentiâ dignissimum cognoscies. Dat. id. Iun.  
 Anno primo. Roma.

Maximiliano Mariæ Duci Medio-  
 lanensium.

PALAVICINORVM gentem tibi quidem ma-  
 gnopere aednam tuq; nominis obseruantem omni tem-  
 pore fuisse non dubio. Ego certe vniuersam singulati  
 beneuolentia sum complexus. Itaq; te plane hortor, vt  
 in hac tua illustri contra Gallos victoria Palauicinos om-  
 nes liberaliter tractes habeasq; meo nomine commen-  
 datissimos. Quorum si quis etiam in his rerum mutatio-  
 nibus animorumq; fluctibus, quos hac tempora tulerunt,  
 à te alienior fuit, quanquàm id quidem credere vix pos-  
 sum, sed tamen si fuit, eam tu rem ne vindites, neue  
 propterea in illum animaduertas, abs te peto: sed vt le-  
 nissimo animo sis, atq; vt Principem virum decet, pla-  
 ne mitissimo ac liberalissimo. Dat. id. Iun. Anno primo.  
 Roma.

Maxi-

Maximiliano Mariæ Mediolanensiu Duci. 6

CONSTANTINVM Cominatum Acheorum Ducem Macedoniaq, Principem & Consiliij Lateranensis custodem, quem propter eius plurimas egregiasq, virtutes, atque in Romanos Pont. merita perq, veterem obseruantiam tuendum mihi atq, ornandum suscepi, auxilio tuo ijs in rebus, quas in Monte ferratensi habet, egregie magnopere intellexi. Eum igitur tibi commendo in maiorem modum. Rem profecto mihi gratissimam feceris: si omnibus in rebus, in quibus illi esse vsui poterit studium & liberalitas tua, Constantinum iuueris. In quo certe tuam in me obseruantiam maxime agnoscam. Id vt facias, pro meo quidem in te amore paterne, pro nostra vero in illum beneuolentia studiose diligenterq, ab se peto. Dat. Id. Iun. Anno primo. Roma.

Magistratui Parmensium. 7

CONTVLIT se ad militiam nostram Benedictus Rubens Parmensis, cum levis armatura equitatus L. LX cuius fide egregiaq, voluntate ac virtute locupletissimos testes habeo nuncipes eius prope vniuersos. Quamobrem mando tibi, vt ei statua tribuas, quo in loco agri Parmensis aptius quoq, commodius id fieri posse constitues: stipendiumq, des, queadmodum solitum est dari Et praeter hac eum ita tractes, vt mihi esse plane charus videatur. Dat. XV. Cal. Iulij. Anno primo. Roma.

Guidoni Magno Magistro & conuentui Rhodio. 8

SCRIPSIT ad me Aconitanorum ciuitas nauentorum permagnam Byzantium euntem, cui Vincentius Aconitanus præerat, meritis Florentinorum et Puer-

tium onustam apud Melum insulam à Santolino Rhodio pirata nulla Reip. Florentinae, nulla huius imperij ratione habita captam atque abductam fuisse. Eam ego rem, ut debui agre molesteq; tuli, à vestris scilicet ciuibus, qui quidem omni tempore Christianae Reipub. propugnatores acerrimi omnibus ab hominibus sunt habitati, cum amicos & socios, tum etiam neptigales meos ita turpiter esse violatos. Itaq; te Conuentumq; istum tuum diligenter maximopereq; hortor, des quo celerius fieri potest operam, ut ea naus cum mercibus omnibus, quae quidem merces in ea erant tum cum est capta, earum dominis sine vlla impensa restituatur. Aiunt enim piratam illum sestertia centum sexaginta captiuis dimittendis, naus mercibusq; reddendis petisse. Id tu cum pro Reip. dignitate efficies, ut ea quae omnium Christianorum communis est mater, laesa proditag; à tuis te, quasi gratum filium sui defensorem habeat: tum certè ut iustitiae seruias, ne cuiquam quicquam per tuos contrafas, contra equum, contraq; bonos mores auferatur. Sed omnino etiam ea te causa mouere debet maxime, ne istius societatis optimum sanctissimumq; adhuc nomen illustrisq; gloria notam hanc ignominiae contrahat. Quibus quidem causis rationibusq; omnibus illud adiunges, te in eo mihi, qui te summopere diligo, rem gratissimam esse facturum. Dat. xvi. Calend. Iul. Anno primo. Roma.

Magistratui Bononiensi.

9

MANDO tibi, ut Petro Flisio Cesena Magistratui cum militum numerum mittas, quem is abs te petierit, ad factiosos sceleratosq; latronum duces, quos illis in locis impune versari audio, compescendos & comprehendendos

dendos. Is enim animi nostri sensus est, ut qui male viuunt flagitiosiq<sub>3</sub> sunt, suorum scelerum pœnas luant.

Dat. XII. Cal. Iul. Anno primo. Roma.

Guid. Magno Mag. & Conuentui Rhodio. 10

SCRIPTIS prioribus literis, quibus tecum egeram de nauī Anconitanorum, quam Santolinus Rhodius interceperat, restituenda, certior factus sum præter eorum, quos commemorauī, Senensium etiam ciuium sericas laneasq<sub>3</sub> merces magni pretij ea in nauī fuisse. Quānobrem ut idem illud conficias, eo maiori studio te nunc hortor, quo nobilissimæ vrbis & nostri studiosissimæ deq<sub>3</sub> nobis optime merita ciuium damna detrimētaq<sub>3</sub> adiuncta sunt cum Florentinorum & Picentum iacturis. Itaq<sub>3</sub> ad eas hortationes, quas illæ meæ literæ continebant, magnum ut cumulum his additum literis existimes ad te Conuentumq<sub>3</sub> istum accendendum, ut eam curam procurationemq<sub>3</sub> suscipiatis, magnopere à vobis peto. Erit id mihi supra quàm dici possit gratum.

Dat. XIII. Cal. Iul. Anno primo. Roma.

Alfonso Duci Ferrariensium. II

SITte non amarem, neq<sub>3</sub> tua mihi dignitas curæ esset, tamen pro reipub. maiestate te hortarer, velles Franciscum & Paulum ciues Vicetinos ex nobili portorum familia honestos homines quodq<sub>3</sub> maxime ad rem pertinet, sacerdotio adlectos, quos quidem ad urbem venientes captos in mari multos iam menses in custodia istic habes, aliquando tandem missos facere. Aequum est enim, ut qui omnium Christianorum omnibus in terris curam tuendorum conseruandorum gero, eorum, qui Romana in Cardinalium familijs, in ore Pontificum Maxi-

Et

morum,



morum, in sacerdotum collegio plures sunt annos laudabiliter versati, iacturas, incommodaq; non negligam. Nunc autem, cum ea beneuolentia erga te sit nostra, ut tuarum actionum fama nominis rationem habeamus, te etiam atque etiam eadem de re his duxi literis esse commonefaciendum. Peto igitur abs te, ne id viterius malum sinas progredi, quod cum tibi in primis dedecori est, dum quos vbique gentium tutos esse conuenit, et abs te violantur, tum reip. fraudem indignitatemq; continet: quæ probos & egregios viros ac diu Romæ multa cum laude versatos sacris præsertim addictos male abs te haberi aut negligat, aut si non negligit, tamen ferat: sed ipsos quamprimum in libertatem restituas. Neq; enim qua fortasse ratio illos capiendi tunc fuit, quanquā quidem nulla adduci ratio eius rei satis iusta potest, ea nunc est etiam retinendi: cum non solum commercia cum nostris hominibus & locis tuæ oppida tuæq; populi habeant, sed tu ipse quoque fauore meo studio beneuolentia tuis iam in rebus non semel usus fueris. Quamobrem n° vel Pontificis Max. ratio, vel meus in te amor parum apud te habere ponderis videatur, erit tuæ et prudentiæ et probitatis, dare operam, ut ij ad urbem venire quamprimum possint. Dat. XII. Cal. Iul. Anno primo. Roma.

Magistratui Bononiæ.

12

QVONIAM satis confidimus omnes nostros militum præfectos paratissimos esse, quo unq; opus est, sine vlla mora proficisci: mando tibi, ut eos omnes eorumq; vicarios, qui istic sunt adhibeas, eisq; meus verbus denunties, ut ad urbem Veronam Maximiliano n° peratori contra Venetos defendendam se quamprimum conferant:

rant : qui quidem meritis de nobis est , ne eius ditionem  
vllis ab hominibus vexari deripiq<sup>3</sup> permittamus . Quod  
vt etiam facere libentius aggrediantur , recipere te eis  
volo quartam alteram vnius anni stipendiorum partem  
per Quastores eis nostros propediem datumiri . Dat.  
XIIII. Cal. Iul. Anno primo. Roma.

Magistratui Rauennæ.

13

ALLATVM ad nos est Federicum Gonzagam  
Francisci Marchionis Mantuæ filium , dum à me , ad  
quem quidem officij causa venerat , in patriam rediens  
iter per agrum Rauennatem faceret , ab agricolarum  
magna manu , qui se in insidijs locauerant , ita exceptum  
fuisse , vt parum absuerit , quin ab illis trucidaretur : an-  
cipitiq<sup>3</sup> fuga atque cursu extra illius agri fines se celeri-  
ter eripientem , equos , vestem suam atque suorum vi ab  
armatis interceptam direptamq<sup>3</sup> amisisse . Quod quoni-  
am indignissimum factu est , et a nostra dignitate meoq<sup>3</sup>  
studio alienissimum : qui non illum modo optime de me  
meritum , sed omnes etiam , qui bene viuunt , homines  
in huius reip. ditione tutos esse magnopere volo , mando  
tibi , vt super ea re queras diligentissime , perscrutereq<sup>3</sup>  
eius sceleris omnes partes , atque in reos animaduertas ,  
quemadmodum tibi æquum & iustum videbitur : in pri-  
misq<sup>3</sup> vt ablata omnia restitui cures Federici procurato-  
ribus , si reperiri poterunt : vel eorum pretium , si distracta  
fuerint . Quibus in rebus omnibus administrandis confi-  
ciendaq<sup>3</sup> ita te geres , vt egregij adolescentis , qui qui-  
dem à me propter suam iam indolem & mores regio  
nobilitatemq<sup>3</sup> generis paterna diligitur , detrimentis per  
te atq<sup>3</sup> iniuria recte atq<sup>3</sup> abunde consulatur . Dat. VIII.  
Cal. Iul. Anno pri. Roma.

Es 2

Maxi-

Maximiliano Mariæ Duci Mediolanenſium.

CERTIOR factus ſum Scipionem Eliſcum & Hieronymum Adornium at te atque ad Heluetios ſederatos meos ex agro Genuenſi magnis itineribus contendiſſe vt te atque illos ad Octauiani Fregosij Genuenſium Ducis nuper lecti res cogitationesq; perturbandas excitarent. Quamobrem ſtatui has ad te literas quamprimum dare: vt intelligeres eum me virum propter eius plurimas excellentesq; virtutes magni ſemper feciſſe, atque vniuerſa noſtra cum gente atque familia omni officio neceſſitudinis coniunctiſſimum habuiſſe. Quas ad res acceſſit cum ipſius Octauiani, tum etiam Federici Archiepiſcopi Salernitanorum eius fratris viri omnium virtutum genere perornati, quem etiam inter ſacrorum noſtrorum miniſtros domeſticos aſciuiſſimus, in Romanos quidem Pontifices perpetuus cultus, in me verò egregia præter id ſingulari q; obſeruantia & ſtudio: vt nihil ab illis vnquam prætermiſſum ſit, quod ab optimis ſpectatiſſimisq; hominibus & Pontificum maximorum ſtudioſiſſimis optari expectariq; potuiſſet. Itaque illos in fidem clientelamq; meam libentiſſime ſuſcepi, animoq; meo gratiſſimos ſanè atque chariſſimos habeo. Quapropter non ſolum te hortor, ſed etiam magnopere abſ te peto, vt cum his de cauſis omnibus, quas commemorauim, tum vel maxime, ne vltcrius ea ciuitas tam egregia tamq; illuſtris nouis rebus excitandis perturbetur. Scipionem & Hieronymum contra Octauianum aliquid abſ te poſtulantem ne audias, neue eos, quantū in te erit, impetrare ab Heluetijs quicquam ſinas hac in re: ſed perſuadeas  
quieſce-

quiescere, tranquillitatemq<sup>3</sup> suā potius amare patriā, quod bonos viros facere egregiosq<sup>3</sup> ciues deiet, quā sua ipsorum desideria & cupiditates sequi. Quod si feceris: tua in me obseruatia consuetudine atque officio maxime vsus fueris: remq<sup>3</sup> feceris tū. & rectam per sese & honestam, tum in primis & gratam & iucundam et optatam: quemadmodum etiam tecum aget Fabritius familiaris meus: quem ad te hac de causā his cum literis misi. Dat. VIII. Cal. Iul. Anno primo. Roma.

Alfonso duci Ferrariensem.

15

MAGNOPERETE hortor, vbi si Raimundus Neapolis Porrex, qui exercitum fœderatorum cum imperio habet, tormenta vlla bellica, quæq<sup>3</sup> ad ea exercendā vsi sunt, abs te petierit, eum tua ope iuues, commodessq<sup>3</sup> cū quibuscunque in rebus poteris. Quod eo facere libentius debebis, quod is tormentis illis ad defendendum Maximiliani Imperatoris oppidum Veronam vti vult. id si feceris quemadmodum te facturum confido, cum Ferdinando Hispaniæ Regi, tum erit mihi plane gratissimum. De Maximiliano vero ipso optime prælaeq<sup>3</sup> merebere. Dat. VIII. Cal. Iul. Anno primo. Roma.

Eidem.

16

RES rationesq<sup>3</sup> omnes Archiepiscopi Rauennæ commendo tibi sane per diligenter, eaq<sup>3</sup> præsertim, quæ ad immunitates eius pertinent. Is quoniam in primis cupit possessiones emphyteoticas, quæ quidem ad Ecclesiam suam reciderunt propterea quod qui eas habebant, pensionem quam tenebantur, non persoluerant, neq<sup>3</sup> pactio- nibus steterant, recuperandi sibi ius et potestatem dari, te hortor, vt ei te tam facilem hac in re tamq<sup>3</sup> beneuolum



prabeas, vt quæ à religioso Principe impetrari fas est, ea  
is abs te commendatione mea impetret. Dat. septimo  
Cal. Iul. Anno primo. Roma.

Francisco Mariæ Vrbinatium duci. 17

SCRIPSIMVS ad eam nostram militum equi-  
tunq<sub>3</sub> manum, quæ Bononia atq<sub>3</sub> illu in locus hyemauit,  
vt quamprimum Veronam se conferrent, eamq<sub>3</sub> urbem,  
quam velle aggredi Venetos intelligo, tueantur & mu-  
niant. Quoniam autem puto fore, vt te quoq<sub>3</sub> cum tua  
manu illuc accedere oporteat, volo vt te tuosq<sub>3</sub> omneis  
via atq<sub>3</sub> itinere compares, ne quid more per te sit, quin  
ei profectiōi, cum adnuero, præstò esse possis. Dat. quin-  
to Cal. Iul. Anno primo. Roma.

Heluetiis, 18

SCRIPSI nudiustertius ad vos, quantoq<sub>3</sub> amore  
Octauianum Genuensium Ducem complecterer, sanè  
ostendi. Quem quoniam cum ipsum maxime, tum etiam  
Federicum Archiepiscopum Salernitanorum eius fra-  
trem familiarem meum mihiq<sub>3</sub> in sacrificijs assidentem  
in meam fidem tutelamq<sub>3</sub> receperam, hortatus sum vos,  
ne vllos homines contra eos quippiam apud vos molien-  
tes audiretis, neue permetteretis eam urbem tam e-  
gregiam tamq<sub>3</sub> illustrem bellis ciuilibus diu vexatam,  
quæ sibi finem beliorum et laborum omnium in illo Duce  
creando magnopere sperauit fore, posthac vltterius nouis  
rebus excitandis conflictari: eaq<sub>3</sub> de causa Fabritium fa-  
miliarem meum ad vos cum mandatis misi, qui vobis  
mentem super ea re meam, quam ipsi aperueram, latius  
atq<sub>3</sub> commodius explicaret. Nunc autē tametsi pro mea  
in vos singulari beneuolentia, proq<sub>3</sub> vestro in Romanos  
Pontifi-

Pontifices cultu existimem, planè vos quæ volo esse facturos: tamen quia certior factus sum, eossem illos, de quibus ad vos scripsi, à suis apud vos postulatis non recedere, sed omni conatu contendere, ut Fregosios fratres & à re p. administratione prohibeatis, & domo expellatis: iterum vos hortandos monendosq; esse magnopere existimaui, nè quid omnino contra illos susciperetis. Ego enim qui quidem mores eorum & virtutes optime cognitas & perspectas habeo, vobis polliceor & spero, si id, quod peto feceritis, vos apud ipsos præclarissime posituros, suamq; illos benivolentiam, si um nobis studium cumulatissime præstatueros: eiusq; rei vadem me pro illis apud vos constituo, nequid amplius dubitare possitis, quin si à vobis contra illos quis impetrare quippiam volet, causam rejciatis. Nemo enim vobis illis fratribus amicior, nemo fide præstantior, nemo certe in officio constantior atque perseverantior est futurus. Quare totam hanc rem atq; causam ita vobis commendo, ut maiore studio & diligentia commendare nihil possim. Magni enim & nostra, & vestra, atq; in primis Maximiliani Mariæ Insubrum Ducis interest, eos fratres, de quorum fide probitate constantia magnopere confido, ei urbi præesse: quæ magni sanè monenti ad res Italiæ vel turbandas, vel confirmandas semper fuit. Dat. quarto Calend. Jul. Anno primo. Roma.

Maximiliano Mariæ Insubrum

Duci.

19

ET si existimem ijs te literis lectis, quas Fabritio familiari meo ad te deor. psoq; audito in causa Fregosiorum ea quæ volo est facturum: tamen quoniam postea intellexi

tellexi te arcem Genuæ ab Octauiano petere, eamq<sup>3</sup> vel-  
le tuis militibus communitre, vt securus esse possis eum te-  
cum in officio futurum : has alteras etiam dandas ad te  
literas duxi, quibus te commonefacerem, nequid amni-  
no contra Octavianum statueres propter eam causam.  
Ego enim, cui tota eius viri vita, natura, mores omnes  
perspectissimi sunt, quique tum ipsum, tum Federicum  
Archiepiscopum Salernitanorum eius fratrem mea fide  
& clientela sum complexus, spondeo tibi, meq<sup>3</sup> recipio,  
fore vtrumque tui studiosissimum : ne quid tibi posthac  
dubitandum sit, quin omnes contra illos quippiam abs te  
postulantes reijcias. Nemo enim illis tibi vel in bene-  
uolentia officiosior, vel in fide atque perseuerantia con-  
stantior, vel in reddenda gratia diligentior, vel in  
vicinitate vtilior & fructuosior est futurus. Itaque  
non iam nostra modo & Reipubl. dignitatis maiesta-  
tisq<sup>3</sup> interest Octauiano & Federico nihil abs te labo-  
ris nihil molestiæ adhiberi: sed maxime etiam tua, qui ab  
optimis illis fratrib. et magni erectiq<sup>3</sup> animi viris et sum-  
ma prudentia summaq<sup>3</sup> integritate præditis hominibus,  
quodad illi ciuitati perunt sperare debes plurimas te vti-  
litates adiumentaq<sup>3</sup> esse maxima atq<sup>3</sup> firmissima pceptu-  
rū. Quas ob res omnes si non solū mihi rem grauissimā,  
sed tibi quoq<sup>3</sup> maxime cōmodā maximeq<sup>3</sup> salutare fac-  
cere vis, eos fratres ad illius Reipub. administrationem à  
suis ciuib. vocatos non modo non vexabis ipse: sed si qui  
erunt, qui id facere quoquo modo animati sint, etiam de-  
fendes. Dat. quarto Cal. Iul. Anno primo. Roma.

Francisco Mariæ Metaurensem

Duci,

20

DECURIA

DE cura studio diligentiaq<sup>3</sup> tua in Fani Fortune municipiū sedandis factionibus adhibita, de qua certior factus sum multorum sermonibus & literis, epistolaq<sup>3</sup> tua grauit<sup>r</sup> & prudenter scripta: scire te volo, mihi in eo rem gratissimam te fecisse. Nihil enim aq<sup>3</sup> cupio, quā ut populi, quibus præsū nulla inter se odia, nullas simultates exerceant: sed mutuis animorum studijs & beneuolentia coniungantur. Verum quia non solum bonarum rerum fundamenta iacere, sed eas etiam altius construere ac plane perficere oportet, etiam atq<sup>3</sup> etiam te hortor, ut adhibitis, si tibi videbitur, ad consiliorum tuorum administrationem teq<sup>3</sup> leuandum laboribus Episcopo Polycastrensi & Bernardo Cardulo familiari meo, opus iam abs te praeclare inceptum erigas, producāsq<sup>3</sup> ad summum: desq<sup>3</sup> operam, ut illius oppidi ciuium omni ex parte odia simultatesq<sup>3</sup> sedentur ipsos quibuscunq<sup>3</sup> voles luendis pœnis dandisq<sup>3</sup> cautionibus obstringendo. Volo enim tibi liceat omnia facere atque constituere super ea re, perinde atq<sup>3</sup> mihi si adessem liceret: non solum ratum, sed plane etiam gratum habiturus, quicquid statueris, egeris, iusseris: dum id vnum abs te contendatur, ut earū inimicitiarum et factionum, quas extinguere et aboleri cupio, nulla porro semina, nulla renascendi facultates relinquantur. Quod si quemadmodum de tua virtute confido, ita rē confeceris: prae<sup>r</sup>terquam q<sup>d</sup> erit id mihi supra quā dici possit gratum, Resp. tibi etiam multum debet. Quarto Cal. Iul. Anno primo. Ro.

Maximiliano Romanorum Imperatori designato.

21

HERI quemadmodum Deo Opt. Max. placuit, qui

Ec 5

delin-



delinquentium inmeritum non vult, sed vt eos pœniteat  
& viuant, Bernardinus Carauiallis Episcopus et Federi-  
cus Seuerinus Diaconus Cardinales, quos antea propie-  
rea quod in Dci Ecclesia sacrosancta aïram permio-  
sa<sup>q</sup>3, siffratis nebulam excitauissent, Pisannuq<sup>3</sup> Con-  
cilium confluissent, Iulius Secundus Pontifex Max.  
Cardinalatus amplitudine ac munere sacerdotijsq<sup>3</sup> om-  
nibus multauerat, priuatosq<sup>3</sup> reddiderat, aura Zephiri  
cœlestis afflari ad veram pœnitentiam reuertentes fre-  
quenti fratrum meorum Cardinalium Conuentu popu-  
lari in veste ad pedes se nostros demissi supplicesq<sup>3</sup> pro-  
ruerunt, veniamq<sup>3</sup> suorum errorum & delictorum  
precibus omnibus petuerunt, paratosq<sup>3</sup> se dixerunt esse,  
quam ipsis cunque pœnam stauissemus, eam luere &  
peti animis libentissimis: pollicitiq<sup>3</sup> sunt se post hac sa-  
cro Lateranensi Consilio semper ad hasuros, semper mea  
fratrumq<sup>3</sup> meorum voluntati mandatisq<sup>3</sup> obtemperatu-  
ros. Quod ipsum tamen si antea per eam schedam manu  
sua scriptam fecerant, quæ in postremo eiusdem Concilij  
die perlecta pœnitentiam eorum humilitatemq<sup>3</sup> decla-  
rauit: idem tamen multo quidem clarius atq<sup>3</sup> apertius  
presentes egerunt: Pisanoq<sup>3</sup> Concilio repudiato altera  
à se perlecta scheda plenior scilicet expressiorisq<sup>3</sup> sen-  
tentis planeq<sup>3</sup> submissioris, quæcunque in ea acta essent,  
damnauerunt magnopereq<sup>3</sup> improbauerunt. Quam-  
obrem, nos quos quidem ea lege vniuersæ Christianæ  
Reip. Deus proposuit, vt nemini vere pœnitenti pietatis  
sue, cuius nos ministros esse voluit, fores occluderemus,  
humilitatem eorum, confessionem, pœnitentiam gratif-  
simam Deo sacrificiam sperantes futurq<sup>3</sup>, eos ambos p-  
terne

terne quidem antea reprehensos atq; castigatos eorundē  
 Cardinalium cōsensu ad Cardinalatus officium dignita-  
 tem sessionemq; qua prius utebantur, restituiimus. Quod  
 eo libentius feci quod perniciosum illud scismatis vulnus,  
 quo tunc Ecclesia Dei scissa dissectaq; ab illis nō solus fuit,  
 eorum duorum ad verā poenitentiam reditu coire plane  
 iam sanariq; videbatur. Ad cuius quidē scismatis nomen  
 extinguendum atq; delendum ipse certe negligetior ac  
 dissolutior si fuisset, tuæ tamē prudentes hortationes me  
 in prunis excitare potuissent, ut nihil pratermitterem, qd  
 ad negotium consiciendum ad exitumq; perducendum  
 posse aliqd afferre opis ei facultatis videretur. Itaq; cum  
 per me ipse nihil aequē vnquā optauissem, q̄ in Dei sponsa  
 vultu eam notā cicatricemq; aboleri, te hortatore liben-  
 tius atq; proclivius in eam cogitationē incubui, ut eos vi-  
 ros, quos cōmemoravi, ab alienatos dudum à Rep. descen-  
 dentesq; ad veritatis fontem recta redeuntes via amice  
 paterneq; exciperem. Qua omnino de re non solum nos,  
 sed vniuersa vrbs visa est magnam voluptatem cepisse,  
 seq; admodum audito eiusmodi humilitatis poenitentiae  
 restitutionisq; nuntio exhilarauisse. Ipse autē maximas  
 Deo gratias cum egissem, qui suos de alienis facit, quiq;  
 nobis dedit tanti sceleris comprimendi facultatem, hac  
 tibi omnia in primis duxi esse significāda: quem quidem  
 pro tuo in Remp. conseruandam atq; amplificandam cu-  
 ra studio diligentia labore plane scio libenti animo has  
 literas perlecturum: in quibus erit vtrarumq; de quibus  
 mentionem feci, schedarum & cum ijs abolitionis no-  
 stra eorum peccati, restitutionisq; ad priorem statum ex-  
 emplum: quo cognoscere singula melius atque facilius  
 possis.

possis. Te verò: tametsi minus id quidem necesse est facere me, sed pro meo in te studio mihi tamen faciendum puto: amantiſſime ſanè hortor, vt, quod adhuc quidem ſemper feciſti, poſt hac etiam facias, piamq; matrem omnium Deum amantium Eccleſiam, cuius protegendæ cauſa poſt Chriſti vicarios maximum ipſe in terris magiſtratum geris, ab omnibus eius pacem atq; concordiam perturbantib. vindices atq; defendas. Dat. quarto Cal. Iul. Anno primo. Roma.

Petro Bibienæ apud Venetos

Internuntio.

22

INTELLEXI Pontechianos, qui vicus in Rodi-  
gienſi eſt Hadriana diœceſcos, nolle Aloſii Durantis  
ipſorum phano præfecti procuratoribus eo fructus deci-  
marq; perſoluere, qui fructus quæque decimæ ad eum iu-  
reſpectant, idq; pernegare ſe facturos. Quod quoniam et  
periniquum quidem eſt, & à noſtra dignitate valde a-  
lienum, inando tibi, vt Leonardum Lauredanum Vene-  
tiarum Principem meis verbis moneas, ne permittat ad  
templi ſui fructus percipiendos ullis ab hominib. Duranti  
moram fieri: mandetq; magiſtratibus, dent operam, vt  
nihil poſthac moleſtiæ Pontechiani eius procuratoribus  
exhibeant. Ea in re tota omne tuum ſtudium ſic adhibe-  
bis, vt non videar fruſtra ſcripiſſe. Erit & hoc honeſtum  
ipſum per ſe, & mihi in primis gratum: illi autem etiam  
neceſſarium, qui ex ijs prouentibus ſe ſuſtentat. Dat.  
prid. Cal. Iul. Anno primo. Roma.

Maximiliano Mariæ Mediolanenſium

Duci.

23

ALLATVM ad nos eſt, ſebaſtianum Bonum, Vin-  
centium

tium Venerium, & Bernardinum Taiapetram ciues Venetos, cum captiui apud Gallos quatuor ipsos annos fuissent, missos tandem factos, eiq<sup>3</sup> Gallia in patriam redeunt in tuo regno iterum captos fuisse, esseq<sup>3</sup> nunc apud Iacobum Galeranium Mediolanensem ciuem in custodia. Quod quoniam per se quidem illiberale admodum est, à tui vero nominis gloria etiam abhorrens, eos, qui nullam partem militia attigerunt, quiq<sup>3</sup> per tua loca, quo magis tui essent, iter faciebant pacis & quietis homines à tuis male haberi: etiam atq<sup>3</sup> etiam te hortor, velis eos sine vlla mercede quam primum missos facere. Quæ res eo etiam erit iustior, quod Mediolanenses ciues tui apud Venetos tam secure tamq<sup>3</sup> libere degunt, quam Mediolani: neque illos quisquam captiuos vllis in eorum locis facit. Vterer pluribus verbis nisi res satis per se ipsa loqueretur. Vnum addam, quod quanti tibi faciendum sit, statues ipse: si Venetos liberaueris, occasionem eorum reipub. eripies male in tuos cogitandi. Dat. quinto Non. Iul. Anno primo. Roma.

IOACHIMO MARCHIO-

NI BRANDEBVR-

genſi.

24

LITERAE tuae, quibus mihi de Pontificatu Maximo gratularis pergrata mihi perq<sup>3</sup> iucunda fuerunt. Nam et tuum in reip. obsequium atq<sup>3</sup> cultum, & in me ipsum veterem obseruantiam & studium præ se tulerunt. Itaq<sup>3</sup> si quid erit, in quo amplificare tua commoda tuamq<sup>3</sup> dignitatem possim, meam tibi operam in eo libentissime polliceor. Quod autem mihi Ioannem Plancheselem iurisperitum procuratorem tuum doctum sane homi-



hominem, & prudentem virum, & agendis rebus in primis idoneum diligenter commendas, facis & ex more boni Principis, & ex ipsius, ut mihi videtur, meritis. Quamobrem & complector iam illum libenter per me ipse, & post hac tua commendatione mihi erit etiam charior. Dat. V. Non. Iul. Anno primo. Roma.

MAXIMILIANO MARIAE IN-

SVBRVM DVCI.

25

IOANNIS Galeatij Corrigijus, quod super oppido Castellatio, cuius est ipse dominus, vel, ut vulgo dicitur, Comes, ratione dotis avita habet, tibi magnopere commendo. Is eo oppido à Gallis vi atq; iniuria exulsus, quo primum tempore rebus Mediolanensibus sunt patiti, nunc, cum tu illos è tuo Regno expulisti, restitui per te in eius oppidi possessionem cupit: speratq; fore: ut id, quod optat, nobis commendantibus facile assequatur. Ea opinio ne eum fallat: abs te peto cum ipsius, quem vnice diligo, causa: tum maxime tua: ut in ista tua surgenti adhuc atate ea fundamenta iacias optimi iustissimiq; Principis ut à te quilibet, quod sui iuris sit, facile se obtenturum existimet, eaq; de causa et hominibus omnium Principum charissimus, & Deo Opt. Max. omnium hominum gratissimus esse possis. Dat. Non. Iul. An. 1. Rom.

FRANCISCO MARIAE ME-

TAVRENSIVM DVCI.

26

CONCESSERAM superioribus diebus Ioanni Mariae Germano viro artis musices peritissimo meoq; familiari sane perueteri arcem Verruchianam per Vicarium custodiendam. Nunc autem quoniam certior factus sum veterem arcis praefectum oppidanosq; ipsos omne studium

diū adhibituros esse, ne is aut eius Vicarius ad arcis custodiam admittatur, te hortor. vt Ioanni Maria tantum auxilij tui des, quantum ei satus sit ad ineundam illius arcis custodiam. Datum octauo Idib. Iulij. Anno primo. Roma.

## MAGISTRATIBVS BONO-

NONIENSIBVS.

27

AD ea, quæ nouissime Bernardo Bibienæ Quaestori meo scripsistis de ijs, qui se defendunt moramq; faciunt restitutioni de rebus Bentiuolorum fienda, appellationibus Romæ interpositis, alijsq; eiusdem modi adminiculis nixi, ita vobis & respondeo breuiter, & mando, vt ea tantum vobis curanda esse tractandaq; statuatis, quæ in nostris ad ipsos Bentiuolos fratres literis, quarum exemplum ad vos misimus, continentur: neq; vllius hominis tergiversationes & mora, quæ contra eas concessiones fiant, vobis impedimento sint, quo minus quæ imperavi, per vos conficiantur, ad exitumq; perducantur. Datum 7. Id. Iul. Anno primo. Roma.

## MAXIMILIANO MARIAE ME-

DIOLANENSIVM DVCI.

28

GRAVITER ac permolestè accepi, te Fabritio familiari meo ad te propterea misso, vt tum Episcopo Comensi, tum Petro & Augustino & Philippo Iriultijs fratribus possessiones bonorum vel hereditatum creditone vel alijs nominibus iure quasitorū per te illis impeditæ restituerentur, respondisse te, quæ feceris, iure fecisse, scireq; te nos ita iudicatuos fuisse, si rem atq; causam intellexissemus: misisse autem te magnis itineribus Romanam cum literis certum hominem, qui me omnibus de rebus

rebus doceret. Nam neq<sub>3</sub> vllas abs te literas accepi, neq<sub>3</sub> tuorum vidi quicquam: qui etiam si nulla itineris celeritate vsus esset, Roma tamen esse hoc temporis potuisset. Vereor autem, ne dum abs te facti rationem expecto, frumenta eorum interea per tuos & messes, quæ adhuc quidem in agris sunt, & diripiantur, & distrahantur, eaq<sub>3</sub> de causa sint ista interposita mora. Quid enim in te admittere ij, qui apud nos viuunt, qui nobis præsto sunt, qui Reip. operam suam dant, fratres Episcopusq<sub>3</sub> potuerunt? De eorum propinquis & necessarijs, si in aliquo deliquerunt, nihil tibi mando, quo minus in eos animaduertas, vt voles. Tamen si nihil Principe viro dignius, nihil est altis erectusq<sub>3</sub> animis magis proprium liberalitate atq<sub>3</sub> clementia. Hos, qui Romæ degunt, qui nostros ob oculos quotidie versantur, quiq<sub>3</sub> in Dei Ecclesia, in ipsa Petri puppe nostro se ministerio dediderunt, eos quidem & tuendos mihi esse magnopere existimo, & nisi per tuos impediri rectas & cogitationes, & actiones meas pateris, sane tuebor. Nam velle te eis ire ipsum obuiam, existimare nullo modo possum. Veruntamen quoquo modo se res habet, non hortor modo, sed etiam atq<sub>3</sub> etiam abs te peto, vt vel iustitiæ inductu, quam quidem tueri ipse omnibus modis debes, vel meo, qui tuus res omnes paterno amore charitateq<sub>3</sub> sum complexus, atq<sub>3</sub> ita complexus, vt nullas magis, sine vlla excusatione aut mora eorum, quos commemoravi, bonorum possessiones vniuersas atq<sub>3</sub> integras ipsorum procuratoribus mandes restitui, tum etiam reponi, siquid ablatum interea fuerit. Ne ipse, qui pro tuo statu dignitateq<sub>3</sub> tuenda, atque conseruanda nihil pratermitto aut cogitationis, aut studij,

aut laboris, aut certæ benevolentia, homines honestissimos mihiq; charissimos ac bene de me meritos male à tuis habitos tueri apud te atque defendere non possim: neue mihi toties eadem ad te de re sit scribendum. Quod quidem quam indignum sit, existimare per te ipse facile potes, atque vt existimes sane velim: quàm verò agre à me molesteq; feratur, idem tibi Fabritius exponet: quem ad te propterea remitto. Sexto Id. Iul. Anno primo. Roma.

Altosaxo exercitus Heluetio-  
rum Duci.

29

C V M de tuo forti magnòq; animo & in nos propensissimo, & à M. Cardinali Seduno, qui de te nobiscum saepe summa cum tua laude ac dignitate est loquutus, & fama ipsa ac rumore nuntio, ea qua de claro & excellenti viro dici possunt, auribus libentissimis audierim, & virtutem tuam plurimi facio, & te magnopere diligo. Itaque filium tuum ab eodem Cardinali mihi tuo nomine diligenter commendatum in ipso iam paternæ nostræ charitatis sinu collocatum esse existimare te plane volo, ornaturus iuuenem, cum primum se occasio nobis dederit, is ornamentis, quibus perspicere possis quantum te amen. Neque tamen non te ipso etiam multo maioribus aliquando præmijs atque muneribus afficiam, vt agnoscere meam erga te voluntatem omnibus in rebus facile possis. Horior autem te, vt quem adhuc quidem te in Dei ecclesiam Romanosq; Pontifices præbuisi, eundem posthac etiā præstes: gloriamq; tuam, q̃ es pie fortiterq; agendo consequutus, eisdem artib. non conserues solum, sed etiam augeas. Dat. quarto. Id. Iul. Anno pri. Roma.

Ff

Ansell-



PETRI BEMBI  
ANSELMO GRAFESIO

ACOLYTO.

30

STVDIVM & diligentia in rem Romanam atq;  
nos tua mihi sane gratissima accidit: quemadmodum  
cum M. Cardinali Seduno loquutus sum, qui mihi saepe  
de te honorifice multa narrauit. Itaque te sublegi ad ea  
sacerdotia, qua putauit ex tuo vsu animoq; salute tibi  
fore: cuius rei literas ad te confectas mitimus, ut & be-  
ne sperare de nobis possis, & in tuo erga nos officio post-  
hac libentius constantiusq; permanear. Dat. quarto Id.  
Iul. Anno primo. Roma.

PETRI BEMBI EPI  
STOLARVM LEONIS DECL  
MI PONT. MAX. NOMINE  
scriptarum.

LIBER QVARTVS.

HELVETIIS LIBERTATIS EC-  
CLESIASTICAE DEFENSORIBVS  
foederatis nostris.



QVIDEM cum in ea victoria, quam  
superioribus diebus maximam estis atq;  
clarissimam consequuti, vnum illud vel  
pro natura mea sensu & lenitate, vel  
pro credito mihi communis parentis atq;  
Pontificis munere doluerim, tantum scilicet humani san-  
guinis effusum esse, tantam Christianorum hominum  
manuum

manum tamq̃, fortem cecidisse: valde tamen vehemen-  
terq̃, lator, vos, qui Ecclesia Romana libertatem defen-  
dendam tuendamq̃, suscepistis, vestros eiusdem liber-  
tatis hostes fugauisse propeq̃, deleuisse. Qua ex rema-  
gna vos gloria magnaq̃, vtilitates sunt subsequuta.  
Neq̃, enim minorem ex vestris commodis honoribus in-  
crementis voluptatem capio, quam par est patrem cape-  
re in optimorum & charissimorum filiorum prosperis fe-  
licibusq̃, rebus. Illud etiam me voluptate magnopere af-  
ficit, quod qui legitimam Dei sponsam vexare, inconsu-  
tilemq̃, Christi tunicam scindere sunt aggressi, quos  
quidem antequam in eam cogitationem atq̃, scelus ani-  
mum induxissent, omnium rerum florere videbamus, vt  
primum se malis conatibus dediderunt, infeceruntq̃,  
scismaticis prauitatibus, imprecationumq̃, Iulianarum  
iustissimis vocibus tacti percussiq̃, sunt, statim illis amare  
omnia infelicerq̃, ceciderunt: partaq̃, ab ipsis gloria si-  
mul cum regno ad eos, qui aut Ecclesia Romana pa-  
rent, aut eam tuentur, facile transit. Quibus de re-  
bus omnibus ago maximas immortalis optimoq̃, Deo  
gratias, agamq̃, diu viuam: qui ab alienatos a se de-  
sciscientesq̃, respuit: suos aut iacentes subleuat, aut  
stantes non deserit. Vos autem, quos idem Deus sua  
voluntatis esse ministros voluit, charissimos animoq̃,  
meo sensibusq̃, omnibus planè habeo coniunctissimos.  
Neq̃, vos moueant improborum voces, quæ vt intelligo  
iactantur temere illa quidem atq̃, iniuste, nos reliquosq̃,  
fœderatos nostros compositis & pacatis rebus, vestrum  
praterea nomen vestramq̃, beneuolentiã non curaturos.  
Nam me quidem ab eo fœdere, quod mihi vobiscum est,

quo ad vos non pautebit, nihil profecto abducat. Quin illud etiam adies noctesque cogito ac verso, quoniam vos pacto cum omnibus foederatis mihi regibus ac populis committos facere atque foederatos possum: ut & securiores esse maiori fulti praesidio possitis, & eorum omnium adiumento & conspiratione ornatiores. Quod Dei benignitate brevis futurum confido. Itaque hoc sic habetote, ut de mea prona propensaque ad vos amandos ornandosque voluntate studio beneuolentia vobismetipsi omnia polliceamini, quae expectari possunt ab huius reipub. Praefecto vestri nominis amantissimo vobiscumque consociatissimo. Hortor autem vos, planeque a vobis etiam atque etiam peto & postulo, ut quemadmodum adhuc quidem egregie laudabiliterque fecistis, seduci vos ab alienarique a nobis quorundam maleuolorum artibus posthac ne permittatis: sed contra erigatis potius diligentiamque vestram ea in re etiam adaugeatis. Quibus de rebus omnibus Ennius Episcopus Verulanus aget vobiscum latius. Dat. Prid. Id. Iul. Anno primo. Roma.

MAXIMILIANO MARIAE IN-  
SVBRVM DVCI.

INTELLEXI, quod quidem mihi permolestum accidit, te quorundam non optimorum hominum hortationibus Augustinum Panigarolam Genuensem virum egregia virtute et iuris civilis scientia in primis clarum, una cum eius filio comprehendi a tuis custodiri, iussisse, cum existimares vera esse posse, quae de eo iactabantur, ipsum scilicet contra te ditionemque tuam cogitauisse facereque voluisse. Quam rem cum melius intellexisses, neque quicquam vere ab eo contra te perpetratum compe-

risses,

risses, laxiorem ei te carcerem dari mandauisse: fortasse  
 etiam nihil in illum durius atq; acerbius prater ea cogita-  
 re. Id autem non statim ab initio intellectum est. Itaque  
 primus eius rei nuntius mihi, vt dixi, molestissimus fuit.  
 Secundus aliquantum de mea priore molestia detraxit.  
 Verum quoniam cum vinum propter eius egregias plu-  
 rimasq; virtutes & excellentem doctrinam & amari  
 multum quidem antequam essem Pontifex Maximus,  
 eiusq; in me beneuolentia opera studio multis in rebus  
 vsus sum, & nunc etiam, vti certis in causis maximis at-  
 que grauissimis cogitabam, erantq; ad illum ijs de rebus  
 literas iam daturus: te quantum consequi amore erga te  
 meo possum, hortor, vt quicquid illud est, quod superest  
 aut suspicionis aut causa, quin illum missum facias, id o-  
 mne, mihi remittas & cordones, ipsumq; Augusti-  
 num & eius filium rogatu meo statim non solum restitui  
 mandes suis, sed etiam eo loco habeas apud te, quo habe-  
 bas antea, tuamq; illi beneuolentiam integram atq; so-  
 lidam reddas: quemadmodum & ipsius virtus meretur,  
 & mea in te charitati largiendum est: vt eo viro vti,  
 atque illi ea, quae volo, curanda tractandaq; mandare  
 quamprimum possim. Erit id mihi tam gratum, vt nihil  
 gratius. Dat. xv. Cal. Aug. Anno primo. Roma.

## LVCRETIAE DVCI FER-

RARIENSIVM.

COGITATIONES tuas ardoremq; mentis &  
 propensum ad religionem studium & amari antea, plu-  
 rimiq; semper feci, pulchrum atq; arduum existimans  
 te in magna deliciarum omnium affluentia propter do-  
 mesticam amplitudinem splendoremq; positam contine-



re in timore Dei cogitationes tuas, dareq; te in omnia pietatis officia, erectoq; animo cœlestia aternaq; spectare. Et nunc studium idem tuum prosequi amplectiq; favore aliquo meo capiens, id, de quo me diligentissime rogas, feci ut quaecunq; tibi & Alexander VI. & Iulius Secundus Pontifices Maximi ad tuae animae salutem spectantia suis ad te datis literis concesserunt, aut etiam quoquomodo tibi condonauerunt, ea omnia vi recte rationabiliterq; concessa magnopere probarem. Quod quidem & si erat ipsum satis amplum per sese ad id, quod optas consequendum: tamen quo melius atq; facilius voluntatem erga te meam perspicere possis, quatenus opus sit, eadem illa tibi ipse etiā concedo & largior. Quorum omnium sensum non secus, atq; si eum his in literis expressissem, certum & ratum haberi volo: deleoq; quicquid officere huic meae vel confirmationi, vel concessioni atq; muneri potest. His aut ad te dandis literis eo pronior fui, quod te spero de cœlesti Dei gratia deq; bonitatis eius fonte vberius haurientem in illius purum cultum, atq; in omnia laudabilia et illi grata studia animaeq; tuae salutaria libentius etiam posthac atq; ardentius quotidie ituram. Reliquum est, ut tibi persuadeas, me earum rerum omnium, quae honestam tui animi voluptatem, commoda praterea incolumitatemq; tuam contineant, nihil tibi vnquam negaturum. Dat. XIII. Cal. Aug. Anno primo. Roma.

Herculi Marefcotto Bononiensi. 4

GRATAE mihi tuae literae fuerunt: & amo enim te quidem ipse: & ex te mihi omnia sunt incunda. Itaq; velim tibi persuadeas carissimum te mihi esse. Quoniam  
autem

autem certior factus sum Ioannem Aloisium & Aemilium liberos tuos haud ita moderate temperatèq; vivere, ut ex te natos decet: de quib. meminisse potes quem tecum sermonem habuerim, dum Bononiae Legatum agerem: volo ut illos Romam mittas tantisper, dum continere discant sese, paternamq; atq; virtutem atq; molestiam imitari, quos quidem pro eo, quo te complector animo, & libenter videbo et tuebor diligentissime. Dat. X. Calend. Aug. Anno primo. Roma.

## MARCO ANTONIO

C O L U M N A E.

5

ALLATUM ad nos est, te certis hominibus locum ad certamen singulare, tuis in oppidis, quae oppida in huius reipub. imperio sunt, concessisse. Id quoniam est contra Iulij Secundi Pontificis Max. literas, quibus in literis eam certaminis rationem gravissimis poenis interdicat: mando tibi ut nullo pacto tuis in oppidis atq; locis certamen aliquod singula & permittas fieri: easq; de quibus dixi, Iulianas literas omni ex parte & ipse per te ratas habeas, & haberi mandes à tuis quarum exemplum his cum literis ad te misi. Dat. VII. Cal. Aug. M.D.XIII. Anno primo. Roma.

## MAGISTRATVI ET XL.

VIRIS BONONIENSIBVS.

6

QUONIAM & urbem Bononiam singulari beneuolentia sum complexus, & eius urbis ciues incolasq; omnes pacate atque tranquille posse degere maxime cupio: eos homines abesse ab ea vrbe volui, quibus praesentibus vos minus odijs civilibusq; seditionibus vacuos putabam fore. Nunc autem cum intelligam

Ff

4

redire

redire Bononiam quotidie sine venia concessioneq<sup>3</sup>, nostra nonnullos ex illis ipsis, quos dico: ea res cum propterea quod contra voluntatem meam in primis est, tum vel maxime quod sine fraude istius ciuitatis & bonorum offensione accidere non potest, ferenda mihi esse nullo pacto videtur. Itaq<sup>3</sup> volo edicoq<sup>3</sup>, vt qui dolo malo non datis cautionibus, spretusq<sup>3</sup> eius conditionibus, quæ in nostris de Bentiuolorum restitutione scriptis literis continentur, ad urbem istam reuertuntur, ij animaduersionibus per magistratum adhibitis puniantur, vt & ipsorum retundatur audacia, & reliqui discant nihil contra concessiones nostras audere. Eorum si quis erit, qui non tam malitiose, quàm inconsideranter, neque malo animo redierit ad suos: u exire confestim iubeatur de Bononia finibus. Præterea quoniam certior factus sum illis plane absentibus, quos abesse in primis volui non de fore in ista ciuitate, qui sese in eorum locum ipsi subrogent, libidinemq<sup>3</sup> pro temperantia, audaciam pro virtute exercentes sibi vnus omnia licere arbitrentur: his vos literis commonefacio, vt eam animorum improbitatem esse vobis comprimendam statuatis modis omnibus, qui a iustitia proficiantur, idq<sup>3</sup> in primis curandum, vt quæ iustis de causis à magistratu imperantur, ea quamprimum explicentur, consicianturq<sup>3</sup> non secus, ac si essent me præsentem imperata: neque aliquis sit, qui ea negligat: quos quidem esse sæpe multos intelligo. Id si feceritis, temeritatemq<sup>3</sup> certorum hominum vestrorum ciuium surgentem ac iam plane nimium lasciuientem compescueritis mos certe, consuetudo, lenitasq<sup>3</sup> mea nihil immutabitur. Sin autem, quod vereor, indulgentia vestra de sua insolentia,

lencia, vestri, qui male viuunt, ciues nihil remittent, cogar ipse ea, quæ mihi opportunior esse videbitur, ratione publicæ istius vrbis indemnitati salutiq; consulere: Ea enim mens est nostra, vt paucorum hominum causa populorum pax atq; tranquillitas ne impediatur. Dat. VII. Cal. Aug. Anno primo. Roma.

## MAXIMILIANO MARIAE

INSVBRVM DVCI. 7

EXISTIMABAM te & meo rogatu & publicæ vtilitatis causa permotum Octauiani Fregosii Genuensium Ducis rebus nullum negotium, nullam omnino molestiam allaturum, vt primum certior factus esses, illum fratremq; eius Federicum Salernitanorum Archiepiscopum in meam societatem esse receptos: illosq; & fuisse antea mecum & cum mea familia vniuersa omni necessitudinis genere coniunctissimos, & nunc amari à me ita paterne, vt eos apud me in optimorum et charissimorum filiorum loco positos habeam. Putabam enim eos omnes, quos amarem tuererq; ipse, eosdem abs te non minus tutos esse, quam sint à me vel tui omnes, vel ipse tu: cuius incolumitas quantæ mihi cura semper fuerit, non dicam, ne videar, beneuolentiam erga te meam verbis repetens, de tuo in me studio minus liberali velle conqueri. Nunc autem cum intelligam ipsum Octavianum sollicitari à tuis posteaquam non vnas à me ys de rebus literas acceperis, petiq; tuo nomine quandam pecuniæ summam ab eius legatis, si se tutum esse à tuo imperio vult, non potui non a gre molesteq; ferre istam indignitatem: quam tamen ipsam proficisci abs te vix adduci possum vt existinem. Itaq; illam in tuos ministros libenter reuocio.



Verum utcumque se res habet, te quo maiore studio possum, hortor, neq; solum hortor, sed plane etiam commonefacio, vel mando potius, eo more scilicet, quo qui amant, ijs, quorum amantes sunt, mandandi ius habent æquisimum atq; optimum, ne permittas Octavianus rebus tua causa quicquam molestie adhiberi: quæ tam mihi cura nunc quidem sunt, quam res Florentiæ atque nostræ, neq; minus cordi unquam fuerunt, quam ipsa tua semper fuerint. Sed potius si qui sunt, qui id facere conentur, eis tu aut persuadeas ne faciant, aut quantum in te est, prohibeas: existimesq;: si modo ea cogitatio mouere animū tuum potest, ut Octauiano etiā amicus auxiliatorq; velis esse: nulla te in re æquè de me mereri posse, ac si illi te beneuolum beneficiumq; præbueris. Iis autem virtutibus cum Octavianus ipse, tum eius est frater præditus, nullum ut officium ponere melius queas, quam quod in eorum beneficio posueris, etiam si socij nostri non essent, nosq; ipsi pro eorum incolumitate dignitateq; vel cōseruanda vel etiam augenda non laboraremus. Quod si unquā quicquam operæ in eorum commodum quietemq; adhibuisti, quod ab initio ex ipsis intelligebā fecisse te scire te plane volo, id mihi tam esse gratum, quam quod gratissimum.

Dat. IX. Cal. Aug. M. D. III. Anno primo. Roma.

MARCO MVSURO

CRETENSI.

8

Cum magnopere cupiam Græcorum sermonem & Græcas disciplinas iam prope abolitas atq; deperditas restituere, & quantum in me positum est, consulere bonis artibus: exploratumq; habeam et præstanti te doctrinæ & iudicio esse præditum singulari: mando tibi, ut suscipias

suscipias diligentem curam adducendi ad nos è Gracia decem aut duodecim aut sane quod voles ipse, liberalis ingenij bonaq; indolis pueros: vnde Latinis hominibus lingua illius verus germanusq; vsus, rectaq; cognitio, & tanquam seminarium quoddam bonorum studiorum commode confici & comparari possit. Quae de re Ioannes Lascaris vir propter suas virtutes & multam ijs in literis doctrinam mihi valde charus scribet ad te pluribus verbis. Te verò pro tua vetere in me obseruantia, quae opus esse ad eorum studiorum rationem & hanc rem, quam paro, cognoueris, sanè confido summa diligentia curaturum. Dat. VII. Id. Aug. M. D. XIII. Anno primo. Roma.

## VERRUCHIANAE AR-

CIS, PRAEFECTO.

8

CUM mea voluntas sit vt te tibi de salario, quod ex custodia arcis Verruchiana debetur, integre satisfiat: itemq; siquid aliud est, quod ad te iure aliquo spectet, de eo tibi pro iustitia consulatur, vt sine tuo damno arcem ipsam vel Ioanni Mariae familiari meo, cui eam arcem concessi, vel eius procuratori tradere possis: mando tibi, vt sine vlla excusatione aut mora ad nos venias: vt ex te intelligere possim, quae volo: dabitur autem à me, opera, vt rebus tuis compositis Roma proficiscare, Dat. tertio Id. Aug. Anno primo. Roma.

## MAXIMILIANO IMPE-

RATORI DESIGNATO.

ANTONIVM Cominatum, quem ad me misisti, & vidi & audiui libentissime cum propter ipsius virtutem & in rebus, quas mecum egit, enuntiandis mirifi-

cant

cam prudētiam, tum vel maxime quòd abs te veniebat, à quo nihil mihi esse non gratissimum potest: Eum autem cum celeriter confectis constitutisq<sub>3</sub>, de quibus agendum erat, rebus ad te remittere maxime cuperem, tamen ea fuerunt eiusmodi vt is propter temporum difficultatem, dum diem ex die ducimus spe expectationeq<sub>3</sub> ea, quæ volebamus, ex sententia conficiendi, suum ad te reditum meo iussu ad hoc die distulerit. Quanquam quidem non illum idcirco nunc ad te remitto, quod omnia, quæ per me confici cupiebas, confecta iam explicataq<sub>3</sub> sint, de certis enim adhuc rebus constituere ea, de qua dixi, temporum difficultate impediēte sanè non potui. Sed volui, vt & rerum non confectarum causas, & reliquarum rationem & statum mentemq<sub>3</sub> super ijs meam eodem internuntio cognoscendi diutius tibi facultas ne deesset. Itaq<sub>3</sub> illum ad te remitto: cui animum meum aperui: eius omnem sensum, quæ est probitate, ipsum ad te diligenter perlaturum plane confido. Dat. Id. Aug. Anno primo. Roma.

Angelo Cospo.

II

ACCIPIO excusationem tuam: quam affers de aduentus Vlyssis fratris tui ad nos dilatione & mora, ægram scilicet ipsius valetudinem: quæ quidem mihi pernolesta est: amo enim te atque illum, vt scis, charosq<sub>3</sub> habeo. Itaq<sub>3</sub> illi meis verbis denuntiabis, curet valetudinem suam: quam quidem cum recuperarit, det se itineri, ad nosq<sub>3</sub> veniat: quemadmodum Bononia Magistratui etiam scribimus hac de re: quas ad litteras te atq<sub>3</sub> illum reijcio. Dat. 18. Cal. Sept. Anno primo. Roma.

Herculi Marefcotto.

12

AD

AD tuas literas, quibus excusas te ad ea, quæ scripsi de mittendis Romam liberis tuis, breuiter sic respondeo amari te à me, excusationemq; tuam accepi bonam in partem: Verum velle me, te omnino eos Romam mittere: vt etiam Magistratui Bononia scripsi. Dat. XVIII. Cal. Sept. Anno primo. Roma.

Laurentio Maluitio.

13

EXCUSATIONEM tuam, quæ mecum per litteras vteris de tuo ad nos aduentu, eatenus admitto, vt te bono in me animo esse planè existimem. Volo autem, & tibi mando, vt reiectis omnibus impeditis Romam venias. Caterum ad eas literas, quas hac de re tota Magistratui Bononiæ dedi, te referes: quæque tibi is meo nomine mandauerit, ea facies sine vlla tergiversatione aut mora. Dat. XVIII. Calend. Sept. M. D. XIII. Anno primo. Roma.

Annibali Bentiuolo.

14

ALLATVM ad nos est te quadam contra meam & reip. dignitatem libertatemq; moliri: quod quidem vt crederem, non potui adduci. Excidisse enim ex animo tuo qua in te liberalitate vsus sim, non existimo. Itaq; potius à maleuolis hominibus ea iactari et fingi putavi. Verum ne illis, si qui sunt, tui vltius criminandi des locum, tuq; eas calumnias diluas, te hortor, vt vnà cum filio tuo Constantio ad me quamprimum venias: te enim ego atq; illum amico, vt soleo, animo paternoq; videbo: tuq; ijs de rebus, quæ tibi obijciuntur, presens melius & facilius nobiscum transiges. Dat. quinto Cal. Sept. Anno primo. Roma.

Magistratui Perusiæ.

15

HERI



HERI media in vrbe Carolus Gratianus, sicarij<sup>q</sup>, qui cum eo erant quinque, Gentilem Martianum distri-  
ctis gladijs aggressi trucidauerunt. Quae res tam mihi  
molesta accidit, vt omnem curam adhibendam statue-  
rim, vt illi latrones sui sceleris poenas luant. Quamobrem  
mando tibi cum indignationis nostrae, tum aqua & ignis  
interdicti poena, vt nihil pratermittas eorum, quae ad il-  
los omnes capiendos conferre iuuareq<sup>q</sup>, te poterunt. Ita-  
que si de me bene mereri postulas, cura, enitere, confice,  
primum vt Carolum ipsum tanti facinoris caput, deinde  
reliquos quinque comprehendas tradasq<sup>q</sup>, custodia. Id si  
assequi poteris, statim ad me ea de re mittito. Scribo au-  
tem in hanc ferè sententiam Malatesta Balioni: qui  
cum rem omnem cōmunicabis. Spero enim ipsum pro ea,  
qua illum prosequor, charitate, proq<sup>q</sup>, eius in me studio  
omnia facturum, quae ad ea, quae volumus, conficienda  
pertinebunt. Tu verò si vlla in re alia studium diligen-  
tiaq<sup>q</sup>, in me tuam ostendisti, aut ostendere, concupiuisti,  
hanc ipsam mihi te in posterum commendandi occasio-  
nem ne pratermiseris. Dat. 4. Cal. Sept. Anno primo.  
Roma.

### MALATESTAE BALIONI. 16

QVO te amore complexus semper fuerim, quantog<sup>q</sup>,  
studio ornandi tui, tuasq<sup>q</sup>, fortunas dignitatemq<sup>q</sup>, ampli-  
ficandi tenear, profecto tibi esse debet exploratissimum.  
Multae enim atq<sup>q</sup>, illustria mea in te paterna officia et stu-  
dia extiterunt. Hanc beneuolentiam voluntatemq<sup>q</sup>, er-  
ga te meam longe maiorem atq<sup>q</sup>, in tua commoda para-  
torem & prouorem efficiendi pulcherrima tibi sese fa-  
cultas obtulit. HERI media in vrbe Carolus Gratianus  
socij<sup>q</sup>.

socijꝫ qui cum ipso erant, quinquē Gentilem Martianum multis vulneribus confossum turpiter sœdeꝫ interfecerunt. Quæ res ita me vehementer commovit, ut omnem curam adhibendam statuerim, ut illi sicarij pro sui sceleris atrocitate puniantur. Quid enim vlli tutum, aut quis esse locutus securus potest. si talia Romano prope in foro moliri atqꝫ patrare homines audeant: Quamobrem mando tibi atque impero, ut vna cum Perusia magistratu des operam, ut Carolum sociosqꝫ, quibuscunqꝫ modis atque artibus comprehendatis. Quam sanè rem eo curare diligentius debebis, quod eius sceleris perpetratio notam atque ignominiam affert Gentili Balioni propinquo tuo, qui cum nefarius ille trucidator Romam venerat. Itaqꝫ, ut mentis animiqꝫ mei sensum melius atqꝫ apertius intelligas, scire te plane volo si mandatus imperioꝫ meo ea in re obtemperaueris, Carolumqꝫ ipsum & socios captos comprehensosqꝫ Magistratui tradideris, me daturum operam ut intelligas te mihi rem gratissimam fecisse, melioreꝫ, quàm adhuc fueris, loco apud me futurum. Sin aliter, ac spero deꝫ studio diligentiaꝫ tua confido, tibi statues esse faciendum, hoc est, si latrones illi tua cura tuoꝫ studio sulci non capientur, quo te magis amo, charioremqꝫ habeo, fortunãqꝫ tuas dignitatemqꝫ amplificare magis cupio, eo te grauioribus indignationis odyꝫ mei stimulis insectabor. Dat. quarto Calend. Sept. M. D. XIII. Anno primo. Roma.

MALATESTAE BALIONI. 17

INTELLEXI profectum te in Volscos esse, ut id municipium Hyppolito Atestino Cardinali traderes. In quo tametsi gratius mihi fecisses, si eã profectiõem mihi

antea

antea per literas significauisses, meq; vel mandante vel admonito suscepisses: te tamen de eo adhuc officio non culpo. Mando autem tibi atq; ijs, qui tecum sunt, vt domum quamprimum redeatis, neue vllum aliud munusculum aggrediamini. Quod si, antequam haec tibi literae sint reddita, locum iam a quo quem fueris aggressus, impetro, vt eo statim relicto omnibusq; tuis abductis militibus ab eo recedas. Id qui non fecerint, ea poena, quae est de lesa maiestate, teneantur. Caterum quoniam heri ad te scripsi de scelere per Carolum Gratianum sociosq; perpetrato, te hortor, vt cura studio diligentia labore denique omni tuo mandata nostra explices. Nihil enim mihi aut gratius potest facere, quam si rem confeceris, aut molestius, quam si mihi non paruus praesloq; fueris, quodq; magis indignationem in te meam exulare possit. Dat. tertio Cal. Septemb. Anno primo. Roma.

Magistratui Foroliuiensium.

18

ATTULERUNT mihi non meo iocrem molestiam ea, quae scribis de parricidio isto in agro perpetrato. Quamobrem non diligentia solum tua, quam adhibes in conquirendis eius sceleris suarum mihi magnopere probatur: sed mando etiam tibi, vt in illis puniendis, si eos comprehendes, nihil remittas seueritatis: quae cum iustitia coniuncta sit: sed ita agas, vt id, quod egeris exemplum ceteris praebeat, quo exemplo ab eiusmodi conquirendis facinoribus absterreantur. Dat. prid. Cal. Sept.

M. D. XIII. Anno primo roma.

SIXTO CARDINALI SANCTI

PETRI AD VINCVLA PRO-

cancellario.

19

SIGNI-

SIGNIFICAVIT mihi Bernardus Bibiena  
 Quaestor meus Nicolai fratris tui nomine, Episcopatū te  
 Lucensem Andrea Franciotto velle tradere. Quae quidē  
 mihi res vehementer probatur. Amo enim valde hominē  
 cum mea quidem sponte, tum vel maxime, quod is cha-  
 rissimus fuit Galeotto Cardinali fratri tuo, qui cum mi-  
 hi, vt scis, summa necessitudo singularisq; benevolentia  
 intercesserat. Itaq; non solam ea de re te magnopere  
 laudo: sed hortor etiam, vt quod semel in annum indu-  
 xisti tuum velle facere te, id re efficias. Quod vt commo-  
 dius facere possis, polliceor tibi, me & Episcopatus tui  
 tibi quādiu vixeris, & Praefecturarum militum Hie-  
 rosolimitanorum, quas ille possidet, fructus ipsi Andrea  
 reservaturum. Quin etiā, si erit opus, tuq; ita statues  
 esse faciendum, Episcopatus tui fructus aliorum sacerdo-  
 tiorum fructibus, qui tantidem sint, tibi facile compen-  
 sabo, nihilq; prātermittā earū rerum, quas tu fieri vo-  
 les, vt id iā ipsum libentius facias. Dat. prid. Non. Sept:  
 M. D. XIII. Anno primò. Romā.

## REGII LEPIDI ET

Parmæ Magistratui.

26

DE istarum ciuitatum nostrarum nobisq; multas  
 ob causas charissimarum ac Parmæ ac Regij propenso  
 spectatoq; in me animo quæ scripsisti multa cum ipsarū  
 laude municipūq; prope omnium commendatione, ea  
 mihi optatissima fuisse, nihil enim a quē cupio; quā eos  
 qui hoc in imperio sunt, cū esse ipsos egregia probataq;  
 virtute, tum nostræ in eos benevolentia atque amoris cu-  
 mulate respondere. Dabo autem operā, vt sese bene pō-  
 sse cogitationes suas eiusmodiq; officia cognoscant:

EG meq;



meq<sup>3</sup> eorum commodis vtilitati dignitati neq<sup>3</sup> negligētem, & certe gratum experiantur. Quo enim ipsi ad huius Reipub. imperium & ardentius se contulerunt, et in eo constantius permanent, eo magis conuenit me omnia cogitare, & statuere qua quidem aut hanc ipsorum egregiam voluntatem augeant, aut certe perpetuam faciant. Quain re nihil omnino vel studiū pratermittam vel laboris. Itaque vtrunque ciuitatem meis verbis bono animo iubebis esse, tuq<sup>3</sup> eas iuste continenterq<sup>3</sup> reges. Quod facies, si te non tanquam ad tempus prapositum islis ciuitatibus, sed quasi verum atq<sup>3</sup> à natura institutum vniuscuiusq<sup>3</sup> ciuis esse te parentum existimabis. Dat. prid. Non. Septemb. Anno primo. Roma.

Regij Lepidi Magistratui.

21

LEGI permolestē tuas literas, quibus me de duobus ciuibus isto ipso in foro trucidatis certiore facis. Itaque quoniam municeps istos & magnopere diligo, et esse cupio quàm tutissimos, ages contra illos, qui tam audax tamq<sup>3</sup> atrox facinus atq<sup>3</sup> scelus perpetrauerūt, non solum iuste, sed etiam seueritate summa: vt exemplum ceteris statuas ab eiusmodi facinoribus se continēdi. Reliquis de rebus proximis ad te literis scripsi. Itaq<sup>3</sup> nihil addam nūc quidem. Tu verò mandata nostra conficies curabisq<sup>3</sup> diligenter, quae curanda sunt. Dat. prid. Non. Sept. Anno primo Roma.

VLADISLAO PANNONIAE

Boemiæq<sup>3</sup> Regi.

22

LECTIS tuis ad me fratresq<sup>3</sup> meos Cardinales literis, quae quo in discrimine tuum Pannonia Regnum ob Turcarum apparatus versaretur, significabant, &

Mar-

Martino Colocensis Ecclesia custode internūtio tuo ar-  
 dito, statim vnā omnes totare diligēter atq; amanter  
 cogitata statuimus, vt nihil eorum, quæ ad ditionē tuen-  
 dam, communesq; Christiani nominis hostes hoc tempō-  
 re à tuis sinibus repellendos esse vsui possent à nobis præ-  
 remitteretur. Existimabamus enim & pro tua maio-  
 rumq; tuorum in Romanos Pontifices obseruantia, &  
 pro gentiū, quæ tuo in imperio sunt, fortitudine bellan-  
 diq; vsu prope assiduo quotidianoq; cū Turcis, siquo in-  
 commodo tuū istud Regnū tuiq; populi afficerentur, id  
 omne huius certe Reip. nostrumq; singulorū incōmodū  
 plane futurū. Itaq; quod primū petisti de tributi auxi-  
 lio, quantū quidem presentium rerū status atq; hac tē-  
 pora tulerūt, tibi id permisimus, ijs vt opibus ad te leuā-  
 dum bellumq; administrandū vti posses. Deinde, quod  
 nos rogas, vt sedandis Christianorū Regum & Princi-  
 pum inter se disidentium animis, atq; ad cōmune bellū  
 contra Turcas incitandis curā & studium adhibeamus :  
 in eo dies ac noctes cogitationes meas plane consumpsi.  
 Mitto autem nunc quidem ad illos ea de causā internū-  
 tios meos Episcopos viros auctoritate experientia do-  
 ctinaq; præstantes, qui eorū controuersias componant,  
 ipsosq; concilient. Quos quidē singulos tandiu hortari  
 vrgereq; per eosdem internuntios nō desistā, quoad res  
 ad eū, quē volumus exitū perducatur. Id si consieri per  
 illos minus commode poterit : aliquot : ex meis fratribus  
 E. R. Cardinalibus legabo, qui ad illos properē se conse-  
 rāt, rēq; consiciāt. Qua cōfecta, fœdereq; ab Regib. ini-  
 to tributū ipsum per vniuersum Christianū orbē edictis  
 amplissimis promulgabo : sacerdotibusq; cū sanctissimis

tum eloquentia clarissimis mandabo, vt omnes homines ad id non minus pium, quàm necessarium bellum accendant: vt celerrime periclitanti sane, totq̃ iam damna, tot porro calamitates perpeſſe Christiana Reipub. tuoq̃ in primis Regno optime de ea merito succuratur. Quod quidem certe bellum hoc si tempore à nobis susciperetur, irritos conatus nostros omnes atq̃ inanes ipsa tempora. facerent. Quis enim pecuniam, quis militem remotissimis à se gentibus tribuat, qui pro patria, pro liberis, pro salute sua arma domi tractare cogatur, hostemq̃ intra lares suos habeat? Neq̃ principes sane ipsi, etiam si populi sui velint, in praesenti rerum perturbatione militem egredi, pecuniam erogari, arma opes vllas exportari suis è sinibus patiantur. Nos verò ipsi per nos mouere aggrediq̃ tantam rem fortasse possumus: sustinere atq̃ perficere non possumus. Quae cum ita sint, confido tamen, & pacem eam, quam omnes votis omnibus concupiuius, Christianus inter Principes mature posse cōfici, & tua incommoda, de quibus ad nos scripsisti, vel cum fœnore celerrime reponi. Deus enim Opt. Max. qui ob eximium rerum optimarum euentum praclarosq̃ exitus interdum malum finit aliquod non maximum existere, istos tuos labores, eum Turcarum apparatum ad conciliandos Christianorum Regum animos quasi molitionem quandam adhibet, quae infectas odijs malisq̃ cupiditatibus obstructas eorum mentes ad eā, quam volumus, coitionem consensumq̃ attrahat, impioq̃ illorum adhuc quidem arma ad mutuam aliquando tandem pietatem communemq̃ cum vtilitatem, tū etiam dignitatem conuertantur. Quamobrem fili mihi

quidens

quidem charissime atq<sup>3</sup> optatissime erit tua fidei atque prudentia in Domino atq<sup>3</sup> in eius viribus considerare. Neque enim à militum robore & numero, aut ab apparatu vllò bellico, sed à Dei virtute, sed à Domini nutu de tuis atque nostris hostibus tibi victoria est expectanda. Recordare, quæ is quondam facinora, quas res quamq<sup>3</sup> magnas per Gedeonis, per Iephta, Ionatha, Dauidis, per Iudæ Machabæianus confecerit: quarum rerum memoriam antiquæ literæ sempiternam esse voluerunt. Quæ profecto omnia maximam tibi asferre spem debēt, eodem à Domino nihil omnino tuis conatibus in tempore defuturum. Atq<sup>3</sup> vt aliena vetustissimaq<sup>3</sup> pratereantur, ea repete, quæ ipso tuo in Regno Dominus apud Taurunum oppidum paucos ante nostram ætatem annos per Ioannem Capistranum confecit plebeium prope hominem, quem ad maximas tractandas res suæ porro voluntatis & interpretem esse voluit & administrum. Nostra verò ætate Rhodij perexiguo militum numero gloriabundum iam ac prope victorem Turcarum exercitum numerosissimum instructissimumq<sup>3</sup> fugauerunt. Nō est debiliior nunc, quàm olim fuerit, Dei Dominiq<sup>3</sup> nostri dextera: neque tu Vladislæ fili Ioanne Vaiuoda, qui vnà cum Capistrano Turcas superauit: es inferior. Id ex eo intelligi potest, quòd dum hæc ipsa, quæ supra scripta sunt cogitationes nostras exhauriunt, exercitاسq<sup>3</sup> habent, tuæq<sup>3</sup> nos res maxime commouent: allatum ad nos est à tuorum militū pusilla sanè manu multa millia Turcarum militum, quæ Illyricum vastabant, caesa ad vnum interijisse. Itaq<sup>3</sup> qui tibi semel affuit Deus, considerare profecto debes. Exim tibi posthac rite præs-



fertim atque suppliciter precanti nō defuturum. Cuius ego in terris vicarium gerens, fratresq<sub>3</sub> mei Cardinales, vt ad id redeā, quod initio dixi, nihil eorum, quæ ad tui, qui nobis es charissimus, Regnorumq<sub>3</sub> tuorum, quæ profecto totius Christianæ Reipub. quasi valli quidam et muri sanè solidi contra illorum impetum semper fucere, propugnationem & defensionem attineat, omitemus. Creaueramus autē iam ante, quā tuas ipsas literas accepissemus, rumore tantū eius rei audito, qui ad nos incertis autoribus & priuatorū literis afferebatur, vtpote tuis de rebus etiā, ad primas eiusmodi voces planè solliciti, Thomam Cardinalem Strigoniensem: qui Legatum nostrum tuis in regnis ageret, cuius tu prudentiam diligentiam fidelitatē erga te plurimis maximisq<sub>3</sub> in rebus optime omnium cognouisti: vt is: quæ nutiabantur, de imminente Regnis tuis periculo obuiā celeriter iretur. Is tamen si iā se ad iter explicabat per sese, mandauit tamē ei acceptis tuis literis, vt id etiā diligentius maturiusq<sub>3</sub> contenderet. In quo quidem ita nobis morē gerit, vt nihil illo fieri possit ardentius. Ex eo plenius meā in te tuasq<sub>3</sub> res paternā voluntatē & studiosissimū bene consulendi Christianæ Reipub. animū cognosces, pro qua tuenda, atq<sub>3</sub> in ea, in qua oportebat, pace tranquillitateq<sub>3</sub> restituenda neq<sub>3</sub> opera, neque vigilijs: neq<sub>3</sub> laboribus parcā: libentissimeq<sub>3</sub> in ea cura & administratione vitā posuero. Vale. Dat. No. Sep. 1513. Anno 1. Roma.

ANTONIO ABBATI

sancti Bertini.

23

VOLVPTAS, quam ex eo, quod Pontifex Max. declaratus sum, accepisse te mirificam atque incredibilem

lem scribis, & si ea ni hil mihi noui attulit: amoris enim erga me tui abundantiam dudum cognitam atque perspectam habeo: mihi tamen sanè gratissima iucundissimaq; accidit. Visus enim mihi ipse sum, dum tuas literas legerem, illo ipso tuo vultu atque conspectu suauissimo & liberalissimo perfrui, quo me olim per Germaniam atque ista per loca iter facientē amantissime suscepisti. Itaque mihi in memoriam reuocasti eos ipsos dies, quos vnà fuimus: qui quidem tamen dies nunquam ex animo meo exciderunt. Quamobrem scire te plane volo, et amari te à me vnice, charissimumq; mihi esse ac semper fore: & si vnquam occasio dabitur videndi tui, quod sine tuo incommodo posse fieri sane peraelim, id mihi non minori voluptati fore, quàm si meo um quempiam mihi sanguine coniunctissimum vsu & consuetudine optatissimū longo non visum tempore conueniendi amplectendiq; potestas fieret. Quo fit, vt ijs qua scribis, teneri te scilicet incredibili desiderio videndi mei, facile fidem adhibeam. Reliquum est, vt si quid erit, quod impetrare à me vel tibi cupias, vel tuis, scribas id ad nos certa cū spe, nihil te frustra petiturum. Vale. Dat. 7. Id. Septemb. Anno primo. Roma.

Ioanni Saxatello.

24

INTELLEXI te ab Annibale Bentiuolo possessiones cum molis frumentarijs, quas illi in Rheno vico habet, nuper emisse, aut certe emere statuisse. Eam emptiorem contra Bononiensium decreta esse certior factus sum. Itaque quoniā noto vlla in re eorum legibus prauidiciū fieri, mando tibi, vt ab ea emptione prorsus abstineas. Quòd si aliquam in eo pecunia summam expen-

Gg 4 dista

disti aut fortasse totum iam pretium persoluisti, dabo operam, vt ab ipso Annibale tibi omne persolutum restitatur. Dat. XVI. Cal. Octob. M. D. XIII. Anno primo. Roma

## SIGISMUNDO GONZAGAE

Cardinali Mantuano.

25

REDDITAE mihi sunt abs te literae gratae illae quidem & optatae, utpote amore illa tuo vere fraterno plenissima: sed tamen quae mihi voluptatem illam, quam ex tuis literis capere soleo, magna ex parte imminuta attulerunt. Significabant enim te in quartanam incidisse. Itaque pupugit me, ut sane debuit, incommodum valetudinis tuae, quae mihi cura est aequè, atque ipsa mea. Hortor autem te, vel potius abs te quaeso & peto, ut omnem curam & diligentiam adhibeas, ut quam celerime conualescas: ut integra voluntate & corpore bene confirmato ad urbem atque ad nos, qui te videre atque amplecti cupimus, reuerti possis: quod tamè efficies commodo tuo. Interea volo tibi persuadeas, res tuas, eaq; omnia, quae ad dignitatem tuam pertinent, curae mihi & cordi fore. Caterum Franciscum Marchionem Mantuae fratrem tuum, qui à me vnicè diligitur, si saluere iusseris, erit mihi gratum.

Dat. XVII. Calend. Octobr.

M. D. XIII. Anno  
primo. Roma.

P E T R I

# PETRI BEMBI EPI STOLARVM LEONIS

DECIMI PONT. MAX.

Nomine scriptarum.

LIBER V.

SIXTO CARDINALI

sancti Petri Ad Vincula.



LECTIS tuis literis, quibus me certio-  
rem facis ad aquarum Veneris balnea  
curandi tui causa te accessisse: neq, nūc  
quidem sine tua valetudinis incommo-  
do posse istinc discedere, itaq, rogas, ne  
te accusem si ad Cardinalium comitia Romae esse, quem-  
admodum tibi scripsi cupere me, eiq, rei interesse nequi-  
uisti. Ego verò Sixte te excuso: valetudinisq, tua ratio-  
nem tibi in primis esse habendam statuo. Quid enim pos-  
sumus, aut quid plane sumus aegroti? Quare manebis tu  
quidem isto in loco perlibente me tandiu, quoad tibi v-  
sui erunt aquae istae: à quibus tibi profici valde cupio: vt  
recta posthac valetudine vtì possis, mecumq, & cum no-  
stris fratribus Romae esse. Hortor autem te quo res me-  
lius tuo etiā consensu transigatur, vt tuo chirographo,  
vel mihi, vel cuiuis, qui tibi ad eam esse rem idoneus vi-  
deatur, mandes tuam vicem: vt is in creandis Cardina-  
libus Laurentio Puccio, Iulio Medice, Bernardo Bibie-  
na, & Innocentio Cibo, qua tu dicere agere, si adesses,  
posses dicere agere ipse quoq, possit. Dat. XVI. Calend.  
Octob. M. D. XIII. Anno primo. Roma.

Gg s. FRAN-



PETRI BEMBI  
FRANCISCO GONZAGAE

Marchioni Mantuæ.

2

*QV* O amore quâue charitate complexus semper fuerim Carolum Orpheum templi Martiani istius oppidi Praefectum à me ipse intellexisti, quo tempore anno superiore apud te aliquot dies fui. Ei nunc in Galliam proficiscenti mandaui te vt viseret, salutemq; plurimam tibi diceret meis verbis. Peto autem abs te, vt eum suscipias vti hominem propter plurimas eius virtutes egregiamq; ac veterem in me fidem & pietatem mihi sane charissimum, propter meam verò in te beneuolentiam abs te etiam amandum atq; inter tuos collocandum. Id si feceris, erit mihi maiorem in modum gratū. Ipsum enim Orpheum ad me reuerti hac de causa tibi plurimum debentem tuaq; liberalitate maxime deuinctum, valde cupio. Dat. XV. Cal. Octob. Anno primo. Ro.

SIGISMUNDO GONZAGÆ

Cardinali.

3

*CAROLVM* Orpheum vnum ex ijs, qui mihi sunt charissimi, hominem plurimis virtutibus praditum, proficiscentem ad te, commendo tibi maiorem in modum. Porro mihi gratissimum feceris: si eum ita suscipies tractabisq; vt intelligat se, quoniam à me diligitur, abs te amari. Dat. XV. Cal. Octob. Anno primo. Roma.

MAXIMILIANO MARIAE

Insubrum Duci.

4

*AM AVI* semper multum Octavianum Marchionem Palaucinum cum pro ea, quam in me, dum Cardinalem gerebam, familiamq; meam omni tempore beneuolentiam miro studio conseruauit, tum pro eius egregia in  
Rempub.

*Rempub. observantia & cultu, vt multis in rebus expertus sum, prope singulari. Quarū illa ita tibi commendo, vt maiore studio & diligentia commendare nō possim: teq; hortor, vt quibuscunq; rebus poteris: meo rogatu eū ita tractes, vt intelligat eos, qui mihi charissimi sunt, tibi quoque esse commendatissimos. Equidem te de eo aliquantopulus etiā diligam, si efficies vt Octavianus propter has meas ad te literas mihi plurimas gratias agat.*  
*Dat. XV. Cal. Octob. Anno primo. Roma.*

## MAGISTRATVI REGII

Lepidi.

5

*EXEMPLVM* literarum, quas Ioanni Boiardo scripsimus, habuisti cum his literis. Mando autem tibi, vt ei meis verbis imperes eisdem propositis pœnis, quas ei constitui, ne contra Maximiliani Romanorū Imperatoris designati municipes quicquam tentare armatis hominibus audeat. Itaq; literarum mearum sensum mandatis tuis auctū consociatumq; accipiens & ipse quiescat, & alios ne perturbet. Sed iuri aequitatiq; suas iniurias, si quas habet, remittat. *Dat. 13. Calend. Octob. Anno primo. Roma.*

Ioani Boiardo.

6

*ALLATVM* ad nos est, te armatorum hominum manum cogere, vt ea certos homines ciues Mutinenses, qui in Maximiliani Imperatoris designati Regno ditioneq; sunt, impetum facias, quibus à ciuibz illatas tibi esse iniurias præ te fers. Quæ res cū mihi permolesta sit, qui in Maximiliani oppidorū aqua atq; meorū otio, quieti, paci consuli cupio, mando tibi, ne te aut tuorum quempiā cōtra illos commoveas, neue eos coacta manu  
 per-

perturbes. Teneri autem te ijs pœnis, qua de laesa maiestate sunt, volo, nisi parueris. Quod si te ab illis offensum existimas, pergas ea in re legū & iudiciorū via: neque enim sumus tua iura impedituri: sed potius curaturi, ut tibi ius abunde ac sine dilatione administretur. Dat. XIII. Cal. Octob. Anno primo. Roma.

## FERDINANDO HIS-

paniæ Regi.

7

ET si scio ijs de rebus, qua per nos publice geruntur, à Legato tuo homine per diligente fieri te quotidie certiore: volui tamen, ut quod nouissime pro Reipub. ornamēto & incremento satui esse faciendum, id meis etiam literis cognosceres. Non enim vereor, quin tibi pro tuo erga me amore Remq; pub. Christianam studio eiusmodi omnia aequè iucunda sint, atq; ipsi mihi. Itaq; scies me ad 11. Cal. Octob. fratribus meis E. R. Cardinalibus consentientibus Laurentium Puccium familiarem meum à dandis literis, & Iulium Medicem Archiepiscopum Florentiæ designatum patruelem meum, & Bernardum Diuitinum Bibienam Quæstorem atq; Innocentium Cibum sororis meæ filium, Innocentiij Papæ Octauij nepotem plurimis maximisq; de causis in Cardinaliū collegiū cooptauisse. Quorum trium prudentiam, integritatem agendisq; rebus vsum atq; scientiam virtutesq; ceteras, & esse tibi perspectas existima, & Reip. & honori & praesidio confido fore. De Innocentio autē spero fore, ut volumus: habet enim egregiam indolem coniunctam cum optimis moribus, quos ornat literarū & bonarum artium studijs: ut iam nihil sit adolescente illo probius elegantius charius. Eius rei confectio, qua

me

me magnopere delectauit, erit sane mihi & gratior & iucundior, si tibi quoq<sub>3</sub>, qui recte omnia prudenterq<sub>3</sub> iudicas, perpendereq<sub>3</sub> soles, probabitur. Existimare autem debes, quoniam tuorum in me familiamq<sub>3</sub> meam plurimorum non solum officiorum, sed etiam beneficiorum illi ipsi omnium optimi teste semper fuisse, quæ ad tuam dignitatem tuendam atque amplificandam pertinebunt, eos esse non minus diligenter, quàm quæ nostra ipsorum intererunt, omni tempore curaturos. Dat. IX. Cal. Octob. M. D. XIII. Anno primo. Roma.

## OCTAVIANO FREGOSIO

Genuensium Duci.

8

PLVRIMA egregiaq<sub>3</sub> in me atq<sub>3</sub> in omnes meos tua Federiciq<sub>3</sub> Archiepiscopi Salernitani fratris tui officia, atq<sub>3</sub> ea quæ in vobis summa sunt, maximarum virtutum ornamenta, te atque illum mihi & omni tempore charissimos reddiderunt, & nunc vt maxime erga vos liberalitatem & beneficentiam exerceam, me hortantur: Itaq<sub>3</sub> cum olim Guidus Vbaldus Vrbinatium Dux auunculus tuus, quod durissimo ac difficillimo eius exiliij tempore strenuam ei operam nauaueris, arcemq<sub>3</sub> & oppidum montis Feretrii maximum atq<sub>3</sub> pulcherrimum eius Regni propugnaculum, omnibus in difficultatibus & cunctarum rerum angustijs positus, consilijs auspicijsq<sub>3</sub> tuis & tua singulari ope atque virtute tutatus fueris, sanctæ Agathe municipium vna cū omnibus eius oppidi regionibus ac finibus tibi sororis suæ filio dederit, donauerit, vt sui erga te amoris & beneuolentiæ tuiq<sub>3</sub> in illum amplissimi beneficii pignus monumentumq<sub>3</sub> esset: nunc vt pulcherrimi eius atq<sub>3</sub> clarissimi nostra etate

te fa-



re facinoris testimoniū ac pramiū mea quoq<sub>3</sub> ope adan-  
geatur, sanctæ Agathæ oppidum omnisq<sub>3</sub> eius regionis di-  
tione, quod oppidum quamq<sub>3</sub> ditionē in huius Reip. impe-  
rio nostriq<sub>3</sub> iuris constat esse, tibi data donataq<sub>3</sub> recte  
sunto, eaq<sub>3</sub> donatio autoritate mea probata esto. Atq<sub>3</sub> e-  
tiā tibi illa ipse quoq<sub>3</sub> do, dono, largior. Quod si te sine li-  
beris legitimis cōtingat mori, hac donatio ad Federicū  
fratrem tuū extenditor: vt ea, quoad viuat, vti frui in-  
re possit. Dat. 7. Cal. Octob. Anno primo. Roma.

Magistratui Bononiæ.

9

QVONIAM Antonium Cardinalem Bononien-  
sem summopere amamus, multumq<sub>3</sub> & fidei eius & pru-  
dentie atq<sub>3</sub> in nos beneuolentiæ tribuimus, volo vt Bal-  
dasaris Catanei liberos ab eo ne repetas: sed eos permit-  
tas, esse sub ipsius fide. Scribo autē Cardinali, ei me Ca-  
tanei libros ea conditione remittere, vt, si erit opus, vel  
habere ipse illos hic, cum voluero, possim, vel ipsi istic ita  
seruentur, vt ab illis veritas, quæ per nos queritur, de  
Bentiuolorum cogitationibus eliciatur. Dat. 6. Calend.  
Octob. Anno primo. Roma.

DOMINICO CARDINA-

li Grimano.

10

LECTIS tuis literis, quibus me certiore facis, te  
propter tabellarij tarditatem Cardinalium creationi  
interesse non potuisse, magna molestia affectus sum, Qui  
enim te pro tuis eximijs virtutibus excellentiq<sub>3</sub> doctri-  
na magnopere diligo, valde sane cupiebā ei declarationi  
te adesse. Verum quoniam tabellarium accusas, manda-  
ui vt is sua negligentia pœnas daret: Sed is ita se purgat  
ait enim, quoniā Vrbeueteri te nō offenderit, se Spoletū

recta

rectâ tetendisse, quod ad oppidum te iter fecisse intellexerat. Quò cum accessisset, rediisse te Urbem ueterem ei nuntiatum fuisse, eoq; reuertisse. Itaq; se tardio rem, quàm oportebat, fuisse. Sed quoquo modo se res habet, animi tui alacritatem, quam prae te fers, libenter accipio. Reliqua, quae te scire volo ea de re, nuntius tuus ad te perferet qui cum loquutus sum. Dat. V. Cal. Octobr. Anno primo. Roma.

Petro Bibienæ.

II

SAN E quàm mihi gratū atque optatum accidit id, quod heri ex Venetorū Legato publicisq; istius Senatus atq; tuis literis intellexi, eū scilicet Senatū Remq; pub. nobis arbitris suarum cum Maximiliano Romanorū Imperatore designato discordiarum, quae quidem diutius quàm oportebat viguerunt, causam cognitionemq; permisisse. Eoq; accepto nuntio valde me hercule gaudius sum: cū propterea quod ista Resp. Senatusq; illustris, qui prudentissimus atq; grauißimus semper fuit, de nostra in se vetere beneuolentia tantū spei atq; fiducia conceperit, ut suarū maximarū controuersiarū atque rerū summā mihi esse plane credendā statuerit: tū quia magnopere confido ex ea re ipsis quidem primū atque eorū oppidis & municipijs omniq; imperio, Italicis deinde rebus magna ex parte diuturno bello contritis atque labentibus, toti demū Christiana Reip. plurimas esse leuationes maximasq; utilitates prouenturas Dabo equidē ipse operā, ut huius ipsorū de me iudicij tā illustris tāq; praeclari eos nunquā pœniteat. Idq; eis tu iam nūc meis verbis ut certū exploratumq; habeāt, denuntiabis. Reliquas autē huius negotij partes, quae plurimae quidem sunt,

*sunt, quas te atque illos scire volumus, ex literis, quas ad te Iulius Medicēs, Cardinalis frater patruelis meus dabit, facile intelliges. Quibus etiam de rebus omnibus cum Petro Lando eorum Oratore sum loquutus. Caput autem illud est, ut confidant, quaecunque ad ipsorum salutem, incolumitatem, commoda quaecunque ad dignitatem retinendam pertinebunt, à me amantissime ac diligentissime curatum iri. Dat. tertio Cal. Octobr. Anno primo. Roma.*

## A C H I L L I C R A S S O

Cardinali Bononiensi.

12

*CONTROVERSIAM, quam Bornirus Blancius ciuis Bononiensis cum Petro & Ioanne Francisco Ocellano aliquot iam annos habet de fundo & villa satis quidem luculenta, componere iam tum, atque ipsos conciliare cupiebam, dum in Cardinalium collegio positus istius oppidi Legatum agerem. Itaque rem aggressus breui eam ex sententia consecissem, nisi confestim Bononia decedere inearum me rerum cursus atque celeritas coëgisset. Idem autem mihi nunc quoq; animus voluntasq; cum sit, maximeq; cupiam, ut ab honestis istius oppidi municipibus nulla offensa nullaq; odia exerceantur, tuq; vnus apud eos omnes auctoritate & gratia plurimum valeas, peto abs te, des operam ut inter vtriusq; partis ea de re atque causa omnes controuersiae sedentur, lisq; vniuersa componatur, concordiaq; via finiatur. Erit ea res & ingenio moribusq; tuis propria, qui pacis es & quietis amantissimus, & mea de tua leuitate atque prudentia expectationi non aliena. Dat. quarto Non. Octob. Anno primo. Roma.*

Municipio Rauennati. 13

**MANDO** vobis vt Ioanni Baptista Bonauentura  
vestrae arcis Praefecto reliqua, quae ei ex arcis custodia  
debentur, curetis ad eum vsq<sub>3</sub> diem, quo die is eam cu-  
stodiam Antonio Medici tradet, quē ei arcis praefecimus.  
Dat. quarto Non. Octob. M. D. XIII. Anno primo.  
Roma.

## MAGISTRATVI BONONIAE

Polae Episcopo. 14

**MANDO** tibi, vt Nicolao Blanco ciui Bononiensi  
reditum in patriam des, reuocesq<sub>3</sub> eum ab exilio, quē-  
admodum ego illum reuoco: itaq<sub>3</sub> statuas, vt nulla post-  
hac molestia ea de causa Nicolao afferatur. Dat. tertio  
Non. Octob. Anno primo. Roma.

## ACHILLI CRASSO

Cardinali Bononiensi. 15

**SCRIBIMVS** Altobello Polae Episcopo istius op-  
pidi Magistratui, vt Nicolaum Blancum ciuem Bone-  
niensem exulē restituat, si uiq<sub>3</sub> patria permittat & for-  
tunis suis omnibus. Eam rem tibi etiam meis literis esse  
notā volui: hortorq<sub>3</sub> te, vt negotium, si erit opus, auto-  
ritate tua iuves, quo melius atque facilius explicetur.  
Dat. 3. Non. Octob. Anno primo. Roma.

## LEONARDO LAVREDANO

Venetiarum Principi. 16

**FRANCISCVS** Foscarus qui tuum Oratorem  
apud nos egit, perfunctusq<sub>3</sub> suo munere abs te reuoca-  
tus istuc proficiscitur, egregiā tibi quidem omnino Ro-  
mae dū fuit, & praestantem operā nauauit. Nā et in con-  
silijs tuis explicandis probitatem, & in rebus tractandis



prudentiam & grauitatem, & in omni genere studiū  
 & diligentiam singularem semper ostendit. Mihi verò  
 cum his atq; ceteris suis virtutibus, tum præclaris in rē  
 Romanam meritis cumulate & pulcherrime satisfecit.  
 Hæc autem ad te scribenda esse duxi non quidem quòd  
 ea vlla ex parte latere te existimarem: sed vt mea in il-  
 lum paterna charitatis sensum, & constans de eius præ-  
 stantissimis virtutibus iudiciū meis apud te Remq; istā  
 pub. literis declaratum atq; testatum relinquere. Dat.  
 Octauo Id. Octob. Anno primo. Roma.

## OCTAVIANO FREGOSIO

Genuensium Duci.

17

MITTO ad Ludouicum Gallia Regē Sebastianū  
 Pistoriensem familiarem meum: qui iter isthac faciet.  
 Quare abs te peto, vt eum in itinere conficiendo quibus-  
 cunque rebus poteris, iuues. Et quoniam certior factus  
 sum in tuæ ditioni vicinis locis magna hoc tempore la-  
 trocinia fieri, per mihi erit gratū, des operam, vt Seba-  
 stianus in Galliā transalpinam tuto atque celerrime se  
 conferat. Dat. VI. Id. Octob. Anno primo. Roma.

## DOMINICO GRIMANO

Cardinali.

18

QVONIAM ad proximæ sacri Lateraneensis Cō-  
 ciliū futuros dies aliqua sunt nobis iam nunc constituē-  
 da, peto abs te, quod commodo tuo facere poteris, vt an-  
 te diem 12. Cal. Nouembris Romam te conferas. Dat.  
 V. Id. Octob. Anno primo. Roma.

Regi Britannia.

19

LECTIS tuis literis, quibus me de tua in Morinis  
 contra Gallos victoria, Morinorumq; deditio certio-  
 rem

rem facis, magna sanè laticia pro mea in te paterne beneuolentia, proq<sup>3</sup> rei cōfecta magnitudine affectus sum: habuiq<sup>3</sup> Deo Opt. Max. gratias, quòd is eorum, qui pro buius imperij dignitate tuenda & conseruanda pro ac recto animo arma sumpserunt, curas conatusq<sup>3</sup> fortunauerit. Quanquàm id quidem certe prope pro comper-  
to semper habui. Sperabā enim fore, vt omnia tibi prospere atq<sup>3</sup> feliciter euenirent: cum propterea quòd prudentibus consilijs, summis opibus, magno apparatu, nū-  
merosissima valedissimaq<sup>3</sup> manu, Maximiliano etiā Romanorum Imperatore designato sua tecū consilia communicante, bellum hostibus inferre es aggressus: tū vel maxime, quia Dei causam agendā & defendendā suscepisti. Itaq<sup>3</sup> cum non multos dies de tua victoria letus inter tuorū Legatorū iucundas salutationes confecissem, vellemq<sup>3</sup>, vt par erat, ea de re tecū per literas gratulari, ecce alteras ad te literas quæ secundā nobis partem abs te victoriā longe maximā atq<sup>3</sup> clarissimā attulerunt, Britannicos scilicet exercitus tuos cum Iacobò Scotorum Rege, qui quidē ingenti militū numero inuaserat in ditionem tuā, manū conseruisse, eius exercitum fudisse: magnā eorum partē Rege ac Regni Principibus occisis internitioni dedisse: magnam etiā captiuā fecisse. Itaque paucis te diebus bellum atrox ac periculosum felicissime confecisse. Iis intellectis tametsi per mihi molestū fuit tantū Christiani sanguinis effusum fuisse, tot hominū millia è populo Dominico desiderari, tū Christianū Regē egregij sanè nominis neq<sup>3</sup> spernendarū viriū, sororis tue virū Christiani Regis sibiq<sup>3</sup> cōiunctissimi ferro cōfossū, cecidisse valde tamē sum gauisus alteros

tuos exercitus tã illustrem tamq̃ celerem victoriã de  
 alteris tuis hostibus, qui te ab optimo tuo incepto reuo-  
 care conabantur, reportauisse. Quamobrem eundem il-  
 lum, qui hos duplices gloriæ tuæ prouentus subministra-  
 uit, Deum flexis ad terram genibus erectuq̃ cœlo mani-  
 bus adorauit, quod tibi Regi planè iuueni bellorum ini-  
 tium ab Ecclesiæ suæ defensione auspicianti hac rudimẽ-  
 ta tam præclara tamq̃ conspicua, quasi fundamenta ie-  
 cerit reliquæ sanè vel gloriæ vel ætatis tuæ. Te vero in  
 primis decet existimare ab illo te omnia, nō ab humanis  
 opibus accepisse: quoq̃ Dominus Deusq̃ noster pluri-  
 bus atq̃ maioribus ornamentis virtutem illustrare atq̃  
 condecorare voluit tuam, eo te quidem certe illi humi-  
 liorem submissioremq̃ fieri erit virtutis & prudentiæ  
 singularis. Quod cum feceris, non solum credibile est,  
 fore vt tibi is secunda prosperaq̃ omnia in ijs quas nunc  
 tractas, rebus atque bellis largiatur: sed viam etiã mu-  
 niat per quam ingrediens tuū nomen optimis atq̃ san-  
 ctissimis artibus æternitati consecrare facile possis. Id e-  
 rit, cum tibi eas cogitationes propones, quibus reliquis  
 tuis restinctis pacatisq̃ bellis ad contundendã Turcarū  
 nimis iã incitatã exultatẽq̃ ferociã accendare. Quas  
 ad cogitationes ineundas, quemadmodũ nũc quidem se-  
 res habet, multũ dari nobis posse tẽporis nō est existimã-  
 dum. Ita iã & Pannoniæ Sarmatiæq̃ Regna populata  
 debilitataq̃ ab illis sunt, premunturq̃ in dies acrius: &  
 ipsa Italia amissis in proximis regionibus non vnis præsi-  
 dijs illos sibi vicinos finitimosq̃, acerbũ sanè dolendũq̃  
 spectaculum cõtuetur. Hac pericula, vt vere dicã, quod  
 sentio, me suspensum, atq̃ sollicitũ habet, meamq̃ de se-  
 cundis

cundis tuis rebus voluptatē et letitiam esse solidā atque propriā nō sinūt. Quare ab ipso immortalī Deo precibus omnibus atque votis peto, vt quemadmodū Ecclesiæ suæ dignitatē ab ijs, qui eius propugnationē suscipere in primis debebant, aliquādo male habitā egregiē prosperi-  
meq; est tutatus: ita eā & ab accenso, ad inflāmanda sacrosancta eius templa atq; delubra ignis, & ab imminē-  
ti populorū sibi dicatorū ceruicibus ferro inimicarū per-  
petuo gentiū aliquando tandem eripiat. Quibus de re-  
bus omnibus cum Episcopo Vnigormiensi Legato tuo lo-  
quutus sum, vt is tibi mentē meam perscribere latius ac  
diligentius possit. Dat. 5. Id. Octob. Anno primo. Roma.

## EPISCOPO FELTRINORVM

Magistratui Placentiæ, &amp; Pau-

lo Sumuntio.

20

MANDO vobis, vt quoniam Hierosolimitani mili-  
tes in insula Rhodi contra Turcas propugnatione hoc  
tempore distinentur, prouentusq; suos ea in re maxime  
quidem necessaria impendunt: ex eius ordinis possessio-  
num atq; fructuū omnis generis pensionibus in eam de-  
cimam, quam nuperrime curari exigiq; mandauī ab  
ijs, qui clerici essent, partem vllam ne inferatis: uēue-  
quicquam eo nomine ab ipsis militibus aut eorum pro-  
curatoribus exigatis, aut exigī erogariq; permittatis.  
Volo enim illum ordinem horum onerum collationumq;  
omnium immunem expertemq; esse. Dat. XIII. Cal.  
Nouemb. Anno primo. Roma.

Marco Cardinali Seduno.

21

NON oblitus quantum in nos beneficiorum contu-  
leris, ei, qui has tibi literas reddidit, Goro familiari meo

Hh 3 ad



ad Heluetios proficiscenti mandavi, te ut viseret, tecumque communicaret causam profectionis suae. Quam re peto abs te non id solum, ut eum instituas omnibus iis in rebus, quas ad te deferret, doceasque, quid illi agendum, quid statuendum, quid conandum sit. Sed illud etiam, ut meam causam apud Heluetios agas ipse, measque omnes suscipias partes. Quod te facturum & facile pro ea qua plurimum apud illos polles dignitate, auctoritate, gratia, et libenter pro tua singulari atque mirifica in nos benevolentia plane confido. Volo autem in primis, ut ipsos Heluetios de mea propensa perpetuaque in illos voluntate certiores facias, doceasque, eo animo esse me, ut in eadem cum ipsis fortuna magis magisque quotidie coniungi & consociari cupiam. Deinde ut eos confirmes in Maximiliani Mariae Insubrum Ducis statu atque imperio, quemadmodum adhuc quidem egregie fecerunt, & fulciendo & defendendo: quae sane tibi quidem res cura magnopere semper fuit: nobis autem non minus cordi est, quam Florentinorum Reipublicae, quae mihi patria est, incolumitas et conservatio: quemadmodum ab ipso Goro intelliges. Qui quidem ea etiam, quae ad te de me falso delata sunt, diluet, purgabitque, me tibi, eaque patefaciet, quam obrem mentem erga te meam atque animum perspicere facile possis. Te vero etiam atque etiam hortor, eiusmodi vocibus hominum vel invidentium nostrae coniunctioni, vel certe maleuolorum aures tuas ne praebeas. Quemadmodum & ipsi etiam fecimus, facturique sumus ad ea, quae de te ad me, praeter tuam dignitatem & allata adhuc quidem sunt, & fortasse asseretur. Neque enim de te tuis summis praestantissimisque virtutibus vllorum hominum artibus tantulum quidem

quidem partē detractū iri patiar. Reliquum est, vt Gor-  
 ro ipsi meis te verbis alloquenti omnē fidem habeas. Va-  
 le. Dat. sexto Calend. Nouemb. Anno primo. Roma.

## LAVRENTIO MEDICI

fratris filio.

22

PROFICISCENTI ad Heluetios Gorro, vt  
 meū internuntium apud illos ageret, mandauī pro mea  
 in rem istam pub. charitate, vt omnem sue profectionis  
 causam tibi de via communicaret. Cui tu fidem habebis  
 non secus ac nobis ipsis: quæq; ex ijs, quæ ab ipso intelli-  
 ges, erunt reticenda, nemini patefacies. Dat. sexto Cal.  
 Nouemb. Anno primo. Roma.

Heluetijs.

23

MITTO ad vos Gorum familiarē meum hominem  
 mihi vehementer probatum: vt is meū internuntium a-  
 pud vos agat. Quare vos eius verbis tantum fidei habe-  
 bitis: quantum nobismet ipsis haberetis, si vos presentes  
 alloqueremur. Dat. 6. Cal. Nouemb. Anno primo. Roma.

## RAIMVNDŌ CARDONAE

Proregi Neapolis.

24

CVM id meū consilium semper fuerit, vt inter Ma-  
 ximilianum Romanorum Imperatorem designatū &  
 Leonardum Lauredanū Venetorum Principem discor-  
 die, quas quidem vterq; diutius, quàm opus fuerat, ex-  
 ercuit, fœdere inito componerentur, vt bella cadesq; in  
 Italia desinerent, pax atque tranquillitas existeret: i-  
 demq; optare prudentissimū Regē tuum sepe numero in-  
 tellexerim: gratissimus atque iucundissimus is profecto  
 nuntius fuit, quē nuper accepi, Venetos scilicet ad ineū-  
 dam cum Maximiliano pacem animā induxisse, nobisq;

Hh 4 arbi-

arbitris omnem discordiarum suarum causam totiusq;  
 rei summam velle permittere. Ab hoc enim fonte confi-  
 do plurima esse atque maxima Christiana Reipu.com-  
 moda, ex quibus haurire omnes homines possint, prope-  
 diem emanatura. Hanc eorum voluntatem cum certā  
 propemodum exploratamq; habeam, neque dubitem,  
 quin illi ea, quae nuntiantur, omnia ut volumus sint con-  
 fecturi: etiam atq; etiam te hortor, ut magis in ea sen-  
 tentia Veneti confirmentur, ab armis atque in Venetos  
 impressionibus abstineas tantisper, dum syngrapham,  
 qua mihi eius rei potestas permittatur, ipsi conficiant.  
 Est autē prudentia tua paucorū dierū moram tanti nō  
 aestimare, ut eam ob causam ab vtriusq; nostrū diu opta-  
 ta, communiq; consilio suscepta, & toti rei Christiana  
 maxime profutura pacis atque foederis confectio impe-  
 diatur. Quae quidem mora ne longior sit, quā neces-  
 sitas postulat. Petro Bibiena meo apud Venetos internū-  
 tio mando, det operā, ut trium aut quatuor dierū spa-  
 tio, post has sibi redditas literas ea, quā dico, à Senatu  
 Veneto syngrapha conficiatur: teq; illico tota de re cer-  
 tiore faciat. Tu verò ea intellecta Casarianos tuosq; mi-  
 lites vsq; quaq; continebis, dū pax ipsa foedusq; sancia-  
 tur. Summa haec est, ut maximi momenti atq; ponderis  
 rem vnus quatridui praestolatione hortatu meo iuves.  
 Quod te facturū pro tua prudētia, humanitate, lenita-  
 te plane confido. Dat. 4. Cal. Nouemb. Anno 1. Roma.

MAGISTRATVI BONONIAE

Polæ Episcopo.

25

QVONIAM Matthaeus Cardinalis Gurenensis ad  
 Urbem atque ad nos propediem est venturus, volo, ut si  
 istac

istac iter faciat, omni eum honoris & liberalitatis genere excipias, itaq; tractes, vt se mihi esse charissimum intelligat. Ea in re omnes diligentia tua numeros te implere sanè peruelim. Dat. quarto Calend. Nouemb. Anno primo. Roma.

## MAXIMILIANO MARIAE

Mediolanensium Duci.

26

REVERTITVR ad te meo iussu Hyeronimus Moronus interprest tuus, cuius singularè erga te fidem & diligentiam omnibus ijs in rebus, quas mecum egit, perspicere mihi visus sum: eaq; ipsum de causa, vti probum & spectata virtute hominem, facile amo. Istametsi recusaret Roma te non mandante velle discedere, ostenderetq; mihi habere se abs te plures causas apud nos commorandi, coactus tamen est à me itineri sese dare. Putani enim eū in tractandis apud Heluetios rebus tuis magno tibi vsui futurū, qui cum multa ad tuū commodum dignitatemq; spectantia sum loquutus: eaq; collegi, quae horū temporū conditio poscere maxime videbatur. Ea ipsa, tū quo studio tenear, vt tibi omnia prospere atq; faeliciter eueniant, ab ipso cognosces: qui quidem nostra erga te voluntatis locupletissimus esse testis potest. Dat. 4. Cal. Nouemb. Anno primo. Roma.

## MAGISTRATVI PLACENTIAE

&amp; Paulo Sumontio.

27

MANDO vobis, vt aqua & igni interdicatis, nequis ex ea pecunia, quae ratione decima à sacerdotibus, qui in Regno Mediolanensi sunt, exigitur, quicquā capere, habereq; apud se audeat, prater eum, quem vos eius rei curatorē esse iusseritis: cuius eligendi vobis vnus

Hh 5. facul-



facultas esto. Volo enim, ut is tantummodo, qui à vobis  
erit lectus, cam pecuniam administret. Dat. 4 Calend.  
Nouemb. M. D. XIII. Anno primo. Roma.

### RAIMUNDO CARDONAE

Proregi Neapolis.

28

POST eas, quas ad te proximis diebus dedi literas,  
quibus te certiorē faciebam Venetorum Remp. discor-  
diarum suarum cum Maximiliano Romanorum Impe-  
ratore designato causas omneis nobis arbitris velle per-  
mittere: itaq, te hortabar abstinere eos qui in eorum  
Imperio essent, armis laceessere tantisper, dū syngrapha  
eius rei per Senatū Venetū conficeretur: eā syngraphā,  
quemadmodum volebamus confectā Veneti nobis mise-  
runt. Quamobrem quo maiore possum studio etiā atque  
etiam abs te peto, statuas arma esse reprimenda, Casa-  
risq, milites atque tuos ab omni offensionum cōtra Ve-  
netos genere continendos, dum res negotiorūq, per nos  
transigatur. Ita enim, & nos Venetis recepimus te fa-  
cturū: & te, cui quidem Ferdinandi Regis tui mēs atq,  
animus perspectus est & cognitus, maxime decet face-  
re, nitiq, ut nihil eorū, quae ad pacem consiciendam op-  
portuna sint, praetermittatur. Ea de re plura cū Bercen-  
no procuratore tuo sum loquutus. Is ad te omnia per-  
scribet. Dat. tertio Non. Nouemb. M. D. XIII. Roma.

### FRANCISCO MARIAE

Urbinatium Ducī.

29

CERTIOR factus eos nummos, qui Urbini percu-  
tuntur, probos esse, volo, ut tibi as, argentum, aurū,  
flare, ferire, quemadmodum consueuisti: & nummos  
cudere liceat: neque ea tibi obsint, quae nostris in edictis

summae

nummarijs nuper peopositis continentur. Dat. 3. Non.  
 Nouemb. Anno primo. Roma.

## OCTAVIANO FREGOSIO

Genuensium Duci. 30

ET si pro animi tui consuetudine tuaq<sup>3</sup> propensa in  
 omnem iustitiam voluntate certum exploratumq<sup>3</sup> ha-  
 beam, omnes tua ditionis populos ipsorumq<sup>3</sup> incolumi-  
 tatem tibi magne curae esse: tamen quoniam Sauonem  
 oppidum municipalesq<sup>3</sup> illos, vel quia cum eorū plurimis  
 magnus mihi vsus intercesit, vel quod ij omnes vetere  
 instituto ciuitatem Florentinā sunt adepti, mirum in-  
 modum diligo: non solum te hortor, sed etiam valde ro-  
 go, Sauoniensium fortunas municipiumq<sup>3</sup> ipsum & ci-  
 ues omnes habeas etiam meo nomine chariores: eosq<sup>3</sup>  
 ita tractes, vt intelligant meam apud te commendatio-  
 nem magno illis vsui fuisse. Erit id mihi tam gratum  
 quā quod gratissimum. Dat. Non. Nouembr. Anno  
 primo. Roma.

Magistratui Parmæ. 31

QVONIAM mihi satis constat Castrum nouum,  
 quod est in Parmensi diœcesi, ad Hippolytum Atestinū  
 Cardinalem iure spectare: mando tibi, vt id oppidum  
 cum iuribus eius omnibus Cardinali ipsi, vel eius procu-  
 ratoribus des, tradas sine vlla mora. Quem enim vt po-  
 te Reipub. perutilem atque in ea administranda maxi-  
 me idoneum virum præstantemq<sup>3</sup> hominem vnice dili-  
 go, impediri ei sua iura minime omnium volo. Itaq<sup>3</sup> da-  
 bis operam, vt is ad integram eius oppidi possessionem  
 confestim admittatur. Dat. Non. Nouembr. M. D.  
 XIII. Anno primo. Roma.

PETRI BEMBI  
MATTHAEO CARDINA-  
li Gurcensi.

32

**C**V M certior factus sim te ad Urbem atque ad nos aduentare: qui quidem mihi nuntius sanè gratissimus fuit: statutumq; mihi sit relaxandi animi causa hodie Roma discedere, ne propterea tuū aduentum differas: si fortasse Roma nobis absentibus esse non appetis, scire te volo perpaucos me dies absfuturum. Quin etiam cum appropinquare tuum aduentum intellexero, dabo operam, vt nos iam reuersos offendas, vt te alloqui, & quamprimum videre possimus. Dat. Non. Nouemb. Anno primo. Roma

Municipio Norsino.

33

**A**LLATV M ad nos est exules, Cassianos, qui eius oppidi arcem magna cum mea indignitate vi atque armis expugnauerunt, confidere se à vobis auxilium ad se defendendos, si à nostris militibus oppugnabuntur, impetraturos. Quamobrē mado vobis ea lege, quæ de Maiestate est, & decem millium nummorum aureorum fisco inferendorū mulcta, ne illis vlla in re auxilium præbeat neue quicquam aggredi & tentare audeatis, quod eis exulibus vsui & adiumento esse possit. Dat. Octauo Idus Nouemb. Anno primo. Roma.

FABRITIO ET MARCO

Antonio Columnæ.

34

**Q**VONIAM exulum Cassianorum audaciā, quæ superioribus diebus in eius oppidi arce inuadenda capiēdaq; sunt vsi: egre, vt debui, molesteq; tuli, atq; ad arcem recuperandam studium & diligentia adhibui magnopere à vobis peto, ne eis exulibus quicquam opis ad  
se de

*se defendendos subministratis. Quod tamen si existimē vos pro vestra in nos pietate per vos ipsos esse facturos, volui tamē ea de re literas ad vos dare, ut magis etiam de mea voluntate certiores fieretis, cum id à me intellexissetis.* Dat. 8. Id. Nouemb. Anno primo. Roma.

## FRANCISCO HERNANDO

Aualo Marchioni Aterni.

35

*IULIANVM Rodulphum familiarem tuū probū virū et spectata virtute hominē multos iam annos bene cognitū, valde sanē amo. Is quoniā nobis in primis idoneus visus est, qui Iuliani Medicis fratris mei rerū domesticarū curā administrationemq; susciperet, ipsum ci rei praeferi: speroq; fratri meo magno vsui eius virtutē & probitatē fore. Quod te meis literis scire volui, cū vt intelligeres existimare me tibi nos non ingrātū facere, qui familiaris tui opera nostris in rebus vt amur: tū vt certior fieres nobis illum tua causa etiam chariorem fore.* Dat. 8. Id. Nouemb. Anno primo. Roma.

## FRANCISCO GONZAGAE

Marchioni Mantuæ.

36

*ALOISIO Crepello Mantuaro, cuius filio familiarissimē vtor, à certis hominibus in tua diocesi quēdā pecunia summa debetur: quam nisi te adiuuante recuperarit, arbitratur se in perditis & desperatis habiturum. Pergratum igitur mihi feceris, si dederis operam, vt Crepellus ad suum quā celerrime perueniat: & cū ipsum, tum Franciscum eius filium omnibus in rebus tueberis. Probos homines & gratos & tua fide dignos clientelaq; cognosces.* Data quarto Id. Nouemb. Anno primo. De Centumcellis.



PETRI BEMBI EPI  
STOLARVM LEONIS  
DECIMI PONT. MAX.

Nomine scriptarum.

LIBER VI.

ALFONSO FERRARIEN-  
sium Duci.



VAN QVAM iniquū sanè fuerit ab  
huius Reipub. Vicario eos homines, qui  
in eiusdem Reipu. imperio essent, capi,  
captosq; in custodia diu haberi: potue-  
rimq; ipse Franciscum & Pasotū Fan-  
tutios ciues Bononienses captos à tuis custodiaq; tradi-  
tos reposcere abs te iuris & iustitia via: petereq; vt eos  
in libertatē sine vlla mercede restitueres: voluit amen  
& pro nostra vetere necessitudine, & pro mea recenti  
charitate, qua te Pont. Max. amplector, amātissimi ho-  
minis officio vti, hortariq; te id vt faceres: ad teq; nō v-  
nas literas ea de re dedi sperās te ad id quod equitas ip-  
sa postulabat, facile nobis hortātibus descēsurū. Quares  
cū aliter, ac sperabā, ceciderit: teq; Pasotū quidem ma-  
gna accepta pecunia missum fecisse, Franciscū verò in cu-  
stodia et quidē dura etiamnū habere intellexerim, deq;  
tua in illū asperitate nihil omnino remisisse: equis certe  
erat, & huius imperij maiestati conuenientius, nihil nos  
te amplius per literas hortari: ne totiēs eiusdem imperij  
dignitas auctoritasq; nostra nullius esse apud te pōderis  
momentiq; videretur. Quod quidem statueram facere,  
at quo

atque, ut scis iam planè faciebam. Veruntamen precibus tandem et lachrymis Francisci necessariorum permotus idem illud etiam nunc scribo: abs teq<sup>3</sup> vno verbo peto, ut pro tui Magistratus officio, proq<sup>3</sup> ea, quam nobis obseruantia debes, Franciscum iam tandem patriæ restituas et suis: neque patiaris eius hominis libertatem, quā tueri potius et defendere debuisses, aut impediri abs te, auctullo pretio emi. Id si feceris, iustitiam, pietatem, dignitatem, meam tibi esse cura non dubitabo. Si non feceris, & tu meam de te opinionem maxime falles, & ego de me deq<sup>3</sup> totare tuam. Dat. 12. Cal. Dec. Anno 1. Roma.

## LVCRETIAE FERRARI-

ensium Duci.

2

NON vnis literis Alfonso viro tuo Fantutios fratres siues Bononienses honestos viros nostros homines commendauimus, ut quidam adhuc videmur frustra. Nā cū is eos captos à suis in custodia iam per annum habuerit: ego autem illum sapius hortatus sim. Fantutios liberaret, ne vel in viros egregios, qui nihil vnquam in sese deliquerint, agere inhumaniter, vel Ecclesiasticā libertatem comminuere, demū ut aliquid etiā nobis petentibus tribuere videretur: alterū quidem eorū, qui se magna pecunia redemit, patriæ atque suis restituit: alteri autē neq<sup>3</sup> de carceris incommodo, neque de pecunia summa, quā ei ab initio condixerat, adhuc plane quicquā remissit. Itaq<sup>3</sup>, ut verum fatear, agre molesteq<sup>3</sup> ferens parū apud illum pietatē iustitiā Reip. dignitatē, parum etiā nostras literas valuisse, statueram nihil ei amplius ea de re scribere, indignū existimans me, qui illum & veteris beneuolentia & recentis magistratus nomine multum sand

sanè amo, in re præsertim tã honesta tamq̃ plena egrè-  
 gia laudabilisq̃ pietatis, toties ab ipso frustra quicquam  
 si neq̃ fructu petijssè. Sed vicit flexitq̃ me necessariorũ  
 Francisci perpetua obsecratio: aiunt enim ita illum ad-  
 uersa valetudine laborare, vt si paulo modo vltèrius in  
 custodia teneatur spiritus illum & vita sit relictura.  
 Itaq̃ nos orant, ne illum miserũ atque se nostra, hoc est  
 omni spe destitutos relinquamus. Quare id, quod sæpius  
 à viro tuo petij, idẽ nunc etiã ab eodem per literas peto,  
 vt & illorum obtestationibus atque lachrymis, & rei a-  
 quitati, honestati, pietati, ipsi denique humanitati, quã  
 induimur, satisfaciã. Franciscũ Fantutium scilicet sine  
 redemptione vti missum faciat: satisq̃ habeat eã, quam  
 à fratre pecuniã accepit. Volui autem te etiã hortari &  
 monere: quã cũ foemina sis, tangite pietate misericor-  
 diaq̃ duci verisimilius est: vt apud virũ ea in re iustitiã  
 measq̃ parteis amplectare atque suscipias: eĩq̃ persua-  
 deas, nostris hortationibus morẽ gerere aliquando tan-  
 dem in animũ inducat suũ: velitq̃ hominem se esse me-  
 minisse. Itaque in homines durius, quàm ipsa humanitas  
 postulat, ne agat. Deniq̃ cũ Reip. Vicarium sustineat,  
 sciat indignũ ac iniquum sibi esse eiusdem Reip. homines  
 capere, captosq̃ in custodia tamdiu habere ipsa Repub.  
 Pontificeq̃ Max. vt eos missos faciat, postulante. Nam  
 quomã supra mulierũ captum te & prudentem, & plu-  
 rimis maximisq̃ virtutibus ornatũ omnes homines præ-  
 dicant, non dubito, quin à viro tuo sis, quæcunq̃ voles,  
 impetratura, à quo te amari ijs de causis vehementer  
 existimo. Itaq̃ hãc tibi rẽ meo nomine remitto, vt potẽ  
 qua huiusmodi causa apud virũ internuntius esse aptior

atq̃

atq; coniunctior nullus potest: teq; ingenyq; tui bonitatem, qua excellis, ea cura oneratam magnopere volo. Id si feceris, quod te facturam pro tuo mirifico in nos cultu pietateq; confido, & mihi rem gratissimam teq; ac virtute tua dignam facies: & virum ipsum tuū magna calumnia liberabis. Ero etiā ipse tuis in rebus huius officij nō immemor: diligentiamq; aliquando tuam sarciam. Dat. 12. Cal. Decemb. Anno primo. Roma.

## MAXIMILIANO MARIAE

Mediolanensium Duci.

INTELLEXI Gulielmum Marchionē Montu-  
ferrati abs te accersitum Mediolani propediē futurum,  
vt de vestris rebus alloqui hominē possis. Fuit is mihi nū-  
tius sane gratissimus. Qui enim & te vere paterna cha-  
ritate sum complexus, & illum propter eius plurima in  
nos, dum Cardinalem gerebamus, officia, atq; in Roma-  
nos Pontifices perpetuā obseruantia in meā fidem tute-  
lamq; recepi: maxime opto, vt ea per vos siāt, quibus ar-  
cto inter vos planeq; duraturo amoris & beneuolentia  
fœdere deuinciamini. Quod tamē ipsum etiā pro ea vo-  
lūtate, qua in omnes Christianos Principes sumus, quos  
quidē esse cupio inter se quā coniunctissimos, est nobis,  
vt debuit iucundissimū. Eo autē ad te scribere sum ag-  
gressus, vt te hortarer, quo maior ipse es, quoq; tua est  
& fortuna, et dignitas excelsiore loco longeq; illustri-  
re posita, eo velles Gulielmū ad te venientē amātius li-  
beraliusq; suscipere, atq; omni beneuolentia ostensione  
ita tractare, vt se tibi plurimum debere fateatur. Id &  
ad tua ditionis securitatē propter vicinitatē locorū, &  
ad nominis dignitatē propter illius splendore expecta-



nemq<sup>3</sup> hominū erit aptissimū, mihi verò tā gratū, vt in me ipsum magnū aliquod egregiumq<sup>3</sup> beneficiū te cōtulisse sim existimaturus. Dat. 12. Cal. Dec. Anno 1. Roma.

## GVLIELMO MARCHIONI

montis ferrati.

4

P E R sanè gratum mihi fuit id, quod proxime intellexi, te Maximiliani Maria Insubrum Ducis hortatu ad illum breui accessurum: vt is de vestris rebus te alloqui, ac tecum, quæ ex vsu vtriusq<sup>3</sup> vestrū sint, commodè constituere possit. Nam qui propter plurima tua in me Cardinalem familiamq<sup>3</sup> meam officia, & in Romanos Pontifices egregiā voluntatē magnopere te amo, valde cupio, vt ea per vos statuatur, quibus summa inter vos beneuolentia perpetuaq<sup>3</sup> cōiunctio sit futura. Quod quidem pro Ducis natura optimisq<sup>3</sup> moribus fore confido: vtq<sup>3</sup> fieret, quod ad illū attinet, eū per literas sum hortatus. Abs te autē etiam atq<sup>3</sup> etiā peto, primū vt, si te itineri nondum dedisti, pergas Maximiliano ea in re morem gerere, libentissimōq<sup>3</sup> animo te ad illum quamprimum conferas: deinde vt des operā, cū illō veneris, vt is te nō minus voluntate animi tui, quàm locorum vicinitate, sibi esse coniunctū cognoscere atq<sup>3</sup> profiteri possit. Id erit mihi pro ea, quā votis omnibus semper cōcupiui, Christianorū Principū vnanimi voluntate cōstituenta, iucundissimū. Dat. 12. Cal. Decemb. Anno primo. Roma.

## REGII LEPIDI

Magistratui.

5

D E M O N S T R A T V M mihi est Ioannem Petrū Gonzagā Nuuolaria Comitē, rebelles meos Regienses homines suum in oppidum recepisse. Id si ita esse compe-

reris,

veris, meas ad illum literas, quas vnà cum his literis accepisti, quamprimum mittes. Earum exemplum has in literas conieci, vt tuas apud illum postulationes ad eorū sensum accomodare atque aptare posses. Summa est, cures omni diligentia desq; operam, vt eos habeas, & quemadmodum meriti sunt, mulctes ac punias. Dat. 8. Cal. Decemb. Anno primo. Roma.

## IOANNI PETRO GONZA-

gæ Nuuolariæ Comiti.

6

EX literis optimorum virorū intellexi id, quod sanè credere pro mea in te vetere beneuolentia vix egregè potui, te meis rebellibus Regiē sibus tuo in municipio receptum ac perfugiū dedisse. Id si ita est, te nō solum moneo atq; hortor, sed tibi etiā precipio ac mando, vt quotquot ex illis tuis in locis habes, eos omnes Regij Magistratui tradas: qui autem posthac ad te venerint, eos ne recipias, sed expellas: ne cōqueri de te merito & magnā cum causa possimus. Dat. 8. Cal. Decemb. Anno. 1. Roma.

## MAGISTRATVI BONONIAE

Polæ Episcopo.

7

DEDERVNT ad nos literas ij, qui publicè bonas arteis isto in oppido profitentur, mores atq; consuetudines illo in ludo constitutas magna ex parte remitti & negligi, sic, vt neque hora profitendi, neque conuentus differentium, neque Magistrorum, immunitates, atque comitia haberi solita custodiantur. Eā ego rē, vt debui, egre molesteq; tuli, qui ludum istum esse quā ornatissimū cupio. Mando igitur tibi, vt omnibus professoribus imperes, vt leges atque consuetudines vsquequaq; teneantur, nihilq; pratermittant eorū, quātū fieri assolent;

tum discipulorū ytilitatē atq; commoda continēt. Qui non fecerit, ei salarium auferri, & in exarium inferri iubeto. Dat. Cal. Decemb. Anno primo. Roma.

### ANTONIO CARDINALI

Bononiensi.

8

**CERTIOR** factus sum Beneuolos fratres suarū rerū recuperationē iuxta literarū sententiā, quas ad Allobellum Polæ Episcopū Bononia Magistratū dedimus, assequutos nondum fuisse te & moneo et hortor, des operam, incumbasq; in eā rem, ut omni ex parte ea recuperatio meis ex literis conficiatur, neq; vltcrius à quopiā vlllo nomine differatur. Quam sententiā voluntatemq; meā 40. viris Bononiensibus denūtiabis: eosq; meis verbis admonebis, si mihi rē gratissimā facere volent, eiusmodi cōfectionē ne impediant. Da. 8. Cal. Dec. An. 1. Ro.

### RAIMUNDO CARDONAE

Proregi Neapolis.

9

**EX** literarum Octauiani Genuensium Ducis illiusq; oppidi Decurionū ad nos exemplo, quo in loco eius ciuitatis res sint propter illorū audaciā, qui perturbare eā armis, collectisq; exercitibus omnia permiscere aggrediuntur, facile perspicias. Ea res cum nihilo sanè minus Ferdinandi Regis tui tuamq; dignitatē, quorū auspicijs is, qui nunc viget, eius vrbis status magna cū omniū ciuium voluptate fuerat constitutus, quam nostrā ipsorū, qui municipiū illud in fidem & clientelā recepimus, diminuire labefactareq; videatur, hanc mihi operā sumpsi, ut curarē, ut eorū te nihil lateret. Quae cū erunt abs te intellecta & cognita, tui consilij erit, perferrēne ac perpeti velis tantā indignitatē, ut paucis Galliae Cisalpinæ rebus

ne rebus reliquis, quæ turbari fortasse poterant, plane iā  
 constitutis: teq; prope vno in Italia paratissimum exerci-  
 citum habente, ceteris aut superatis, aut communi sen-  
 tentia, bellum tecū administrantibus: tamē sint, qui vr-  
 bem Genuam in tuā nostramq; fidem receptā oppugnare  
 audeant sub oppidi prope iam moenibus atq; ipsas ad  
 portas positis castris, Equidem, quod ad me attinet, eos,  
 vnde illa, de qua loquor, armatorū hominum manus ad  
 quietem eius oppidi auertendam cōparari audiebatur,  
 propterea quod eum rerū motum totius Italia res tur-  
 bandi & permiscendi, ac bellum maximū excitandi, no-  
 uasq; res moliendi asserre initium existimabā, non vnis  
 vel literis, vel certis missis hominibus monui, ab incepto  
 desisterent, præsentemq; eius vrbis statū mea fidei com-  
 missum, et traditū ne vexarent, existimans ipsoshorta-  
 tu meo facile quieturos, præsertim cū scirent in eo non  
 minus Ferdinandi Regis, quā meū nomen dignitatēq;  
 conuelli & conteri. Triremes etiā meas eam ad urbem  
 tuendam misi. Nunc verò cū neq; nostra neq; Regis tui  
 dignitatis maiestatis nominis vlla ab ipsis ratio habeatur,  
 equū est te, qui exercitui leuissimo atq; fortissima  
 præes, eiusdem cum Regis, tū nostras, tuas deniq; ipsius  
 partes suscipere, omnesq; nos, teq; in primis ab iniuria  
 tā insigni præ te ferre vindicaturū: ne te nominisq; tui  
 amplitudinē partamq; iā gloriā contemnendā quispiā  
 posthac ducat. Quis enim tua se Regisq; tui fidei credi-  
 tum tutum securumq; existimabit, si Genus statū tuis  
 armis constitutū, in Regis tui fidem receptū viderit vel  
 peruerti, vel labefactari? Quamobrem incumbe in eam  
 cogitationē, sensusq; tuos omneis atq; animū excita: vt



oppidum egregium cuius oppidi oriū ceteris Italia oppidis quieti, bellum tumultui esse maxime potest, ab imminenti hostium periculo tua diligentia, consilio, auctoritate, armis etiam si necesse erit, qua quidem arma hoc tempore tibi precipue parēt, tuis denique opibus eripiantur. Quod vnum & Regi tuo sempiternam gloriam pariet. & mihi tam erit gratum, vt me tibi ea de causa plurimum debere sim existimaturus: tibi certe ipsi nominis tuo magnum sanē splendorem, magnam auctoritatem afferet. Dat. 7. Cal. Decemb. Anno primo. Roma.

## EPISCOPO CERVIAE

Cesenaē Magistratui.

10

M A N D O tibi, vt apud te meo nomine adserues nummos aureos mille, quos habes reliquos ex rationibus Saluatoris: qui nuper mortem obiit, cum vectigalia Flaminia administraret. 4. Cal. Decemb. Anno 1. Roma.

## FRANCISCO MARIAE

Vrbinatium Duci.

11

V A L D E mihi ea omnia probantur, quae ad Fani Fortune municipum quietem spectantia per tuos ad me homines perferre voluisti, cum in persoluendo salario Bernardo Cardulo, qui procuratorem meum eo in oppido proxime gessit, tum in restituendis Francisco Alexandro Cesenatijs, quae ei ratione Spoliorum debentur. Quare volumus vt sic fiat, quemadmodum ipse consulis: scilicet vt Cardulo nihil persoluat ultra id, quod tu ei curari iussisti. Alexandro autem quae debentur, restituendi ea ratio adhibeatur, quae tibi esse commodior ad oriū eius oppidi videbitur. Mando etiam Episcopo Pelycastrensi Fani Fortune magistratui, vt ex tua sententia vtranque

tranque rē administret. Dat. 3. Calend. Decemb. Anno primo. Roma.

## HELVETIIS, QVI

apud Genuam sunt.

12

NON sanè quiui pro Reip. lasa spreta q̃, Maiestate non permoleste ferre, vos, qui eiusdem Reipu. libertatis propugnatores accerrimi nouissimis his temporibus semper fuistis, atq̃ ab ea magno in honore hābiti praelara ipsius ergā vos atq̃ illustra beneuolētia amoris necessitudinis q̃, signa monumenta q̃, accepistis, ad praesentem Genua statum & Octauiani eius ciuium Ducis quietē cōturbandam collecto exercitu armato q̃, accessisse: cū multo antea intellexissetis à me missis ad vos ea dere internuntijs, ipsum Ducem fratrem q̃, eius Federicum Archiepiscopum Salernitanorum in meam fidem fuisse receptos. Quamobrem Fabritium familiarem meum magnis itineribus ad vos his cum literis mitto: vt is vobis ea, qua mihi aqua & iusta magnopere visa sunt super eare, nuntiet meis verbis cui fidem habebitis. Summa omnium est: vt sine vlla mora & à Genua exercitū abducatis, & nihil agri Ligurum vastatum, nihil villarum incensum relinquatis. Id si feceritis, de mea in vos beneuolentia nihil remittam: quā omni à me quidem officiorum cultam genere, quoad ipsi volueritis, conseruabo. Dat. prid. Cal. Decemb. Anno primo. Roma.

## ANTONIO CARDINALI

Bononienſi.

14

PET O abs te, & quidem valde peto, vt quoniā Balfassare Mediolanensi municipe tuo viro & probo & pereleganti multos iam annos familiarissime vtor,

Li 4 des

des operam vt is inter illos admittatur, qui idonei sunt,  
vt ad Magistratus Bononienses gerendos recipiantur.  
Dat. Id. Decemb. Anno primo. Roma.

## GVLIELMO MARCHIONI

Montisferrati.

15

ET amauius te antea, dum Cardinalem gerebam<sup>us</sup>, omni tempore, amari enim nos familiamq<sup>3</sup> nostrā à te sciebam<sup>us</sup>: & nunc quidem, cum mihi nihil merito Pontificatum Maximum contulerit Deus, paternate beneuolentia atque intimo amoris & charitatis mea sinu complector atque contineo. Est enim mihi exploratissima tua tuorumq<sup>3</sup> maiorū in Romanos Pontificum obseruantia & fides: quae te mihi praeter eam, qua me prosequeris pietatem commendatissimū faciunt. Itaque sic velim existimes, te tuosq<sup>3</sup> omneis, vxorem, liberos, fratrem mihi magna cura esse, idq<sup>3</sup> vt omnes homines intelligant, nos si erit opus, operam & studium libentissime posituros. Porro quacumq<sup>3</sup> ad tuam incolumitatē, quacumque additionis tuae tuorumq<sup>3</sup> populorum et tuarum rerū omnium conseruationē pertinebunt in ijs, tibi nunquam deero: neque te, vti de hoc imperio deq<sup>3</sup> me optime meritum, et in meam initio Pontificatus fidem tutelamq<sup>3</sup> animo libentissimo receptum, ledi à quoquā, quoad poterō, patiar. Dat. XI. Cal. Ian. Anno primo. Roma.

## FERDINANDO HISPANIAE

Regi.

16

INTELLEXI te Petro Cardinali Anconitano fructus Ecclesiae Gaditanae retineri mādauisse. Quae mihi res & pro meo in illum si aeterno amore, & pro eius in rem Romanā plurimis maximisq<sup>3</sup> promeritis non parua sanē.

sanè molestiam attulit: praesertim cum perspectissimum mihi sit eum tui studiosum semper fuisse, tuasq; res, dignitatem, gloriam, rebus omnibus antetulisse. Quare te hortor, neque hortor solum, sed etiam peto abs te diligentissime, velis Ecclesiae Gaditanae prouentus Cardinalis procuratoribus remittere: quod erit mihi tam gratum, quam quod gratissimū. Caterum polliceor tibi, in meq; recipio, reliquis in rebus, quas cum eo tractas, quemadmodum voles ipse, sic plane fore. Dat. IX. Cal. Ianu. M. D. XIII. Anno primo. Roma.

## INTERVNTIO HISPANIENSI

Episcopo Consentino.

17

EXEMPLVM literarum, quas Ferdinando Regi scribimus postulantes vt is Ecclesiae Gaditanae fructus interdictos à se Cardinalis Anconitani procuratoribus remittat, habuisti cum his literis. Mando autem tibi, vt apud eū agas, cures, enitare, vt res quemadmodum volumus, conficiatur: in quo nihil pratermittes, si mihi re gratissimam voles facere, neque diligentiae, neq; studij, neque plane laboris. Est enim mihi permolestum, Cardinali de Repnb. deq; nobis optimo merito in colligendis Ecclesiae suae fructibus negotium fieri. Nam quod ad eas res attinet, quibus tu de rebus ad me scripsisti, certiorē facere Regem poteris, me curaturum, vt quemadmodū ipse postulat, sic aptentur. Dat. Non. Calend. Ianuarij. Anno primo. Roma.

## FEDERICO ARCHIEPIS-

copo Salernitanorum.

18

IUSTISSIMIS me causis impellentibus mando tibi, vt quem habet sacrorum tuorum in Ecclesia Saler-

li 5 nitana



nitana Vicarium, eum quamprimum amoveas ab administratione illa & loco: teq<sub>3</sub> id meo iussu facere neq<sub>3</sub> ipsi, neq<sub>3</sub> cuiquam patefacias. Dat. quinto Calend. Ianua. Anno primo. Roma.

## MAGISTRATVI BONONIAE

Polæ Episcopo.

19

MANDO tibi, vt ex ijs ducentis peditibus, qui sub Rainaldo Gazopratorij Praefecto istic merent. L. milites eximas, quorum stipendium in alios milites tot numero, quot tibi & XL. viris satis esse videbuntur, per vos diligendos trāsferatur: quibus militibus ea mandentur cura, usq<sub>3</sub> praeficiatur, quam curā esse ex vsu istius vrbs, quemq<sub>3</sub> Praefectum ei rei fore idoneum iudicabitis: ita sanè, vt posthac Rainaldus CL. milites tantummodo habeat, quibus imperet: illi autem, qui per vos diligentur, tibi & XL. viris obediant praestoq<sub>3</sub> sint suo cum Duce. 4. Calend. Ianuar. M. D. XIIII. Anno primo. Roma.

## OCTAVIANO FREGOSIO

Genuensium Duci.

20

VENIUNT ad urbem atque ad nos è Gallia Trāsalpina sacerdotes aliquot honore & dignitate praediti, tollendi scismatis causa, seq<sub>3</sub> cum sacro Lateranensi Concilio reliquorū illius Ecclesiae sacerdotū nomine coniungendi: quibus obuiam mitto eum, cui has ad te literas dedi, viatorem meū: qui cū tutius atq<sub>3</sub> securius accedere Romam possint. Quare abs te peto, des operā non solum vt ij sine vllō impedimento per tuae ditionis loca iter faciant: sed etiam vt à tuis & amice, & liberaliter excipiantur. Dat. Cal. Ianu. 1513. Anno primo. Roma.

P E

## PETRO BIBIENAE

apud Venetos internuntio.

21

INTER eos, qui meo stipendio aluntur, est Augustinus Cippus istius Urbis ciuis, vir & multum terrarū peruagatus, & omnis laboris experientissimus, tum & industrius & elegans & plane comis, & mihi certe gratus. Is quoniam à patria sua in exilium missus multos iā annos externis in locis duriter & laboriose confecit, cupit q̄, quàm maxime, vt sibi redire ad lares suos liceat, mando tibi, vt Leonardum Lauredanum Principesq̄ ciuitatis adeas, horterisq̄ meis verbis, velint rogatu meo Augustinum ab exilio restituere: eisq̄ persuadeas, vt exemplo Domini, qui quidem delinquentis pœnitentiam, quàm mortem mauult, ea in re pietate potius & misericordia, quàm vindicta vtantur. Quod quidem tamen si pro istius in me Reip. voluntate facile me assequuturum confido: volo tamen vt eam rem diligenter administres, ostendasq̄ Senatui istū mihi plane gratissimum facturum, si in Augustino ad patriam reuocando mitem se liberalemq̄ prabuerit. Tota autem de re quid egeris, facies me quamprimum tuis literis certiozem. Dat. prid. Non. Ian. 1514. Anno primo. Roma.

## MAXIMILIANO IMPE-

ratori designato.

22

ET SI & animo semper agitaui ex eo tempore, cū Pontifex Max. creatus sum, vt pro Reipub. Christiana otio communiq̄ bono te ab armis, ab ardore animi, ab odio exercendo cum ijs, qui s̄ hostes tuos appellas, Christianis Regibus atque Principibus. ad pacem atque amicitiam reuocerem: & posteaquam Matthæus

CAR-

Cardinalis Gurcepſis Vicarius rerū Italicarū tuus pru-  
 dens excellenſq; vir Romam ſe contulit, cū eo ſapius ea-  
 dem de re ſum loquutus. Tamē quoniā iſ diebus fratres  
 mei. E. R. Cardinales non ſolum ſeparatim, vt cuique v-  
 ſui fuit, quod ſape ante ea fecerant, ſed etiam vnā omnes  
 atq; palā nos ea de re multo diligentius atq; accuratius  
 mouerunt, veriti ne ſi paulo modo vltcrius noſtrorum  
 Principum diſcordia inter eos vigiſſent, Chriſtianam  
 Remp. bellis ciuilibus debilitatā valediſſimi haſtes noſtri  
 Turca adorirentur atq; opprimerent, qui tractare ar-  
 ma, parare exercitus, claſſe conficere audiebantur: idē  
 nunc quoq; mihi tecū per litteras multo accuratiſſime a-  
 gendum eſſe commendandūq; exiſtimau: praſertim cū  
 & nonnullorū Regū ac Principū querele acceſſerint li-  
 teris eorum & nuntiis ad nos perlata, petentiā, ne Chri-  
 ſtianos populos noſtra cura fideiq; creditos diutius in-  
 ter ſe concurrere collidiq; ſineremus: & ipſe Italia de-  
 uaſtata prope ac deſolata vocibus & quaſi lachrymis ex-  
 citor, vt de grege Domini paſum percurſe ac ſe conte-  
 rente ſolicitus nihil nō cura in eo continendo conſeruā-  
 doq; adhibeā nihil remittā laboris. Itaq; te et moneo et  
 hortor & plane etiā atq; etiā rogo per Dei Opt. Max.  
 nomē, à quo tuo ſane nomiſi dignitas omnis Maieſtasq;  
 acceſſit: per ſede hanc Chriſtianā reip. cuius vniūſ tuen-  
 da cogitatio ad te max. me omnium atq; iuſtiſſime perti-  
 net: per tot ſanctorū virorū humanā hac in vrbe atq;  
 tellure corpora, qui multos labores, multas arēnas per-  
 tulerūt, multū etiā ſanguinis inſtituendis noſtris ſacris  
 augendisq; profuderunt, vt ad pacē cū tuis hoſtibus in-  
 eundam animū & cogitationem tuā des, eamq; de ſe-  
 dibus

dibus deq; populis Domini praeexpulsam, te quidem  
certe implorantē ne aspernere: praesertim si aquas illas  
ad te conditiones asferre perspexeris. Quā certe in sen-  
tentia adduci eo facilius debes, quo laudabile illud pro-  
positū animi tui, qui cū in primis ad arma profuisti: ut  
libertatē ecclesiasticā audacia nonnullorū violatam cō-  
minutāq; defenderes, dignitatēq; nostrā ab iniuriā vē-  
dicares, suos iam exitus habet: hostesq; tui Dei munere  
ac tua incredibili virtute tuorūq; foederatorū auxilio  
positis animis contumacibus ad huius Reip. cultū & ob-  
seruantia humiles accesserunt. Certe quemadmodū te  
bello imperterritū atq; inuictū adhuc quidem omnitē-  
pore praestitisti: ita optimis consilijs tractabilē dari nūc  
te, erit non minus prudentia tua quā illud fuerit forti-  
tudinis. Meminisse etiā debes, cum omnium Christianorū  
Imperatorē geras, datū te à Deo esse quasi tutorē eius  
populis: ut non tā tibi cogitandum sit, quos vincere atq;  
subycere tua ditioni possis, quā ut omnes esse incolum-  
es te procurante conspiciantur. Deinde quo maior ip-  
se excelsiorq; es, eo de te decet omnibus hominibus faci-  
liorē commodiorēq; esse, benignitatēq;, non impla-  
cabilitatē, obliuionē incuriarum, non vindictā, liberali-  
tatē non potentia exercere: neq; tā querere, quibus ar-  
tibus latiores Imperij tui fines habeas, quā quibus vir-  
tutibus gloria tui nominis extendere, hominumq; in te  
beneuolentia augere atq; amplificare melius atq; faci-  
lius possis. Quamobrem, ut ad illud redeā, quod initio di-  
xi, rogo obtestorq; te, primū quidem, ut animū tuū ad  
pacem inter omnes Christianos Principes conciliandam  
applices: Deinde ut te ad eas pacis conditiones cū tuis  
hosti-



hostibus deducas, quæ si non tales erunt, quales ipse vobis maxime, sint tamen eiusmodi, ut qui te summopere diligunt, non esse eas abs te reiiciendas putent. Cruentari enim gladios, vastari prouincias, oppida dirui, quæ quidem mala cum bellis semper coniuncta sunt, exerceri denique inter Christianos Principes tam acerbæ contentiones, non solum Reip. Christianæ periculosum est, sed ne illis quidem ipsis, qui eas exercent, non triste, non miserum, non fugiendum. Id si ipse per te feceris, plane confido reliqua bella omnia in vniuerso eiusdem Reip. imperio, omnibus hominibus tuum vnius præclarum factum respicientibus, facile quietura: quiq; nostris ceruicibus imminens hostis noster perpetuus Turca, de q; nostris seditionibus incredibilem latitiam capiens nos eam ob causam à sese facilius debellatum iri spem non dubiã alit, vel se intra suos limites continebit, vel nos vnà in redimendis à seruitute Christianis gentibus conspirantes aliquando victores sentiet. Me quidem ipsum, qui te vnice atque summopere amo, fratrumq; meorum Cardinalium collegium, vel potius Christianam rem vniuersam tibi egregie atque in omne tempus deuincies. Dominus autem, ut est in remunerando benefacta hominũ largus, quicquid hac in re atque hoc tempore amore sui me hortatore tuis hostibus remisseris, tibi nominiq; tuo Augusto reliquis tuis in rebus postulatisq; decupla mēsurā atque centupla sarciet. Dat. V. Cal. Ian. M. D. XIIII. Anno primo. Roma.

## SINGVLIS IIS QVI

creandi Imperatorē ius habent. 25

EXEMPLVM literarum, quas ad Maximilianum

**NUM** Imperatorem designato dedimus, quibus eum ab armis, à bello, à contentionibus cum Christianis Principibus exercendis, ad pacis studia cogitationemq<sup>3</sup> reuocamus, habuisti cum his literis. Ex eo curā in eare nostram, diligentiam, studium, pietatem denique, quam adhibemus, vt eius ceterorumq<sup>3</sup> Principum animi pacē inean, facile perspicies. Quare cum te plurimis legitimisq<sup>3</sup> de causis magna esse apud illum auctoritatis exploratam habeam, nec dubitem, quin pro tua virtute animiq<sup>3</sup> temperātia, proq<sup>3</sup> officio optimi prudentissimiq<sup>3</sup> Principis te quoque communia Christianorum populorum mala vel praesentia, vel etiam impendentia commoueant, prorsus vehementer etiam atque etiam abs te peto, vt meas apud illum hortationes literis, postulationibus, internuntijs, per te ipsum denique, si fieri poterit, & quantum poteris, iuues. Planè enim cum in eo, qui tuos conatus adiuuabit Deus, tum in tua diligentia prudentia, auctoritate, spem maximā habeo, fore, vt ab illo sis quacumq<sup>3</sup> voles impetraturus, tam iusta praesertim in re atque causa, qua quidem id agit, vt Christiani sanguinis, quem exhaustiri profundiq<sup>3</sup> tam largiter his temporibus perditis atque miseris vidimus, aliquādo tandem ratio habeatur, resq<sup>3</sup> Christiana publica vel neruos atq<sup>2</sup> vires resumat, proferatq<sup>3</sup> in dies sese, quod erat sanè conuenientius, vel ne perpetuis nostris hostibus ludibrio internecioniq<sup>3</sup> dedatur. Id si tu quidem fili mihi animoq<sup>3</sup> meo pergate, quantum in te erit, confeceris, & dei causa per te sustinebitur, & me beneficio tuo deuincies, & tibi ipse gloriam paries sempiternam.

Dat. quarto Calend. Ian. 1514. Anno primo. Roma.

## L A V R E N T I O E P I S C O P O

Feltrinorum internuntio.

24

E X. literarum exemplo, quas & Maximiliano Imperatore designato, et ijs, qui Imperatorem creandi ius habent, dedimus, ea, quæ de pace inter Christianos Principes concilianda ad eos scribimus, intelliges, quæ quidē exempla atque ipsæ etiam nostræ ad eos literæ tibi red-ditæ sunt cum his lireris. Volo autem, primum quidem, vt eas literas ijs, ad quos datæ sunt, quâprimū quamq; diligenter cures reddendas & perferendas. Deinde vt quantum in te erit, omni studio, diligentia, labore, omnibus animi tui sensibus rem consiliūq; nostrum apud eos singulos iuues, nihilq; omnino prætermittas, quod ad persuadendam Imperatori concordiam & pacē esse vsui & adiumentū possit: nullaque te in re existimes æquē gratum nobis facere posse, quam si hac in re id, quod volumus, confeceris. Dat. 4. Cal. Ian. M. D. XIII. Anno primo. Roma.

## V L A D I S L A O R E G I

Pannoniæ.

25

S C R I P S I M V S & Maximiliano Romanorum Imperatore designato, & Ferdinando Hispaniarū Regi, & Henrico Regi Britannia diligentissime: qui quidem Reges nonnullis cū Regibus & Principibus Christianis bellum gerunt: eosq; pro nostri muneris officio ac propensa in rem Christianā pub. voluntate hortati sumus, vt ab armis in inter se exercēdis, quæ sanè diutius, quàm oportebat tractata vibrataq; viguerunt, ad pacis aliquando tandem studia conuertentur. Nā præterquā quod plurima semper cū bellis mala calamitatesq; coniun-

coniuncta sunt, id etiam planè timemus, ne contritis  
 Christiana Reip. per eiusmodi odia contentionesq<sub>3</sub> ner-  
 uis atque lacertis, totoq<sub>3</sub> corpore debilitato, validissimī  
 hostes nostri perpetui Turca nos adoriantur, atque oppri-  
 mant: qui Ducem audacissimum Selinum Regem nocti  
 tractare arma, parare exercitus, classē conficere di-  
 cuntur, vt nos dissentientes labefactatosq<sub>3</sub> pessundent,  
 seq<sub>3</sub> nostris ceruicibus imponant. Ad hac accesserunt per-  
 petua fratrum meorum E. R. Cardinalium idem prope  
 verentium & respicientium iam ab initio nostri Ponti-  
 ficatus agi cœpta postulationes: qui sane diligenter non  
 solum secreto aut separatim, sed etiam publice atque si e-  
 quentes saepenumero nos admonuerunt, curaremus, ne  
 vltierius Christiani inter se populi concurrerent. Certi  
 etiam reges atque Principes per literas ac per internun-  
 tios, vt eam curam cogitationemq<sub>3</sub> susciperem, pacemq<sub>3</sub>  
 inter dissidentes conficerem, nullus me precibus rogaue-  
 runt: quos quidem commune periculum sollicitat: quiq<sub>3</sub>  
 magnopere ne hostibus nostris latuita simus atque luctu-  
 brio, pertimescunt. Quas ob res omnes cum ad eos Re-  
 ges, quos supra commemorauī, diligenter scriptas lite-  
 ras dederim: te etiam & monere & hortari volui, vt  
 eisdem regibus ipse quoque in eam sententiam scriberes,  
 hominesq<sub>3</sub> tuos mitteres, qui eos ad pauca studia cogi-  
 tanda suscipiendaq<sub>3</sub> hortarentur. Quod tu quidem certe  
 facere eo diligentius debes quo periculo es proximior,  
 teq<sub>3</sub> ipsi Turca his temporibus primum omnium ex Chri-  
 stianis Principibus delegerunt, in quem inuaderent,  
 quemq<sub>3</sub> debilitare ac proterere, conarētur. id vt facias,  
 non solum quia tua interest, sed etiam quia omnium, &



quod maxime in eo rei Christiana dignitas maiestasq;  
defenditur, abs te etiam atque etiam peto. Dat. tertio  
Cal. Ian. M. D. III. Anno primo. Roma.

THOMAE EPISCOPO FEL-

TRINORVM INTERVENTIO. 26

REVERTITVR istuc ad Maximilianum. Imp.  
designatum Ant. Cominatus tibi multis de causis valde  
charus: qui cum multa et terū communicanda, et Maxi-  
miliano significanda sum locutus. Quibus in omnibus ei  
fidem habebis: quaeque illi mandata dedimus, ea tua pru-  
dentia et diligentia reddes faciliora. Quinetiā vnā cum  
ipso, si tibi opus esse videbitur, ad Imperatorem te conse-  
res: resq; communi consilio nostras administrabis. Dat.  
VIII. Id. Ian. M. D. XIII. Anno primo. Roma.

MAXIMILIANO IMPERA-

TORI DESIGNATO. 27

CVM intelligeremus Antonium Cominatum, quem  
ad nos miserat, abs te accersitum redire ad te, scire-  
musq; eum abs te amari. nos verò ipsi vel propterea quod  
abs te diligitur: vel propter eius singularem virtutem,  
hominem diligeremus: multa cum eo communicauimus,  
quae conducere ad commune vtriusque nostrum commo-  
dum dignitate: his temporibus magnopere videban-  
tur. Illum igitur audies, nosq; diliges. Dat. VII. Id. Ian.  
M. D. XIII. Anno primo. Roma.

BONONIAE MAGISTRATVI. 28

QVONIAM certior factus sum, his diebus eiusmodi  
motum istu arduo vni fuisse, sic ad arma concitum  
esse, ut mirum prope modum fuerit, plurimorum civium  
eandem & optimorum virorum merum non fuisse con-  
sequi-

sequutum: mando tibi, vt cū aliquid excitari abdicis inter istos ciues, edicta grauisima constanter atq; intrepide proponas, operamq; des, vt omnes te homines timeāt, auctoritatemq; vereantur tuam: ne tibi quisquam illudere, vel nostrae potius dignitati tuo sub nomine audiat: sed tibi pareant, hoc est robis, quorum tu murus in isto Magistratu geris. Itaq; volumus, vt omnia agas, cures, prauidas, ne armatorum hominum conuentus à quopiam excitentur. Et si verum esse compereris, quod à nonnullis affertur, Antonium Volteium eius, de quo dixi tumultus atq; motus causam occasionemq; dedisse acriter eum reprehendes, monebis ab armis se abstineat, ne grauius aliquid in illum decernere vel inuiti compellamur. Dat. sexto Id. Ian. M. D. XIII. Anno primo. Roma.

## ANTONIO VOLTEIO

BONONIENSI.

29

INTELLEXI magna quidem certe cum molestia, eius tumultus, qui proxime isto in municipio excitatus parum absuit, quin maximorum malorum & plurimorum ciuium cadis initium fuerit, te autorem extitisse. Eares, quo te magis diligo, eo me acrius vehementiusq; commouit cum tua ipsius causa quem esse iustum et temperantem pacisq; cupidum & studiosum maxime conuenit: tum propter istius vrbs otium, quod tueri omnibus modis debeo. Quamobrem te hortor, vel potius mando tibi atque impero, omni studio & diligentia caueas ab eiusmodi moribus excitandis: ne iuste de te conqueri, neue in te grauius aliquid decernere atq; statuere cogamur. Dat. sexto. Idib. Ian. M. D. XIII. Anno primo. Roma.

QVAE ad me perferri per Dominicum Malium internuntium tuum probem hominem curavisti, ea n. ibi plane gratissima fuerunt. In ijs enim & tuam erga me familiamq; meam veterem beneuolentiam agnouit, & illa tua multarum rerum experientia, prudentia consilium, ex quibus ea manabant, et quorum plena Malij oratio fuit, non mediocrem mihi voluptatem attulerunt. Itaq; ea de re atq; cura, quam sum. psisti, vt cogitationes tuas mihi notas faceres, valde te amo. Quae quidem à me omnia diligenter considerabuntur, daboq; operam, quoad potero temporaq; patientur, ne frustra laborem sumpsisse videare. Quod ad Iouis oppidum attinet: tibi quidem scitis libertissime fecissem, si modo aliquo potuissem. Sed res est planè perplexa, sic, vt explicari hoc tempore non possit: quemadmodum ab ipso Malio intelliges. Reliquum est, vt te nobis esse charissimum tibi persuadeas: tuaq; omnia nobis magna cura esse, ac semper fore. Datum quinto Id. Ian. M. D. XIII. Anno primo Roma.

KAIMVMDO CARDONAE

PROREGI NEAPOLIS. 31

AMAVI, quod te scire non dubito, quo. id vixit, Antonium Cardonam Marchioi è Padula gentilem tuum, cum propter eius plurimas egregiasq; virtutes, tum quod me singulari obseruantia prosequeretur. Eius vxor vidua proba sanè nobilisq; mulier propinqua mea quod dotis reliquum sibi debetur, et praeterea portionem illam, quam

quam lege petere viduæ mulieres in regno Neapolitano solent, per procuratores suos dari sibi ex mariti testamento postulat: cupitq<sub>3</sub> maxime, ne impensis contratur, ius abs te suum quam celerrime consequi. Quare abs te peto, eius scemina causam fortunæq<sub>3</sub> omnes, quæ hoc in negotio maxime versantur, habeas meo rogatu quam commendatissimas, velis pro tua in nos obseruantia dare operam, vt quod ei iure competit, de eo mulieri, à quibus debetur, integre ac sine dilatione satisfiat. Eris id & viduarum nomine, quæ præcipuè subleuandæ sunt, sane pium, & nobis apprime gratum. Dat. IIII. Idib. Ian. M. D. XII. Anno primo. Roma.

## MARCHIONI BRAN-

DEBURGENSI.

32

REVERTENTIBVS ad te legatis tuis probis viris has ad te literas dedi: quibus tibi significarem me illos tuo nomine à te venientes, consiliaq<sub>3</sub> tua nobis ostendentes & libentissime vidisse, & non semel audiuisse, tuusq<sub>3</sub> et fratris tui postulationibus omni ex parte satisfecisse. Amo enim te, atq<sub>3</sub> illum, tantiq<sub>3</sub> facio, quantum vtriusque virtus atque dignitas postulat, hoc est plurimi atque maximi. Itaq<sub>3</sub> existimare te planè volo, & pro tuo maiorumq<sub>3</sub> tuorum in Rempub. cultu, & pro ea, qua nos ipse pietate prosequeris, quæ ad te dignitatemq<sub>3</sub> tuam pertinebunt, ea nos æquè, ac si de nostro ipsorum commodo ijs in rebus ageretur, quam commendatissima semper habituros. Dat. quarto Idib. Ian. M. D. XIII. Anno primo. Roma.

## P. ROEGIS NEAPOLI-

TANI VICARIO.

33

Kk 3

CVM



CUM maxime nostra intersit, ut Franciscus Mariani Scorcij filius civis Romanus, quem esse Capreis intellexi, mihi videatur: te etiam atq; etiam hortor, des operam, ut eum, quanto celerius fieri potest, habeas in custodia semoto aliquo & secreto in loco. Id si feceris, quod ut facias, magnopere abs te peto, spondeo tibi, te in eo non solum mihi, sed Regi etiam tuo rem gratissimam esse facturum. Tota autem de re quid egeris, facies me quam diligentissimè certiore. Dat. XIX. Calen. Feb. M. D. XIII. Anno primo. Capricana.

PARMAE REGIIQUE LE-  
PIDI MAGISTRATVI. 34

EGREGIAM mulierem Paulam Gonzagam paterne amo vel propter eius probitatem & mores vidua femina dignos, nobilitatemq; generis, vel quia soror est Alberti Py, quem scis apud me Maximiliani Rom. Imp. desig. Legatum agere, doctissimi praestantissimiq; viri, quemq; ipse vnice diligo. Itaq; certior factus illam maxime cupere impetrare à me Monticulum oppidulum, quod in agro Regiensi est, eam ob causam tantummodo, ut habitare in eo suis cum mulieribus possit, ut amq; cœlibem, quam degit, commodius atque honestius ducere: mando tibi, ut paulè oppidum Monticulum, adesq; oppidi des, quibus utatur, diligentiamq; adhibeas, ut eas vacuas, cum uti volet, habeat. Dat. XVII. Calen. Feb. M. D. XIII. Anno primo. Thuscanella.

MAXIMILIANO MARIAE ME-  
DIOLANENSIVM DVCI. 35

ALLATVM ad nos est, quod quidem nobis molestissimum fuit, quam indigne praterq; morem sacrorum homi-

hominum & virorum religiosorum Cisterciensis societatis monachi aliquot istuc nuper se gesserint: qui conducta armatorum hominū manu monasterium Ambrosianum manus eiusdē societatis noctu aggressi portas vi fregerunt, Basiliumq; Casatensem eius monasterij Praefectū comprehenderunt, comprehensumq; secum abduxerunt.

Ea res cum maximam inter omnes monachos perturbationem pariat cum audacia novitate facinoreq; ipso, tum vero etiam exemplo, quin tibi quoq; summopere displicuerit pro animi tui iustitia et pietate, placē non dubito. Qua de re tota quid nobis statuendum sit, mature considerabimus, tibiq; perscribemus. Nunc autem quia periculum est, ne inter istos armatorum discurfus atq; luentiam aliquis improbus, ut sunt multi, ad horrea monasterij Clareuallensis eiusdē societatis atq; ad suppellectilem animum adiiciat, quae quidē suppellex perluculentā peregrinaq; est, eamq; appetat atq; diripiat: te magnopere hortor, mittas illō religiosos viros vnā cū tuis militibus, quib; mandes, dent operā: nequid omnino ex monasterij rebus atq; ex ea suppellectile vniuersa, maximeq; argentea depereat. Dat. XI. Cal. Feb. Anno primo. Grauisis.

## MAGISTRATVI SIN-

VESSANO. 36

Amo sanē quidem paterne Aloisium Sinuessanum familiarem meum: eiusq; opera & fide meis in rebus quotidie vtor. Quamobrem patrem eius Franciscum bonum & frugi hominem, ipsiusq; Francisci res & fortunas omnes tibi commendo maiorem in modum. Qui cum isti municipio praeis, cuius est ipse ciuis, & in quo domicilium remq; suam omnem habet, non est dubium,

Kk 4 quin

quin illi vsui & ornamenro esse plurimum possis. Id vt facias, omnibu q̃ illum in rebus & negotijs quam commendatissimum habeas, abs te peto. Dat. VIII. Cal. Feb. M. D. XIII. Anno primo. De Centuncellis.

## ENNIO EPISCOPO

VERULANO.

37

FIDES, opera, diligentiaq̃ tua, quibus te in nostris rebus cum Heluetijs ecclesiasticis & libertatis defensoribus administrandis vsu intelligo, magnopere mihi probantur: hortorq̃ te, vt quemadmodum adhuc quidem te laudabiliter prudenterq̃ gessisti, ita deinceps ea sedulo agas, quibus optimam erga te voluntatem meam etiam atq̃ etiam augeas. Omnibus autem de rebus quæ te scire volo, ea ex meis ad Gorum Gherium internuntium, meum literis intelliges. Dat. sexto Calend. Feb. Anno primo. Ex Severiano.

## VNI EX PRIMATIBVS

HELVETIORVM.

38

Ex Ennij Episcopi Verulani, & Gori Gherij Interpretum meorum literis intellexi, qua cura et diligentia, quantaq̃ tua in nos voluntatis ostensione procurandis apud Heluetios rebus nostris te gesseris. Quod quidem neq̃ nouum mihi pro tua probitate atque consuetudine pluribus in rebus cognita, neq̃ sanè non iucundissimum fuit. Amo enim te charissimumq̃ habeo, vtq̃ magis magisq̃ in dies singulos tua in nos merita exaugeas, valde enim etiam vberiore à nobis gratia relationem, ab amicis, reliquis veram laudem atq̃ gloriam, à Deo Opt. Max. autem, cui ista procurantur, secundiores tuarum rerum. omnium exitus, eueniunq̃ prosperiorem consequare.

*sequare. Itaque te honor, ut eandem diligentiam studiumque tuum ipsa, qua restant, tractandis rebus adhibeas, reddasque omnia tuo studio tuaque opera, consilio, prudentia facilia. Dabo autem ipse operam, ut tu labores vultus nostra causa susceperis nunquam non gaudeas: quemadmodum interpretibus meis latius semper eare scripsi. Dat. VII. Cal. Feb. Anno primo. Ex Seueriano.*

PETRI BEMBI EPI  
STOLARVM LEONIS DECL  
MI PONT. MAX. NOMINE  
scriptarum.

LIBER VII.

LODOVICO GAL.

LIAE REGI.



**D**E Anna Regina vxoris tua morte certior factus magnam sanè molestiam cepi: cum propterea quod foeminam egregia singularique virtute & spectatio in Deum ac Dei Ecclesiam cultu pietateque amissimus: tum quia te pro tuo in illam laudabili amore, illius in te, maximo esse dolore affectum multorum literis intellexi. Accedit adhuc, quod me illa, quasi patrem optatissimum pia, amantissimaque filia, incredibili obsequantia prosequeretur. Regnum etiam ipsum tuum ceteraque gentes opis alienae indigae, in quas illa munificentiam exercebat suam: multum mihi amisse in ea ma-

Kk s liere



liere bonæ spei atq; præsidij videbantur. Itaq; pluribus et quidem iustis maximisq; de causis vehementer is mentis perturbauit. Verum cum optimam viuendi rationem summamq; probitatem, et eximiam mulieris temperantiam tam amplo in Imperio posita ceterasq; eius præstantissimas virtutes animo repeteremus, & simul huius vite misérias atq; horum temporum incommoda perturbationesq; respiceremus, in eam sententiã adducti sumus, vt bene cum ijs actũ esse statueremus, qui hoc tempore mortem cum vita commutauissent. Deumq; Opt. Max. Annam Reginã ad sese, tanquã de terrarum æstu & fluctibus in portum, aut tanquam de flebili hospitio ad plenam hilaritatis paternam domum cœlum ipsum beatorumq; concilium vocauisse, magnopere existimaremus vbi illa bene actæ vite præmia, et cū liberalitatis atq; beneficentia, quib; duabus virtutibus supra mulierũ captum enituit, tum vero etiã temperantiæ patientiaq; suæ speratos fructus lata felicissimãq; perciperet. Quæ omnino cogitatio mœrorẽ quidem meũ multum leuauit. Quare te hortor, vt eadẽ atq; similia vel etiã meliora, quæ tua tibi vel prudentia vel animi magnitudo facile subministrat, ad cogitationes tuas adhibeas ægritudinemq; q̃ te vxoris tue mortem contraxisse audio, leues: ferasq; à quo animo, quæ ferenda sunt: sunt autem ea omnia, quæ aliter se habere non queunt. In quo & tuam ipse temperantiam atq; prudentiam maxime ostendes, et mihi, qui te vnice diligo, omnem mœrorem absterges, si te leuatum sensero. Dat. tertio Cal. Feb. Anno primo. Roma.

CLAVDIAE LVDOVICI

REGIS FILIAE. 2

AVDITA

AUDIT A morte Anna Regina matris tuæ, multis  
 quidem de causis magnum sensi dolorem : sed eum præ-  
 cipue, quod te filiam in tam tenera ætate reliquit, ut tuas  
 exoptatas sibi nuptias iam tractari cœptas conficere, læ-  
 titiamq; de te capere, quam ei debeas, non potuerit : ex  
 quo te etiam magnum dolorem accepisse magis quidem  
 ingenij tui mirificæ indole, quàm ætate tua ad animo-  
 rum affectus percipiendos idonea, te incuente ac exci-  
 tante sanè puto. Sed quoniam ea Dei Opt. Max. volun-  
 tas fuit, matrisq; tuæ virtutes tot tamq; egregiæ extite-  
 runt, ut memoriam eius nominis omnibus seculis conser-  
 uatura videantur, curandum tibi est, non tam ut homi-  
 nes ex eius te obitu mœrentem sentiant, quàm cogitan-  
 tem quibus artibus ei esse quam simillima possis. Quod  
 planè futurum confido : atq; ut ei rei curam adhibeas, et  
 in iuore te Domini exemplo matris instituas, amantis-  
 sime te hortor. A me autem te sperare omnia volo, quæ  
 ad tua commoda dignitatemq; pertineant, eoq; magis,  
 quod te tam illustri matre, tamq; optima orbatam &  
 spoliatam video. Et quanquàm is tibi pater sit, qui sup-  
 peditare tibi omnia, quæ à te expetentur, & propter Im-  
 perij magnitudinem poterit, & volet propter amorem,  
 quo is matrem tuam complectebatur, cuius tu illi imagi-  
 nem refers. quoq; tibi parentis nomine afficitur : nostrum  
 tamen studium, si quid tibi esse vsui poterit, voluntasq;  
 ad te ornandam propensa tibi certe nunquam deerit.  
 Dat. tertio Calend. Febr. M. D. XIII. Anno primo.  
 Roma.

BRESELLAE PAGO

HELVETIORVM.

3

INTEL-

INTELLEXI nouum vos in Heluetijs pagum confecisse, duodecimq<sup>3</sup> prioribus atque antiquis pagis vestrum Brensella pagum adiecisse. Qua de re non medio-crem sanè latitiam & voluptatem cepi, cum intellige-rem sociorum meorum mihiq<sup>3</sup> charissimorum & con-iunctissimorum vires atque nomen augeri. Itaq<sup>3</sup> de eo vobis atq<sup>3</sup> illis gratulor. Caterum eius reb. fidem habebi-tis, quas ad vos Ennius Episcopus Verulanus & Gorius Gherius interpretes mei deferent. Dat. prid. Cal. Febr. M. D. XIII. Anno primo. Roma.

RAIMUNDO CARDONAE

PROREGI NEAPOLIS.

4

COGNOVI de procuratori tuo Bercenno, quanto studio quantaq<sup>3</sup> diligentia & quam multiplicibus modis vsus es, vt bella controuersiaq<sup>3</sup> inter Maximilianum Roman. Imp. def. atque Venetos sedarentur planeq<sup>3</sup> res-tinguerentur. Quae res ita mihi grata atq<sup>3</sup> iucunda ac-cidit, vt nihil gratius nihil iucundius esse potuerit eo nuntio. Itaq<sup>3</sup> cum plurima atq<sup>3</sup> maxima tua erga nos omni tempore officia extiterint obseruantia, beneuolen-tia amorisq<sup>3</sup> plenissima: tamen propter eam curam, qua teneor nostrorum hominum confectis odio animis exul-ceratisq<sup>3</sup> medendi, tua ista recens mirificaque solertia nullo tuo est antehac ad mea cōmoda dignitatemq<sup>3</sup> ad-hibito studia inferior. Nunc autem quanquam mihi du-bium non est, quin quod super est, super est autem, vt mi-hi quidem videtur, etiam paululum quiddam, quod ta-men ipsum pro mea voluntate nimium quantum est, ea-dem sis diligentia confecturus: te tamen etiam atque et-iam hortor, & pro nostra necessitudine abs te peto, nihil posthac

posthac intermittas neque studij aut vigilantia, neque opera, neque plane laboris, ut quemadmodum res, quæ labi atque flectere in peiorem partem coeperat, tua est prudentia & diligentia eò reuocata, ut bene nobis sperandum sit, ita, quod reliquum est, quod quidem certe iam minus difficile videri debet, ad optatos exitus speratosq; quam celerrime perducatur. In quo & si rem sane quam Ferdinando Regi tuo gratam, Christiana autem Reip. maxime profuturam efficies: me certe ita tibi deuincies, ut omnium maximum benefactorum & meritorum cumulum tuis prioribus meritis te addidisse sine existimaturus. Tibi verò nominiq; tuo iam illustri tantum gloriæ splendoriq; adyicies, quantum te illa alia ex hoc quidem tempore posse assequi vix est vlllo modo credendum. Plane autem in Domino confido, cuius tu partes suscepisti, qui concordiam inter disidentes, pacem, inter bello implicitos conciliandi curam atq; munis generis, tuam te operam non frustra positurum. Caterum tota de re latius cum Bercenno sum loquutus: is ad te omnia perscribet. Datum prid. Calend. Febr. Anno primo. Roma.

## VICARIO PROREGIS

## NEAPOLITANI.

S

MITTIMVS istuc ad recuperandam sacrarij nostri supellectilem à Vicario Episcopi Salernitani male ablatam, Gabrielem Archiepiscopum Dirrachinorum eiusdem sacrarij custodem qui tota de re mentem te nostram docebit. Itaq; enim causamq; ipsam commendo tibi maiorem in modum. Gratissimum mihi erit, si deris operam, ut quemadmodum is tecum statuet, ita res quam



quam celerrime transigatur. Dat. 1d. Feb. Anno primo.  
Roma.

FABRITIO CARRETO MAGNO  
RHODI MAGISTRO. 6

LECTIS literis tuis, quae me cum de Guidonis magni Rhodi Magistri morte, dum de tua in eius locum suffectione per concilium societatis legitime facta certiores reddiderunt. In altero perinde, atq; de optimi praestantissimiq; viri maximeq; temperati prudentiq; hominis iactura sanè per quam dolui illumq; tam breue temporis spatium societati suae praefuisse, ut parum ei ornamentum accidere ab ipso potuerit, moleste admodum tuli. In altera tanta letitia is me nuntius affectit, ut statim Deo Opt. Max. gratias egerim, & quoddam dolorem quem ex Guidonis morte contraxeram, tua declaratione leniret: & quod illud tibi muneris tradi mandariq; voluerit, qui pro tua virtute, animi magnitudine, diuinitia, religione maximis in rebus perspecta saepe atque cognita nihil est eorum praetermissurus, quae ad rem Christianam conservandam atque amplificandam ipsiusq; cultum & illustrandum & propagandum perinebunt. Atque hoc cum publice mihi gratum et iucundum est, tum illud priuatim adiungitur, quod te, dum Cardinalem gererem, multos quidem annos et amavi ipse, & abs te amari me planè sensi: ut si vnus ex omni sociorum tuorum numero mihi optandus fuisset, quem sibi tua societas praeficeret, neminem tibi sanè praetulissem. Itaq; duplici nomine ea de dignitate ac praefectura tibi tradita magnè pere gratulor, altero Reip. altero vni ipsius atque proprie meo: optoq; ut & honor tibi iste salutaris, & tu societati tuae

usui atq; gloriæ sis futurus: quod quidem plane confido fore. De me quidem tibi ipse omnia promittas volo, quæ ab optimo atque optatissimo filio de patre amantissimo sunt speranda. Non fallam opinionem tuam. Ceterum obsequij tui peregrina perq; illustris significatio, quod mihi eadem tua litera Philippicq; Trouarus societatis procurator tuis verbis præsiterant, mihi gratissima accidit: eamq; libenti animo sum complexus. Societas etiam ipsa tua, quam mihi magnopere commendas, quæq; mihi, tanquam de vniuersa re Christiana optime merita, charissima per se est, erit posthac mihi tuo etiam nomine charior: proq; ea insulaq; ista ab Turcarum cupiditate bellicisq; apparatus, de quibus scribis, tuenda & defendenda, si erit opus, nihil sum neq; studij neque diligentia neq; omnino laboris pratermissurus. Certe non si vitam ipsam profunderem me oporteat ea in re, tua vnquam societatis curam, tutelam, procurationem negligam. Quod respondere ei meis verbis opto & volo: eamq; bono animo esse atque forti iubeo. Cui quidem gratulor, quod te sibi magistrum legerit: atq; te ea, qua debet obseruantia prosequatur, quanquam id quidem scribere pro antiqua ipsius in omnes magistros pietate minus necesse est, eam tamen hortor. Etiam atq; etiam mi Fabriti vale.

Datum VIII. Id. Feb. Anno primo. Roma.

FABRITIO MAGNO RHODI MAGISTRO. 7

BERENGELLUM Rectorem, qui à Raimundo Cardona Prorege Neapolis vnice diligitur, estq; ex eius intimis maximeq; familiaribus, commendo tibi maiorem in modum. Is vt ei Prioratum Aliagensem, qui est in agro

agro Tarrocanensi tradas, per me impetrare abs te postulat: dignusq; admodum Rechesius videtur esse tum proregis nomine atq; causa, tum etiam quod multos annos ordini tuo egregium studium nauauit, in quem eiusmodi beneficium conferas. id si feceris, erit mihi sanè quàm gratum. Dat. VII. Id. Feb. Anno primo. Roma.

## MAGISTRATVI BONONIAE

POLAE EPISCOPO.

8

QVONIAM & coli per te legum iussa, animaduersionemq; in scelestos fieri summopere volo, et Antonium sancti Sixti presbi. Cardinalem Bononiensem, vt scis, vnice amo, charissimumq; habeo: vt harum duarum omnium meo quilem iudicio maximarum atq; sanctissimarum rerum rationibus iuris reddundi amicitiaq; colende satisfiat: in reorum istorum causa, quos in vinculis habes, de quibus tuis me liueris consulis, petisq; quid fieri velim: ita tibi respondeo. Nam cum & iustitiae administratio ostentionem maxime postulet iuris administrati, & humiles atq; assiduus Cardinalis postulationes multis admixtas non modo precibus, sed etiam lachrymis, nihil impetrare à me durum admodum atq; implacabile videri possit: mando tibi, vt eos ipsos omnibus, quibus in rebus fieri assolent, more atq; consuetudine seruatis condemnnes perinde atque meriti sunt: condemnatosq; ad eum locum duci mandes: vt i eos non orte multari oportet, si multari vellentus. Cum autem inpectante populo ante mortis instrumenta in habitu damnatorum perducti constiterint, eos Cardinali rostitio nonine dono des facta testificatione postulationis, quae apud nos supplicii atque

atque accuratissima est vsus, nostraq; erga illum voluntatis : vt plurimum valere apud nos Cardinalis bene de Rep. meriti auctoritatem omnes homines intelligant. Caterum de ijs quos in posterum scelestos comprehendes: mandata nostra exhauri. Dat. VII. Id. Feb. M. D. XIII. Anno primo. Roma.

## MAGISTRATVI BONONIAE

POLAE EPISCOPO.

9

MAGNA cum molestia percepi, contemptis edictis tuis meo nomine propositis ab improbis scelestisq; hominibus istius ciuitatis admitti quotidie indignum insolensq; aliquid, & nefaria crimina creberrime perpetrari. Quemadmodum nuper accidit, admissumq; est ab ijs, qui armati per oppidum incedere noctu atque interdiu sunt ausi magna cum perturbatione ingentiq; motu istorum ciuium: quos quidem in otio atq; in officio continere nullo non studio & diligentia nitimur. Quorum ex numero scelestorum seditiorumq; hominum quoniam cognoui aliquot fuisse qui dum illa committerent, quo se facilius tuerentur, Antonij Cardinalis Bononiensis familiaribus se immiscuerunt: ita tibi mando atq; impero, vt quod ad Cardinalem attinet, qui suas plurimas maximasq; virtutes, egregiasq; in Remp. atq; nos merita mihi est, vti delet, sane charissimus atque coniunctissimus: rationem habeas nostrae erga illum voluntatis, & beneuolentiae: dignitatemq; eius atq; amplitudinem omnibus in rebus, quoad fieri poterit, illasam esse atque integram studeas. Quantum verò ad illos pertinet, quos in custodia iam habes, ita facies, vt ex meis literis, quae vna cum his tibi reddita sunt, intelliges velle me. Caterum

LI

quos



quos posthac comprehendes, cum ex edictorum tuorum scripto, tum maxime pro scelerum gravitate multabis audacter & pume. Tibi verò nequam ea de causâ molestiam vllò ten pore Magistratus asferre vllus possit, scrupulusue tibi aliquis aboriatur: siue tu in populares atque solutos, siue in sacris iniciatos sacerdotesq; homines sis adinaduersurus, tibi quovq; genere animadversionis in omnes pariter homines animadvertendi ius potest. q; esto: i ève tibi ea de causa magistratus vlli siue Romani, siue exteri succensento: i ève facti rationem petunto. Itaq; dabis operam, vi omnibus modis seditiosos turbulentosq; coërceas: in aliorum fortunas impetum facientes punias, si electos atq; nefarios multes: omnibus hominibus summis, infimis ius aequabiliter administres: si de me optime mereri postulas. Dat. VII. Idib. Feb. M. D. XIII. Anno primo. Roma.

## ANTONIO CARDINALI

BONONIENSI. IO

NON dubito te existimare, si quid eiusmodi accidat quod civium istorum otium quietemq; perturbare motumue vllum animorum excitare possit, id mihi esse, vti debet, molestissimum. Nam & mentem si per eam meam, et numeris mei partes pro mea in te fide, rerumq; à te gestarum ratione atq; vsu maxime omnium cognovisti. Itaq; nihil attinet me ad te scribere ea, quæ istuc nuper acciderunt contra magistratus edicta, mihi summo pere displuisse. Quæ vero de his rebus ad eum scripserim, quæ ue fieri mandaverim, ab ipso intelliges. Quibus ex omnibus facile cognoscies, quanta mihi cura tua dignitas atq; amplitudo fuerit. Nunc autem etiam atque etiam

etiam abs te peto, vt tu item ijs in rebus, quibus in rebus dignitas nostra versabitur, velis primus omnium prae-  
esse, adhibereq; omnem diligentiam, vt & mag. strati-  
bus nostris Bononienses tui pareant, & scelesti flagitio-  
siq; puniantur. Id si feceris, quemadmodum quidem &  
amor charitasq; in te nostra postulat, & te futurum pro  
tua prudentia magnopere confido, feceris plane rem &  
te dignam, et patriae tuae salutarem, & nobis mirandum  
in modum gratam. Septim. e Id. Feb. anno primo. Roma.

PROMAGISTRO RHODIO IN  
REGNO NEAPOLITANO. II

AMAVIMVS ab ineunte aetate, atq; inter fami-  
liares paternos atq; nostros, charissimum semper habui-  
mus Vincentium Papacodam tuae societatis hominem &  
probum & fortem & industrium. Li commodari de tui  
collegij magistratibus, qui in Regno Neapolitano sunt,  
valde cupio: quo se alere, paratioremq; ad res societatis  
nauandas laboresq; subeundos alacriorem prestare pos-  
sit. Itaque te hortor, vt Vincentio praerogatiuam des ad  
eos magistratus, quos qui gerunt, primum isto in Regno  
demorientur, quorum pensio prouentuq; numerum au-  
reorum quingentorum summam efficiant. Id si feceris,  
& hominem strenuum tibi deuincies, & ne item tuis in  
rebus gratum atq; memorem experire. Dat. sexto. Id.  
Feb. Anno primo Roma.

PETRO REMIRAE MAGI-  
STRATVI SINVESSANO. II

SUPERIORIBVS literis commendavi tibi Fran-  
ciscum Sinuessanum satis quidem pro re diligenter. Has  
commendationes nostras quoniam non tantum apud te

valuisse, quantum de tua in me obseruantia confidebam, certior factus sum: has ad te alteras dare literas volui, quibus te etiam atq<sup>3</sup> etiam hortarer, velles habere rationem eius hominis, qui cum nihil iniuste egit, tum pater est Ludouici familiaris mei, mihiq<sup>3</sup> propter optimos eius mores singularemq<sup>3</sup> animi ad virtutes omnes indolem planè charissimi: quem his cum literis ad te mitto, vt præter id, quod ego abs te peto, vt patrem eius saluum esse atq<sup>3</sup> incolumem velis, filij te etiam aspectus atque preces moueant ad pietatem & liberalitatem. Ex quo reliqua intelliges. Vnum illud à nobis, si nostris hortationibus morem gesseris, id tibi omne voluptati futurum. Dat. sexto. Id. Feb. Anno primo. Roma.

MAXIMILIANO MARIAE MEDIO-  
DIOLANENSIVM DVCI. 13

ALLATVM ad nos est, Episcopos eos, qui è Gallia profecti suo & reliquorum Episcoporum & sacerdotum nomine ad sacrum Lateranense Concilium pro communi bono veniebant, paululum supra fines regni tui consedis-  
disse, neq<sup>3</sup> vltius progredi voluisse, quoniã tutum iter per tuam ditionem non haberent. Ea de re quanquam ad te antea literas dederim, nunc tamen etiam atq<sup>3</sup> etiam his te literis hortor, ne in tam opportuno & salutari Christianæ Reipubl. negotio velis impedimento esse, quominus ij cum Romana Ecclesia, à qua, vt scis, aliquandiu alieniores fuerunt, paribus studijs vnanimiq<sup>3</sup> voluntate coniungantur: mittasq<sup>3</sup> aliquem ex tuis probum virum cum authoritate, qui eos tua per loca tuto ac sine molestia in agrum Genuensẽ perducatur, quò illos tendere volui, vt eo minus cura tibi minusq<sup>3</sup> oneris afferent, quo  
breuius

breuius per tuam ditionem esset illis iter conficiendum:  
quemadmodum cum tuis oratoribus sum loquutus. Dat.

XVI. Cal. Mart. M. D. XIII. Anno primo. Roma.

MAXIMILIANO ROMANORVM

IMP. DESIGNATO. 14

COMMENDARVNT mihi tuis verbis Matthæus  
Cardinalis Gurcensis atq<sup>3</sup> Antonius Cominatus Bernar-  
dinum Cardinalem sanctæ Crucis sanè diligentissime:  
petierunt q<sup>3</sup> à me, vt eius fortunas, quæ quidem naufra-  
gium fecerunt, liberalitate mea restituerem. Ea com-  
mendatio me certe plurimum mouit: tuam enim ex eo  
propensam in illum voluntatem beneuolentiamq<sup>3</sup> per-  
spexi: quod mihi gratissimum fuit. Nam et amaui antea  
illum omni tempore: & nunc, cum in Reipub. muneribus  
obeundis etiam mihi præsto sit, singulari eum charitate  
beneuolentiaq<sup>3</sup> complector. Itaque dabo operam cum se  
occafio tulerit, vt eum magistratibus atque prouentibus  
honestum atque ornatum reddam. Tu vero interea Fer-  
dinandum Hispaniæ Regem si hortaberis, ea in re vt te-  
cum atq<sup>3</sup> mecum sentiat, quod tamen illum facere per se  
iam video: erit ea hortatio & Cardinali ipsi magno v-  
sui, & mihi plurimum grata. Dat. XV. Cal. Mart. An-  
no primo. Roma.

THOMAE EPISCOPO

FELTRINORVM. 15

EXEMPLVM literarum, quas ad Maximilianum  
Romanorum Imp. dedi, quibus ad ea respondeo, quæ me-  
cum per internuntios suos egit, vt Bernardini Cardina-  
lis sanctæ Crucis fortunarum iactura atque vlceribus  
consulere mederi q<sup>3</sup> vellemus, habuisti cum his literis.

Ll 3 Mando



Mando autem tibi, vt earum literarum sensum oratione tua apud illum inues, commendesq<sub>3</sub> viciſſim ei meis verbis Cardinalem ipsum diligentissimè. Datum xv. idib. Mart. M. D. XIII. Anno primo. Roma.

FERDINANDO HISPANIA-  
RVM REGI. 16

GRATVM admodum nobis fuit id, quod ex literis Galeatij Burrigarij internuntij apud te nostri perspersimus: Bernardum scilicet Cardinalis sanctæ Crucis Episcopi Sabinensis causam tibi cura atq<sub>3</sub> cordi fore: datumq<sub>3</sub> te operam, ne nostræ de illo commendationes apud te vulgares fuisse videantur: tum commendare te etiam illum mihi, rogareq<sub>3</sub> me, vt eius fortunis afflictis atq<sub>3</sub> miseris opem aliquam asseram. Qua de re valde te laudo. Magnanimi enim Regis & maxime liberalis officio fungeris, qui clarum virum fortunis omnibus deiectum & spoliatum tuendum fouendumq<sub>3</sub> suscepisti. Itaque sic habeto, nihil esse potuisse ista tua in illum voluntate prastantis. Nos quidem certe cum per nos ipsi, qui hominem diligimus, tum tua commendatione adducti sumus ea, quæ postulas, diligenter curaturi. Datum xv. Cal. Mart. Anno primo. Roma.

LEONARDO LAVREDANO  
VENETIARVM PRIN-  
CIP. 17

MITTIMVS Venetias Ioannem Franciscum Valerium ciuem tuum, Bernardi Cardinalis sanctæ Mariæ in porticu familiarem ab epistolis, ad Petri Bibienæ ipsius Cardinalis fratris internuntijq<sub>3</sub> apud te nostri nuper defuncti vxorem liberosq<sub>3</sub> conueniendos: vt moerorem  
meum,

meum, qui quidem perinde atq; in morte hominis mihi  
 charissimi veterēque necessitudine coniunctissimi, deq;  
 gente mea meq; ipso optime meriti, certe non leuissimus  
 est, meis apud illos verbis testetur: cuiq; vel marito, vel  
 patre singularis virtutis viro deiectus & orbatis in tam  
 graui vulnere solamen aliquod afferat nostra ad eorum  
 fortunas modis omnibus subleuandas paternae atque a-  
 mantissimae voluntatis. Cui etiam mandavi vt te salu-  
 taret, significaretq; tibi quedam cum hac ipsa in re, tum  
 reliquis etiam in rebus, quae te scire magnopere volo.  
 Caterum demortui liberos & familiam omnem eo li-  
 bentius & accuratius tibi commendo, quo ipse amorem  
 erga Rempub. urbemq; istam suum plurimis maximisq;  
 officijs, & multorum annorum perpetuis suis laboribus  
 apud omnes homines testatissimum reliquit. Datum  
 XIII. Calend. Mart. M. D. XIII. Anno primo.  
 Roma.

PAVLO GERMANO MIG-  
 DELBURGENSI FOROSEM-  
 proniensium Episcopo.

QUONIAM & in temporum ad Romanam ratio-  
 nem referendorum computatione indagatiōeq;, & in  
 sacri Lateranensis Concilij rebus tua nobis virtute atq;  
 doctrina magnopere opus est: te hortor, vt Romam,  
 quod tuo commodō fiat, primo quoq; tempore te conse-  
 ras, nostra enim interest te hic esse. Dat. XIII. Cal.  
 Mart. M. D. XIII. Anno primo. Roma.

MAXIMILIANO MARIAE  
 MEDIOLANENSIVM

Dvcl.

19

Ll 4

PAVLAM

PAVLAM Gonzagam Alberti Pij sororem cum  
 ipsius, tum fratris causa paterne diligo. Ea cum maxime  
 cupiat impetrare abs te, vt quod sibi dotis nomine debe-  
 tur, id omne mandes procuratoribus suis sine dilatione  
 curari: peto abs te, vt & hortatu meo, & iustitia causa  
 velis in illam liberalitate tua vti, dareq<sup>3</sup> operam, vt quod  
 illa iure postulat, id vniuersum atq<sup>3</sup> solidum etiam non  
 laboriose consequatur. Dat. VI. Cal. Mart. M. D. XIII.  
 Anno primo. Roma.

### ANDREAE BVRGIO. 20

SCRIBIMVS Maximiliano Maria Infubrum  
 Duci, vt quicquid Paulæ Gonzagæ Alberti Pij sorori ra-  
 tione dotis debetur, id ei curet quàmprimum quàmq<sup>3</sup>  
 integrum atq<sup>3</sup> solidum reddi: quemadmodum ex litera-  
 rum mearum ad ipsum Ducem exemplo cognoscēs. Hor-  
 tor autem te, ita rem apud illum iuues, vt mulier vidua  
 ius suum sine mora sineq<sup>3</sup> diminutione consequatur.  
 Dat. sexto. Cal. Mart. Anno primo. Roma.

### BVRGHESIO PETRVTIO.

SENENSI. 21

CERTIOR factus Alexandum & Hieronymum  
 Senenses bellicis rebus præfectos ad Portum Herculis  
 cum armatorum manu se contulisse, oppidumq<sup>3</sup> atq<sup>3</sup> ar-  
 cem occupauisse expulsis Augustini Ghisii probi hominis  
 mihiq<sup>3</sup> grati & probati ministris: ad quem quidem, vt  
 mihi sæpe demonstratum est, eius loci ius omne publicis  
 confectum syngraphis pertinet: non potui non moleste  
 ferre, vos iustæ fidei possessorem vestrum ciuem spectatæ  
 virtutis virum, qui ciuitati isti ornamento liberalitate  
 sua esse consueui, indicta causâ vi atque armis eiecisse.

Quam

Quamobrem etiam atq; etiam te hortor, des operam auctoritate prudentiaq; tua, vt Augustino eius oppidi atq; arcis possessio, in qua aliquod annos pacifice fuit, amice atque omni amota procrastinatione restituatur. Quod quidem certe pro eo, quanti hominem facio: facio autem sanè plurimi: proq; eius in nos Remq; pub. multis maximisq; officiis erui mihi porro gratissimum: teq; eo nomine bene de nobis meritum facile profitebor. Quod si ius aliquod eo in portu atque arce sibi competere ista ciuitas existimat: iuris ad id via, quam vi atq; iniuria, multo melius atq; honestius processerit. Dat. Non. Mart. M. D. XIII. Anno primo. Roma.

RAIMUNDO CARDONAE  
PROREGE NEAPOLIS. 22

MITTIT ad te Franciscus Maria Vrbinatium Dux nostrorum militum Imperator Antonium Nigossantem internuntium suum: vt se per illum purget, causamq; apud te suam tueatur ea in re atque calumniam, qua de ipsum in ius vocauisti. Eum quoniam nihil admisisse contra Ferdinandum Regem tuum exploratum nobis est, te hortor, ne patiaris nobilem atq; magnum virum, qui cum mihi omnes necessitudines sunt, eiuscmodi delationibus vexari. Sed eum apud te calumnia iniusta liberes, tum vel maxime apud Regem testimonio tuo iuues, ad quem ipse internuntios suos ea de re propediem est missurus. Itaque & prudenter & perhumane egeris, si Regi ipsi integrum negotium remiseris. Quod vt facias, in primis abs te peto. Erit id nobis tam gratum, quam quod gratissimum. Dat. prid. Idib. Mart. Anno primo. Roma.



VEL egregia tuae praeclearaq<sup>3</sup> virtutes, optimarumq<sup>3</sup> artium studia, quibus excellis, & iam nobis pridem cognitus & probatus es, vel praecipua pietas singularisq<sup>3</sup> cultus, quem nobis omni tempore praestitisti, nos hortantur, ut quae fortunas & dignitatem tuam ornare atque augere possunt, ea libenter & propenso animo complectamur. Itaq<sup>3</sup> cum Franciscus Maria Feltrius Urbina-rium Dux, urbis Praefectus, nostrorum exercituum Imperator, quodd fidelem diligentemq<sup>3</sup> operam multos annos ei nauaueris, in sua erga te beneuolentia testimonium laborumq<sup>3</sup> tuorum premium, tibi liberisq<sup>3</sup> posterisq<sup>3</sup> tuis maribus legitime procreandis Nubilariam castellum dioceseos Pisaurensis, quod quidem nostri iuris est, omnemq<sup>3</sup> eius castelli diuionem tibi dono dederit, cesserit: Nos te etiam nostrae beneuolentiae testimonio hac in re amplecti atque prosequi volumus. Quare donationem eiusmodi, quaeq<sup>3</sup> in ea continentur omnia, probamus, confirmamus: quatenusq<sup>3</sup> oporteat, Nubilariam castellum cum iuribus eius omnibus tibi liberis, posterisq<sup>3</sup> tuis maribus legitime procreandis damus, donamus: & tuum atq<sup>3</sup> tuorum quoad aliquis eorum super erit, perpetuo ut sit decernimus: multo etiam maiora si se occasio dederit, libentissime largituri. Datum V. Mart. M. D. XIII. Anno primo. Roma.

MAGISTRATVI PARMAE. 24

DILIGENTIA, qua usus es cum in significanda nobis morte Comitis Soragna, tum in adhibenda cura ut Comitis bonorum & locorum nostro nomine possessionem

nem caperes, nobis egregie probatur. Quam in re quoniam, ut scribis, propter demortui nepotis temeritatem, qui se in ea bona iniect, nihil consequi potuisti: mando tibi, ut ei meis verbis denunties, eorum bonorum & locorum possessionem quamprimum quamque liberam tibi relinquat. Id ni fecerit, armis te illum aggressurum, & vi expulsurum magnopere confirms. Itaque sine ulla mora facias. Scribo autem Galeatio Palavicino, ope illum auxilioque suo posthac ne iuuet: quod illum facturum puto. Scribo etiam Troilo Rubeo, armatorum hominum manum tibi, quantam voles, det, qua manu abs te ille ijs ex bonis eijs & detrudi possit. Mando insuper omnibus ijs, qui dono aliquid à Rep. obtinent, idem vi faciant. Quod si parum adiumenti possum ijs in omnibus ad rem conficiendam intelleges, Guidi Rangoni equites arcesses, & ad illas, quas coegeris, copias adiunges. Quibus mando, ut tibi praesto sint. Itaque diligentiam, curam, vigilantiam, laboremque omnem tuum adhibebis, ut in capienda Soragna Comitum bonorum possessione id, quod volumus, consequamur. Nam quod scribis demortui nepotem habere se ius ijs in bonis palam dicere: mihi id verisimile non est. Sed ut sit, experiundo id à nobis consequi postulet, non vi atque arrogantia rapere aggrediatur. Nihil enim ei à nobis quod iustum honestumque sit, negabitur. Dat. III. Id. Mart. M. D. XIII. Anno primo. Roma.

GALEATIO PALAVICINO. 25

INTELLEXI Soragna Comitum demortui nepotem armatorum hominum manu abs te iuvari, fauoribusque tuo atque auxilio niti, quominus ipse locorum & bonorum eorum possessionem, in quam se iniect, Magistratus

Parma

*Parmæ nostro nomine id petenti & postulanti remittat: ad quos quidem pleno iure pertinet: teq; id propinquitati, qua cum illo coniunctus es, tribuere atque largiri. Quamobrem his te literis & moneo & hortor, primum vt nullum propinquitatis nomen aequitati & iustitiæ anteponendum putes, deinde vt nostram in te atque in omnes tuos beneuolentiam, tuumq; in Romanos Pont. multorum annorum studium ob vnius pueri temeritatem atque audaciam ne violes, neue profundas. Sed potius & illi consulas, ne se nostris conatibus, quibus par esse non poterit frustra temereq; opponat atque obijciat: & Magistratum nostrum in assequenda eorum honorum possessione opera diligentiaq; tua iuues: quod te facturum pro tui animi rectitudine sanè confido. Quod si propinquus tuus competere sibi ius aliquod ys in bonis existimat, volo te ei dicere planeq; polliceri, nihil ei me, quod iustum honestumq; sit, negaturum. Itaque iure id non iniuria expetat. Erit hoc & ipsi utilius, & tibi magis honorificum, & mihi summopere gratum. Dat. III. Id. Mart. Anno primo. Roma.*

**P A R M E N S I B V S   D O N O   A L L I**  
**Q V O   R E I P.   A F F E C T I S.   26**

*M A N D O vobis, vt quibuscunq; rebus poteritis, Magistratui nostro Parmæ id à nobis requirenti presentem operam adhibeatis sine vllius hominis respectu, aut planè temporis interuallo & mora, quo is Soragna Comitibus nuper demortui locorum & bonorum possessionem assequi nostro nomine possit. Idq; à nobis cum pro iure vestri numeris fieri volo, tum pœna propofita bonorum vestrorum omnium arario inferendorum, nisi parebitis.*

*Quod*

*Quodd si quis eorum bonorum ius sibi competere existimat, nemini iuris via experienti, quod suum erit, posse assequi negabitur. Dat. tertio. Id. Mart. Anno primo. Roma.*

## TROILO RVBEO PAR-

M E N S I.

27

*MANDO tibi, ut quibuscunque in rebus poteris, tum armatis hominibus, tum etiam fauore tuo reliquo Magistratum nostrum Parma iuues, eiq; praesto sis: quo is Soragna Comitum nuper demortui bonorum possessionem nostro nomine capere, atque illum qui se in eam temere iniicit, expellere atque deicere possit. Quod quidem sic abs te peto, ut quantum mihi charus esse atque iucundus postulas, tantum te studij ac diligentiae ponere hac in re negotioq; conficiendo sane peruelim. Datum tertio Idib. Mart. Anno primo. Roma.*

## MAXIMILIANO MARIAE

MEDIOLANENSIVM DVCI. 28

*COMMENDAUI tibi sanè multos, ut quisq; abs te aliquid petiturus auctoritatem apud te meam, quo id facilius impetrare posset, expetiuit. Idq; non tam mea sponte saepe feci, quam quodd opem nostram iusta in te studiose petentibus negare me, alienum esse à mei muneris officio magnopere existimaui. Itaq; eam ob causam commendandis tibi hominibus crebrior fortasse adhuc quidem, quàm volui fui. Veruntamen cum id accidit, ut proijs, qui illustri aliqua dignitate in Dei Ecclesia eminent, commendandis ad te literas dem, tunc quidem eo tecum munere animo libentissimo vtor. Quemadmodum tibi nunc commendo Antonium Episcopum Asta designatum sanè*



sanè diligentissime : cuius Episcopatus reliquorumq<sub>3</sub> sacerdotiorum pensiones intercipi seponiq<sub>3</sub> iussisti. Petoq<sub>3</sub> abs te, ne id fieri aut mandes ipse, aut permittas à tuis: sed uti sunt Dei Opt. Max. munere ipsi Antonio ea pensiones attributæ, ita illum ad eas assequendas & fruendas iuues potius, quam impedas. Neq<sub>3</sub> tu in Ecclesiæ te bona, si me audies, vllorum hominum suasionibus immiseris, sed eris tuus ipse bonis contentus : quæ quidem maxima atq<sub>3</sub> amplissima sunt. Habes enim Regnum opulentissimum: ut nullius opis non modo ad amplitudinem, sed ne ad satietatem quidem, si te ipse noueris, indigere possis. Quæ cum ita sint, valde abs te peto, ne Antonio molestiam adhibeas in suis pensionibus exigendis, præsertim cum is frater sit Episcopi Nouocomensium : cuius & in sacris obeundis, & in reliquis Reip negotijs administrandis egregia & fideli opera quotidie vtor. Quemadmodum & cum oratore tuo Hieronymo Morono ea de re sum loquutus: & Fabritius familiaris meus, quem ad te mitto, tibi significauit. Dat. XIX. Cal. April. Anno primo. Roma.

IOANNI PETRO GONZAGAE

NVVOLARIAE COMITI.

29

MULTI ad me deferunt, te non solum exules è Regio Lepidi excepisse, eosq<sub>3</sub>, quemadmodum tibi mandaueram, expellere noluisse: verum etiam ciuibus quibusdam Regiensibus honestis hominibus, qui prædia tuo in agro habent, noua inusitataq<sub>3</sub> onera imposuisse, eosq<sub>3</sub> ad ea persoluenda te coacturum interninari nouis modis. Quæ cum eiusmodi sint, ut mihi ferenda esse non videantur, mando tibi atq<sub>3</sub> impero, primum ut sine vlla mora

eos

eos exules, quos excepisti habesq<sub>3</sub> in tuis oppidis, expellas & ejcias, locumq<sub>3</sub> posthac atq<sub>3</sub> perfugium nemini illorum des: deinde ut ciues Regenses nouis oneribus ne prius: sed eos si ui praeclari m<sup>u</sup>siu<sup>m</sup> f<sup>u</sup>itibus & pensionibus sine molestia permittas. ad si feceris, boni viri & meum imperium non de rectantis officio fungere atque munere. Sin aliter te, atq<sub>3</sub> opto, maximq<sub>3</sub>, ceciderit, hac in te gesseris: exploratum tibi esse volo, eam me indignitatem ulterius non latitum, daturamq<sub>3</sub> operam ut te peccateat mihi non paruisse. Dat. XVI. Cal. April. Anno primo. Roma.

## MAGISTRATVI PLA-

CENTIAE. 30

VENIT istuc nobis mandantibus ad eos perquirendos & puniendos, qui nouas res isto in oppido molientes tumultus maximos excitauerunt, Bonifacius Vallengis Iureconsultus familiaris meus, non sanè quia de tua prudentia, diligentia, rerum gerendarum scientia atque in primis probitate magnopere, ut soleo, confidere non possim: sed ut tuum tibi munus atque onus aliquanto leuius faciam, illo ad partem oneris rerum ferendam adhibito atq<sub>3</sub> addito. Quare volo, ut, si tibi uidetur, omnibus gerendis rebus una cum illo agas, praestesq<sub>3</sub> ei tete socium, ut communis virusq<sub>3</sub> vestrum consilio negotium administretur. Itaq<sub>3</sub> si hominem & libenter exceperis & accurate iuueris, erit mihi gratum. Dat. XV. Cal. April. Anno primo. Roma.

IOANNI SAXATELLO PRAE-

FACTO, EQVITVM APVD

Placentinos.

MITTO

MITTO istuc ad quæstiones exercendas, atque in eos animaduertendum qui nuper isto in oppido novos tumultus excitauerunt, Bonifacium Vallengem iureconsultum familiarem meum. Quamobrem mando tibi, ut quibuscunque is in rebus sibi te tuosq<sup>3</sup> equites fore vsui existimabit, auxilio et fauore tuo ei, præstò sis: omnemq<sup>3</sup> operam adhibeas, quò is facilius atque celerius mandata nostra prosequi atq<sup>3</sup> conficere possit. Dat. xv. Cal. Apr. Anno primo. Roma.

PETRI BEMBI EPI  
STOLARVM LEONIS DECL  
MI PONT. MAX. NOMINE  
scriptarum.

LIBER OCTAVVS.

FRANCISCO MARIAE VR-  
BINATIVM DVCL. I



ECTIS literis tuis, quibus nos certiores facis conuentum & nundinas, quas quidem te Pisauri posse facere de mense Martij concessere ramus, ab Andrea Corio mercatore Genuensi meritis Iudaorum inter cupiendis pro eo, quod ipsi debetur, perturbari atque impediri, fidemq<sup>3</sup> tuam omnibus eas ad nundinas adeuntibus publice datam labi & fluere, magnopereq<sup>3</sup> postulas, eo te nomine accusari & redargui ne permittamus præsertim cum ea nundina hoc anni tempore

pore nunc primum instituantur : ea tua postulata nobis  
 æqua & digna visa sunt, quibus annuamus. Itaq; volo  
 ne ea de causa, quod Andrea Corio concesserim vt exi-  
 gere centesimam cum animidia posset ex Iudeorum bonis  
 sub imperio Turcarum Regis degentium, vlla molestia  
 tua ad mundanis Hebrais accedentibus inferatur : si-  
 de me tuum fallere tibi necesse sit, aut illos homines ad  
 eiusmodi centesima solutione compellere, præter eos, si  
 qui erunt, qui iam antea cum Andrea pacti sint : quos  
 quidem volo, vt stipulationib. inter ipsos confectis stare,  
 promissaq; dissoluere teneantur. Iis autem rebus eo liben-  
 tius adducimur, vt tibi morem geramus, quo dignitas  
 omnis tua mihi magne curæ est, tuamq; apud me pluri-  
 mum valere auctoritatem facile patior. Dat. Idib. Mart.  
 M. D. XIII. Anno secundo. Roma.

PROMAGISTRO RHODIO IN  
 REGNÒ NEAPOLITANO. 2

ALTERIS literis hortatus te sum, velles mea cau-  
 sa Vincentio Papacodæ, qui est in tui ordinis societate,  
 viro strenuo, familiari per antiquo meo prærogatiuam  
 dare ad eos vestros magistratus, qui primo quoque tem-  
 pore præfatos amiserint : qui magistratus pensionem an-  
 nuam quingentorum nummorum aureorum efficiant.  
 Nunc verò quoniam etiam atque etiam opto, ne Vincen-  
 tius in eiusmodi desiderio suo, cuius per me compos fieri  
 postulat, abs te deferatur : non hortor te solum, sed etiam  
 pro meo iure obsequijq; tui in vi & virtute tibi plane  
 mando, vt ei, quemadmodum scripsimus, de prærogatiua  
 statim commendes : vt & societati tuæ, cui per multos  
 iam annos omnem operam & studium detulit atque im-  
 pendit



pendit suum, maiori esse vsui possit : & inter vestri Magistri familiares tam diu illum fuisse aliquam iam ei tandem vtilitatem atq; fructum pariat. Datum IX. Cal. April. M. D. XIII. Anno secundo. Roma.

## IOANNI PAULO

BALIONI.

3

HORTOR te, atq; abs te planè peto, vel, si opus est, mando etiam: vt Sibiciani Dominos fratres vlla molestia neq; afficiat ipse, neq; affici permittas à tuis. Cures autem potius, desq; operam, vt eorum agri atq; oppidula tuus à militibus tuta sint: quemadmodum quidem conuenit ea omnia per te esse, qua nostra sub tutela conquiescunt. Id enim magnopere volo, vt eis fratribus negotium vllò ab homine temere atq; iniuria ne adhibeatur. Quod si tibi ius eorum in bonis competit, dabo ipse operam, vt tibi quem vnice diligo, modo id iuris via postules, non vi atque armis appetas, quamprimum, quamq; ampliter satisfiat. Datum VII. Calend. April. Anno secundo. Roma.

## IACOBO CIVI BONONIENSI

QVAESTORI MILITVM.

4

CVM equitatus is, quem Bononiam accedere, atq; istic esse maxime oportet, quamobrem sese alat, nisi ex stipe ab incolis atq; inquilinis vestri agri dari solita, nihil planè habeat: mando tibi, vt ea stipe tantummodo excepta, quam stipem Romazato curari volui, reliquam stipem omnem ad Vitellij Praefecti militum vsus alimentaq; conuertas: qui quidem iunc Vitellius ad tutelam istius oppidi me volente proficiscitur. Cui rei mandatoq; meo nullas volo vel meas ipsius, vel ab eo, qui ante me

fuit,

fuit, Romano Pontifice scriptas ad te magistratū me literas impedimento esse. Datum VI. Calend. April. M. D. XIII. Anno secundo. Roma.

## DECVR. ET MAGISTRATVI

M V N I C I P I I A S C V L A N I.

5

QVONIAM intellexi Firmanos exules magna armorum hominum coacta manu oppidum Firmanum vi ingressos esse: veritus vestros quoq; exules exemplo illorum permotos atq; percitos idem ausuros, in Asculumq; inuasuros, volo, ac vobis mando, vt & arma ipsi capiatis, & propinquos clientesq; vestros amari celerime iubeatis ad defendendam urbem vestram, vestraq; urbis eum statum, qui nunc est, conseruandum atq; muniendum: ne vestri exules nobis nolentibus, vobis autem etiam inuitis oppidum aggredi atque adeo ingredi possint. Caneri autem à vobis precipue volo, curamq; omnem & diligentiam adhiberi, ne tumultus aliquis eo nomine, intestinū me malum possit existere. Itaq; ad nouam vim atq; iniuriam vestrorum exulum repellendam promptos vos atq; paratos esse iubeo: non autem vel ad veteres iniurias vlciscendas, vel ad potentiam extraordinariam exercendam. Vt cum improbi ciues vestri flagitiosiq; homines armatos vos atque animatos ad commune bonum senserint, à male cogitando maleq; agendo absterreantur & conquiescant. Dat. prid. Cal. April. Anno secundo. Roma.

FABRITIO MAGNO RHO-

DI MAGISTRO.

6

A MA VI omni tempore probum hominem, multisq; virtutibus praditum & ornatum virum Iulianum

Rodulphum: qui prater veterem suam cum meis omnibus necessitudinem, studia, officia, nunc etiam Iuliani Medicis fratris mei domus & rerum familiarium curam gerit. Is cupit impetrare abs te, vt cum in diplomatibus tuis conficiendis super Capua Prioratu, quem ei deferri à Iulio Medice Cardinali fratre patrueli meo volui, vt nostra in sese beneuolentia hoc iam nunc signum atque iudicium haberet. tum in Mortorij, sic enim vos appellatis, officio atq; munere tibi persoluendo rem nullo sumptu conficiant. Quare vt ei te liberalem & munificum is in rebus prabeas, atq; vt vllū solutionis impendio subleues, abs te peto. Est enim admodum senex, pensionesq; Prioratus sui atq; suctus. adhuc quidem nullos percipit: eos enim Cardinalem sequi quoad prouentibus abundaret, volui. Itaq; impensas nunc primum facere, quas longo tempore reponat, ipse non potest quemadmodum illi possunt, qui iuuenes sunt: quibus longa esse nulla expectatio potest. Quares facit, vt mihi planè gratissimum sit futurum, si Iulianum abs te ea, quæ postulat impetrasse intellexero. Est autem profecto ipse ita præstanti & animo vir & virtute, vt si tua societas eius opera suis in rebus vti volet: abunde ei atq; largiter, vel tibi etiam ipsi referre gratiam possit. Dat. Cal. April. M. D. XIII. Anno secundo. Roma.

P R I O R I G A L L I A E C I S A -  
S P I N A E R H O D I P R O -  
magistro. 8

EXEMPLVM literarum quibus literis Iulianum Rodulphum Capua Priorem Fabritio Magno Rhodi Magistro diligenter commendauimus, mitto ad te cum his  
literis.

literis. Ex eo quo in loco illum habeam, tum quid ei velim à Fabricio tribui, cognosces, Atq; hoc ideo ad te scribo, ut quoniam tuam apud illum auctoritatem plurimum valere multi mihi significauerunt, te horter, ac pro meo iure mandem etiam, cures desq; operam omni studio, agas apud illum, perficias deniq; ut Iulianus ea, quæ optat te adiuvante consequatur. Optat autem Magni Magistri liberalitate nobis commendantibus subleuari. Id erit mihi tam gratum, ut nihil abs te in me possit esse gratius. Quod ita esse tuis in rebus, si meà ope vllò tempore tibi opus erit, facile perspicies. Dat. Cal. Apr. M. D. XIII. Anno secundo. Roma.

## MAGISTRATVI REGII

LEPIDO 8

DE LATVM ad nos est Ioannem Petrum Gonzagam Nouolarie Comitem quosdam ciues Regienses coëgisse ad certam pecuniæ summam sibi persoluendam, ut tercentum quinquaginta nummos aureos, quos quidem ipse curare Cesaris negotiatoribus iuebatur statim reponeret. Id me primum omnium de te non intellexisse, & te eos ciues præsertim spectata fide homines ea in re nihil iuuasse, nullam omnino eis opem tuam, nullum adiumentum præsto fuisse valde miror. Quamobrem mando tibi primum, ut omnem rem perquiras diligentissime: Deinde si iuuare Regienses poteris adhibereq; remedia, nequid ab Ioanne Petro dispendij perpetiantur, iuues, curesq; rem omni studio & diligentia. Sin autem non poteris, nos tamen, quemadmodum se res habeat, certiores facias, doceasq; quo pacto ei occurrere malo possimus. Quod si operæ pretium erit mitti à nobis istuc ali-

Mm 3 quem



quem, qui controuersias inter Regienses Comitumq<sub>3</sub> componat, id vero à nobis facile curabitur, vt isti posthac ciues à comitis iurisdictione separentur discretiq<sub>3</sub> sint, ne calumnijs eiusmodi vlla in posterum causa vllus onerum perferendorum, munerumue obeundorum scrupulus, vlla questio exoriri possit. Id enim maxime opto, vt Regienses ciues sub Regiensium Principum dititionibus ne censeantur: vt Reip. rationibus nullum præiudicium inferatur. Dat. sexto Id. April. M. D. X I I I I. Anno secundo. Roma.

CARDINALI SEDVNO. 9

C V M perspecta nobis esset & virtus & prudentia tua deq<sub>3</sub> tua in me atq<sub>3</sub> in Remp. in quam quidem plurima tua egregia præclaraq<sub>3</sub> officia extiterunt, fide & cultu magnopere considerem, Carratiolum notarium, meum & Petrum Magnum familiarem tuum ad te misi à quibus consilia mentemq<sub>3</sub> omnem meam in tractandis nostris rebus intelligeres. Itaq<sub>3</sub> non vereor, quin ea omnia quemadmodum volebamus, ad Heluetiorum Magistratus amanter accurateq<sub>3</sub> detuleris. Quoniam autem multa sunt, quamobrem existimem nihil accidere posse his temporibus, quod plus afferat rebus omnibus momenti & ponderis ea re, quam illi ad te meis verbis pertulerunt: abs te etiam atque etiam peto, vt si tibi totum negotium quoquo modo in dubium adducetur sic, vt vereri possis Heluetios in ea mecum sententia, per quam nihilo certe minus illorum, quàm Reip. commodis consulitur, non futuros, de eo nos quamprimum facias quamq<sub>3</sub> celerrime certiores: ne dum ipsi de illorum in nos obseruantia frustra confidimus, aliquod alicunde

Resp.

Resp. incommodum & detrimentum accipiat. Neque enim interea vel de oblati in dies conditionibus ab alijs & populis & Regibus, vel de iudiciarum pactione confirmanda, vel omnino vlla de re quicquam statuere atq; consicere possum, neq; plane quiescere, donec abs te aliquid afferatur. Dat. XV. Calend. Maias. Anno secundo. Roma.

## PAVLO VICTORIO. 10

M A N D O tibi, vt posteaquam ex ratione decimæ istius Reip. sacerdotibus impositæ quindecies mille nummum aureorum summa exacta fuerit, des persoluasq; è summa reliqua Roberto Nasio & eius socijs, id quod eis curari mandavi, ea tamen conditione, vt si ex tota ratione illius decimæ summa tricies mille nummum non exigetur, Robertus socijque, quod abs te curatum acceperint, id omne reponere ac restituere teneantur. Quicquid autem ultra totam triginta milium aureorum nummum summam erogabitur, id Roberto & socijs ad abietem in templi Romani Principis Apostolorum substructiones cædendam atq; aduelendam deferatur. Dat. XI. Calend. Maias. Anno secundo. Roma.

## VGONI PEPULO. 11

C V M te, qui in nostra ditione domum & lares patrios & fortunas omnes habes, quemq; propter familia splendorem animiq; fortitudinem magnopere diligo, Guidum Rangonium necessarium & propinquum tuum nostrumq; Praefectum equitum ad singulare certamen intellexerim prouocauisse, locumq; ei ad certandum statuisse apud Mediolanensium Ducem ad diem duodecimam Calend. Iuny, literasq; ad te dederim, vt quam-

primum te ad nos conferres, tuq; mandatis nostris parueris, urbemq; Romam ad nos accesseris: quod quidem eo consilio feci, ut te ab incepto reuocarem. Idem nunc etiam cum optem, magnopereq; cupiam, ut ex vinea Domini, quam colendam purgandamq; suscepi, irarum & odij & bellorum semina radicitus euellantur: mando tibi cum obedientia vi & virtute, tum aqua tibi & igne interdicens, tuorumq; honorum fisco inferendorum poenā proposita, nisi parueris, ut ea de re & prouocatione tua totaq; ratione certamus, causisq; quas habuisse te idoneas atque iustas ad eam prouocationem exercendam existimas, nullum posthac verbum vlllo in loco, vlllo cum Principe aut planè homine modo vlllo colore vlllo facias: neque ad Maximilianum Mediolanensem Ducem locumue vllum illius Regni ea de causa te conferas vsq; ad diem decimam Cal. Iunij: neque omnino quicquam aut loquaris aut statuas animo decertandi. Datum decimo Cal. Maias. Anno secundo. Roma.

GUIDO RANGONIO. 12

CERTIOR factus sum, quibusdam te de causis ab Ugone Pepulo necessario & propinquo tuo ad certamen singulare prouocatum, ei rei libenti animo annuisse, velleg; ad Maximilianum Mariam Mediolanensem Ducem proficisci: apud quem tibi ab illo ad diem XII. Cal. Iunij certamen est indictum. Que res mihi & minime noua, et maxime molesta accidit. Nam cum mihi perspecta est animi tui magnitudo: tum fortitudinem & singularem tuam istam bellicis in rebus praestantiam, que quidem maximo vsu esse in Reip. Christianae dignitate vel tuenda vel agenda potest, obmanes atq; leuissimas causas

causas tam dubijs fortuna casus iri propositam mihi  
 maximo dolori sanè fuit : qui, vt patris tui mori optimi,  
 domusq; tua in meam familiam antiqua & plurima of-  
 ficia sileam, te vnice atque paterne vsq; à puero amo.  
 Quamobrem, vt & nostra dignitati, cuius in equitum  
 Praefectum geris, & Domini pacem nobis diligentissime  
 commendantis monitis praeceptisq; satù fiat, mando tibi  
 & aqua atque ignis interdicto, & laesa maiestatis poena  
 committenda, ne ea de causa te ad Ducem Mediolanen-  
 sium conferas, aut vllum ad eius ditionis locum : neque  
 prorsus quicquam agas, loquaris, statuas, vt sit tibi cum  
 Vgone decertandum. Dat. decimo Calen. Maias. M.D.  
 XIII. Anno secundo. Roma.

MAXIMILIANO MARIAE  
 MEDIOLANENSIVM

D V C I.

13

M V L T I ad me detulerunt te et Guido Rangenio,  
 & Vgoni Pepulo ad certamen singulare locum tutum  
 scriptus ad eos literis esse pollicitum ad diem XII. Cal.  
 Iuny. In quo non potui, vt verum fatear, non moleste  
 ferre, non te mihi eam rem ante, quàm quicquam sta-  
 tueres significauisse : cum scire posses eorum alterum in  
 huius Reipub. Imperio ex clara esse charissimāq; familia  
 progenitum : alterum etiam agere nostrorum equitum  
 Praefectū, atq; à me plurimis maximiq; de causis & ve-  
 teribus & recentibus valde amari. Itaq; cum meum in  
 primis munus sit è Domini agro controuersiarum & bel-  
 lorum stirpes succidere, ad quem suum publicè colendum  
 adhibitus, abs te etiam atque etiam peto, vt eas tuas li-  
 teras, quibus locum tempusq; illis ad certamen statuisti,



renoces: desq<sup>3</sup> separatim ad virunque alteras quamprimam literas, quibus id significes, nolle te amplius eis locum ad certamen dare: iubeasq<sup>3</sup> ne ad te ea de causa proficiantur. Dat. decimo Calend. Maias. M. D. XIII. Anno secundo. Roma.

## FERDINANDO HISPAN-

NIARVM REGI.

14

MITTIT ad te Franciscus Maria, Vrbiniatium Dux, nostri (vt scis) exercitus imperator certum hominem familiarem suum: qui se apud te purget ijs in rebus, quas res aliquot iam annis admisisse illum contra te Magistratus in Regno Neapolitano tui sunt nuper criminati. Quae quidem criminatio mihi, vt vere dicam quod sentio, non molestissima esse non potuit: cum quae obijciuntur, eiusmodi sunt, vt quasita potius ab illis infamulandi Ducem quoquo modo causa, quam merito suscepta fuisse videri possit, cum propterea quod ea, quae obliuioni iam prope tradita, vel plane etiam sopita & extincta sunt, per illos in iudicium renocantur: tum quod illa ipsa non vllius modo culpa, sed ne colore quidem culpa vlllo sunt admissa. Quae enim tui apud Soram gesta in tuum, vt ipsi aiunt, dedecus offensaq<sup>3</sup> afferunt, ea neque sciri aut caueri à Duce propter longinquitatem itineris potuerunt: neque in ipsius, sed in eius matris administratione eorum locorum procuratio tunc fuit. Nam quod ad Rauennae praelium tuorumq<sup>3</sup> militum recessum attinet: nobis quidem, qui eo in praelio fuimus, satis constat, illum contra nomen dignitatemq<sup>3</sup> tuam nihil ipsum fecisse, nihil vt fieret iussisse, nihil deniq<sup>3</sup> fieri permisisse. Sed quis est, qui possit magno commisso praelio in soluti exercitus fuga

fuga omnes vicina prouincia populos in officio continere? Quanquam quidem, quod ad illum attinet, non solum nihil egit ipse contra tuos: sed eis etiam per sui Regni fines sine ordine, vt sit temereq<sup>3</sup>, properantibus comites itinerumq<sup>3</sup>, duces dedit: debilitatosq<sup>3</sup>, vlncribus multos suis in oppidis iussit curari: inuit etiam complures rebus omnibus. Itaq<sup>3</sup>, functus in eo est boni viri amanti-  
 smiq<sup>3</sup>, tui officio. Quae quidem omnia, vel plura etiam, palam, vt intellexi, ipsi tui milites praese tulerunt. Sed haec atque alia ab eius internuntio cognosces. Ego autem, qui plurimis maximisq<sup>3</sup>, de causis tum priuatis & familiaribus, tum certe publicis summo illum amore singulariq<sup>3</sup>, beneuolentia sum complexus, abs te quaso magnopere & peto, vt eius procuratorem libenter excipias, excusationesq<sup>3</sup>, quas afferet, audias: admittas quoque pro aequitate & iustitia, cuius semper studiosus fuisti, mea de causa aliquanto etiam libentius. Erit id nobis tam gratum, vt nihil magis: tibi vero laudi etiam & gratia. Nam quoniam is Iulij Secundi Pont. Max. fratris filius fuit, eiusq<sup>3</sup>, copiarum Imperatorem gessit, & nostrarum gerit, nihil tam liberaliter agere tamq<sup>3</sup>, humaniter erga illum poteris, quin te optime fecisse omnes homines sint existimaturi: teq<sup>3</sup>, de eo etiam amaturi. Datum quarto Cal. Maias. M. D. XIII I. Anno secundo. Roma.

LEONARDO LAVREDANO  
 VENETIARVM PRINCIPI. 15

CONQUESTI apud nos per quam sane graui-  
 sunt Legati Anconitanorum, ea de causa, quod eorum  
 nauim ipsorum & Florentinorum onustam mercibus  
 domo in Asiam tendentem, triremis Veneta ductor Seba-  
 stianus.

stiamus Memmus hostili animo atq<sup>3</sup> impetu non longe ab  
 Ragusio sit aggressus, propeq<sup>3</sup> depresserit tormentorum  
 vi. Depressisset autem, nisi se illi in Epidauri portum re-  
 cepisset. id quoniam parum successerit, observari eam  
 aiant ab eodem Memmo alijs etiam Venetis triremibus  
 in prada societatem adscitis vicinis in portubus: ut eam  
 ex Epidauri portu exeuntem interciperant. Quae res quo-  
 niam contra ius & bonos mores, contraq<sup>3</sup> vestras cum  
 Romanis Pontificibus initas pactiones & foedera in pri-  
 mis est, id, quod accidit, existimo praeter tuam istiusq<sup>3</sup>  
 Reipub. voluntatem accidisse. Hortor autem paterne te  
 atque roneo, des quamprimum operam, mandesq<sup>3</sup>, ne-  
 quid posthac à vestris triremibus detrimenti nostrorum  
 hominum praesertimq<sup>3</sup> Anconitanorum nauibus infera-  
 tur. Puniis etiam multesq<sup>3</sup> ductorem illum, qui ei navi  
 tantum molestiae tantumq<sup>3</sup> iacturae temere atque hostili-  
 ter attulit: ut alijs vestrarum triremium ductoribus &  
 nauarchis exemplo sit, nihil iniuste posthac in nostros ho-  
 mines moliendi. Id si feceris, quemadmodum pro Sena-  
 tus istius aequitate confido te facturum: erit & mihi, qui  
 te remq<sup>3</sup> istam pub. vnice amo sanè gratum, & tibi cum  
 honorificum, cum te iustitiae colentem foederumq<sup>3</sup> obser-  
 uantem esse homines intelligent: tum etiam salutare:  
 omnem enim ijs, quorum interest, cogitationem eripies  
 potiora ei rei fructuosioraq<sup>3</sup> remedia perquirendi. Da-  
 tum Calend. Maijs. M. D. XIII. Anno secundo.  
 Roma.

MAGISTRATVI ARIMINI. 16

VARIJ atque difficiles fortuna casus, quos egre-  
 gia mulier Violantis Centiuola Mala testis quatuorde-  
 cim fe-

cum ferè annos est perpeſſa, dum mariti ſui ditione priſtina excuſa nouem liberos alienis opibus nutrit, me com- mouent, vt eius arummas atq; labores parte aliqua ſuble- uem. Itaq; certior factus bona quadam in Ariminenſi ra- tione doti illi deberi, mando tibi, des operam, vt ei pro inſtitiis ſui fiat: eoq; magis, quod intelligo, Ariminenſes ipſos eam ſatisfactionem non impedituros. Dat. tertio Non. Maias. M.D. XIII. Anno ſecundo. Roma.

## RECANATENSIBVS. 17

CERTIOR ſum factus eam materiam, quam Bernardo Bilicene Cardinali vos daturus recepiſti, qua materia ad templi Lauretani adificationem vte- remur, probam atque idoneam non eſſe. Quamobrem mando vobis atque impero, vt bonas arbores, quæq; vſui ei adificationi poſſint eſſe, ex Andrea ſauini eius adificationis magiſtri ſententia, apportari illò quàm ce- lerrime iubeatis: vt quæ iam cõpta ſunt fieri, ne in- termittantur, ſed procedant: ne tum nos, tum etiam Deam ipſam inani lignorum inutilium donatione lu- ſiſſe videamini. Dat. XVI. Calend. Iulias. Anno ſecun- do. Roma.

MAXIMILIANO ROMANO-  
RVM IMP. DESIGNATO. 18

ALLATVM ad nos eſt, Venetos, cum Flumen op- pidum tuum, quod eſt in Iſtria, cepiſſent, multam ligno- rum vim ad naues conficiendas idoneam in vicinis ei op- pido ſyluis cadi inſiſſe. Ea q; ligna Venetis abs te repul- ſis recuperata q; prouincia humi proiecta atq; imbribus expoſita iacere: periculum q; eſſe, ne breui ita vitientur, vt nullus ex ijs percipi vſus poſſit. Quod cum ita ſit, ad  
fani



fani autem Lauretani adificationem omni à me curà diligentiq<sub>3</sub> inceptam atque institutam, quod quidem fanum summo atque admirabili gentium & populorum concursu pietateq<sub>3</sub> celebratur, eius lignorum generis atque materiei magnopere indigeā, hortor te etiam atq<sub>3</sub> etiam, velis, vt Diue honos tua liberalitate augeatur, celeberrimo orbis terrarum fano donare eam materiam, mandareq<sub>3</sub> tuis Magistratibus, vt nostris hominibus, quos eò mittemus, omnem à Venetis casam arborem auerendi, atque Anconam & Lauretum transportandi potestatem faciant: eoq<sub>3</sub> libentius, quod te aiunt ijs arboribus quem ad vsum vti possis, vix habere. Id si feceris, & rem tua religione atque amplitudine dignam statues: & me qui quidem suppeditare tam apte ei adificationi ligna idonea nequaquam possum, eo munere ad adificationem conficiendam reddes etiam diligentior, tibiq<sub>3</sub> debentem. Datum XVI. Calend. Iul. Anno secundo. Roma.

IOANNI LVNAE SICVLO

VIRO PRINCIPI. 19

LAETITIA tua, quam ex eo, quòd ad propinquitatem inter te atq<sub>3</sub> nos familiamq<sub>3</sub> nostram ineundam & constituendam animum induxerim, accepisse te scribis, mihi plane grata accidit. Itaq<sub>3</sub> Sigismundum filium tuum, cui Lucretia Saluiata sororis meae filiam spopondimus, amore iam prope paterno pietateq<sub>3</sub> complector, quemadmodum ostendis cupere te: neq<sub>3</sub> sanè illum modo, sed reliquos etiam liberos tuos, vniuersamq<sub>3</sub> domum atque familiam in meam fidem benevolentiamq<sub>3</sub> recipio: quam rem fortunare Deum volo. Tibi quidem certe

certe omnibus in rebus, quæ ad tuum commodum, quæ ad honorem dignitatemq<sub>3</sub> pertinebunt voluntas nullo tempore nostra, pietas, liberalitas deerit. Reliqua ex literis iuliani fratris mei, qui te maxime diligit, cognosces. Datum XII. Calend. Iul. Anno secundo. Roma.

## CAROLO DVCI ALLO.

B R O G V M. 20

GRATISSIMUM sanè mihi optatissimumq<sub>3</sub> fuit, te, quem quidem propter animi tui egregias præsiantissimasq<sub>3</sub> virtutes, generisq<sub>3</sub> nobilitatem à maioribus tuis magnis atq<sub>3</sub> claris viris, antiqua laudatissimaq<sub>3</sub> serie deductam atq<sub>3</sub> traditam, plurimi semper feci, Philibertam sororem tuam Iuliano Medici fratri meo nuptui velle tradere: assinitatemq<sub>3</sub> nobiscum inire, et consociare atq<sub>3</sub> astringere vtriusq<sub>3</sub> familiam eo vinculi genere, quod idem esset omnium arctissimum atq<sub>3</sub> sanctissimum, inductioneq<sub>3</sub> animi & propensio ista tua valde me delectat. Itaq<sub>3</sub> quoniam non dubito, quin, quæ vtriusq<sub>3</sub> nostrum probantur, ea etiam vterq<sub>3</sub> re sancitum iri atq<sub>3</sub> ad exitum perductum magnopere velit. Deum Opt. Max. oro quæsoq<sub>3</sub> vt cum ea confici annuat atque mandet ipse: tum velit, primum quidem fratri meo & sorori tue, deinde mihi atq<sub>3</sub> tibi, qui & propiores illi sumus, & amore atque benevolentia coniunctiores, denique vtriusque nostrum familie atque generi ea de re & propinquitate prospere atque feliciter euenire. De me quidem ea omnia sperare expectareq<sub>3</sub> te volo, quæ ab optimo optatissimoq<sub>3</sub> filio de patre amantissimo sunt expectanda. Quem admodum ab AMADEO BERRVTO notario & familiari meo latius cognosces, quem ijs de rebus ad te muto.

*mitto, boni inem & nobis charum, & tui cupidum. Dat. Octauo Idib. Aprilis. M. D. XIIII. Anno secundo. Roma.*

PHILIBERTAE DVCIS AL-  
LOBROGVM SORORI. 21

MITTO ad Allobrogum Ducem fratrem tuum *is de rebus, quas ab ipso cognoscies, Amadeum Berrutum familiarem meum: cui mandavi, ne ut verba tui salutem diceret: tecumq; ageret, quae agenda essent. Et tu fidem habebis, & valebis. Dat. octauo Idib. April. Anno secundo. Roma.*

COMITI GENVEN-

SIVM.

22

AMADEO Berruto notario & familiari meo ad Ducem Allobrogum fratrem tuum proficiscenti *is de rebus, quas tecum communicabit, mandavi, ut tibi salutem nuntiaret meis verbis. Et fidem habebis: tibiq; ipsi omnia de me pollicebere, quae ex vsu tuo esse cum Domini voluntate cognoscies. Dat. octauo Id. April. Anno secundo. Roma.*

LVDOVICO GALLIA-

RVM REGI.

23

ALLATVM ad nos est, tibi à certis hominibus insusurratum fuisse, Claudy episcopi Massiliensium designati Legati tui curam atque operam nobis gratam non nimium esse. Quae sanè res eo mihi grauior atq; molestior accidit, quod cum illum ob eius doctrinā, ingenium, probitatem multum sen per amauerim, posteaquam is ad me, ut Legatum tuum ageret, Romam venit, nihil ipso tui amantiùs, nihil ardentius vidi, nihil planè tuis in rebus

rebus omnibus tractandis atq; administrandis diligentius, accurratius laboriosius illo fuit: quod quidem certe te me illi etiam deuinxit arctius. Itaque cum se aliquando ad te redire velle mihi significauisset, ne id faceret, sum illum pluribus fortasse verbis, quam vel nostra dignitas vel mea fert consuetudo, dehortatus. Quæ cum ita se haberet, hæc ad te scripsi, vt esset eius rei testimonium apud te meum, hortarerq; te, ne posthac de mea in Claudium voluntate plus vllis hominibus crederes, quam ipsi mihi, neue velles, vt is abs te, suorum pro te susceptorum officiorum, laborum, curarum, vigiliarum longe aliam, quam te atq; ipsum deceat, mercedem atque fructum caperet. Dat. Id Iun. Anno secundo. Roma.

## CAROLO DVCI

Allobrogum.

24

EX oratione Amadei Berruti, de tuo erga me studio atque ijs in rebus, de quibus tecum egit, voluntate, qua maxime optabamus, quaq; mihi gratissima fuere, cognoui, tuasq; literas libenter legi per quas mihi de paterno meo in te animo, gratias agis humanissimis verbis. Eas ad literas & Amadei sermonem quid rescribi tibi, quaq; scire te volo, ex ipsius ad te literis intelliges. Ipse autem Berrutus, quem quidem multis de causis admodum diligo, erit mihi posthac tua commendatione etiam charior. Caterum amari te magnopere à me comodaq; omnia dignitatemq; tuam atque amplitudinem mihi magna curæ esse si existimabis, minime, decipiere. Dat. XI. Calend. Iulij. Anno secundo. Roma.

Comiti Geneuensi.

25

ET tuæ ad nos plena officio & obseruantia literæ, &

N II. AMAD.



Amadei Berruti familiaris nostri sermo tuum erga me cultum & voluntatem vberime ostenderunt. De eo & valde quidem te amo: & meam ad te ornandum pronā beneuolamq; mentem & studium omni tempore tibi polliceor. Reliqua ex Berruti literis cognosces. Dat. XI. Cal. Iul. Anno secundo. Roma.

## MAGISTRATIBVS SENENSIVM.

26

MITTIMVS ad sedandos cōpescendosq; tumultus vestrorum exulum, qui vt ciuitatem vestram perturbarent, manum armatorum hominum cōegerunt, Pindarū Santesium familiarem meum, hominē & virtute praditum, et nobis in primis gratum & probatum. De quo mentē & consilium super ea re meum cognoscere facile poteritis, quamq; vos urbemq; istam diligā. Dat. 8. Cal. Iulij. Anno secundo. Roma.

Pindaro Santesio.

27

ET nuntijs & multorum literis cognoui nouarū rerum motū ab exulibus Senensibus excitari, coactamq; iam esse operarum magnā manum armatorumq; hominum, qui urbem Senas inuadant, perturbentq; eum statum, qui nunc est, quoq; oppidum in praesentia regitur. Quamobrē agre molesteq; ferens, esse vllos eius oppidi ciues tā scelestos tamq; perditos, qui eiusmodi consilia concipiant atq; agitent, mando tibi, cuius mihi probitas atq; prudentia probantur, vt illō te quā celerrime cōferas, desq; operam, nequid ea vrbs detrimenti capiat, Qua in administratione atq; cura quicquid iusseris imperaueris, id ita iussum imperatumq; volo esse, vti esset, ipse idem si iussissem, imperauissem. Itaq; tu ea in re vica-

EPISTOL. LIB. VIII. 195

vius meus esto: autoritas tibi mea, siue dixeris, siue quid statueris adesto: qui mihi Rei q<sub>3</sub> pub. parent, tibi parento. Tu verò singula pro tempore, vt res feret, consulte atq<sub>3</sub> prudenter administrabis: & me adesse omnibus rebus: quas dices: quas q<sub>3</sub> statues, existimabis. Dat 8. Cal. Iul. Anno secundo. Roma.

REIPUBLICAE FLO-

rentinae.

18

MITTIMVS ad sedandos tumultus & audacia exulum Senensium compescendam Pindarum Santesium familiarem nostrum & gratum nobis hominē & probatum. Valde enim cupimus, ne scelere perditorum hominū id oppidum, quod nostros ad fines pertingit, cuiq<sub>3</sub> oppido non minus animorū beneuolentia, quam locorū propinquitate coniungimur, insigne aliquot detrimentum atque molestiā capiat: sed nostra cura diligentiaq<sub>3</sub> inuniat<sup>ur</sup> atq<sub>3</sub> defendatur. Ei mandauimus, vt si ad rē, vt volumus conficiendam vestrae opis indigebit, literas ad vos det, petatq<sub>3</sub>, quae sibi esse vsui existimabit, quaq<sub>3</sub> administrandis à se rebus opportuna esse conducibiliaq<sub>3</sub> cognoscet. Itaque vt Pindaro fidem habeatis, operamq<sub>3</sub> vestram, si erit opus, & officium strenue atque impigre nauetis, etiam atque etiam à nobis peto. Erit id nobis in primis gratū, atque ita, vt nihil possit esse gratius. Dat. octauo. Calend. Iul. Anno secundo. Roma.

VLADISLAO REGI

Padnoniae.

29

PETRVM Bergnanum familiarem meum mitto ad te cum mandatis ijs de rebus, quas ab ipso cognoscas: quaq<sub>3</sub> mihi pro mea in te beneuolentia magna

Non sunt

sunt, eius verbis omnem fidem habebis, & valebis, nosq;  
diliges. Dat. quinto Calend. Iulij. Anno secundo.  
Roma.

## MAGISTRATVI PARMAE. 30

CATANEO ad te proficiscenti, vt de consociendis  
cum Malatestata Medice propinquo meo nuptijs meo  
& Guidi Medicis eius fratris nomine te alloquatur, has  
ad te dare literas volui: quibus te commonefacerem, vt  
quoniam eos fratres in primis diligo, quorum alterius e-  
tia diligens fidelisq; opera domesticis meis in rebus atq;  
familiaribus quotidie mihi magis probatur, omne tuum  
studium & diligentiam adhiberes, vt si ea nuptia vsui  
& honori futura illis essent, rem conficeres, teq; ita ge-  
reres, vt intelligeremus propinquorum meorum homi-  
num mihi charissimorum honestorum virorum causam  
tibi cura atque cordi fuisse. Reliquum est, vt & Cata-  
neo & Guidi literis fidem habeas, vtq; ipsi tuam operam  
deposcent, teq; facere volent, sic facias. Dat. sexto Cal.  
Iulij. Anno secundo. Roma.

## Annibali Paleotto.

31

ET virtutem probitatemq; tuam, quibus agendarum  
rerum experientia & in omni vita prudentia coniun-  
cta esset, dum Bononiae Legatum agerem, saepe probavi  
& Romanos à te Pontifices miro studio ac pietate sem-  
per cultus fuisse plenè cognoui. Ac prater hac etiam pa-  
tris tui Vincentij Paleotti equitis Bononiensis legum sci-  
entia magni atque clari viri nomen, fratrumq; tuorum  
Alexandri & Camilli excellentes diuersis in literarum  
& doctrinarum studijs disciplinæ mihi ante oculos ver-  
santur, meq; admonent, vt meam in te paternam propen-  
samq;

*Samq̃, voluntatem egregio aliquo munere apud omnes homines testatam faciam. Itaq̃, te Bononiæ, cuius municipij ab antiqua & honesta familia oriundus ciuem geris, omnesq̃, tui gessere, XL. virum facio Antonij Maria, qui propter senectam ei magistratui renuntiavit, loco omnibus ijs cum muneribus, honoribus, antelationibus, commodis, quibus reliqui XL. viri vtuntur, fruuntur, gaudent, vel vti, frui, gaudere eis licet. Quare mando ijs, qui in eo magistratu sunt, vt te in suum collegiũ recipiant. Tu verò dignum te & maioribus tuis & mea beneuolentia fac praestes, vt spei quam de te habeo, planè respondeas. Dat. Cal. Iul. Anno secundo. Roma.*

### LAVRENTIO FELTRINORVM

*Episcopo internuntio apud Imperatorem.*

32

**I N T E L L E X I** Vitum Frustum Magistratum Mutinæ in custodia Guidum et Sigismundũ Rangonios fratres habere: qui vel propterea, quod ex ea familia sunt, quæ pro suis plurimis atque maximis in me meosq̃, omnes officijs est mihi, vti debet, cõiunctissima vel, quod ipsos Maximiliani Romanorum Imperatori designato, studiosissimos esse cognoui: habentur à me in propinquo- rum mihi & necessariorum loco. Itaque mando tibi, vt eos Maximiliano ipsi quàm accurratissime commendes meis verbis cum reliquis eorum in rebus atque causis, tum præcipuè in salute, quæ mihi cor- di est, quantum potest esse maxi- me. Dat. Non. Iul. Anno secundo. Roma.



# PETRI BEMBI EPI STOLARVM LEONIS

DECIMI PONT. MAX.

Nomine scriptarum.

## LIBER IX.

### FEDERICO LANDO

Placentino.



**A**UDIVI de ijs, qui te amant, ciuibus  
tuis, qui Roma sunt, te ex interitu  
Baptista Landi filij tui Romae à Petro  
Francisco Maluicino ciue Placentino  
proximis diebus interfecti, permotum  
etq<sup>3</sup> perturbatum, reliquosq<sup>3</sup> liberos tuos irainiuriaq<sup>3</sup>  
percitos parare arma in Maluicinorū familiam, vt de-  
functi mortē modis omnibus vindicetis. Ea in re tametsi  
tuo tuorumq<sup>3</sup> dolori iusto praesertim facile ignosco, mo-  
lestimeq<sup>3</sup> fero ea, quae acciderūt: te tamen, quē quidem  
certe in primis diligo, cuiusq<sup>3</sup> & prudentiam et tempe-  
rantia omnibus in rebus semper probaui, moneo paterne  
atque hortor, vt quam adhuc quidem moderationem a-  
nimi tui vitaq<sup>3</sup> rationem es complexus, ea posthac etiā  
vtare, teq<sup>3</sup> ipse primum, deinde tuos contineas, nequid  
Placentiae tumultus vrstra causa exoriatur: quod planē  
fiet, si & ipse quieueris, & quiescere iusseris tuos. Id vt  
facias etiā atque etiam abs te peto. Erit & mihi gra-  
tum, & tua atate, integritate atq<sup>3</sup> prudentia dignum.  
Equidem quae cogitari atq<sup>3</sup> statui à me debent, vt dolo-  
ri tuo atque iniuria pro iustitia satisfiat, in ijs tibi eo mi-

mus deero, quo te magis intellexero meis monitis præceptisq; paruisse. Da. 18. Cal. Aug. Anno secundo. Roma.

## CANONICIS ET SOCIETATI

Ecclesiæ Veronensis.

2

INTELLEXI vos emphiteoseos nomine villam atque agrum, Cederelli qui fuerat, Domitio Pomedello dedisse. Qui quidem Domitius cum alumnus sit Antonij Thebaldei, quem ego virum propter eius præstantem in optimarum artium studijs doctrinam, pangendisq; carminibus mirificam industriã vnice diligo, grata hercule mihi ea vestra liberalitas fuit. Itaque certior factus superesse etiam vobis portionem quandam ex illis ipsis Cederelli bonis, quàm nemini adhuc quidem donauistis, has ad vos literas dedi, vt sciretis, si, quod est reliquũ eorum bonorũ, eo à vobis Domitius augebitur, mihi id per quàm gratum futurum. Vos autem in eo præterea & modesti ac probi adolescentis arctam angustamq; rē vestra liberalitate explicabitis, & virum egregium ac per elegantem, deq; vestra ciuitate optime meritũ eius patronum eo beneficio vobis deuincietis. Dat. XVI. Cal. Aug. Anno secundo. Roma.

## SIGISMUNDO REGI

Poloniæ.

5

PERFERTVR ad me, seditionibus non negligendis in Pannonia per factiosos homines & scelestos excitationis arma temere tractari, ac trucidari passim plurimos, & intestinũ quoddam quasi bellum existere cōtra Vladislai Regis Pannoniæ fratristui voluntatem. Itaq; timendum esse, nisi ei rei quàm celerrime occurratur, ne freti ac permoti ea occasione Turce Regnum illud

conuulsum iam per se ac debilitatum, ad quod quidem maxime omnium mentem atque animum adiecerunt propterea quod est cum suis Regnis coniunctissimū, ipsi integri collectis viribus adorianitur. Eo Regno atq; populis vel sub iugum missis, vel profligatis ac perditis, qui vos casus maneat, nemo est, qui non videat etiam tacēte ac silente me. Eas ob res omneis te hortandum esse in primis duco, vt vel sublato, modis omnibus eo bello, quod te in praesentia intelligo cum Moscouitis exercere vel si fieri potest suspenso atque in aliud tempus dilato ac reiecto, properes auxilium atque opem ferre fratri germano tuo, exercitumq; in Pannonia fines adducas. Non enim vereor, si te modo appropinquare populi illi senserint fratri suppetias allaturum quin se omnes in officio contineant. Quod cum fecerint, etiam Turcis spem eripient primū quidem in Pannonios fratremq; ipsum tuū, deinde in reliquos Christiani nominis populos atq; gentes male cogitandi. Id abs te ita peto, vt quanquam videar tuorum etiam causa te cohortari atq; animo commonefacere, tibi tamen nihilo sim minus ea de re debiturus, ac si mihi vni tantum, quantum postulo, tribuisses. Quintodecimo Cal. Aug. Anno secundo. Roma.

Liuoniae Magistro.

4

PROXIMIS diebus Prusia Magistri atque tuis petentibus Legatis, vt Regis Poloniae ipsiusq; Magistri veterem illam maximarum rerum & controuersiarum causam, quam habent, sacro Lateranensi Concilio iudicandam terminandamq; aliquando tandem remitterem: nuntiatum est in Pannonia tumultus magnos & seditiones exortas esse: ob eamq; rē trucidari plurimos

exci-

excitariq<sub>3</sub> tanquā intestinum bellum contra Vladislai Regis Pannonia voluntatē: verendumq<sub>3</sub> esse, nisi id tēpestiue bllum sedatū sopitumq<sub>3</sub> sit, ne animati ea occasione Turca Regnū illud, quod vicinū ipsis est, inuadant atq<sub>3</sub> diripiāt. Ea regio atq<sub>3</sub> natio cū quasi vallus quidā atq<sub>3</sub> agger munitissimus inter nos atq<sub>3</sub> illos adhuc quidem semper sit habita, quantū ex eo periculi rei Christiana impendeant, satis etiā tacente me res ipsa per se loquitur. Itaq<sub>3</sub> cum existimarē primū omnium oportere, vicinorū & Regū & Principū vnanimi consensu rebus Pannonicis quā celerrime succurri, ne inchoatum iā malum atque labes augendi confirmandiq<sub>3</sub> sese morā atq<sub>3</sub> spatiū nancisci possit: tuorū et Magistri Prusie Legatorū postulationes in aliud reieci tempus, atq<sub>3</sub> distuli: ne dum animorū voluntatumq<sub>3</sub> vestrarū conciliationis nouus hic Pannonia rerū status maxime indiget, lis inter vos ac disceptatio magnis de rebus atq<sub>3</sub> causis agi tractariq<sub>3</sub> Rome incipiat. Quamobrē tamen si Regē Polonia bello Moscouitano esse implicītū audierim: tamen quia Pannonia Regno in periculū adducto vicina ei Regna in tuto esse nequaquā poterunt, dedi ad eū literas, quibus literis, vt vel sedato eo quoquo modo, vel suspenso bello ad Pannonia fines cum exercitu se conferret: deq<sub>3</sub> sedandis eo in Regno seditionibus intestinoq<sub>3</sub> bello cum Rege fratre suo ageret, sum illum diligenter hortatus, speroq<sub>3</sub> fore, vt meis monitis salutaribus presertim atq<sub>3</sub> amantissimis pareat. Eā ad rē tu quoq<sub>3</sub> vti curā cogitationemq<sub>3</sub> tuā adhibeas, pro mei muneris officio etiā atq<sub>3</sub> etiā abs te peto. Nā quoniā propter eā, quæ tibi cū Moscouitis est, vicinitatē confido tua me opera & autorita-



te posse, quod postulo, facile consequi, vt id, quod dixi, bellum vel finem aliquem nanciscatur, vel ipsum differatur, quo Rex Polonia Regi Pannonia auxilium afferre, ei<sup>q</sup> prestò esse possit: valde cupio, vt eam tu ad rem tã honestã tamq<sup>3</sup> laudabilem consociendam, consociandasq<sup>3</sup> duorũ Regum voluntates atque mētes auctoritatem tuã conferas nobiscum atq<sup>3</sup> adiungas. Id si feceris quemadmodum quidem tua fides cum prudentia, tum in me, qui te vnice diligo, voluntate maxime confido te facturum, & officio eris functus optimi prudentissimiq<sup>3</sup> Principis & spem omnem hostibus nostris communibus auferes Regnum quidem Pannonia primũ, deinde alias atque alias nationes Christianas inuadendi atque proterendi, et tibi ego plurimum debebo, cuius eris precibus atque monitis obsequutus. 15. Cal. Aug. Anno 2. Roma.

Antonio Mariæ Palauicino.

5

RECORDARI facile potes, me cũ Roma esses nõ semel te paterne monnisse, vt cum Galeatio Palauicino fratre tuo ageres, vt Castrũ Cornelij, quod quidem Castrum egregia Rubeorũ familia apud nos est conquesta ad se pertinere, mihi et Reip. ille atq<sup>3</sup> tu remitteretis, vt quæ aqua honestaq<sup>3</sup> essent, de eo statuerem: teq<sup>3</sup> ita facturũ, nobis pollicitũ fuisse, puto te non esse oblitũ. Id cũ à te differatur, nihilq<sup>3</sup> de eo confectũ adhuc quidem sit, scribendũ ad te putauĩ, vt quemadmodũ pollicitus fuisti te cum fratre tuo curaturũ, ita faceres, Reiq<sup>3</sup> pub. atq<sup>3</sup> mihi tu fraterq<sup>3</sup> tuus Castrũ Cornelij traderetis, vt de illo pro iustitia decernere & statuere possem. Id si feceritis: erit mihi admodũ gratũ: vosq<sup>3</sup> vti viros mei obseruantes posthac etiã impensius diligã. Dat. 4. Cal. Aug. Anno. 2. Roma.

MAXI

## MAXIMILIANO MARIAE

Mediolanensium Duci,

6

PROFICISCITVR Mediolanum is, cui has ad te literas dedi, abs te petiturus, vt sibi emere istic liceat thoracas ferreos quater mille, quibus nostri pedites vt possint. Qua in re te hortor, des ei atque cominodes non id modo, vt emere thoracas illos, sed etiam vt sine porroij solutione educere de tua ditione possit. Dat. 4. Cal. Aug. Anno secundo. Roma.

Ludouici Tornaboniæ.

7

NARRAVIT mihi Iulianus Tornabonius propinquus tuus de tua in me pietate sanè multa, qua mihi grata admodum atque iucunda fuerūt. Animi enim tui erga me plenam beneuolentia voluntatē à primis vtriusq; nostrum annis mihi et perspectā & probatam libentissime agnoui. Itaque ea de te re amabiliq; officio valde diligo, voloq; scire, si quid acciderit, in quo tibi aut tuis esse vsui perpetua mea erga te charitas amorq; paternus possit, nullum me grati animi signum prætermisurum, vt intelligas te mihi esse charissimū, semperq; fore. Dat. tertio Cal. Aug. Anno secundo. Roma.

Municipibus Arimini.

8

CERTIOR factus sum Clara Malatestidi Montisferetriana sacerdoti, quæ vxor Roberti Malatestæ fuit, certam summā dotis & hereditatis nomine à vobis deberi: itaque à sex viris Fisci Rotnani, cum in controuersiam res venisset, iudicatum fuisse. Quare hortor vos, vt secundum Sexuiriū iudiciū curetis efficiatisq; vt mulier ad suum perueniat sine dispendio & mora. Dat. prid. Cal. Aug. Anno secundo. Roma.

PETRI BEMBI  
PETRO MARIAE

Scotto Placentino.

9

INTELLEXIMVS te quasdam possessiones Ghiselli Marchionis Malaspinae per tuos vi occupauisse: eiusq; vxori sororituae virū vt relinqueret, persuasisse: itemq; quosdam ex tuis abs te adiutos magnū frumenti numerum domus Hospitalis Placentinae interceptisse: cū diui Benedicti societatis aqueductus perfragisse. Quae quidem mihi omnia per sanè grauia perq; molesta fuerunt, eiusmodiq; visa sunt, vt tolerari à me nullo pacto debeant. Quod si Palauicinorū familia nobis charissima causa tuā adhuc arrogantiam pertulimus, scire te planè volo, nos posthac tibi Palauicinorū autoritate nihil remissuros: sed cū illa priora, tū ista recēter abs te admissa eo acrius vindicatueros, quo in te mitiores adhuc quidem fuimus. Itaque mando tibi, vt ablata abs te atque à tuis, Ghiselliq; coniugem ilico restituas: aqueductus perfractos reponas: audaciamq; tuā reprimas: teq; ipse modestia nostrae impunitateq; abutentem colligas, atq; contineas, moresq; induas & clementia nostra & tua familia dignos: pareasq; istius vrbis Magistratui omnibus in rebus, quas te res volet facere, tibiq; iusserit. Hac omnia nisi abs te curabuntur, non ea modo, quibus te liberalitas nostra donauit, sed etiam patrimonium tuum omne addici fisco mandabo: teq; vti rebellum nostrum atque hostem modis omnibus puniam. Dat. prid. Cal. Aug. Anno secundo. Roma.

Magistratui Placentiae.

10

EXEMPLVM literarum, quas ad Petrum Mariam Scottum dedi, habuisti cum his literis. Itaq; mande te

do tibi, vt quæ me ei præcipere ijs in literis cognoscēs, eadē tu quoque meis verbis illi mandes at quæ præcipias. Quod si is meis mandatis non obtemperauerit, volo eum releges, quo in loco tibi videbitur, eiusq; bona fisco addicas, ceteraq; omnia statuat pro nostra dignitate: nequis posthac malefacere audeat, speretq; se id impuniturum. Dat. prid. Cal. Aug. Anno secundo. Roma.

## GALEATIO ET ANTONIO

Mariæ Palauicinis fratribus.

II

PERTVLIMVS adhuc quidem vestra causa Petri Mariæ Scotti intemperantes mores audaciamq; nō ferendam. Ille verò benignitate nostra magis magisq; in dies singulos abutitur, atque in omnia mala promior fit. Quamobrem has literas dictaui, vt vos commonefacerem, nisi se ille audaciamq; suam furoremq; represserit, et quæ nuper damna intulit, ea statim omnia illis ipsis reposuerit, qui pertulerūt, nos in illum neq; vos neq; quempiā reuerentes, quemadmodum meritis est, sic animaduersuros. Dat. prid. Cal. Aug. An. secundo. Roma.

## PHILIPPO CAPELLO ET

eius patruelibus Andreæ Capello

filijs Venetis ciuibus.

12

LECTIS vestris literis, quibus mecū multis precibus agitis, vt cum olim Iacobus Franciscinorum minorum societatis Magister, qui tunc erat, cubiculum in sociorum domo, quæ Venetijs est, Victori Capello auo vestro eiusq; liberis dederit, concesserit. idq; deinde factū Romani Pontif. duo Paulus Secundus & Sixtus Quartus probauerint: eam ipse dationē & concessionē in vos, qui Victoris nepotes estis ex duobus eius filijs Andrea &

Paulo.



Paulo geniti, ita transferam, ut parentum vestrorum ius in vobis tribus eorum liberis resideat: pro mea in vos pietate facile animum induxi, ut vestris postulat is satisfacere. Itaque dationis & concessionis eiusmodi sensum feriemus, omnem ipse quoque approbans idem illud, quod Victorio Capello auo vestro eiusque liberis vestris parentibus datum concessumque tunc fuit, auctoritate mea aqua portione in vos transfero: volog, ut ius ex semisse illud in cubiculum habeas tu Philippe Capelle vnicus Pauli Capelli filius: vos autem Andrea Capelli duo filij ex altero semisse, hoc est ex quadrante quilibet. Quorum quidem patrum vestrorum alter a me valde sane diligitur Paulus, Remig, pub. Venet a administrat: alter plures abhinc annos Roma Legatum Venetum agens mortem obiit. Ita & mea in viuum beneuolentia, & mortui nec publice suscepta vobis proderit. Dat. 5. Cal. Aug. Anno secundo. Roma.

Raphaelo Vrbinati.

13

CV M prater pictaræ artem, qua in arte te excellere omnes homines intelligunt, is a Bramante architecto etiam in construendis edibus es habitus, ut tibi ille recte Principis Apostolorum templi Romani a se inchoati edificationem committi posse moriens existimauerit, idque tu nobis forma eius templi confecta, qua desiderabatur, totiusque operis ratione tradita docte atque abunde probaueris. Nos, quibus nihil est prope antiquius, quam ut fanum id quam magnificenter quamque celerime construatur, te magistrum eius operis facimus cum stipendio nummum aureorum trecentorum tibi annis singulis curandorum a nostris pecuniarum, quæ ad eius fani edificationem erogantur ad nosque perse-

tuntur.

vuntur, Magistris: à quibus id stipendium aquis pro tē-  
pore portionibus dari tibi cum petieris sine mora etiam  
mensibus singulis iubeo. Te verò hortor, vt huius mune-  
ris curam ita suscipias, vt in eo exercendo cū existima-  
tionis tuæ ac nominis, quorum quidem iniuuenili atate  
bona fundamenta iacere te oportet, tū spei de te nostræ  
paterneq; in te beneuolentiæ, demū etiam fami, quod in  
toto orbe terrarum longe omniū maximū atq; sanctissi-  
mum semper fuit, dignitatis & celebritatis, et in ipsius  
Principem Apostolorum debita à nobis pietatis rationē  
habuisse videre. Dat. Cal. Aug. Anno secundo. Roma.

Legato Auenionensi.

14

ANTONIVM Thebaldeum probum hominem,  
atque in bonarum artium in primisq; poetices studijs  
tum nostræ, tum Latina lingua facile præstantem virū  
multos iā annos vnice diligo. Cui cum portorij munus,  
quod in ponte Sorgiæ Fluminis est Auenionensis disce-  
seos Legationis tuæ, conferri cupiam, vt eo sese alere ac  
sustentare liberaliter possit, peto abs te velis, vt homo e-  
gregius & excellens & mihi valde charus eo munere  
per nos te libente afficiatur. Dat. Nonis Aug. Anno  
secundo. Roma.

Regi Britannicæ.

15

HADRIANVM Bardum ciuem Florentinum  
Tami plebanum propter plurimas ipsius virtutes eamq;  
necessitudinem, quam cum domo mea veterem atq; ar-  
ctam habet, valde diligo. Quem cum intelligam in Re-  
gno tuo triginta prope annos innocenter fuisse versa-  
tum commendo tibi eum sanè per diligenter. Quicquid  
in illum beneficij liberalitatisque contuleris, id tam  
nobis

nobis erit gratum, quàm quod gratissimū. Dat. octavo  
Id. Aug. Anno secundo. Roma.

LAVRENTIO MEDICI

fratris filio

16

ET si ex aliorum literis de Consulatu Constantino-  
politano Zenobio Medici tradendo mentem meam co-  
gnoscere potuisti: te tamen meis etiā literis putavi esse  
commonefaciendam, dares operā, effuieresq<sub>3</sub> autoritate  
tua & gratia, magistratū vt illum Zenobius ab ista Re-  
pub. consequeretur. Valde enim cupio, ne propinquus no-  
ster ea in re ferendis suffragijs prateratur vel propte-  
rea quòd augeri illū omnibus in rebus sane volo, vel ma-  
xime, quòd Zenobium ipsum ei muneri fore idoneū ve-  
hementer existimo. Dat. 7. Id. Aug. An. secundo. Roma.

IOANNI ET GENTILI

Saxatellis Forocorneliensibus.

17

MULTI ad me scribunt, rumor etiā ipse quasi me  
admonet, Bentiuolos fratres modis omnibus dare operā,  
vt in patriam vi redire, Bononiāq<sub>3</sub> statum perturbare  
atque peruertere possint, eisq<sub>3</sub> vos auxilio in primis fu-  
turos. Quod vtrunq<sub>3</sub> tum pro illorum, tum etiā pro ve-  
stro in me cultu, nostraq<sub>3</sub> in illos atque vos paterna vo-  
luntate & charitate credere nullo pacto possum. Quid  
est enim minus hominis, quàm hominum bene viuentiū  
conuentus & societates constitutas diripere, eisq<sub>3</sub> vim  
afferre conari? nedum id etiā amicorū & necessariorū  
hominū munus esse atq<sub>3</sub> cogitatio credatur. Vt cūq<sub>3</sub> au-  
tem se res habet, mando vobis ea lege, quæ de maiestate  
est, nō id modo, vt à Bentiuolis vlla in re iuuandis in eo-  
rum ad patriā reditu prorsus abstineatis, quanquam id  
quidem

quidem maxime: sed etiam vt illos modis omnibus ab eā cogitatione reuocetis, operamq; vestram omnem, curā, diligentiam adhibeat is, ne facere, aut etiam tentare id omnino possint. Dat. prid. Id. Aug. Anno secundo. Roma.

## ALFONSO DUCI

Ferrariensium.

18

NON vnus optimorum hominum & prudentiū virorum literis certior factus sum, reditum in patriam à Bentiuolis fratribus vi atq; armis parari, existimariq; à multis, vel iam planè sermone hominū confirmari, eis te auxilio futurū, opesq; tuas ministraturum, vt id facilius consequi atq; consicere possint. Quæ sanè res mihi quidē, qui te atq; illos amo, deq; vtrisque vt bene meritus essem etiā laboraui, omnino verisimilis non sit. Neq; enim vel illis esse obscurum potest, me id non laturū, sed ei rei modis omnibus occursum: vel tu is es, qui sis nescius, quiq; nō offensionem in me tuā damnosiore tibi, quàm Bentiuolorum in patriā reditum fore vsui existimes. Verumenimvero, quoquo modo ea se habeant, te etiam atque etiā hortor, planeq; commonefacio, vt si illi ad reditū vi comparandum animū adiecerunt, non oratione modo eos tua, vel autoritate sententiā absterreas ab eiusmodi consilijs suscipiendis: sed etiā quibuscunque rebus potes, potes autē & plurimis & maximis, prohibeas, ne rē aggrediantur: sed quiescant, seq; cōtineant, neq; pergāt eō progredi, vnde sciunt reditu nullum esse. Id si feceris, & ipsis optime consulueris, & mihi tā fuerit gratum, quàm esset molestum, si te adiutorem & socium meorum hostium atque rebellium prætistisses. Da. Prid. Id. Aug. M. D. X I I I I. Anno secundo. Roma.



PETRI BEMBI  
XL. VIRIS BONO-  
nienſibus.

EX vestris ad Vergilium Legatum vestrum literis intellexi, quæ ad me deferri curauistis, argumenta coniecturasq<sub>3</sub>, quibus in eam sententiã adducti estis, vt credatis teteri à Bentiuolis fratribus multa, armatorumq<sub>3</sub> hominum manũ ab eis cogi, vt redire in patriam vi, istiusq<sub>3</sub> ciuitatis statum atq<sub>3</sub> otium perturbare atque peruertere possint. Itaque auxilia contra illorum conatus postulatis. Quæ autem per vosmet ipsos parari atq<sub>3</sub> effici poterāt, ea vos comparauisse iam omnia suisq<sub>3</sub> disposuisse singula & collocauisse locis adscribitis. Quibus de rebus omnibus studiũ, cura, diligentiaq<sub>3</sub> mihi vestra vehementer probatur: fidemq<sub>3</sub> vestrã facinus certe plurimi. Nam quod ad presentem vestraram rerum formã attinet, etsi existimẽ tũ Bentiuolos, tum etiã reliquos, quos commemoratis, nihil tale cogitare: ne vereri tamẽ queatis istius vrbi otiiũ & tranquillitatẽ mihi minori, quàm profecto debeat, curæ solitudiniq<sub>3</sub> esse: primum quidem Alfonso Duci Ferrariensium et Ioanni ac Gentili Saxatellis fratribus interminatus sum per literas, ne manũ vllam, neue auxilium vestris exulibus mitterem: sed eos modis omnibus prohiberent, ne conuellere ciuitatis vestræ statum molirentur: quod eos facturos sanẽ confido. Idem etiam Guido Rangoni scriptis ad eum literis mandauit: neq<sub>3</sub> vereor, quin ipse quoque nobis sit, vti debet, potius, quàm illis satisfactorus. Laurentiũ deinde Medicem fratris mei filium commonefeci, vt si vos Episcopus uel Pola Bononiæ magistratus opẽ ab eo Reg<sub>3</sub> pub. Florentina petitem miseritis, rebus vobis omnibus praesto

præsto sit sine vlla mora. Quod, si erit opus facietis, atq;  
ad illum, tanquam ad me mittetis. Nam is propterea  
quod vobis est vicinus, facile iuuare vos atque celeriter poterit. Quod si maiore auxilio esse vobis opus existimabitis, meq; de eo certiore facietis, copia nostra omnes ad vos tuendos defendendosq; mittentur: sic enim maxime Reip. nostraq; dignitas retinebitur. Vos autem singulis de rebus, quæ istic agêtur, diligentissimè ad nos vt adhuc quidem fecistis, literas dabit, vt vobis intempore opitulari, cū initia rerū cognoro, facilius & exploratius possim. Dat. Id. Aug. 1514. Anno secundo. Roma.

## FABRITIO MAGNO

Rhodi Magistro.

20

ET si exploratum nobis erat pro tuo fraterno amore ac pietate tristemet nuntium accepturū, cum intelligeret Cardinalem Finariū fratrem tuum mortē obijisse: voluit tamen, vt de eo meis literis fieres certior, vt cognosceres te atq; tuos tuaq; omnia paterna mihi curæ, vti debēt, fuisse. Quem sanè virū cum propter plurimas eius eximiasq; virtutes & diligere, vt patrē, et magno esse vsui in Reip. administratione viderem, quantū mihi molestia quantum mæroris eius mors attulerit, existimare facile ipse per se potes. Ego quidē certe sic existimo, multum in eo viro splendoris & praesidiū Rempubli. amisisse. Nostri verò in ipsum amoris & benevolentia testimonium id supremū fuit, quod omnibus profecto in rebus, quas impetrare à me noluit, vt benefaceret suis, ei petenti satisfacere. Ipse autē ita fortiter temperateq; decessit, vt credi par sit, Deū Opt. Max. ex hoc impuro lachrymabiliq; hospitio ad cælestis illum patriam incun-

disſimam beatiffimamq; ſedem euocare atque traduce-  
re voluiſſe. Nihil enim eorum, quæ ad ſanctiſſime decē-  
dentes pertinent, prætermiſit. Quæ cum ita ſint, te hor-  
tor, vt eam iacturam æquo & erecto animo ſeras: vt vi-  
rum magnum, & atate iam deuexa, & terrena omnia  
infra ſe habentem & contemnentē decet. Ego autem, ſi  
quid in eo ſolatiꝝ tibi eſſe poterit: polli. eor tibi atq; reci-  
pio, me omnibus in rebus, quæ ad te dignitatemq; tuam  
pertinebūt, fratris tui clariſſimi viri amorisq; eius erga  
te prætes atq; munera ſubiturū, libentiſſimeq; repreſen-  
taturū & præſtaturū. Tu modo ad rem Chriſtianam iu-  
uandam, tuaq; cura et diligentia, vt ſoles amplificandā  
à luctu atque mœrore te auoca. Erit id & te dignū, &  
tūa antea actæ vitæ propriū, & mihi gratū & optatum.  
Dat. 13. Cal. Aug. M. D. XIII. Anno ſecundo. Roma.

## LAVRENTIO MEDICI

fratris filio.

21

SIGNIFICAVIT mihi Matthæus Cominus  
Montisferetrianus, ſe bona ſua nondum recuperaviſſe.  
Quod mihi quidem fuit ſanè moleſtū: qui homini nobis  
familiaq; noſtræ in primis dedito ſatiſſeri valde cupio.  
Quamobrē volo des operā, vt is in priſtinas ſuas fortu-  
nas omneis ſine mora ſineq; diſpendio reponatur. Præte-  
rea quoniā per ſupra ſyndicos Cortinarū Aretij ꝓpediē  
creandus eſt, is qui Camerariatus & Maſſariatus mu-  
neri præſit: erit mihi pergratum, ſi abs te curabitur, vt  
Matthæus ipſe à ſupra ſyndicis Aretinis legatur, qui ei  
magiſtratū gerat. Dat. 12. Cal. Aug. Anno ſecundo. Ro.

## FRANCISCO MARCHIONI

Mantux.

22

QVO.

**QVONIAM** ad sacra conficienda precesq; diuinas celebrandas cantore mihi opus est, qui grauiori voce cōcinat: velim, si tibi incommodum non est, vt ad me Michaelē Lucensē cantorē tuū mittas: vt eo nostris in sacris atque templo, quod est omnium celeberrimum atque sanctissimum, communēque totius orbis terrarum pietatem & letitiā continet, vti possim. Dat. 3. Cal. August. Anno secundo. Roma.

## ALFONSO CARDINALI

Senensi.

23

**SCRIPSIT** ad te Iulius Medices Cardinalis meis verbis, velles ad me mittere cum puerum, quē habes Gallum Muscæ artis peritum. Ex ijs enim, quos ē Gallia accersui, vnus atq; is quidem, qui peritior erat, voculaq; blādiore ac flexibiliore praditus, mortē obiit. Eas literas cum tibi arbitrer redditas non fuisse: nihil enim ad illas adhuc quidem respondisti: hās ad te alteras literas dare volui, quibus item te hortarer, velles de puero illo sacra nostra commodare: quibus in sacris tu quoque, cum huc veneris, pium honestumq; oblectamentum capies. Dat. prid. Cal. Aug. Anno secundo. Roma.

## FRANCISCO MARIAE

Vrbinatium Duci.

24

**INTELLEXIMVS** te in recenti eorū Cesenæ oppidi ciuium tumultu, quibus priora delicta pepercimus, quiq; nobis fidem apud te dederant se pacta seruatuos, sã emq; non violatuos, opportuna prudenterq; curasse, ne malū serpere vltius posset firmata tuo presidio ciuitate, misissq; illō qui eam regerent, cum eiū rei arbitrum fecissemus. Quæ nobis omnia magnopere



probantur. Mando autem tibi, vt in eos, qui pacta quicq;  
fidem non praestiterunt, animaduertas, quemadmodum  
tibi æquum esse atque opportunum videbitur: vt ceteri,  
qui fidem nobis suam vel iam dederunt, vel daturi post-  
hac sunt, eam fallere minus audeant. Faciesq; nos de eo,  
quod egeris atq; statueris quàm diligentissime certio-  
res. Dat. prid. Cal. Aug. Anno secundo. Roma.

## INTERNVNTIIS APVD RE-

gem Hispaniarum nostris.

25

EXEMPLVM literarum, quas ad Ferdinandum  
Regem dedimus, habebitis cum his literis: ex quo quàm  
mihi gratum futurum sit, vt cum Geuensis Ecclesia  
Episcopus defecerit velit vt eam Gabrieli Archiepiscopo  
Barensi conferamus, facile cognoscetis. Itaq; volumus,  
vt omnem curam diligentiamq; adhibeatis, vt ab ipso  
Rege id, quod volumus, consequamur. Dat. quarto No.  
Sept. M. D. XIII. Anno secundo. Roma.

## FERDINANDO HISPA-

niarum Regi.

26

IOANNIS Scotti, cuius fides & industria pro re  
Romana tuisq; rebus egregia atq; mirifica bellis Itali-  
cis extitit, controneriam, quàm habet cum ijs, à quibus  
res eius domestica retinetur atq; diripitur, commendo  
tibi maiorem in modum: petoq; abs te, vt eius causam  
cum veterem, tum aduersariorum artibus conturbatã  
explices: fauoremque te homini forti atque prudenti  
præbeas. Erit mihi sane quàm gratum. Dat. prid. Non.  
Septemb. Anno secundo. Roma.

## LEONARDO LAVREDANO

Venetiarum Principi.

27

CON

CONQUESTI apud me sunt Legati Maximiliani Romanorum Imperatori designato, multis et quotidianis prope querelis, Ioannem Paulum Balionem, diu is vestri exercitus Praefectum ageret, captum ab Hispano exercitu, postea fide data reuertendi cum iuberetur nobis petentibus demissum, demum redire sapius iussum nunquam via se dedisse. Quam rem agre molesteq; ferre Maximilianum, seq; delusum existimare, ydem mihi saepe Legati significauerunt. Quibus cum bona semper verba dedissemus, proxime mecum egerunt longa constantiq; oratione, vt vel ipsum Io Paulum ad Hispanorum exercitum, cuius est captiuus factus, remitterem: vel darem operam, vt tu Christophorum Frigapanem Maximiliani exercitus item Praefectum captiuum tuum missum faceres illius loco. Earum rerum alterutram mihi breui tempore confecissem. Maximilianum graui se à me affectum iniuria, irrisuiq; habitum, existimaturum. Quamobrem vt ipse vel promissi mei onere, vel expostulationis eorum molestia aliquando tandem subleuer, peto abs te etiam atque etiam, vt quemadmodum Maximilianus meo rogatu Ioanni Paulo Romam veniendi potestatem fecit, ita tu quoq; Christophoro se ad nos conferendi potestatem facias fide ab eo accepta, se Roma me nolente non discessurum, neq; contrate hoc toto bello arma sumpturum. Id si feceris, & me magnâ molestia liberaueris, & te illis aequum & iustum praestiteris, qui fidem meam adhuc quidem desiderant, ego verò illius quidem certe, sed me hercule etiam tuam. De eo cum Legati tui scribasum loquutus: is ad te sermonem meum perscribet. Dat. VI. Id. Septemb. Anno secundo. Roma.

IACOBVM Sadoletum ciuem tuum, cuius egregia & fideli opera scribendis epistolis quotidie vt orob eius excellens atque praeclarū ingenium, optimarumq; artium singularem doctrinā, & praestantē omni virtutum genere animum magnopere amo, facioq; sanē plurimi. Eius sororis vir Tadeus Gilinus cupit impetrare abs te magistratū aliquem tuis in locis, quem trienniu aut biennium exerceat: vt & honestius eos dies traducere, & familiam suam alere facilius atque commodius possit. Itaque te non solum hortor, sed etiam rogo, velis praeclari hominis mihiq; charissimū propinquo pudenti, vt intelligo, viro & virtute praedito satisfacere, qui tamē rem omnem desideriumq; suum tibi coram ipsemet diligentius explicabit. Dat. V. Id. Sept. Anno 2. Roma.

LVDOVICO GALLO-

lorum Regi.

29

ET site antea certiore feci, me tum ad monasteria, tum etiā ad Ecclesiam Caturcensem, quorū & possessor & Episcopus Cardinalis Finarius mortem Romae obierat, Ludouicum Carretum demortui propinquū et Franciscum Eliscum Cardinalem sublegisse: hortatusq; te sum, velles diplomata eis conficere, quibus significares ea, quae statueram, probari abs te, atque ita fieri tibi placere: te tamen his etiam literis commonefaciendum putavi, ne rem differres longius neue in eo te duriorē & difficiliorem preberes, quā vel meus erga te amor, vel optimi hominis tibi planē dediti, atque duorū alterius viui, alterius nuper mortui Cardinalium egregia

atq;

atq; illustria in te multorum annorū officia, studia, labores etiā postularent. Dat. 17. Cal. Oct. Anno 2. Roma.

## LUDOVICO GALLO-

rum Regi.

30

PETRV M Nauarrum Cantabrum præstantem in rebus bellicis virum captiuum tuū, cuius res fortiter & præclare gestas pro Rep. Christiana egregiamq; in nos fidem & pietatem tibi notas esse arbitror, valde amo: eiusq; incolumitas & salus mihi magna cura est. Itaq; quo maiore studio possum, abs te peto, velis eum aliquādo tandem missum facere. Qua de re Ludouico Episcopo Tricaricensi Legato apud te meo per literas, & Ioanni Racoforti Legato apud me tuo præsens ipse mentem meam latius & diligentius explicui, ij ad te omnia deferent. Dat. 12. Cal. Octob Anno secundo. Roma.

## PETRO NAVARRO

Cantabro.

31

PROFICISCENTI ad te Ferrando, qui est ex societate Franciscinorum minorum, familiari tuo dcdi ad Ludouicum Regem literas: quibus literis peto ab illo, te vt missum faciat: quod eum facturum pro mea in illum voluntate & beneuolentia sanè puto. Itaque hac vt scires volui, tum vt bono animo esses, cōsideresq; me nullā in re, quā ad salutem libertatemq; tuam pertineret, negligentem fore. Quod etiam plenius & vberius ex ipso Ferrando cognosces. Dat. XII. Cal. Octob. Anno secundo. Roma.

Municipio Firmano.

32

MAGNA cum molestia percepi Ioannem Franciscum Astuldi filium Asculanum ingenti armatorū homi-



num manu vestro in oppido comparata res Asculanorū  
perturbare aggressum fuisse, perductisq; ad oppidi mu-  
ros ijs militibus, quos coegerat, penetrare oppidum ho-  
stilibus adortum modis multum turbarum excitauisse,  
enagnumq; terrorem oppidanis incussisse. Quares cum  
indignissima sit, qua nobis ferenda videatur, praesertim  
cum certior factus sim Ioannis Francisci profectioni vos  
ipso fauisse, propterea quod is multos tum ex ijs militi-  
bus, qui tuendi istius oppidi causa apud vos merent, tum  
verò etiam ex vestris municipibus secum habuerit: mā-  
do vobis atque impero, poena decem millium nummum  
aureorum proposita, si dicto audientes non eritis, vt im-  
petum posthac à vestris hominibus quoquo modo in res  
& fortunas Asculanorum eiusq; municipij temperamē-  
tum fieri ne permittatis, neue vestrum in oppidum Io-  
annem Franciscum Astuldi filium, aut vllos ex Asculanis  
exulibus recipiatis: sed eos vniuersos ex municipio a-  
groq; vestro, quoad fieri per vos possit, celeriter expella-  
tis. Id si feceritis, harū turbarum, quibus alimenta prae-  
buiſti, admissiq; vestri culpa ne vobis fraudi sit statuen-  
di, vobisq; ignoscendi occasio mihi aliqua fortasse para-  
bitur. Sin mandata nostra despexeritis, dabimus profe-  
cto operam, ne id impune fecisse vos gloriari vllos a  
homines vobis liceat. Dat. 12. Cal. Octob. Anno 2. Roma.

Heluetijs.

33

PROFICISCENTI ad vos Ennio Episcopo  
Verulano Legato meo mandavi vt vobis plurimā salutē  
impartiret meis verbis, vosque magnopere laudaret de  
vestra in me obseruantia, deq; ea cura & studio, quod  
pro nostra et Reip. dignitate maiestateq; tuenda et geri-

tis

is quidem nunc, & semper gessistis. Hortaretur autem etiam amantissime, ut posthac quoque, quo ea, quae adhuc quidem fecistis, consilio, non temere fecisse videamini viam quam institistis, in ea eodem passu pergeretis iter facere: talesque vos omni tempore prestaretis, quales & ipsa Respublica experta non semel est, & ego, qui virtutem vestram atque constantiam noui, vehementer fore confido. Quae praeter hac scire vos atque cognoscere volui, ea vobis Ennius exponet. Me si vestri esse nominis amantissimum existimabitis, non fallam vestram opinionem. Sexto. Cal. Octob. Anno secundo. Roma.

Heluetijs.

34

EA quae in causa Eleutherij Ruschi Lurcani Comitis ex nouem pagorum sententia pro iustitia statuistis, & laudabilia profecto sunt, & nos de his ipsi vestram sane iudicium collaudamus. Hortamur autem vos, ut quae etiamnum restant, ut res ad exitum perducatur, ea conficiatis, hominisque bene de vobis meriti iurium in eo, quod est reliquum, quemadmodum adhuc quidem fecistis, rationem habeatis. Erit id mihi admodum gratum: quod etiam Ennius Episcopus Verulanus Legatus meus vobis latius atque apertius significabit. Dat. V. Calend. Anno secundo. Roma.

MARCO CARDINALI

Seduno.

35

CUM Ennius Episcopus Verulanus Legatus meus istuc proficisceretur, ei mandavi, ut tibi salutem adnuntiaret, ostenderetque tuum studium, curam, diligentiam, laborem, quem mihi Reipublicae impendis, esse gratissimum, eaque omnia ut bene posuisse te sentias, me esse  
 Curum

*durum. Is alia etiam nonnulla, quae te scire volo, tibi significabit. Valebis igitur: nosq; diliges. Dat. sexto Cal. Octob. Anno secundo. Roma.*

## A L F O N S O D V C I

*Ferrariensium.*

36

*EGO verò & magnopere te amo, & tibi omnibus in rebus, quod cum Dei Opt. Max. voluntate fieri possit, satisfacere valde cupio. Itaque Latinū luuenalem familiarem meum ad te mitto, ut is Herculem filium tuū sacro chrismate perungendum meo nomine teneat, eiq; adsit: quod te & Lucretiam Ducem eius matrem uxorem tuam maxime cupere mihi significauisti. Qui quidem puer Deum oro, ut patri sit quā simillimus, vel etiam te virtute facile vincat atque superet. Ego in eum amore atque beneuolentia parentis vicem secundum te atque illam me praestaturam polliceor: cui suauilolum dabis & matri salutem dices. Dat. 4. Calend. Octob. Anno secundo. Roma.*

## S E B A S T I A N O F E R R E R I O

*Quæstori Regio Galliae Cisalpinae.*

37

*IN SV L A M & hortos, quos Roma in Quirinali habes, emere de te valde cupio. Itaq; peto abs te, quod sine tuo incommodo fiat, eos mihi uti vendas, quanti ipsi tibi videbitur. Neque enim vel te puto pluris postulaturum, quā posceres, si vulgo venirent: vel ipse minoris cogito. Dat. 4. Cal. Octob. Anno secundo. Roma.*

## C A R D I N A L I A L B R E T O

*Gallo.*

38

*A M O R E & beneuolentia, quae te fraterne prosequer, tuāq; valetudine me impellente has ad te literas dedi:*

*dedi: quibus literis, quemadmodum Iulius Secundus Pont. Max. tibi extra Italiam commorandi potestatem fecit, ita & ipse, vt in Gallia moram ducere saluis legibus posses, tibi permissi, quoad aliter statuerẽ. Quod tamen ipsum non fiet, nisi commodò tuo tuo: tibi enim valetudiniq; tuæ consultum iri maxime cupio. 4. Calend. Octob. Anno secundo. Roma.*

Iano Parrhasio. 39

*CV M id magnopere optem, vt Romanus literarum ludus à præstantissimis doctoribus exerceatur, vt ij, qui se bonis artibus dediderunt, ea ex re fructus vberrimos percipiant: de tua in studijs mitioribus doctrina certior factus ad ea publice docenda Roma te sublegi, stipemq; tibi dari iussi annis singulis ducentorũ aureorum nũmum. Quare volo vt ad urbem quàmprimum venias: libenti enim te animo atq; paterno videbo. Dat. tertio Cal. Octob. Anno secundo. Roma.*

Classis Præfecto. 40

*M AND O tibi, vt Ioannem Rocafortem Ludouici Gallorum Regis Legatum nauibus longis, quibus præes, Massiliam, aut quem ad Prouincia locum ipse voluerit, peruehas, cum primum nauigandi tempestas idonea erit. Nam quoniam is infirma admodum & valetudine est & viribus, valde cupio, vt tranquillo nauiget mari. Dat. prid. Calend. Octob. Anno secundo. Roma.*

DAVIDI REGI.

Abissinorum. 41

*PROFICISCENTI ad te Andrea Corsalo ciui Florentino mandauit, vt tibi meis verbis plurimam salutem diceret, certioremq; te faceret, pro tua in nos obseruan-*



seruantia, & pro ardore tuo atque cultu in Christianā  
 Remp. mirifico propeq<sub>3</sub> singulari, et amari te à me sum-  
 mopere, & fieri sanè plurimi. Quod etiam his ad te lite-  
 ris perferri volui, vt te hortarer, vt in istis remotissimis  
 à Romana Ecclesia regionibus Dei dominique nostri  
 I E S V C H R I S T I nomen atque gloriam, quantū  
 posses maxime, propagares & extenderes, poteris au-  
 tem, si in eo curam atque animum intendes tuum, sem-  
 per quidem plurimum. Ipse etiā dominus: quem colue-  
 ris, cuiq<sub>3</sub> gratum te earum, quas ab ipso possides, maxi-  
 marum fortunarum atq<sub>3</sub> memorem præstiteris, te foue-  
 bit, adiuuabit, prouehet. Caterum Andreā ipsum hone-  
 stum sanè virum, & industrium hominem, & ciuem  
 meum, & mihi valde gratum commendo tibi maiorem  
 in modum. Dat. 6. Id. Octob. Anno secundo. Roma.

### OCTAVIANO GENVENSIVM

Duci & Federico Archiepiscopo Saler-  
 nitanorum fratribus.

42

A M O R erga vos meus prope singularis, quem qui-  
 dem vos plurimis vestris maximisq<sub>3</sub> virtutibus & egre-  
 gia perq<sub>3</sub> veteri pietate fidelibusq<sub>3</sub> officijs excitauistis,  
 efficit, vt tametsi de commodis ornamentisq<sub>3</sub> vestris sa-  
 pe cogitem, mihi tamen quotidie magis magisq<sub>3</sub> esse co-  
 gitandum putem. Sed cum hoc tempore multa essent,  
 quæ ad vos perferri magnopere cuperem, Augustinum  
 Folietam municipem vestrum, familiarem meum, cuius  
 mirificā probitatem atq<sub>3</sub> virtutem & eximiam ac pro-  
 pe incomparabilem in tractandis rebus consiliorum pru-  
 dentiam propensumq<sub>3</sub> in vos studium satis cognitū ha-  
 bebam misi ad vos cum mandatis: vt is vos de rebus om-  
 nibus

nibus doceret. Dat. prid. Non. Octob. Anno 2. Rosilione.

## LVDOVICO REGI

Gallorum.

43

ARCHIEPISCOPVM Burgensem, quem ad nos cum mandatis misisti, & ipsum libenter vidi: est enim mihi & cognitus & probatus, & tuas literas legi diligenter. Ex ijs atq; Archiepiscopi sermone tuā in nos egregiam propensionem mirificamq; voluntatem abunde cognoui. De quo tametsi non semel neque vnus intermunijs, sed multiplicibus & autoribus & literis certiores facti sumus: est illud tamen nobis, vt verissime dicā, magnopere semper gratū Eandem enim tuā illam erga me benevolentiam, quam quidem, vt debeo, facio plurimi, vel augeri repetitione testificationis tuae, vel magis magisq; confirmari quotidie puto. De nostro verò in te, dignitatem, amplitudinemq; tuam paterno sensu atque animo, quanquam nihil eius latere te existimo, multa sum tamen cum Archiepiscopo loquutus. Ea te ab ipso cognoscere malo, quā ex meis literis. Quem quoniā mihi commendas, dabo operā, vt extet fructus commendationis tuae. Dat. 4. Id. Octob. Anno secundo. Viterbio.

## FRANCISCO MARIAE

Vrbinatium Duci.

44

ET legi tuas literas, & Horatium Floridum interternuntium tuum libenter audiui, excusationemq; tuā accepi libentissime. Equidem is sum, qui te cum amicorū copia, tum reliquis opibus & praesidijs cupio esse quam munitissimum: neminiq; in te amando atque amplificando, cedimus. Eoq; te impēsius decet & nostrae dignitatis & Reip. maiestatis atque amplitudinis habere rationē.

Verum

Verū de ijs de q<sup>3</sup> reliquis rebus, quas te scire magnopere volo, ab eodem Horatio intelliges: cui mandavi, vt sermonem, quē cum ipso habui, curaret ad te quā celerime perferendum. Dat. 3. Id. Octob. Anno 2. Viterbio.

# PETRI BEMBI EPI STOLARVM LEONIS

DECIMI PONT. MAX.

Nomine scriptarum.

LIBER X.

IOANNI NERONI

ciui Florentino.



**C**um statutum nobis sit à curis atq<sup>3</sup> laboribus, quibus assidue pro Christiana Rep. nobis credita regenda atq<sup>3</sup> administranda distinemur, auocare interdum nos ijs animi remissionibus, quae aucupij & venationis studio continentur, propterea quòd eiusmodi per agros atque saltus peruagatio, dum in equis sumus, ad valetudinem viresq<sup>3</sup> corporis confirmandas plurimum valet, mediciq<sup>3</sup> nostri nobis magnopere suadent, vt eo motus & vectationis genere quam creberrime vtamur: molestum admodum nobis est id, quod ad nos multi perferunt, quicquid agri atq<sup>3</sup> sylvarum intra vigesimum ab Vrbe lapidem quoquo versus iacet, ita temere vulgoq<sup>3</sup> à venatoribus aucubibusq<sup>3</sup> frequentari, vt omni auium & ferarum genere, quarum copia esse maxima consueuerat, magis magisq<sup>3</sup> in dies singulos exhauriatur, sic profecto, vt earum breui tem-  
pore

pore magna Roma caritas, magna in agris inopia videatur futura. Quamobrem cupienti mihi ne priuatorum hominum maximeque vel lucri causa, vel quod nullam rem aliam gerunt, aucupio & venatui se deditium libidine meus & fratrum meorum E. R. Cardinalium, qui vna mecum ad Reipu. gubernacula vigiliam exercent, eiusmodi siue vsus siue voluptas impediatur, visum est eius rei ministrum facere, cuius mihi & industria & diligentia & quidem certe probitas atque prudentia probantur. Itaque mando tibi, ut eius tantummodo agri, qui ad decimum a porta Vaticana villaque nostra Manliana atque ab Hostia totoque a Tyberi lapidem intra viam Cassiam & maris littora pertinet, saltus sylvasque omnes custodias: curesque diligenter, ager ut is atque tractus ab incolis, ab exteris, a peregrinis, a civibus, denique vllis ab hominibus aucupij aut venationis exercenda causa ne adeatur: prater eos, qui auculas visco & noctua capiunt. Quod ut facere commodius possis, volo ut tibi facultas sit & armatos homines, quo volueris, intra illos fines mittendi: qui retiū & cassū genus omne, quod in agris atque sylvis comportatū repperint, venabula omnia, canem vel ad indagandas, vel ad consequendas capiendasque feras idoneum, accipitrē, aquilam manu assuetā interceptiant: & illos, siue domini siue se rui sint, quos cum iis aucupio aut venatui operā dantes offenderint, mulcandi, quemadmodum tibi aequum & iustum videbitur pro captarū volucrum, aut ferarū vastatarum modo. Quas quidem mulctas tibi omnes remittimus, volumusque tuas esse. Confidimus enim te in eo non tuorum commodorum aut plane lucri cuiuspiam, sed tantummodo nostrae volun-



tatis rationem habiturum. Volumus autem, vt cum Roma exire nobis licebit, atque per illa, quæ dixi, loca iter facere, non ipsi modo nos, sed Cardinales etiam, qui nobiscum erunt, atque adeò multo magis, cohorsq; nostra omnis, & confirmare se aucupij & venationis studio, & exhilarare voluptate possit. Da. 9. Oct. An. 2. Viterb.

### LVDOVICO CANOSSAE

Episcopo Tricaricensium Legato. 2

P E T R V M Nauarrum Cantabrū, Ludouico Gallorum Regi per literas perq; eius Legatum commendavi sane quàm diligenter. Amo enim magnopere hominē propter eius spectatam virtutem, quod te non latet: cupioq; vt eum Rex è captiuitate atque custodia, in qua prope triennium consecit, ad libertatem restituat, missumq; faciat rogatu meo. Eam tu rem quanto maximo studio & diligentia fieri poterit, si mihi voles gratissimum optatissimumq; facere, procurabis atq; conficies, ita tamen, dum adhibeas in consilium orationis tue lenitatem atque prudentiam. Dat. XII. Cal. Nouemb. Anno secundo. Cereueterere.

### VLADISLAO PANNONIAE

Regi. 3

D E D I proximis diebus ad te literas, quibus te de pace à Ludouico Rege Gallorum & Henrico Rege Britannia me autore nuper inita certiolem feci. Postea vero & ex literis Thoma Cardinalis Strigoniensis, & Francisci Marsupini eiusdem Cardinalis internuntij sermone intellexi, te plurimis maximiq; bellorum sumptibus iam prope exhaustum ad tuenda istius Regni vicina Turcis oppida solum atque à socijs destitutum, tuum

tantummodo opibus & praesidijs idoneum hoc tempore  
 non esse. Itaque rogare obsecrareque nos, ut quoniam cum  
 oppidorum illorum conseruatione tui etiam vniuersi pro-  
 pe Regni salus incolumitasque coniuncta est: velimus tan-  
 tum nostrae opis tibi subministrari, ut ea tueri atque de-  
 fendere possis, ne Christiana Reipub. hostes captis expu-  
 gnatisque quos vires lacertosque confirment atque augeant,  
 quibus, cum libuerit, in reliquis tui Regni partes, atque  
 adeo in robur & pectus ipsum audacter utantur. Habe-  
 re autem te loca & ditionem multis hominum millibus  
 ad bellum aptissimum refertissimam: ut si tibi stipen-  
 dium ad eos alendos suppeditatum sit, validissimum con-  
 tra Turcas exercitum cogere atque conficere facile pos-  
 sis. Itaque statuamus, utrum Regnum istud per sese fir-  
 missimum & populosissimum gentibus inimicissimis proy-  
 cere ad seruitutem & ludibrium velimus: an pro re facul-  
 tatibusque nostris dare operam, ne hostes eo nostri potian-  
 tur. Quas ad tuas postulationes tibi respondeo. Primum  
 quidem, pro mea in te gentesque tuas charitate, proque  
 Reip. dignitate, te tuosque populos, Regnumque istud om-  
 ne mihi magne curae esse. Deinde versare me noctes atque  
 dies animo non tuam modo salutem & incolumitatem  
 tuam, quae mihi charissima est, sed etiam de amplitudi-  
 ne tua deque gloria sapissime cogitare, quoque te pacto iu-  
 uem, curamque adhibeam, ut in bello, quod tibi à Turcis  
 nunquam non imminet, administrando ipse te possis apud  
 Deum quidem primum, deinde apud omnes homines com-  
 mendare quam maximis quamque pulcherrimis virtutis  
 atque gloriae monumentis. Quamobrem si iustum exercitum con-  
 ficere, atque in Turcas impetum facere statueris, bellumque sis

administrare, vt illustris aliqua in illos impressio expugnatioq<sub>3</sub> oppidorū consequatur, quinquies decies mille nummorum aureorum me ad erogaturū daturumq<sub>3</sub> tibi spondeo atq<sub>3</sub> recipio. Sin verò id tantummodo consilij suscipies, vt tuta ab hostibus reddere tua illa propinqua Turcis oppida, de quibus scribis, tibi satis futurū putes: bis decies mille nummū aureorum tibi praesto vt sint, cum me cōmonefeceris, curabo. Itaq<sub>3</sub> excita exuscitaq<sub>3</sub> te Vladislao fili praclaras ad actiones animi magnitudine atq<sub>3</sub> constantia suscipiandas: exemploq<sub>3</sub> maiorū tuorum maximorum atque amplissimorū Regum tibi proposito, te cum ad tui Regni populorumq<sub>3</sub> tuorum & gē-tium, tum ad Christiana Reip. non solum propugnationem, sed etiā amplificationem para. Quod cum feceris, statutum habeas velim, meas fortunas opesq<sub>3</sub> omnes fore in tua potestate. A Deo aut Opt. Max. cuius causa patrociniū hoc quidem tempore vnus omnium maxime suscipies, secundū tibi tuo: um conatum exitus euentusq<sub>3</sub> prosperrimi sunt expectandi. Quibus de rebus omnibus multo sum latius atq<sub>3</sub> vberius cū Marsupino loquutus: ei<sub>3</sub> mandaui, vt tibi singula perscriberet, Vale igitur, nosq<sub>3</sub> dilige. Dat. XI. Cal. Octob. Anno secundo. Roma.

THOMAE CARDINALI

Strigoniensi.

EXEMPLVM literarum, quas Vladislao Regi scribimus, erit cum his literis. Ex eo mentem erga illum meam planè perspicis: quam tu etiam meis ad illum verbis deferres, explicabisq<sub>3</sub> singula & accuratius & prolixius. Ac te quidem scire volo, vos nihil aliud singulis penè horis cogitare atq<sub>3</sub> prospicere, quàm vt pacem inter

omnes

omnes Christianos Principes conficiamus: eiꝫ rei neꝫ studio, neque diligentia, neque labore, neque certe ardore animi contentioneꝫ deerimus. Et quoniā in eo id, quod volebamus, à Gallie, atꝫ Britannia Regibus iam consequuti autore Domino sumus, caterorum etiā Regum & Principum controuersias placandi & terminādi, animosꝫ consociandi confido eundem mihi dominū vires & facultatem subministraturum. Ac si fieri profecto poterit, vt ad id autoritas atque prudentia Regis Polonia Vladislai Regis fratris mihi magnū vsui sit futura: Quod cum erit, statim te faciam per literas certiore: vt nauare in eo tu quoque operā mihi tūc possās. Atꝫ ea quidem, de qua loquor, pax atꝫ concordia. Deū Opt. Max. oro & quaeso, vt suū ad exitū nobis viuētibz perducatur: vt reliqua quæ restant multo meo quādem iudicio, opinione quā re maiora, contra eius nominis hostes perpetuos communi omnīū consensu & voluntate aliquando moliamur. Sed & hæc & alia, quæ in eum sermonē conieci, quem quidem proxime habui cū Francisco Marsupino procuratore tuo homine in primis diligente, ipse ad te perscribet: cui mandauī, vt tibi salutem adscriberet. Dat. 11. Cal. Octob. Anno 2. Roma.

## MAXIMILIANO IMPERA-

tori designato.

S

AVDITA ea victoria, quam ingentem & maximā Turcarū Rex Selinus cōtra Ismaelem Sophim Persiæ Regem de mense Augusti prosperrimo successu esse consequutus, fratribus meis E. R. Cardinalibus statim adhibitis, diligentiqꝫ consilio ea de re habito, visum est vobis ad omnes Christianos Reges esse literas dandas:

Et 3. quibus



quibus literis & eos certiores tanta de re faceremus, et hortaremur, ut imminenti vniuersae rei Christianae periculo communi consensu atque sententia ire obuiam vellent. Quorum quidem Regum cum tu primus & dignitate & autoritate sis, id mihi tecum primum atque potissimum esse agendum existimaui. Itaque exemplum Selini literarum ad Epidaurenses, quibus victoria summa seriesque continetur, ad te mitto: quo perlecto pro tua singulari prudentia facile perspicias, auersus à nostris moribus atque sacris homo esset ab ineunte aetate bello exercitibusque ductandis assuetus, qui se regnandi libidine contra patrem senem armauerit, eumque Regno expulerit ad mortem, compulerit, per fratrum & propinquorum aliam super aliam coaceruat as cades ad maximum orbis terrarum Imperium euectus, eo demum in Asia Rege deuicto, cuius vnus maxime opes atque potentiam verebatur, eiusque Regno capto, quid sit factururus: cum illo integro superstitibusque fratre atque fratris filio, qui ei dubium paterni auitique Regni sceptrum faciebant, perturbare tamen mos exercitibus in Pannoniam missis oppidisque aliquot vicinis annis proximo sit aggressus. Nemini profecto dubium esse debet, qui modo recte minus etiam quam medicriter sentiat, posteaquam is eum hostem perdomuit, à quo sibi vno ab altero Regni sui latere Asia videlicet superiore esse timendum videbat, quin sit in illos, quos ad Europam habet exercitum victorem suum, omnesque suas Imperijque sui vires, ipsamque illam tot secundis successibus tam crebris tamque illustribus victorijs sibi blandientem fortunam suam quam celerissime conuersurus: qui quidem & maiori odio illi sunt propter alienam sacrorum rationem totiusque

tuisq; vita studia, et maiorem ei curam incutiunt propterea quod nos multo se potētiore esse multoq; rebus omnibus ad bellum terra mariq; administrandum paratiores homo minime debens intelligit. Itaq; primū omnium debilitare nos cogitat ea societate, Pannoniamq; suam facere: quae tametsi est ipsa quidem per se firmissima atq; bellicosissima sustinere tamen tantos impetus vna nō poterit. Id cum fuerit assequutus, quid erit amplius, quod illius animū ad te atque nos oppugnandos vnū tantummodo diē coercere atq; continere possit? Nisi forte, qui propinquis, qui fratribus, qui parenti regnandi cupiditate non pepercerit, eū volumus credere à nobis vnis, qui & moribus illi & certe voluntate hostes sumus, animi facilitate atq; adeo lenitudine temperaturū. Huic tamen presenti malo atq; periculo nobis remedium medicinamq; adhibere sedulo quarentibus vnū illud sese offert multo ante iam à me & prouisum, et tibi reliquisq; Regibus & Principibus Christianis proposui: ut pace atque concordia inter illos omnes teq; in primis tuosq; hostes conciliata, depositisq; priuatis inimicijs publice cōmuniq; consensu hosti victori ac fortuna dulcedine ebris opes viresq; nostras omnes coniunctas atque consociatas oppanamus. Atq; id quidem nos si saepe alias, ut dixi, & tibi & reliquis Regibus frustra et sine vllō vsu proposuius: est certe ea re tarditateq; nostra factū, ut idē Turca & antea nō vnos suos hostes, et nunc Ismaēlē ipsum, qui vnus ei ex nō Christianis imminēbat eratq; reliquos debellare atq; proterere, Imperijq; sui fines longe lateq; promouere, opesq; suas multo & firmiores ad se defendēdū, et ad nos aggrediēdos explicatiores paratioresq;

reddere sanè potuerit. Qui nobis rerū euentus quàm sit formidabilis, nemo non videt. Quòd si nunc etiā non audiemur, aut potius si liberator noster Christus, qui vos per vicariū suum alloquitur, atq; ad populos Remq; pu. suam tuendā impellit, non audietur, dicāne an taceā? locus iam iamq; tot peccata nostra corrigendi segnicieq; sarcienti nullus dabitur: vnusq; omnes exitus, vna clades atque interitus manebit. Gliscit namq; malū serpitq; in dies latius, & vires horis prope singulis ita sumit, vt si paululum præterea prestolabimur, ac nosmet ipsos, quemadmodum adhuc quidē fecimus, nostris ipsorum viribus conteremus, spes iam nobis auxiliij atq; præsidij nulla reliqua sit futura. Quamobrem per illam te baptismatis tui sacrā salutaremq; vnam, qua te Christianum es professus, perq; tuū Imperatoris nomē, quod te apud omnes nationes verè magnū & venerandū facit, oro, abs teq; precibus omnibus peto & quaeso, vt quādo tu omnium Christianorum Regum Principē geris, prius etiam odia inimicitiasq; tuas, quas cū Christianis populis exerces, deponas: proq; animi tui magnitudine pacē, si non quātilius, certe quā facilius fieri potest cōditione cū tuis hostibus in eas: omnesq; mora causas plane reijcias, ne per te cuipiā stetisse videri possit, quominus Christianæ Reip. Turcarū gladijs ac furori proposita in tēpore succurratur. Id vel officij tui, propter quod Reipub. Christianæ plus quàm ceteri debes vel tui regni causa facere te oportet, ne tuos etiā aliquando populos, si obdormieris ea ipsa imminens omnibus illuies atque perniciēs trahat. Deinde tuo vt nomini atq; gloriæ consulas, ne te eum locum tenente, quem tenes, vlla insignis

.Chri-

Christiana Reip. nota atque calamitas inuratur. Demū  
etiam vt reliqui tuo se exemplo Reges ad id faciliores  
præbeant. Nō enim vereor, cum tu vnus nostris fidelibus  
monitis obtemperaueris, quisquam omnino vt sit Eccle-  
sia Senatusq; consilij hac in re communiq; periculo ad-  
~~uersaturus~~ vt nostra hac in Turcas profectio, quā dies  
atque noctes cogitamus, necessitasq; ipsa nobis suadet,  
parari celerius atq; commodius possit. Quemadmodum  
quidem te facturum, quæ tua semper fuit pietas atque  
prudentia, sanè confido. Reliquum est, vt valetudini tuæ  
seruias: à qua tibi non rectè esse permolestè tuli. Quan-  
quam quidem cum has literas dabam, sperabam te con-  
ualuisse: iam enim erat febricula illa leuior, qua tenta-  
bare. Saluebis igitur à nobis omnibus, & valebis. Dat.  
Non. Nouemb. M. D. X I I I I. Anno secundo Roma.

## THOMAE EPISCOPO

Feltrinorum Legato.

6

EA quæ scribimus Maximiliano Imperatore desi-  
gnato, de pace cum suis hostibus ineunda, vt imminenti  
Reip. nostræ periculo ire obuiam possimus, ab earum lite-  
rarum exemplo his concluso literis cognosces. Manda-  
uimus tibi, vt ad eas literas etiā vim adiungas oratio-  
nis tuæ, quā tibi causa ratio facile subministrabit: ad-  
iuuesq; quantum poteris, sermone tuo concilium et sen-  
tentiam nostram. Quod cum feceris, literas ad me de  
rebus omnibus dabis quam celerrime quamq; diligen-  
tissime. Dat. Non. Nouemb. Anno 2. Roma.

## FABRITIO MAGNO

Rhodi Magistro.

7

ET site existimo de recenti Turcarum Regis victo-

pp 5 ria



ria Sofianiq<sup>3</sup> belli exitu ante quàm nos intellexisse: tamen cum idipsum ex me etiam vt scires volui literisq<sup>3</sup> ijs, quæ erunt infra scripta quibus tota rerum series explicatur, tum illud in primis quòd tibi viro optimo & rei Christianæ studiosissimo fore pergratum puto: me scilicet ad omnes Christianos Principes dedisse literas, quibus eos quanto maximo studio et contentione potui, hortatus ob testatusq<sup>3</sup> sum, vt pacem inter se quamprimum reiectis priuatis inimicitijs conficerent: vt nos ad illam iam diu à me, vt scis, institutā animo, & ipsis propositam, nunc verò etiā necessario suscipiendam in Turcas profectionem atque bellum accingere comparareq<sup>3</sup> possemus. Quæ vt pax conficiatur, scire te volo, me omnem meam curam, vigilantiam, auctoritatem adhibiturū, omnem lapidem, vt est in prouerbio, conuersurum: speroq<sup>3</sup> pro Domini, cuius res agitur, clementia nō frustra eum me laborem suscipere. Te autem & hortor, & planè rogo, vt quando vicinus illis est, quid agant, quid moliantur, quid etiam cogitent, perquiras diligentissime, faciasq<sup>3</sup> me in dies singulos de rebus omnibus certiorē: vt prorsus ne quid ignoretur: quo facilius quid agendum nobis sit, statuere in tempore possimus. Erit id & tui officij tuæq<sup>3</sup> diligentia proprium, & nobis per opportunū perq<sup>3</sup> gratum. Dat prid. 1d. Nouemb. Anno 2. Roma.

SEBASTIANO FERRERIO

Quæstori Regio Galliæ  
Cisalpinæ.

8

ET literas tuas, quibus me de latitia, quā de meis familiariaq<sup>3</sup> mea prosperis rebus percipis, deq<sup>3</sup> tuis pro meam eorumq<sup>3</sup> incolumitate decretis supplicationibus certiorē

riorem facis, libenter legi: & Ioannis Lascaris de eare sermonem audiui excepiq<sup>3</sup> libentissime. Volo autem vt existimes te tuosq<sup>3</sup> omneis charissimos mihi esse: idq<sup>3</sup> me quotiescunque se occasio dederit, re comprobaturū. Caterum excusatio, quam affers, quod des ad me minus saepe literas, mihi probatur. Ea de re, deq<sup>3</sup> reliquis rebus omnibus ad ipsius Lascaris literas te reijcio: qui ad te singula perscribet. Dat. 3. No. Nouemb. Anno. 2. Roma.

## FRANCISCO CHERINO

ciui Florentino. 9

GRAVITER ac permolestē tuli, proximē te comitjīs in nouis istius Reip. magistratibus creandis præteritum fuisse. Scire enim debes paucos meorum ciuium mihi te iucundiores esse, paucos à me pluris fieri. Et quoniam ea in re voluntatem erga te meam atq<sup>3</sup> beneuolentiam perspicere facile potuisti: te hortor, æquo vt animo quæ euenerunt, feras. Dabo enim apud istā Rempub. operam efficiamq<sup>3</sup> profecto, vt dolor, quem ex ea reiectione cepisti, alicuius tibi potioris vel honoris vel commodi voluptate celeriter sarciatur. Dat. prid. Non. Nouemb. Anno secundo. Roma.

## BARTHOLOMAEO LIVIANO

Venetorum exercitui Præfecto. 10

SCIRE te arbitror Ludouicum Canossam Tricaricensum Episcopum propter plurimas suas maximasq<sup>3</sup> virtutes & magnopere à me diligī, & meū Legatum apud Gallia Regem agere. Eius fratrum germanorū bona & fortune omnes atq<sup>3</sup> prouentus, quos è fundis suis colligunt, sunt in villa Garzani, quæ est in agro Veronenſi

nensi & ampla, & luculenta. Quare peto abs te, desoperam, vt si tuus exercitus in ea loca peruenerit, ea bona tuis à militibus ne diripiantur, sed tuta prorsus ab omni tuorum militum incursione sint. Quod etiam Legato Veneto, qui tuis in castris est, meo nomine significabis. Id erit mihi tam gratū, quam quòd gratissimum. Dat. sexto Id. Nouemb. Anno. 2. Roma.

## VITO FRVSTO PRAE-

fecto Mutinæ.

11

ET mihi & Maximiliano Imperatore designato, fœdus initū est, pactiq; sumus, vt is Mutinæ oppidi eiusq; agri ius omne mihi cederet atque remitteret: quemadmodum ex diplomate, quod ea de re confectū est, poteris cognoscere. Tametsi id te scire iam arbitror, literasq; à Maximiliano, qua tibi eam rē significarint, accepisse. Quare velim vt Fabiano Lippo familiari meo viro probo & mihi probato, quem ad te his cum litteris misi, ius & possessionem oppidi Mutina, cui præs, eiusq; arcis, agri, vicorum omnium destradasq; liberaliter. Dat. prid. Id. Nouemb. Anno secundo. Roma.

## MAXIMILIANO MARIAE

Insulbrum Duci

12

ET si cum superioribus diebus nobis renuntiatū esset Nicolaum Scottum sese ad Venetos, vt apud illos contra Maximilianum imp. desig. stipendia faceret, contulisse, sane quàm pro eo, ac res postulabat, grauitèr molesteq; tuli, tam temerarium tamq; audacem eum fuisse, vt non solum ignorantibus nobis, sed contra omnino quàm volebamus, proficisci ad illos non dubitarit: tamen cum nuper certior sim factus eum Crema proficis-

centura.

gentem interceptū ab hostibus Mediolanumq; perductū  
 esse, non potui non dolere, quod vir fortis & bello egre-  
 gius gentisq; sue facile princeps in manus hostium inci-  
 disse. Itaq; tametsi pro ea tam insigni temeritate hoc  
 quidem certe mereri videbatur, vt alieniori nūc esse nos  
 in sese animo suo in periculo experiretur: tamen quoniā  
 exemplo illius, cuius vicarium in terris gerimus, mites  
 esse clementesq; nos maxime omnium conuenit, has ad  
 te literas statim dedi: quibus, etsi te pro animi tui ma-  
 gnitudine nihil in eum grauius, quā in captiuos mili-  
 tes statuere homines magni solent, quāq; consuetudo  
 militia ac ius quasi quoddam belli fieri permittit, esse fa-  
 cturum arbitrarer: tamen abs te peterem, vt quando is  
 multo in me verius Romanamq; Remp. cuius est ipse so-  
 cius, quā in te deliquit, Nicolaum ad nos remitteres:  
 vt in eū statuere pro more nostro possemus. Erit id cum  
 ad gloriam tui nominis augendam aptius, tum nobis ve-  
 hementer gratum. Dat. 10. Cal. Dec. Anno 2. Roma.

## DVCI ET MAGISTRATVI

Genuensium.

13

MAGNA me latitia is nuntius affecit, quo certior  
 factus sum quietis vestrae hostes, qui cōtra vos contraq;  
 presentem vestrae vrbs statum animis insensissimis se  
 armauerant, irritos conatus suos effudisse, vosq; eis for-  
 titer repugnantes magna cum vestralaude & gloria  
 dignitatē vestram fuisse tutatos. Itaque ea de re vobis-  
 cum vere atque ex animo gratulor. Sic enim existimo  
 DEVM Opt. Max. qui rectas hominum bene viuen-  
 tium proborumq; virorum voluntates facile perspicit,  
 acta vestra atque consilia probauisse, statuisseq; ne vobis  
 noceri



noceri ab iniquis atq; improbis posset. Veruntamen quæ-  
niã de Federico Archiepiscopo Salernitano Legato ve-  
stro intellexi eosdem illos hostes nihildum de sua in vos  
improbitate voluntateq; remisisse, atque aliqua etiam-  
num moliri, egi cum Florentinorũ Magistratibus Lau-  
rentioq; Medice fratris mei filio mandarent eis equiti-  
bus atque militibus, qui Pisis sunt, vt ad vos tuendos de-  
fendendosq; contenderent, vobisq; præsto essent, quo tẽ-  
pore quoq; loco iussissetis. Quod si vobis erit opus maiori  
auxilio, Florentinorũ equites militesq;, quotquot ha-  
bent, & nostræ copia omnes ad vos statumq; vestrũ &  
dignitatẽ retinendã atq; oppidum conseruandũ & cõ-  
firmandum celeriter traiciantur. Volo .n. omnes homi-  
nes intelligere me pro vestra salute nõ minus, quã pro  
meis patria q; mea fortunis, laribus, incolumitate labo-  
rare. Quemadmodum cum Federico ipso sum loquutus:  
qui vobis reliqua perscribet. Da. 7. Id. Ian. An. 2. Roma.

Heluetijs.

14

EX Ennij Episcopi Verulani & Gori Gherij Lega-  
torum meorum literis intellexi, vos in fœdere mecum  
quidem prorogando, cum Florentinis autem & cũ mea  
gente atq; familia ineundo nonnihil esse suspensos: non  
quodd dubium vlli sit, quin, quo ardore animi hoc Impe-  
rium Romanosq; Pontifices antehac semper coluistis,  
eorũque auspicijs multa egregia præclaraq; facinora  
gestistis, eodem quoque esse in posterũ statueritis: nã id  
quidem inter omnes iam prope constare significant: sed  
quia de ratione capitũ, quæ in fœdere scribendo firmari  
oportet, inter vos non conuenit, et multi multa afferũt,  
plura immutant, aliqua nec recipiunt quidẽ, eo tardio-

res vos ad rem conficiendam quotidie fieri adscribunt. Qua in re nihil vobis perscribere debeo, quos tã diligo, quam qui maxime, tam coniunctos esse nobiscum puto, vt vestra ipsorũ commoda mihi esse vsui existimem. Puto etiam vos ijs in rebus atque sententijs optimo consilio duci. Illud dico, nostra vtrorũq; maxime interesse, vos in hoc fœdore siue confirmando siue sanciendo non esse lentissimos. Imminet enim nobis omnibus hostis efferus atque perpotens Turca: quem quidem tot prosperissimis successibus atq; victorijs exultantem nisi retuderimus, iam iamq; adierit nostris iniugulis suos gladios cruentaturus, quos modo è necessariorum, quos è propinquo- rum, quos è fratrum suorum abscisis ceruicibus ac prope patris sui cano corpore atque tremulo eduxit. Nam & magnos comparare illum exercitus & ingentẽ classem ornare atq; instruere ad nos perferunt, qui Byzãtio veniunt: quibus vtrisq; rebus simul vti nisi cõtra nos plane non potest. Id veritus rem pulcherrimã illam quidem maximeq; salutarem, sed implicatam ac per difficilem & cogito dudum, et paro, vt pacem inter Christianos Reges omnes atque populos conficiam: speroq; Dei Opt. Max. benignitate atq; munere non frustra me laborare: modo vos vni vestram mihi operã nauetis. Id erit, si quã celerrime hac, qua instãt, fœdera sancietis: quibus constitutis maior mihi erit, apud reliquos Reges autoritas, si vobis socijs eos commonefecero, vt pace atque concordia cum suis hostibus in ta ad profectionẽ sanctam in Turcas comparent. Itaq; à vobis quanto maiore studio possum, peto, vt quemadmodum adhuc quidem maximarum rerũ gestarum Romanis Pontificibus autores

exti-

extitistis, ita nunc etiam nobiscum tam exoptata pacis  
initium & quasi fundamenta iaciatis: vt reliqua, qua  
restant, multo quidem & laudabiliora & magis salu-  
taria, aggredi vnà atq; ad exitum perducere possimus.  
Sed & hac & alia qua oportet, mei vobis Legati expli-  
cabunt. Deum ero, vt qualem nobis mentem erga vos  
dedit, talem vobis esse velit erga nos ad ea celeriter cō-  
muni consilio constituenda, quibus eius maxime nomen  
gloria, cultus, pietas augeatur. Dat. VI. Cal. Februar.  
M. D. XV. Anno secundo. De villa Seueriana.

## FRANCISCO REGI

Galliæ.

15

GRATISSIMAE mihi tua litera fuerunt: quibus  
ostendis assentiri te, vt de Narbonensi Episcopatu, quē  
conferre Iulio Cardinali fratri patrueli meo cupiebam,  
qua vellem, statuerē: omnesq; causas & rationes, quas  
quidem plurimas neque leuissimas colligis, quibus alior-  
sum trahere, desiderio meo te adscribis posthabuisse.  
Quod tamen ipsum etiam ex Episcopi Tricaricensis Le-  
gati mei literis intellexi: qui de tuo propenso, & libera-  
li erga me Cardinalē q; ipsum animo ad nos multa per-  
scripsit. Ea res præter quā quod illum tibi magnopere  
deuinxit, ita mihi grata atq; optata accidit, vt studiū,  
quo tenebamur, vt te, qui quidem plane adolescens ad  
omnium amplissimi nobilissimiq; Regni gubernaculum  
accessisti, & beneuolentia complecteremur, & autori-  
tate nostra confoueremus, non parū medijs fidius auxerit.  
Itaq; intellecta voluntate tua de fratrum meorū E.  
R. Cardinalium sententia eā illi Ecclesiam hodie contra-  
bi. Te autē, quod supersit, hertor, eadem animi liberali-

tate

tate cures vt sine vlllo vel impedimento vel mora negotium conficiatur. Eo et officium erga me Cardinalemq; ipsum tuum, & illius erga te studium, & mea sanè charitas augebitur. Dat. 3. Non. Febr. Anno 2. Roma.

## ALOISIAE REGIS

Gallorum matri.

16

EX legati mei literis intellexi, quanto studio cum Francisco Rege filio tuo egeris, vt is vellet, vt de Episcopatu Narbonensi, cui praeferre Iulium Medicem, Cardinalem fratrem patruelem meum cupiebam, pro nostra voluntate statueremus. Quae res ita mihi atque illi gratia atq; incunda accidit, vt quanquā tu in eo huius Reipublicae. qua tibi quidem pro tua pietate charissima debet esse, dignitatem & auctoritatem es tutata, officiumq; praestitisti optima & praestantissima mulieris, plurimum tamen ex eo tibi debere vterque nostrum facile praeferat: eoq; magis, quod Rex non paucis neque vulgari- bus sanè causis, quae in alia ipsum impellebant, desiderium nostrum praeiulit. Quamobrem scire te plane volo, eo te officio & Cardinalem tibi tuoq; filio deuinxisse, & mox in illum beneuolentiam auxisse. Quemadmodum ab eodem Legato meo latius intelliges. Dat. 3. Non. Februa. Anno secundo. Roma.

## MATTHAEO CARDINALI

Seduno Heluetio.

17

MOLESTE sanè tulimus Maximilianum Mariā Insubrem Duci haberi in custodia iussisse Ioannem Petrum Moronū ciuem Mediolanensem Federici Cardinalis sancti Angeli procuratorem, ea de causa, vt fructus

Qq mena



monasterij Morimundi, quos is Cardinali debet, quiq;  
 apud ipsum sunt, ab eo per vim atq; iniuriā extorqueā-  
 tur: eiusq; te iussione autorem fuisse, quem minime qui-  
 dem decuit, minimeq; opus fuit. Eo de genere toto iniu-  
 riarū tametsi proxime ad te literas dedimus, quibus te  
 hortabamur, velles inferēdis Cardinali detrimentis mo-  
 dum aliquē aliquando tandem statuere: tamen quia nō  
 solum ea te litera nihil mouerunt, sed post eas multo e-  
 tiā, quā antea, grauius atq; iracundius te gessi: has  
 ad te alteras dare literas volui, vt te diligētius commo-  
 uerem, meminisses, Federicū & esse Cardinalem, et  
 haberi, nosq; id Romanāq; Remp. statuisse: neq; esse Re-  
 gem aut pop. Christianum vllum, qui nō ipsum eo nomi-  
 ne appellet. Hac quanti tibi facienda sint, si nescis, cur te  
 fieri Cardinalem appetieris, nō intelligo. Si scis, & ma-  
 gni estimas istā dignitatem, vide, ne quod tibi amplum  
 putas, in altero te minimi facere, non tā vllius vitiū re-  
 darguat, quā sit tuū Quod si reliquæ causæ omnes pa-  
 rum apud te quidem valent, tui te ordinis & dignitatis  
 ratio ab eiusmodi consilio reuocare certe debet: ne tuo  
 exemplo quilibet laceffere reliquos etiā Cardinales or-  
 dinemq; ipsum augustissimū audeat: vnumq; vestrum  
 male habendi licentia ad ceteros facile contemnendos  
 emanet. Hac scripsi impulsus non magis Federici causa,  
 quā amore in te meo mutuaq; nostra beneuolētia. Tu  
 si offensionum iracundiāq; tuā finē feceris, & illum frui  
 monasterij sui fructibus & pensionibus passus fueris, pro-  
 fecto et reliquis Cardinalibus tibiq; ipse cōsules, et huius  
 Reip. dignitati videbere tuas rationes posthabuisse, &  
 mea mandata non despexisse. Dat. 16. Cal. Mar. Anno 2.  
 Roma.

Magistratui Parmæ.

18

VENIT istuc meo iussu Iacobus Corregius, ut in ca-  
stri Gibelli possessione nobis tradenda curet agatq; meo  
nomine, ut res sine armis ex voluntate nostra transiga-  
tur. Quamobrem curabis, ut quoad ipse adire ad eos,  
quorū interest, tractareq; rem possit, omnia suspendan-  
tur, pacatq; sint: eiq; fidem habebis ijs in rebus, quas  
ad te meis verbis deferet. Dat. XV. Cal. Mart. Anno 2.  
Roma.

IOANNI IORDANO

Vrsino.

19

INTELLIMVS inter Aldobrandinum Archie-  
piscopū Nicosiensem & Ludouicum Petilianū Comitē  
germanos fratres disceptationem quandam super Fianā  
oppido rebusq; alijs magno animorum ardore susceptā  
exerceri, timeriq; ab eorum propinquis, ne breui ad a-  
cerbissimas contentiones atq; ad arma prosiliant. Qua-  
re te hortor, atque abs te, tanquam ab homine Vrsina  
gentis facile principe, diligēter peto, cures quamprimū  
desq; operam tuā prudentia, ut ea controuersia compo-  
niatur. Quod si perficere non poteris, utriq; eorum meo  
nomine volo mandes ab altercatione ut abstineant, quo-  
ad ipsi te audito statuere, quæ æqua erunt, possimus. Da-  
t. XV. Cal. Martias. Anno secundo. Roma.

LAVRENTIO TVCCIO

cui Florentino.

20

GRATAE nobis tuæ literæ fuerunt, quibus tuam in  
nos mirificam obseruantiam veteremq; in familiā no-  
stram cultum multo quidem antea nobis & perspectum  
& cognitum facile ostendisti. Itaq; volo existimes, nos

Pg 2 in

*In tua commoda esse propensos, teq<sup>3</sup>, si Romam veneris, libenter visuros: ita tamen, dum id itineris senectutis esse valetudinisq<sup>3</sup>, tua incommodo ne suscipias. Dat. prid. Cal. Mart. Anno secundo. Roma.*

## MAXIMILIANO ROMANO-

*rum Imperatori designato.*

21

*S I vnquam aliâs vlla in re concupiuius impetrare abs te optatos exitus nostræ petitionis, hac vna est, in qua id per te consequi maxime omnium expeto, vt Marco Cornelio Cardinali aliquando remittas atque restituas fructus Ecclesiæ Veronensis cui præest, reliquorumq<sup>3</sup>, sacerdotiorum, quæ in tua ditione habet. Quæ de re non hortor te solum, sed etiam magnopere & vehementer rogo ijs de causis, de quibus ad Thomam Episcopum Feltrinorum des. legatum meum scripsi: cuius ad sermonem, ne bis inscribendo sim longior, te reijcio. His autem literis te rogo, ita mihi respondeas, vt singulas petitionis meæ causas & amanter & prudenter te appareat considerauisse. Dat. 8. Id. Martias. M. D. XV. Anno secundo. Roma.*

## THOMAE EPISCOPO

*Feltrinorum Legato.*

22

*E A quæ ad Maximilianum Imper. desig. de fructibus Ecclesiæ Veronensis & reliquorum sacerdotiorum M. Cornelio Cardinali restituendis breuiter scripsi, ab exemplo mearum ad illum literarum, quæ ad te mitto, quod erit tum his literis cognosces. Quoniã autem magnopere mihi est cordi, neq<sup>3</sup> solũ cordi est, sed mea etiã interest, vt res ad optatum exitũ perducatur, volo captes obseruesq<sup>3</sup>, tempus id, quo tempore nihil te ab eo non impe-*

impetraturū possis confidere, literas meas ei reddendi:  
ijsq; redditis petitionem meam tuis tū verbis tum pre-  
cibus quantū maxime poteris, accuratè atque appositè  
subsequare, cuius tui cū illo sermonis illud sit caput: me  
pro Cardinali Cornelio nō tātōpere laborare solummo-  
do, quia Cardinalis sit: quanquā id quidē & me mouet  
maxime, & illius etiam animum mouere et flectere sa-  
nè debet: vel quia fratrum meorum E.R. Cardinalium  
vniuersus senatus precibus omnibus, ex postulationibus,  
contentionibus prope quotidie hac de re nos appellet, at-  
que vt eius ordinis iura auctoritatēq; ne prodamus, à  
nobis non tam petat, quā etiā exigat: quibus quidem  
tā assidue tantoq; opere aqua præsertim petentibus de-  
esse nullo pacto possum: sed etiam propterea, quod & ip-  
se quidem de me optime amplissimēq; promeritus, &  
quod ei maiorem huius mei Pontificatus partem sanè de-  
heo. Ea enim is in nobis Reip. præficiendis egit cura stu-  
dio diligētia labore animiq; sui motibus omnibus & sen-  
sibus, vt illi multo maximā eius rei gratiam habeamus.  
Quanquam quidem, vt pergā ad reliqua, diu est, quod  
cum illo, tanquam cum fratre optimo atq; iucundissimo  
vivo omniaq; fraterna germanaq; beneuolentia studia  
atq; officia inter nos exercētur. Nunc autem ad priorē  
veteremq; nostram necessitudinē amoremq; mutuū ad-  
ditis ingentibus illius meritis ita est mihi animoq; meo  
gratus, nihil vt addi posse ad nostram coniunctionem vi-  
deatur. Itaq; meo à latere ferè nunquā discedit. Quo-  
niā autem ademptis ei distractisq; ijs, quos dixi, fructi-  
bus, alere sese ipse non potest, alo eum ego atq; sustento  
impensa mea. Quod et si libentissime facio est tamen mi-



hi, vt verissimè dicam, permolesta perq̃ grauis eius im-  
 pensa causa: praesertim cū eius rei is sit autor, à quo sub-  
 lenari me in rebus etiam dubie iustis pro meo in illum  
 singulari amore atq̃ beneuolentia aquisissimum profecto  
 esset, nedum in hac, in qua certe ipsa rectus mos, consue-  
 tudo, ius omne, aequitas omnis, pudor ipse, pietasq̃ inest,  
 debeam. Neq̃ enim obesse Cardinali debet, quod Vene-  
 tus natione sit: cum ipse ita moderate omnibus in rebus  
 quae ad Maximilianū pertineant, ita temperate, ita non  
 ambitiose semper se gesserit, vt indignissimum planè sit,  
 cum ipse in illum nihil omnino agat, nihil cogitet, debitū  
 etiam illi cultum & obseruantia praeseferat: suase vi-  
 ta atque victus alimenta atq̃ praesidia, quoniam ab illo  
 interceptantur, desiderare. Quam indignitatem reliqui  
 Cardinales omnes periniquo animo cum ferant, ea de-  
 re ita apud me cōtendunt, vt dixi prope quotidie, vt qui  
 libet suam se causam agere in Cardinalis causa, quilibet  
 pro seipso laborare atque niti existimet. Timent enim  
 & verentur maxime, sibi quoq̃ aliquando idem ne ac-  
 cidat alijs ab Regibus, si Cardinalis Cornelij dignitas cū  
 Reip. dignitate coniuncta per nos hac in re atque causa  
 negligatur. Itaq̃ quod initio dixeram, non tam moue-  
 ri me ceterorū Cardinalium causa & precibus ad fru-  
 ctus Cornelianos procurandos: nunc mehercule, vt iam  
 liberius dicam quod sentio non moueri modo fateor ea  
 mere & concuti, sed planè etiam conuelli magnopereq̃  
 perturbari. Neq̃ enim suslinere illos iam, meq̃ ab eorū  
 & iustis & quotidianis querelis tueri possim. His omni-  
 bus de causis petere te ab illo meis verbis atque precibus  
 volo, vt me quidem hac animi sollicitudine, his impensis

atque onere, se verò ea calumnia, atq; etiam hac molestia liberet: neque enim ab incepto possum, nisi re impetrata desistere. Itaq; remittat aliquando tandem Cardinali Cornelio eos, de quibus loquimur, fructus, vel iustitia, quā vnus omnium maxime atque sanctissima omni tempore coluit, vel sacri Cardinalium ordinis & collegij, quod apud omnes homines augustissimum semper fuit, vel huius Reip. dignitatis: quam tueri ipse in primis debet, vel mea demum causa, qui illam tant opere amotantiq; facio, vel simul omniū. Atque mea quidem certe causa non ea modo, quo illi atque alijs Regibus commendare saepe multos soleo, sed quo agerē, si pro Iuliano Medice fratre germano meo, vel etiam si pro ipso me, quantum & pro me ago, hac in re atque causa laborarē. Id si fecerit, confirmabit ille quidem in omnium hominum mentibus atque sermonibus existimationem, quam alit, liberalissimi Regis atq; iustissimi. De Cardinali Cornelio autē deq; ceteris Cardinalibus optime morebitur. Ego verò id eo loci apud meum animū atq; memoria sensum reponam, vt eius in rebus & postulationibus, si quid acciderit, in quo me quoque ipse velit sibi petenti satisfacere, vt sunt omniū rerum vices, facile appareat, mihi se in eo fecisse gratissimū. Ex his verbis potes facile prospicere quantum prudentia, studij, diligentia sit abs te adhibendum, vt res ex sententia transigatur. Itaq; nō erimus longiores. Vnū addam, quanti me facis, tantundem hoc in negotio & procurando & conficiendo tute labora. Dat. 8. Id. Mart. M. D. XV. Anno. 2. Roma.

VLADISLAO REGI

Pannoniæ.

23

Lq

4

CVM

CV M & Reip. Christiana dignitas, & tui regni atque populorū salus in eo mihi versari hoc tempore maxime videretur, si certa in Illyrico atque Croacia municipia Turcis exposita loci natura satis ad resistendum idonea, etiam hominum opibus atq; praesidijs munirentur: Vincentio Ototiensium Episcopo & Iulio Cortonēsi procuratoribus meis mandavi, vt eam curam susciperent, eoq; se conferrent, quā celerrime fieri posset. Eis magnum tritici numerum, magnū hordei illò comportandum iussi dari, puluerisq; perfecti ad tormenta impellenda libras mille: sulphuris prater ea libras decies mille: salis nitri quinquies mille: quibus ex rebus puluis, si esset opus, confici posset. Tormenta etiam varij generis aliquot. Atque ijs quidem rebus omnibus curata pecunia adieci nummos aureos vices centum: qua pecunia quibusq; rebus ex Episcopi Vespriemensium Croacia praefecti sententia & consilio vterentur. Audio autem opera pretium esse maxime quidem certe vt moenia eorum oppidorum reficiantur, & vallo ac fossa praeingantur, sed si quid esset aliud, quod vel edificari, vel muniri oporteret, id eos ita iussi procurare, si Episcopus Vespriemensem mandauisset. Te autem magnopere hortor, vt quā ad te pecuniam ex Reipub. propediem ex arario sum missurus, qua quidem erit ad vices mille aureorū nummūm, eius multo maximam insumas partem illis in locis & municipijs, & firmandis, & communiendis. Hac cum me videas pro tua tuorumq; incolumitate laborare, quid te ipsum facere Vladislāe oporteat, facile iudicabis. Itaque non ero longior. Dat. 3. Cal. April. M. D. XV. Anno tertio. Roma.

## EPISCOPO VESPRIMENSIVM

Præfecto Croatiae.

24

DEDI ad Vladislaum Pannonia Regem Vincentio Ototiensium Episcopo & Ghilio Cortoniensi interpretibus & procuratoribus meis literas: quos ad certa Illyrici Croaciaeque municipia, ut scis, & firmanda, & munienda ad Turcarum impetus sustinendos mitto petente maxime, & monente te: quibus ex literis quantos labores, quantas etiam impensas susceperim, facile intelliges. Nunc te hortor, ut quando in eam procuracionem atque curam te autore sum ingressus, cuius prudentia atque in rebus gerendis experientia plurimum tribuo: quibuscumque in rebus esse illis vsui poterit virtus autoritasque tua, eos iuves, Ghiliumque praesertim, cui madaui, tuo ut consilio muniendis illis oppidis, & bello, si forte in aliquem tumultum eorum aduentus incideret, administrando & ducendo vteretur. Id facere te oportet cum Reipu. Christiana, cuius res agitur, causa, tum tua, quo impulsore vsus sum, tum verò etiam mea: qui te secundum Regem tanti facio, ut tibi tota ista in regione latissima atque populosissima praeferam neminem. Dat. 3. Cal. April. M. D. XV. Anno tertio. Roma.

## LEONARDO LAVREDANO

Venetiarum Principi.

25

MITTO ad certa Illyrici Croaciaeque oppida, Turcarum incurfionibus exposita, Vincentium Episcopum Ototiensium & Ghilium Cortonensem procuratores meos cum commeatu armamentisque, ut ea bene atque celeriter muniant: ijsque madaui, ut omnem diligentiam adhiberent, ne quid illis in locis detrimenti Res Christia-



na pub. acciperet. Quare te hortor, mandes quamprimum tuis magistratibus, quos in Illyrico habes, ut quibuscunque in rebus ferre opem meis procuratoribus poterunt, ut mandata nostra facilius atque celerius conficiant, illis præsto sint: maximeque in calce reliquaque materia atque operis ad fossas, vallum, mœnia vel sarcinæda, vel exædificanda subministrandis: recipiantque ac seruent ea omnia fideliter, quæ à nobis secum ferent, quoad illa ulterius deportari opus sit. Demum ita se gerant, ut ea cura, quam ad communem Christi populorum utilitatem suscipio, quantum maxime potest, proficiat. Dat. 3. Cal. April. M. D. XV. Anno tertio. Roma.

## EMERICO PANNONIAE

Palatino Principi.

26

LEGI tuas literas, quibus & tuam in nos mirificam voluntatem & in Romanam Remp singularem cultum pietatemque præ te feres. Quarum duarum rerum animique tui propensionum & inductionum quæ ad me pertinet, valde mihi grata est, quæ ad Remp. ea etiam sancta & vehementer probata & mihi esse debet & bonis omnibus. Itaque de utraque valde te amo. Quod ut etiam apertius scire possis, exemplum literarum, quas ad Vladislaum Regem dedi, tibi describi iussi, tum ut quam curam pro Christianæ Reipub. dignitate tuenda suscepi, ea ne te lateret: tum etiam ut te hortarer, ut communem causam apud Regem ipsum iuuares autoritate tua & gratia, ut quas impensas fecissem pro istius regni maxime salute atque gloria, ea quam fructuosissima essent futura. Ceterum quod ad Episcopatum Varadiensem attinet, cui postulas ut filium tuum velim præficere, est illius  
quidem

quidem certe et as ad id ponderis sustinendum imbecillior: sed quia te, ut dixi, valde amo, dabo operam, ut quanto aptius & citius pro nostra dignitate fieri possit, satis appareat tuam apud me auctoritatem plurimum valuisse. Dat. Cal. April. M. D. XV. Anno tertio. Roma.

Nicolao Leonicensi. 27

LITTERAS tuas quibus literis egregiam & singularem tuam in me observantiam doctè sanè luculenterq; ostendisti, legi libentissime: tuumq; studium mihi operam nauandi, si qua in re uti vellem, in illis agnoui: quod mihi gratissimum fuit. Te verò & amaui profecto omni tempore, multiplicemq; & excellentem in optimarum artium studijs doctrinam tuam magni, ut debui, feci: & nunc etiam Petri Bembi scribe à Latinis mei, qui te mirificè diligit, & Ferraria in Prodominatu patris sui admodum adolescens cū esset, de tuo pleno fonte hausisse se præcepta philosophiæ dictitat, riuulumq; duxisse, apud me habito multa cum tua laude sermone facile adducor, ut ad priorem meam in te beneuolentiā magno addito cumulo vnice te cōplectar & prosequar: cupidusq; sin ornandi tui meritis & præmijs & laudibus. Id te scire volui, ut si quid esset, in quo tibi & vsui & ornamento esse posset amor erga te meus, consideres te à me omnia, quæ velles, posse consequi. Dat. 4. Non. April. Anno tertio. Roma.

LEONARDO LAVREDANO

Venetiarum Principi. 28

EGREGIA singularisq; probitas, prudentia, virtus, atque in agendis tractandisq; rebus istius Reipub. summa

summa cum lenitate coniuncta tum grauitas tum etiā diligentia Petri Landi Legati tui eum nobis magnopere commendarunt. Itaq; & hoc tempore toto, quo eum apud me esse voluisti, magno amore hominem sum complexus, & vidi atque audiui vsquequaq; libentissime: et nunc ad te atque ad patriam iussu tuo reuertentem his prosequi literis volui, tanquā testibus & nostrā in illum voluntatis, & muneris non solum prudenter, sed etiam praestanti modestia, integritate, studio acti ab illo cum magna tua semper tuaq; Reip. & Senatus istius laude ac dignitate. Quae quidem res officijq; perfunctio chariorem tibi illum reddere sanè debet. Ipsum autem redire nunc ad te eo nobis minus molestum est, quo aliquot iam menses sunt, cū is Romae incommoda valetudine utitur. Sperat autem se, cum istuc atque ad suos redierit, facile conualiturum. Quae spes ne eum fallat, DEVM Opt. Max. precor. Tibi verò illum Senatuq; isti, non quod existimem ciuem vestrum optimum hominem & prudentem virum deq; vobis optime meritum apud vos commendatione mea egere, sed vt mihi ipse charitatiq; in illum mea morem geram, summopere atque diligentissime me commendo. Dat. 8. Id April. Anno tertio. Roma.

## MAXIMILIANO MARIAE

Mediolanensium Duci.

29

ALTERIS meis literis hortatus te sum vt Paula Gonzaga id, quod ratione dotis ei debetur, dari iuberes vel aequitatis causa, cuius esse minister in primis debes, vel mea, qui eius fratrem clarum & praestantem virum vnice diligo: vt se sustentare, & celibatum, in quo aliquot iam annos est, ducere honestius atque commo-

dius

dius possit. Quod quidem te facturum vel propterea cōfidebam, quod nihil esse prope intelligebam favore atq; tutela maximorum hominum & virorū principum dignius viduis mulieribus, quibus sanè omnium gentium leges, mores, consuetudines plurimum tribuunt. Verum cum prater spem expectationemq; nostram nihil abs te curatum, nihil mandatum ea in re adhuc quidem sit, credo, quod occupationes magna tua cogitationem tibi illam eripuerint: non enim arbitror nihil te tribuere meis commendationibus voluisse: iterum te & hortor, & planè rogo, velis dare operam, vt mulieri satisfiat. Omnino eam remita tibi commendo, vt etiam cupiam te in ea procuranda diligentiores esse, quàm in causa ipsa postulat: vt ostendas me à te pluris, quàm cetera, fieri. Dat. 12. Cal. Maias. Anno. 3. Roma.

## PHILIPPO GVALTEROTTO

ciui Florentino.

30

ALLATVM ad nos est te apud animum tuū proposuisse, vnicam filiam tuam Raphaëli Medici gentili meo nuptui velle tradere: quod mihi admodum incundum fuit. Nam & Rafaëlem ipsum valde diligo, & te facio, vt i deo, plurimi. Quare tuo hac voluntas mihi vehementer probatur: scireq; te volo, nuptias istas si confeceris, cum me nuntium libentissime auditurum. Deum autem in primis precor, vt qua tibi & filia domuiq; tuae, atque illi nobisq; omnibus vsui & voluptati futura sint, ea per te hoc in negotio transigantur. Dat. Cal. Maijs. Anno tertio. Roma.

## LATINO IUVENALI

familiari meo.

31

CV M



CV M magnopere cupiam, vt simultates ac belli se-  
mina inter Maximilianum Mariam Mediolanensem  
Ducem & Octavianū Ducem Genuensium populūq;  
Heluetiorum exorta iam atque iactata pro communi  
bono atque ipsarum partiū statu per me adiutore Dō-  
mino quā celerrime sopiantur & aboleantur: mando  
tibi de cuius fide atq; in agendis rebus experientia ma-  
gnopere confido, vt magnis itineribus ad Maximilianū  
quidem primum, deinde ad Heluetiorum eos pagos, qui  
militiam in Italia faciunt, demum Genuam te confe-  
ras: omneq; tuum studium diligentiam, curam, laborē  
adhibeas, vt pacem inter illos omnes firmare atque con-  
ficere possis. Pro qua consificienda rebusq; constituendis  
siquid meis te verbis promittere atque recipere siue v-  
ni, siue alteri eorum, siue planē omnibus oportebit: id  
omne, quod promiseris quodq; receperis, ratum & gra-  
tum me habiturum, fidemq; tuam in eo præstaturū, om-  
niaq; illa, qua tu egeris, probaturū, hoc meo chirogra-  
pho polliceor & spondeo. Da. 15. Cal. Iu. Anno 3. Roma.

## OCTAVIANO GENVENSIVM

Duci & Federico Archiepiscopo Saler-  
nitanorum fratribus.

32

QV A de causa Latinum Iuuenalem familiarem  
meum adolescentem probitate atque virtutibus prædi-  
tum ad vos miserim, ipse vobis exponet. Quoniā autem  
simultates odiq; semina, qua inter vos & Ducem Me-  
diolanensem populūq; Heluetiorum nimis iam &  
diu & acriter iactantur, sine graui & vestra vrbis &  
totius Italia incommodo vltius progredi exerceriq;  
non possunt: pro mea in vos charitate etiā atque etiani

A. V. G.

à vobis peto, animum & mentem inducat is ad ea statu-  
enda, qua mihi, qui propterea quod absum ab earum re-  
rum culpa longius, iudicare recte possum, fore vobis &  
vsi & dignitati & certe otio magnopere videntur.  
Non enim, vt bene vobis atque feliciter sit minus labo-  
ro, quam si vel pro patria ipsa mea, vel hoc pro Imperio  
Romanaq; repub. eam curam suscepissem. Dat. XV. Cal.  
Iun. Anno tertio. Roma.

## RAIMVNDŌ CARDONAE

Proregi Neapolis.

35

NON vni ad me nuntij, rumor etiam ipse attulit,  
esse quosdam, qui in huius Reip. ditionē inuadere armis  
cogitent, Parmamq; atque Placentiam in primis. Quod  
et si non queo credere: recta enim sentio de omnibus: ta-  
men ne prorsus imparati offendamur, si quispiam erit,  
qui male cogitata exequi cupiat, peto à te, cuius in me  
remq; hanc publicam pietatem animiq; magnitudinē,  
inēq; paucis & grauissimis in rebus sum expertus, velis  
Iacobo Gambaro, quem ea de causa ad te venire iussi,  
eam militum tuorum manum tradere ad ea municipia  
inunienda, quam is à te requireret. Pluribus verbis non v-  
tar cum propterea, quod te eius sceleris, quod paratur,  
si modo quisquam est, qui tantum ad scelus se compa-  
ret, ipsa indignitate permotum excitari per tete atque  
ardere animo puto: tum quia tota de re Bernardus Bi-  
biena Cardinalis meo iussu literas ad te dabat, cum hac  
scriberem. Dat. 6. Cal. Iun. Anno tertio. Roma.

## FABRITIO MAGNO

Rhodi Magistro.

36

CLEMENS Rhodius metropolitae tum tua, tum  
verò

verò maxime Ioannis Lascaris familiaris mei docti hominis commendatione & gratus mihi est & probatus sic, ut eum item tibi ipse eiusq; res commendare facile statuerim. Nota tibi esse arbitror, quæ à me proxime concessa & condonata illi fuerunt. Ea ne ipsi abrogari ullis ab hominibus, neque iniuriam fieri permittas, abs te peto. Dat. 3. Cal. Iun. Anno tertio. Roma.

## OCTAVIANO GENVENSIUM

Duci & Federico Archiepiscopo Salernitanorum fratribus.

35

QUONIAM quod tantopere cupiebā, de pace nihil esse adhuc confectum & constitutum video: has ad vos literas dedi, ne ea de causæ rem posse confici diffideretis, aliāq; cogitanda vobis esse atq; statuenda existimaretis. Nam & ea in re nihil prætermittam vel studij vel diligentia vel laboris, tentaboq; omnia & moliar: in quo nihil dum etiam eiusmodi video, prorsus ut sit desperandum: & si erit is meus inanis atq; irritus de pace labor & cogitatio, tum illud aggrediar, quod quidem mihi præripere vestrorum inimicorū nullus poterit: atq; ad vos oppidumq; & dignitatem vestram tuendam & conseruandam omnes meas, omnes Florentinorum copias, quæ quidem sunt paratissimæ, statim mittā: ostendamq; omnibus hominibus, quanti vos vnos faciā, quiq; sit meus erga vos sensus, studium, beneuolentia. Quare volo bono vos atq; magno animo esse. Quin etiam ut cogitationes meas omnes clarius atq; planius intelligeretis, Ioannem Vespuccium familiarem meum magnis ad vos itineribus hic cum literis venire iussi, qui mentē vobis nostram explicaret. Dat. 3. Cal. Iun. Anno 3. Roma.

IOAN

IOANNI BLASSIAE TRIRE-

MIVM PRAEFECTO. 36

MANDAVI Ioanni Vespuccio, quem ad octavianum Genversum Ducem & Federicum archiepiscopum Salernitanorum fratres misi, ut ad te scimonem meum, quem cum eo habui, perferret, is de rebus, quas te scire magnopere cupio. Cuius illud caput est, ut hanc ad oram littoraq; nostra à piratis & praeganda & minuenda cum is nostris triribus, quas nunc quidem tecum habes, Centuncellas navigatione non intermissa te conferas. Datum tertio Calend. Iun. Anno tertio. Roma.

SIGISMUNDO TROTTO

FERRARIENSI. 37

QUAM ad me scriptam probe sane & multa musicae artis suavitatem atque dulcedinem aspersam cantilenam attulit Vincentius Mutinensis missam abs te mihi, ea me reliquosq; quos habeo multos, ut scis, ea in re doctos homines oblectavit tenuitq; plurimum. Mirifice enim placuit, visq; est eiusmodi, ut nihil ei ad aurium delectationem animosq; permulcendos prope deesset, ita vocum inflectione, varietate, concinnitate, artificio deniq; omni & temperamento continebatur. Quae in re & tuam in me observantiam & optimum is in rebus sensum & iudicium animi ingeniq; tui profecto agnouit. Itaq; ista tua diligentia cum de veteribus tuis missis ad me scriptis cantibus, tum de hoc nouo, mihi valde grata est. Quod te scire volui, ut consideres, me de te & remunerando et ornando cogitare. Dat. v. id. Iun. M. D. X V. Anno tertio. Roma.

Rr FLO.



VALDE mihi opus est eis libris, quos Angelus Politanus à perueteribus illis qui à vobis publice afferuantur, Iustinianarum legum & degestorum libris, quos Pandectas vocant, sua ipse manu descripsit. Qui quoniam apud vos sunt, vos hortor, vt eos Laurentio Medici fratris mei filio mihi mittendos dari iubeatis. Eos vobis, cum vsus fuero, statim remittam. Dat. x v. Cal. Iul. Anno tertio. Roma.

LAVRENTIO MEDICI. 39

PROFICISCENTI Florentiam Francisco Saluiato deesse nolui, quominus scriberem ad te, dares operam vt a suis creditoribus insigni aliqua molestia ne afficeretur: maximeq; eam ob causam, ne quid ex suis fortunis rebusq; ijs, quæ moueri solo nequeunt, siue insulam, siue fundum, vendere atque distrabere cogeretur. Itaq; erit mihi sane quàm gratum, valde enim hominem diligo, vt facilitate prudentiaq; tua eius cum creditoribus ita agas, vt malum malo ne addant, comentiq; sint vt eius rei modus aliquis & ratio amice ineatur: quemadmodum tibi esse aptius expeditusq; videbitur. Quod quidem creditores velle ipsi cum propterea debebunt, quod est Franciscus plane soluendo, tum etiam quòd ipse adiumento illi esse, eamq; solutionem mea pecunia explicitiorem facere cogito. Dat. x i. Cal. Iul. Anno tertio. Roma.

LVDOVICO AREOSTO

FERRARIENSI.

40

SINGVLARIS tua perq; vetus erga me familiamq; meam beneuolentia, egregiaq; bonarum artium & lite-

& literarum doctrina atq; in studijs mitioribus præsertim poëtices eligans ac præclarum ingenium iure prope suo exposcere videntur, ut quæ tibi vsui futura sunt, iusta præsertim et honesta petenti, ea tibi à me nō libenter modo, sed etiam liberaliter concedantur. Quare cum libros vernaculo sermone et carmine de gestis errantium, quos appellant, equi tum ludicro more, longo tamen studio & multorum annorum cura vigilisq; conseceris, eosq; conductis abs te impressoribus edere in manus hominum statueris, ut ea tua diligentia probiores exeant, tum ut si quis fructus ea ex re percipi potest, is ad te potius, qui conficiendi poematis laborem & perperessus, quam ad alienos deferatur: edico et mando ne quis te viuente eos tuos libros imprimere, aut impressos vendicare, vllis in locis audeat sine tuo iussu & voluntate. Qui contra mandatum hoc nostrum fecerit, admiserit, is vniuersæ Dei Ecclesiæ toto orbe terrarum expers esto. Dat. XII. Cal. Iul. Anno tertio. Roma.

FRANCISCO MARIAE VR-  
BINATIVM DVCI. 41

IOANNI Maria Mutinensi internuntio tuo mandavi, ageret tecum, tuas ut copias esse paratas ad professionē iuberet, efficeretq; ut essent quamoptime quamq; celerrime instructæ. Eumq; ad te venire iussi tum hac de causa, tum ut te de meo beneuolo in te paternoq; animo et voluntate coram certiore faceret. Quare te hortor, ut et charitatem erga te meam & hominū de te spem q̄ excitasti, fide cura diligentiaq; tua in Reip. negotijs administradis mandatisq; meis explicandis & consiciendis hac in iuuenili tua surgentiq; adhuc ætate atque florenti

non confirmes modo, sed etiam augeas. Decimo Calen.  
Iul. Anno tertio. Roma.

## ANTONIO SANCTAE

CRVCIS.

42

CVM de tua in bellicis rebus virtute & fide magnopere posse me confidere existimem, ut libentius cum res exigat, mihi praesto sis, ornatioꝝq; te, quo eris iussus, conferas: sexcentorum nummum aureorum pensionem in annos singulos stipendij nomine tibi ut dent ararij Quaestoribus mando: ita quidem, ut quarto quoq; mense tibi vel tuis procuratoribus eius summa tertiam partem persoluant. Datum Decimo Calen. Iul. Anno tertio. Roma.

## POPVLONIAE DOMINO.

43

ET tuam fortitudinem bellis exercendis, & vigilantiam atque solertiam administrandis, & fidem animiq; tui sensum vel ardorem potius nobis & colendis & obseruandis plurimi sane facio. Id clarius atque apertius intelligas, atque etiam ut mihi maiori esse vsui, cum opus erit, possis, ad quinquies mille nummorum aureorum pensionem annis tibi singulis ab ararij Quaestoribus iubeo dari. Tu vero ita te geres, ut facile ostendas te magnam curam exercere, ut & sanguinis propinquitati, qua nobiscum es coniunctus, & tuae dignitati, & expectationi nostrae maxime satisfacias. Dat. XII. Calen. Iul. Anno tertio. Roma.

## BERNARDO BIBIENAE

CARDINALI.

44

CVM omnium, quas in Pontificatu curas gerimus, ea non postrema sit, ut Mariae semper virginis Dominiq; nostri

nostri matris Lauretana phanum augustissimum, quod magnis sumptibus atque impensa multos iam annos à Romanis Pontificibus construitur, qua maxime conuenit diligentia & studio conficiatur, eiusq; phani prouentus probe custodiantur, reliquaq; omnia, quæ ad ipsius Virginis matris cultum lociq; religionem non solum retinendam, sed longe etiam, si fieri possit, ad augendam atque amplificandam pertinent, recte administrantur, ipsius te Lauretani templi, ædificatio, domus, loci, prouentuum omnis generis, eiusq; templi adificationis, cultus, curationis, ministrorum, operumq; omnium procuratorem facio. De tua enim in Diuam pietate, in rem Romanam studio, in me autem, cui quidem familiæq; meæ omnia penè vsque à puero summa cum integritatis & fidei tum verè curæ atque diligentia egregia & præclara officia præstitisti, peruertere obseruantia voluntateq; admonitus, nihil est rerum omnium, quod tibi recte mandari crediq; posse non existimem. Itaq; tibi in eo procurationis munere obeundo eandem potestatem idemq; ius largior integ; transfero agendi omnia, mandandi, statuendi, quæ potestas quodq; ius mihi, idem si agerem, mandarem, statuerem, profecto esset. Quare tuum erit, qui virtute atq; ingenio sic abundas, nemo tibi in vtrisque vt præferatur, in singulis æquentur pauci, eum magistratum ita gerere, vt & phanum illud apud omnes homines plus in dies venerationis & celebritatis acquirat, & mihi extet fructus laboris & industriae tuæ. Dat. Calen. Iul. M. D. XV. Anno tertio. Roma.

LEONARDO LAVREDANO

VENETIARVM PRINCIPI. 45

Rr 3

CVM



CUM exisumarem propter ea, quae tibi fœdera cum Turcarum Rege sunt, non posse te aperte quicquam atq<sup>3</sup> palam contra illos moliri: eorum autem latrocinij & incursionibus, quas creberrime faciunt, per me ipse ire obuiam, oppositaq<sup>3</sup> illis loca nostra communire atque defendere cuperem: statui triemes aliquot, quae Anconi fabricata sunt, deducere et ornare eam ob causam. Quare abs te peto, ut tormenta bellica, ceteraq<sup>3</sup> armamenta, quae ad naues eas instruendas satis sint, mihi commodas. Ea de re Augustinum Beatianum familiarem meum & ciuem tuum probum ipsum virum & ingenio doctrinaq<sup>3</sup> praestantem ad te mitto: qui tibi mentem meam latius explicabit. Cui etiam mandavi, ut certos Græcorum libros, quibus egeo, Venetijs perquireret. Lain re si illum iuueris, erit mihi gratum. Dat. tertio Non. Iulias. Anno tertio. Roma.

RAFAELO PETRUTIO EPL

SCOPO GROSSETANORVM

ROMANAE ARCIS

Praefecto.

46

UT amoris erga te mei atque beneuolentia, & eius cura, quam in Romana arce custodienda mihi impendis fructum aliquem iam nunc percipias: Carrantianam domum meam cum hortis, quae ad Portam Vaticanam egressis urbem prima omnium sese ostentat, tibi dono do, trado: eamq<sup>3</sup> domum cum hortis tuam esse volo, ita tamen, ut heredes tuos ne sequatur. Dat. XIII. Cal. Arg. Anno tertio. Roma.

RAIMUNDO CARDONAE

PROREGI NEAPOLIS.

47

DEDI

DEDI ad M. Antonium Columnnam meum Praefectum equitum literas, quibus ei mando, ut cum suis equitibus centum & quinquaginta tot enim sunt, Veronam se quam celerissime conferat. Quamobrem te hortor, ut eos equites, qui Verona sunt, quorum praefecturas Mutius Columnna & Troilus Sabellus gerunt, proficisci Parmam atq; Placentiam iubeas per Mantuanum agrum, aut qua securius posse eos iter facere intelliges: sed ita ut omnem profectionis opportunitatem in celeritate positam existiment. Dat. VII. Idib. August. M. D. XV. Anno tertio. Roma.

FRANCISCO GALLO.

RVM REGI. 48

GVISIAE Dominum consiliarium tuum prudentem sane hominem & grauem ac eloquentem virum, ad nos cum mandatis abs te missum libenter vidimus horas aliquot, cui ad te redire festinanti bonum reditum sum precatus. Eorum, quae me rogas, quantam tibi partem concesserim, ab ipso intelliges. Equidem omni tempore paternam tui curam & rationem habui: sumq; posthac honesta praesertim postulantis & quibus Reip. dignitas coniuncta sit, quae quidem mihi mea vita est charior, sic habiturus, ut facile cognosci possit, nullius apud me hominis auctoritatem plus valere, quam tuam. Datum VII. Id. Aug. Anno tertio. Roma.

FRANCISCO MARIAE ME-

TAVRENSIVM DVCI. 49

ET si in dubium mihi non venit pro tua in me voluntate animiq; tui magnitudine, quin omnem sis celeritatem adhibiturus, ut quemadmodum tibi mandavi.

Rr. 4

Inter-

Intermittiturq; tuus te facturum mihi recepit, cum tua manu quam primum Placentiam te conferas: tamen magnitudo rei facit, ut etiam atq; etiam te de eo et monendum & hortandum putem. Itaque summopere tibi sum auctor, ut quavis maxime potes itineribus eò te conferas. Nam cum maximi quidem interest te cum tuis copys ibi presto esse: tum verò in tua tuorumq; celeritate totius rei pondus atque summam esse positam debes existimare. Quare maiorem in modum contendendum tibi est, ut de aduentu illuc tuo quem admodum quidem res postulat, quamprimum certior fieri possim. Datum IIII.

Id. Aug. Anno tertio. Roma.

### PROLEGATO VMBRIÆ. 50

R V M O R est, ex tua provincia multos quotidie proficisci, ut cum exteris Regulis militiam faciant. Quo cum nihil esse possit indignius: pertinet enim ad maiestatem huius imperij, suos homines atq; milites sibi potius, quam alienis nationibus vsui esse, mando tibi, eam profectiorem prohibeas studio diligentiaq; tua: edicasq; ne quissiam ad militiam exercendam alio se conferat. Qui secus fecerit, ei lese maiestatis poena esto. Quod si erunt posthac in tua provincia, qui abutuntur parent, dabis operam ut capiantur & puniantur. Dat. XVII. Cal. Sept. Anno tertio. Roma.

### RAPHAELO VRBI-

NATI.

51

CUM ad Principis Apostolorum Phanum Romanum exadificandum maxime inter sit, ut lapidum mar-morisq; copia, qua abundare nos oportet, domi potius habeatur, quam peregre aduehatur: exploratum autem mihi

mibi sit magnam eius rei facultatem Urbis ruinas suppeditare, effodiq; passim omnis generis saxa serè ab omnibus, qui Roma, quiq; etiam prope Romam edificare aliquid vel omnino terram vertere parumper moliantur. Te quo magistro eius adificationis utor, marmorum & lapidum omnium: qui Roma, quiq; extra Romam denum millium passuum spatio posthac eruentur, praefectum facio ea de causa, ut quae ad eius phani adificationem idonea erunt, mibi emas. Quare mando omnibus hominibus mediocribus summis infimis, quae posthac marmora quaq; saxa omnis generis intra eum, quem dixi, loci spatium eruent, effodient, ut te earum rerum praefectum de singulis erutus effosque quamprimum certior rem faciant. Id qui triduo non fecerit, ei à centum usq; ad tercentum nummum aureorum quae tibi videbitur multa esto. Præterea quoniam certior sum factus multum antiqui marmoris & saxi literis monumentisq; incisi, quae quidem saepe monumenta notam aliquam egregiam præ se ferunt, quaq; seruari operapretium esset ad cultum literarum Romaniq; sermonis elegantiam excolendam, à fabris marmorarijs eo pro materia utentibus temere secari ita, ut inscriptiones aboleantur: mando omnibus, qui cadendi marmoris artem Roma exercent, ut sine tuo iussu aut permissu lapidem vllum inscripant eadere secare ne audeant, eadem illi multa adhibita, qui secus atq; inbeo fecerit. Dat. VI. Calend. Septemb. Anno tertio. Roma.

FERDINANDO HISPANIAE REGI.

EXCVSATIONEM, quam affers, cur Episcopus

Rr 5 Malacit



Malacitanus venire ad me hoc tempore non possit, libenter accipio. Estq; id, quod scribis, verum. Nam si quo ei tempore per literas mandavi, vt Romam se conferret scire potuissem te illi munus aliquod mandauisse, ipsumq; in Regni tui tractandis administrandisq; rebus occupatum versari, eiusmodi ad eum literas profecto non dedissem. Præter enim quàm quoddam ea, quæ tibi negotium aliquod aut incommodum asserunt, mihi esse vsui nequaquam possunt: hominem etiam valde diligo: estq; mihi cum illo consuetudo sanè peruetus: vt gratum mihi atq; iucundum sit intellexisse eius te opera magnis in rebus vti. Itaque hoc illi via atque itineris duplici de causa æquo animo remitto, & quod ei bene atque honorifice apud te esse mihi gratum est, & quod tibi, vt scribis, eius est & opera & industria domi cum iucunda, tum fructuosa. Dat. V. Cal. Septemb. Anno tertio. Roma.

## H E L V E T I I S.

53

ANNIBALEM Rangonium Præfectum Prætoriorum equitum eiusq; cohortis, quæ tota ex vestris militibus vtimur, & præstantis animi iuuenem, & mihi in primis gratum, venire ad vos ea de causa volui, vt & vos meis verbis salutaret, & mea in vestram fortissimam inuictissimamq; nationem studia beneuolentiamq; ostenderet: certioresq; vos faceret, quanta mihi curæ esset salus, dignitas, gloriaq; vestra. Nam cum is meo à latere ferè nunquam discedat, qualis in vos animus mensq; nostra sit, optime omnium nouit. Ei etiam mandavi: vt & forti vos animo atque constanti esse ad rem communem tuendam & conseruandam iuberet, quo & fuisse adhuc quidem vos plane cognoui, & posthac futu-

ros

sos magnopere confido: & me nulla in re, quæ ad vos fo-  
uendos atq; ornandos pertineret, defuturum pollueretur,  
planeq; reciperet. Quæ quidem ei ad vos mandata  
nostra perferenda eo libentius dedi, quo ipsum scio ani-  
mo esse in vestra nationem benevolentissimo, vestramq;  
virtutem atq; in bellicis rebus præstantiam magnopere  
& mente suspicere, & oratione laudare. sed & hæc &  
reliqua ab illo. Ego certe & ut amicissimi hominis in  
vos officia præstitisse me omni tempore profiteri prædica-  
req; possitis, libentissime procurabo: et Deum Opt. Max.  
ut vos in vestra fortiter constanterq; agendi consuetu-  
dine contineat, suppliciter rogabo. Datum tertio Calen.  
Septemb. Anno tertio. Roma.

## REIPVB. FLORENTI.

N O R V M. 54.

QVONIAM ad exædificandum Principis Aposto-  
lorum phanum Romanum, cui quidem rei, ut scitis, om-  
nem meam curam & diligentiam adhibeo, arboribus  
ad constructiones idoneis nunc etiam deficiamus: hortor  
vos, quod etiam anno superiore sum hortatus, ut pro  
rei pietate & vestra religione eam abietum vim cadi  
ab eius phani procuratoribus vestris in montibus permis-  
tatis, quam ipsi à vobis petent, ut facilius atque celerius  
tam laudabilis tamq; veneranda omnibus hominibus æ-  
dificatio vestra ope surgere conficiq; possit. Datum ter-  
tio Calend. Septemb. Anno tertio. Roma.

HENRICO NOLAE

COMITI. 55

ET æa.

ET audiui Traianum Nolanum internuntium tuum, & tuas postulationes consecissem, si quo modo facere potuissem. Sed quoniam Ludouicus Petiliani Comes parricus tuus mea causa domo est profectus, eaq; est horum temporum natura, ut nulla pacis & concordia studia exerceri posse commodè videantur: te hortor, ut pro meo in te amore duos aut tres ad summum menses nihil moueas, causamq; ita se habere, quemadmodum nunc se habet, sinas. Confido enim interea occasionem mihi datum iri, rem ita, ut volumus, maximeq; conuenit, inter vos communi concordia statuendi. Quemadmodum ab ipso Traiano tum his ad te literis reuertente clarius intelliges. Dat. prid. Cal. Septemb. Anno tertio. Roma.

## HELVE TIIS.

56

Ex literis Marci Cardinalis Seduni vestro in praesentibus rebus forti atq; ad omnia difficilia superanda fidenti alacriq; animo ea, quae à vestra sanè virtute expectari maxime poterant, intellexi: quaeq; mihi magnam spem attulerunt, incepta nostra cum Dei Opt. Max. nutu eos, quos volumus, exitus habitura. Itaq; cum magnam verissimamq; vobis laudem ea de re tribuendam puto: tum vos hortor, etiam si minus necesse est id me facere: quid est enim vobis omnibus ad viriliter agendum vel constantius, vel omnino ardentius? sed tamen vos hortor, ut eosdem animos, fortitudinem, alacritatem adhibeatis usq; eo, dum res quam aggressi estis, autore me vel Domino potius, explicata soluta confecta; sit. Quod quidem vos facturos multorum vestrorum antea recte praclareq; factorum recordatione nō dubito. Quod ad me attinet, dabo certe operam, ut vobis omnibus in

rebus,

rebus, quæ ad vestra vel commoda vel ornamenta pertinebunt, pro Reip. viribus dignitate adhibita, quam vobis esse charissimam video, satisfiat. Datum prid. Cal. Sept. M. D. XV. Anno tertio. Roma.

## VINCENTIO GRA-

N A T A E.

37

QV AE ad me de Consalvi Ferrandi Magni & voluntate in nos, & pietate scripsisti, ea mihi planè notissima per spectissimâq; sunt. Bene autem in eo se res habet. Nam illum item ego & vnice atq; summopere amo, & facio, vt debeo, maximi. Virum enim pluribus virtutibus præditum, bellicisq; in rebus clariorem hominem etas nostra non habet: atq; haud scio an etiam parentum aetorumq; nostrorum etates habuerint. Respondere tibi autem ad reliquas partes epistolæ tuæ, vt te cupere video, planè non possum. Hac enim tempora aliam rationem postulant. Reliquum est, vt scias tuum mihi studium valde gratum esse. Dat. prid. Cal. Septemb. M. D. XV. Anno tertio. Roma.

N.

AD XII. Cal. Septembris quas ad me literas dedisti, ea diligentiam mihi vestram ostenderunt, qua vsi estis, vt me de Asiaticis rebus certiore faceretis. itaq; quoniam video vos adhibere operam, nequid eorum à nobis ignoretur, in ea vestra diligentia atq; officio plurimum conquiescam. Curabo autem quod vos peruelle intelligo, nequid emanet, ne officium vestrum vobis noceat. Vos modo pergite, vt facitis, literasq; ad me omnibus illis de rebus date quàm creberrimas quàmq; plenissimas.

Erit



Erit id mihi vehementissime gratum. Dat. II II. Non.  
Septemb. Anno tertio. Roma.

FRANCISCO MARIAE ME-

TAVRENSIVM DVCL. 59

ET si prioribus meis vnis atq; alteris literis hortatus te sum, vt quanto celèrius fieri posset, cum tua manu Placentiam accederes: idq; curare te omni diligentia existimo: tamen quoniam permagnum interest quàmprimū te illic esse: etiam atq; etiam te commonesacio, vt diligentia tua celeritatem, celeritati etiam alas, quod aiunt, addas, vt id, quod volumus, abs te tuisq; copijs citius atq; temporius fiat. In quo si nihil pratermiseris vel curæ, vel operæ vel laboris, nihil erit tam magnum tamq; amplum, quod non tibi à me deberi facile sim existimaturus. Datum XVII. Calend. Septemb. Anno tertio. Roma.

MARCO ANTONIO

COLVMNAR. 60

ET si existimem antequam hæ tibi nostra literæ edantur, intellecturum te de Iulio Medice Cardinali Legato, quid te facere oporteat: ad tuas tamen literas pridie Idib. Augusti datas tibi respondet mihi placere, vt te quàmprimū cum tuis equitibus Verorū conferas, vt celerius, quemadmodum quidem valde opus est, Raimundus Neapolis Prorex eiusq; equites Verona discedere, et quod expedit proficisci possint. Quæ ad tuendum id oppidum pertinent, ea tibi à Prorege parantur. Caterum de tuis rebus vel admonitus à tuis ea faciam, quæ volent ipsi, vel quod per me existimare poterō velle te, non pratermittam: vi facile intelligas, me tui al sentis commodorum

dorum & dignitatis rationem habuisse. Datum XVII.  
Cal. Septemb. Anno tertio. Roma.

FRANCISCO GALLO-

R V M R E G I. 61

GRATISSIMA mihi voluntas tua fuit, quam in  
Bernardum Bibienam Cardinalem ostendisti ijs literis,  
quibus mihi significasti cupere te, ut, si Federicus Cardi-  
nalis sancti Angeli mortem obiret, Ecclesia illum Ma-  
leacensi praefererem. Nam cum is propter suas plurimas  
excellentesq; virtutes, vitaq; consuetudinem mecum et  
cum meis omnibus prope vsque à puero acta, laboresq;  
quos quidem maximos administranda mecum Rep. su-  
stinet, ita mihi gratus probatusq; sit, ut neminem plus  
amem: nihil mihi accidere iucundius potuit, quam te  
perspicere in eius fortunis, quae quidem perexigua perq;  
tenuēs sunt, pro dignitatis ratione amplificandis penè  
nobiscum certare. Itaq; cum tibi ea de re magnopere de-  
beo: tum volo te scire, homini tibi deditissimo tuiq; stu-  
diosissimo, atq; in primis beneficiorum planè memori &  
vehementer grato te fuisse, cuius ipsius in te obseruan-  
tia & studiorum ipsi optimi testes sumus. Verum quod  
ad ecclesiam Maleacensem attinet, quoniam ei Petrum  
Cardinalem Anconitanum virum doctum, ac de me  
deq; Repub. meritum iam praefeci, non queo aliter ea de  
re statuere. Tibi tamen neque ipse Bernardus Cardina-  
lis minus debet, quam si eam esset Ecclesiam consequu-  
tus, neque benevolentia in illum liberalitasq; tua mi-  
nus mihi grata atque iucunda est, quam si ei Ecclesiam  
ipsam tua in tempore intellecta voluntate contulissem.  
Itaque existimare planè potes, quantum ad animum  
vtriusq;

utriusq; nostrum attinet nihil omnino ea in re de tuo bene-  
 ficio fortunam detraxisse. Quo te magis hortor, ut  
 hanc ipsam egregiam illum anni tui propensionem  
 vel retineas in posterum, vel etiam augeas: quando ipse  
 hac illius ostensione abs te facta suam in te beneuolen-  
 tiam magis magisq; in dies omnibus est officiorum ge-  
 neribus illustraturus. Dat. VII. Cal. Septemb. Anno ter-  
 tio. Roma.

PETRI BEMBI EPI-  
 STOLARVM LEONIS DECI-  
 MI PONT. MAX. NOMINE  
 scriptarum.

LIBER XI.

FRANCISCO GALLO-  
 RV M REGI.



**A**PITA fœderis inter te atque me  
 Remq; hanc pub. sancienti ab episcopo  
 Tricaricensi legato meo allato Romam,  
 tanquam primordia & quasi funda-  
 menti voluntatis vtriusque nostrum,  
 quod magnopere concupivi, consocianda libentissime vi-  
 di. Libentius autem ipsum Episcopū audiri. Plura enim  
 mihi & clariora de tuo optimo in Dei Ecclesiam atque  
 nos animo egregiaq; voluntate narravit. Quæ si vera  
 sunt, quemadmodum quidem puto, cum te de hac tua  
 pietate

pietate atque mente vehementer laudo: nihil enim potes-  
te dignius atque præclarior facere, quam nihil commit-  
tere, quo te male gratum appellare Dominus tam in te  
largus tamq<sup>3</sup> beneficus possit: tum spero fore ut hoc vir-  
tutum tuarum specimen, quod quidem in tam tenera æ-  
tate nobis das, cum ijs opibus, quas maximas atque am-  
plissimas habes, coniunctum & consociatum vniuersæ  
Reip. Christianæ magnum breui adiuumentum atque or-  
namentum afferat. Itaque eiusmodi tuæ & virtuti &  
pietati omnem nostram & Reip. dignitatem tuendam  
statui permittere: ut existimare plane possis, mihi te &  
esse iam charissimum, & semper fore. Neq<sup>3</sup> enim vereor,  
cum videas te à me plurimi, quin statuas, hoc in fœdere  
sanciendo honorem meum abs te neglectum iri non opor-  
tere. Quemadmodum ab ipso Episcopo, quem quidem ad  
te eadem celeritate, qua est ad me profectus, intra bi-  
duum, aut summum triduum remittam, clarius omnia  
atque apertius intelliges. Vale, nosq<sup>3</sup> dilige. Dat. quinto  
Cal. Octob. M. D. XV. Anno tertio. Roma.

## MAGNO GALLIAE

MAGISTRO.

2

INTELLEXIMVS ab Episcopo Tricaricensi,  
quanto studio, quantaq<sup>3</sup> pietate nostras Ecclesiæq<sup>3</sup> res  
omni tempore iuueris, quamq<sup>3</sup> te nostri observantem  
semper ostenderis. Quod quidem mihi gratissimum sanè  
fuit. Meam enim de tuis plurimis maximisq<sup>3</sup> virtutibus  
illustriq<sup>3</sup> probitate tua, quam omnes homines prædicant,  
spem expectationemq<sup>3</sup> egregie confirmavit. Itaq<sup>3</sup> ea de  
re cum te vehementer laudo: tum tibi pollicor, me tuæ  
opera & studij memoriam nunquam abiecturum. Reli-

Ss

qua



qua ex eodem Episcopo ad Regem tuum propediem reuerfuro cognosces. Dat. quinto Calen. Oct. Anno tertio. Roma.

### DVCI ALLOBROGV. 3

STVDIVM & officium apud Franciscum Gallorum Regem pro mea Reiq<sup>3</sup> pub. dignitate tuenda adhibitum tuum plurima me voluptate affecit : de quo sum ab Episcopo Tricaricensi coram admonitus : qui mihi summa cum tua laude multa narrauit , quamobrem meam dignitatem tibi fuisse charissimam cognoscerem : attulitq<sup>3</sup> capita fœderis inter Regem atq<sup>3</sup> me sancienti tuo labore diligentiaq<sup>3</sup> confecta : quæ quidem mihi magna parte magnopere probantur. Verum quod ad illa attinet, idem Episcopus, qui se ad Regem celeriter referet, mentem tibi meam explicabit, meq<sup>3</sup> eius tui officij fore bene memorem pollicebitur. Te interea hortor ; vt quod reliquum est, in eo eandem curam habeas nostra dignitatis : quæ tibi etiam ornamento esse poterit. Vale. Dat. quinto Cal. Oct. Anno tertio. Roma.

### IVLIANO MEDICI

F R A T R I.

4

NARRAVIT mihi Ioannes Vespucius familiaris tuus de volestudine tua, quotidie tibi melius esse sperareq<sup>3</sup> se breuiter conualiturum : quo nihil mihi potuit afferri gratius, nihil iucundius. Neque enim in vita quicquam habeo te vno charius. Quare te hortor vt reiectis alijs cogitationibus omnibus vnum illud cures, te vt quamprimum confirmes, restituasq<sup>3</sup> tum pristina valetudini, tum nobis, tibiq<sup>3</sup> persuadeas nos tui absentis tuarumq<sup>3</sup> rerum omnium eandem curam habituros, quam habere-

habereimus, tu si hic esses, atq; à latere meo nunquam discederes. Proinde optime et suauissime frater, si me amas ipse, si te à me amari existimas, bono fac animo, hoc est, leto atq; vacuo sis, ac nihil cogites præter hoc vnum, vt cito te valentem & confirmatum habeamus. Dat. Cal. Oct. Anno tertio. Roma.

## FRANCISCO GALLO-

RVM REGI.

9

VENIT ad te Ioannes Lascaris Constantinopolitanus obseruantissimus & studiosissimus tui, vir & genere apud Græcos admodum illustri, & doctrina optimarumq; artium & literarum præstantia & agendis rebus experientia, & morum probitate omniq; vitæ comitate plane insignis. Cum his tot tantiq; de causis & amari omni tempore, & in Pontificatu prope quotidie ita eius virtute sum vsus, vt nemo illo mihi charior sit, nemo iucundior. Neq; solum nos, sed vniuersa domus nostra, atq; in primis Laurentius pater meus quotidiano prope in conuictu illum habuit, hominiq; familiaritate & consuetudine mirifice est delectatus. Quare gratissimum mihi erit, si præterquam quod is tuo in ære iam pridem est, quodq; valde dignus est, qui abs te diligatur, mea etiam causa arētius benignitate illum tua et liberalitate fueris complexus, ostenderiq; ei, meam apud te commendationem plurimum valuisse. Dat. Non Oct. Anno tertio. Roma.

## MARCO ANTONIO

COLUMNAE.

6

GRATVM tibi admodum & optatum fuit id, quod tuus ad nos lueris est allatus. Maximilianum Romæ

Imper. desig. sui te exercitus Legatum fecisse. Omnis enim tua dignitatis accessio pro meo in te amore magnam mihi voluptatem affert. Quare quod ad meam voluntatem attinet, sine cuius significatione scribis nolle te eam legationem accipere, libenti animo titulos tuos ut augeras, idque muneri obeas, tibi permitto. In quo ut magno illi usui esse possis, tibi erit enitendum non solum id quod te decet facias, sed etiam ut tibi viam munias ad reliquos honorum & dignitatis gradus capeffendos, quos quidem magnis atque fortibus viris et diligentibus tuique simillimis hominibus virtus atque industria patefacit. Dat. Non. Octob. Anno tertio. Roma.

### MAGISTRATVI SPOLETI. 7

POST LXIII. virorum creationem, quam ex omni ciuitate fieri iussi eius literis, quas Non. Iulij dedi, qui quidem pro istius oppidi statu conseruando munia publica procurarent, intellexi facile accidere posse, ut ciuitatis quieti conduceret, ut is numerus vel augeretur, vel subtraheretur, tum aliquorum iam declaratorum loco alij subrogarentur, ipsi eycerentur. Itaque quoniam omni ex parte istorum ciuium paci & commodo consulere magnopere cupio, nihilque pratermittere eorum, qui iuuare eam rem possint, volo ut tibi, cuius prudentiam maximis in rebus & perspexi saepe & probaui, potestas facultasque sit eum, quem dixi, LXIII. virum numerum augendi, subducendi, antiquandi, reponendi, quaque tibi esse usui ea in re videbuntur, iubendi & statuendi. Quare te hortor, ut omnem curam adhibeas, ut quam de te spem habeo fore, municipium ut istud optime abs te regatur, ea ne deferar. Datum XIII. Calend. Nouemb.

*uemib. Anno tertio. Ithyscanella.*

RAIMUNDO CARDONAE

PROREGI NEAPOLIS.

8

ALLATVM est ad me Picentes exules, quos quidem de nobis male meritos esse omnes homines intelligunt, confidere sese ab exercitu tuo Regnum Neapolitanum per agrum Picenum petente restitutum iri, auxiliq<sup>3</sup> eis iri prabitum, quibus auxilijs eorum municipiorum statum conturbare atque conuellere, deq<sup>3</sup> aduersa, sibi factionis ciuibus, qui de nobis bene merentur, vindictam sumere pro libidine possint. Id tametsi mihi, qui te prudentiamq<sup>3</sup> tuam & probitatem noui, credibile non est: volui tamen te & hortari & impensius commonefacere, nolles eiusmodi postulationibus Picentium exulum prabere tuas aureis, neue quid eis concederes, quo moliri quippiam contra eius prouincia quietem nostramq<sup>3</sup> voluntatem audeant. Nihil enim fere mihi grauius posset atque molestius accidere, quam si contingeret res illas ab eo, in quo nunc sunt, statu & temperatione diuelli & prorui. Dat. XIIII. Cal. Nouemb. Anno tertio. Ithyscanella.

CARDINALIBVS ABSENTI-

BVS SINGVLATIM.

9

ACCEPIT quemadmodum Deo Opt. Max. placuit Franciscus Gallorum Rex eas pacis conditiones, quas ei dedimus, libentiq<sup>3</sup> animo nobiscum foedus inijt: quam quidem pacem non solum huic vrbi atq<sup>3</sup> imperio, sed vniuersa etiam Christiana Reipub. confidimus maxime vtilem et salutarem futuram. Nunc autem cum existimem ad eiusdem Reip. dignitatem magnopere perti-



nere, vt tota de re te reliquosq; fratres meos E. R. Cardinales quamprimum consulam, vt quæ agenda nobis sint communi omnium sententia constituantur: peto abs te, vt omni mora posthabita, quod commodo tuo fiat Vitergium ad nos te conseras: quam ad urbem ad tertium Cal. Nouemb. erimus. Dat. XI. Cal. Nouemb. Anno tertio. Grauscis.

## FRANCISCO GALLO-

RVM REGI.

IO

MANDAVIMVS Nuolao Elisio & Iulio Medici Cardinalibus Legatus noster, vt tibi Bononiam ad nos venienti obuiam profiscerentur, teq; nostro nomine exciperent, beneq; tibi precarentur meis verbis: & cum de letitia, quam ex aduentu tuo capio, tum alijs de rebus te certiore facerent. Qua ad te propiæ scripsi, vt & ipsis fidem haberes te alloquentibus, et scires magna mihi cura esse dignitatem tuam. Datum quarto Non. Decemb. Anno tertio. Florentia.

## IACOBATIO CARDINALI LE-

GATO ROMÆ RELICTO.

II

QUONIAM in hoc Francisci Gallorum Regis ad nos aduentu cupio, vt is ad me præclarū aliquod primumq; munus habeat, volo vt sancta Crucis fanum, quod in Hierusalem ducitur, caste atq; persancte adeas, capiasq; tantum de Crucis Dominica trunulo, quod ibi asseruatur, quantum formæ causa hac in membrana scriptum atque depictum conspicias. Id ubi feceris, eam igni partem bene obignatam per celerem tabellarium ad nos mitto cum eius facti testificatione tua manu scripta, quæ Regi vna cum igne iradatur. Hac diligenter curabis, & valebis.

lebis. Datum tertio Non. Decemb. Anno tertio. De villa  
Casagioli agri Florentini.

ALOISIAE FRANCISCI

REGIS GALLORVM

MATRI,

12

QVEMADMODVM ei, qui cum vult atque ubi  
vult spirat, sine placuit, Franciscus Gallorum Rex filius  
tuus hodie Bononiam ad me veniens clarum atque illu-  
stre mihi obsequij observantiaq; munus praestitit, ea pie-  
tate & religione, vi libentissime illum amantissimeq;  
oborta prope paterna latitia lachrymis complecterer,  
ageremq; Deo Opt. Max. gratias, qui mihi filij sui vi-  
carium in terris dederit, vt huius Reip. maiorem digni-  
tate & autoritate filium tantum Regem, tantis opibus,  
tanta potentia praditum, omnibus animi corporiq; doti-  
bus perornatum, florentem atate, eidem Reipubl. se tam  
pie coniungentem addicentem submittentemq; conspi-  
cerem. Valde enim confido fore, vt ea res vniuersa  
Christiana Reipublica maximam & vtilitatem & glo-  
riam pariat. Quanquam hoc quidem nostrum tam  
mirificum gaudium ea etiam latitia est consequuta,  
quod cum illum sub postea priuato in congressu habere-  
mus, spem expectationemq;, quam nobis primo aspectu  
atque intuitu, primisq; illis habitis à se verbis excitauit,  
pleno religionis & prudentia sermone, suisq; in iuuan-  
da Christiana re atque populis erecti propensiq; animi,  
deq; nobis benemerendi cupidi ostensione etiam atq; et-  
iam auxit. Itaq; has ad te quàmprimū literas dedi: qui-  
bus meam ex eius aduentu conceptam tecum latitiā  
communicarem, significaremq; tibi nulla cum ex parte,

nulla ex re mihi non egregie, non ampliter, non cumulatissime satisfecisse, hortarerq<sub>3</sub> te, ageres ipsa etiam Domino gratias, qui te non solum tam potentis atq<sub>3</sub> magni, sed etiam tam p<sup>i</sup>j, tam prudentis, tam alti animi Regis, tam tui, quod quidem perspexisse mihi videor, obseruantis esse matrem voluerit, quodq<sub>3</sub> ipsa tuum in eo educando & instituendo studium, diligentiam, laborem bene positum planè iam videas, magnosq<sub>3</sub> ex eo atque optatissimos fructus capias, confidas etiam te in dies longe quidem maiores atque vberiores percepturam. Non enim vereor quin existimes, qui tibi nequedum planè adolescens, &, vt verius dicam, puer matri filius satisfacit, impletq<sub>3</sub> cupidum semper animum, eundem esse etiam deinceps annis pariter cum virtute crescentibus firmiores tibi de sese iucunditates pleniorémq<sub>3</sub> laetitiam allaturum. Quod ad me attinet, scire te plane volo, nullum te in nobis erga illum boni patris officium vllò tempore desideraturam. Neque enim vllam Regis ornandi & dignitatis illius amplificandæ occasionem prætermittam, vt se mihi sentiat esse quamcharissimum. Pergat modo ipse quodq<sub>3</sub> specimen veræ pietatis ac timentis Deum animi cæterarumq<sub>3</sub> virtutum tua in primis curatuisq<sub>3</sub> prudentibus consilijs fultus iam dedit, id in posterum tueatur, vel etiam exaugeat. Quod vt facere melius atq<sub>3</sub> facilius possit, etsi currentem, vt credimus, incitatura sis, tuas tamen maternas amantissimasq<sub>3</sub> hortationes ipsa ne intermittito: adolescentemq<sub>3</sub> bene institutum tibiq<sub>3</sub> in primis parentem in eodem Dei cultu & Reipu. obseruantia, à qua sibi sperare omnia ornamenta potest magis magisque in dies tuis præceptis tuisq<sub>3</sub> monitis

consir-

*confirma & contine. Dat. tertio Id. Decemb. Anno tertio. Bononia.*

MAXIMILIANO ROMANO-

RVM IMP. DESIG. 13

EGIDIVM ordinis Augustinianorum Eremitarum magistrum meum ad te Legatum mitto, vt tecum non sanè pauca vtriusq<sub>3</sub> nostrum ad munus, officium, dignitatem, Reiq<sub>3</sub> pub. Christiana vtilitatem magnopere spectantia communicet meis verbis, apud teq<sub>3</sub> sit, quoad illa tractabuntur & terminabuntur. Is quoniam est eximia integritate, religione, doctrina, omniumq<sub>3</sub> prope linguarum, quæ nunc quidem excolluntur, vsum atq<sub>3</sub> scientiam, omnium bonarum artium disciplinas cognitâs & explicatas habet, te hortor, vt eum liberaliter excipias cum mea, tum ipsius etiam causa. Hominem egregium & tua clientela dignissimum cognoscet. Datum Idib. Decemb. Anno tertio. Bononia.

MATTHÆO CARDINALI

GVRCENSI. 14

EGIDIO ordinis Augustinianorum Eremitarum magistro ad Maximilianum imper. designatum proficiscenti, vt Legatum meum apud illum ageret, in primis mandavi, vt tibi salutem plurimam diceret, quaq<sub>3</sub> à me discedens ad Maximilianum mandata habuit, ea tibi omnia nota faceret, vtereturq<sub>3</sub> in ijs tractandis maxime omnium consilio tuo. Itaq<sub>3</sub> quoniam exploratum mihi est, pro tua prudentia & auctoritate quantum adiuuenti tuus illi fauor sit allaturus: peto abs te, vt rem non magis illam quidem meam, quàm huius Reipub. atq<sub>3</sub> tuam, vel potius, vt verissimè dicam, omnibus Christianis populis com-



lis communem, quantum poteris iuues: Egidinumq; ipsum, quem quidem pro singulari eius humanarum diuinarumq; rerum scientia, bonarumq; artium omnium & literarum doctrina, probitate, religione ita diligo, ut neminem eius ordinis aequè charum habeam, & libenter videas, & ei quasi dux & moderator sis earum rerum, quas tractabit: desq; operam ut ipse tibi plurimum debeat. Mihi certe nihil gratius facere poteris: idq; ut facias abs te peto. Datum Idib. Decemb. Anno tertio. Bononia.

## VINCENTIO MARTINAE

LVSITANO NAVIVM

PRAEFECTO.

15

CUM propediem ad Italiam atque ad urbem duarum naves sis adducturus, volumus ut Aluarum Rodrigium & Garfiam Reberum Lusitanos, qui nuper ab Hebraica secta recedentes Christiana Reipu. baptismatisq; sacramento se addixerunt, cum ijs, qui vna cum ipsis volent conscendere, tuis nauibus imponas, ad Italiamq; perducas omni cum eorum suppellectili, qua cum transmissuri te adierint. Quibus omnibus, si mihi gratissimum facere vis, cura atq; effice, ne qua molestia vllò ab hominum genere adhibeatur: ut, quod in te erit, incolumes se Romam conferant. Dat. XVIII. Cal. Ian. Anno tertio. Bononia.

## LVDOVICO COMITI SAN-

CTI BONIFACII A CV-

RICLVO MEO.

16

PETIT à me Ioannes Franciscus Picus Mirandula Dominus multis precibus, vellem eius filiolum, quo  
proxi-

proxime auctus est, ad sacrum baptismatis fontem meo nomine adiuuati. Quare te, cuius sedulitas & studium mihi probantur, interpretem & internuntium eam ad rem meum facio: mandoq; tibi, Mirandulam te ut conferas, Picicq; & vxoris eius nuper editum filium, qui lauandus est, tuis ipse manibus teneas, vicariumq; meum geras, omniaq; dicas atq; agas, qua agi, quaq; dici consuevere in eiusmodi celebritate ab ijs, qui compatrium nomine atque vinculo colligandi sunt cum infantium lauandorum parentibus. infanti autem, cum lotus erit, bene dices, beneq; precabere, meis verbis. Dat. xviii. Cal. Ian. Anno tertia. Bononia.

## REGI LVSITANIAE.

17

Cum nobiscum per literas & per internuntios diligenter egisset Franciscus Gallorum Rex, ut se ad nos accedere vellemus, intellexissemusque de illius recto in nos atque in rem publicam vniuersam propenso animo multa, qua spem nobis faciebant, si se is ad nos contulisset, fore, ut eiusmodi congressus noster aliquid certe in communem utilitatem boni pareret, libenti animo ei permisi, ut ad me Bononiam accederet. Itaque ille ad tertium Id. Decemb. Bononiam cum venisset, ita omnes boni & p; Remq; publ. atque nos ol seruauit ac vere Regis partes impleuit, ut nihil neque a me neque ab vlllo meorum fratrum Cardinalium, qui pene omnes mecum erant, desideraretur. Secretioribus vero in sermonibus colloctionibusq; nostris cum illius dia cogitationesq; eius omnes ad rem Christianam tuendam, iuuandam, amplificandam missi e conuersas atq; animum atque mentem diligentius pertentarem, studere

directas cognoui : ipsum autem cum & probum, & ve  
 illa atas fert, etiam prudentem & alto ac magno animo  
 praditum, tum etiam facilem ad curas suas, desideria,  
 spes, conatusq; omnes remittendos perspexi, dum illud  
 tam pium, tam iustum, tam sanè etiam necessarium in  
 Turcas bellum non verbis & literis, vt sepè aliàs, sed re  
 atq; opera vnanimi consensu. conspirationeq; suscipere-  
 tur. Quæ cum vidissem, Regiumq; animum, quasi quod  
 manu tangitur, tenuissem : est enim planè bonus, hoc est  
 aperto ingenio ac perliberali : egi quidem primum Deo  
 Opt. Max. plurimas genibus innixus gratias : qui mihi  
 eius filij vicario in terris dederit, vt tantum Regem, tan-  
 ta virtute, tanto gerendarum rerum initio, ea etate, ijs  
 opibus, ad eam profectionem suscipiendam tam alacrem,  
 tam nobiscum coniunctum & consociatum, quasi de cœ-  
 lo missum aspicerem. Deinde has ad te literas dare vo-  
 lui, tum vt tibi omnia significarem, quæ quidem tibi pro  
 tua religione & pietate, proq; tuis Reipub. Christiana  
 causamulta impensa, singulari perseuerantia, incredi-  
 bili labore, nouis inusitatisq; ac prope inauditis antea su-  
 scepis peregrinationibus & bellis fore tibi gratissima  
 non dubitavi : tum vt te hortarer, abs teq; etiam atque  
 etiam peterem, quando imminere nostris ceruicibus Tur-  
 carum Regem acerrimum atq; bellicosissimum vides, te  
 vt nobiscum hoc ad bellum pares, atq; ita quidem pares,  
 vt reiectis reliquis consilijs tuis omnibus nihil cogites,  
 nisi hoc, quod dixi, vnum : quod quidem maxime omni-  
 um cogitandum aggrediendū explicandumq; est. Spero  
 enim in ipso, cuius causam agimus, Deo, si ad nostram  
 Regisq; Gallorum copulatam voluntatem tuam etiam  
 volun-

voluntatem, tuam prudentiam, auctoritatem, tuas opes  
 alacri magnôq; animo adiunxeris, fore, ut quæ aliq; om-  
 nes multorum seculorum Reges vix optare ausi sunt, ea  
 nos summa cum Christiana Reip. tuâq; in primis laude  
 celeriter atque facillime consequamur. Nullus enim reli-  
 quorum Christianorum Regum atque Principum erit,  
 modo vere Christianus sit, qui cum nos ad id coniunctos  
 animatosq; viderit, non se etiam comparet ad bene de  
 Christiano nomine pro virili parte communi in re atque  
 causa promerendum. Quemadmodum omnibus his de re-  
 bus cum legato tuo sumus loquuti. Accinge itaq; te cum  
 Dei auspicio et nomine ad rem cogitationemq; tam præ-  
 claram suscipiendam: & Domino, qui tibi tantum Re-  
 gnorum dedit, eorundem Regnorum opes prome: ut re-  
 cuperare amissa turpiter à maioribus nostris ea, in quibus  
 ipse nasci versariq; inter mortales, denum etiam pro sa-  
 lute nostra obire mortem voluit, loca terramq; plane san-  
 ctam possimus. Ut qui te illi gratum Christiana ditionis  
 fines ultimo in orbe terrisq; ignotis tua tantum virtu-  
 te, nullis socijs nulloq; adiutore longe lateq; promouendo  
 prastitisti, idem te media in Europa atque Asia vna no-  
 biscum recuperanda gratum etiam prabeas, possisq; ad  
 tuam propriam pristinamq; gloriam communis quoque  
 gloria cumulū adiungere, sisq; omnium pariter et gra-  
 tissimus & vera solidaq; laude cumulatisimus. Datum  
 XIX. Calend. Ianuar. M. D. XV. Anno tertio. Bononia.

## HELVETIIS FOEDERIS

GRISII,

18

PRO mea in vos vestraq; commoda libenti pater-  
 naq; voluntate, proq; ea coniunctione & fœdere; quod  
 inter



inter me atq; vos sanctum firmatumq; est, certiores vos facio, me, cum Franciscum Gallorum regem ad huius reip. vniuersaq; rei Christiana dignitatem tuendam atq; amplificandam propensum animatumq; cognouissem, cum illo foedus inisse: quo in foedere vnum est caput, quo capite eumditionemq; eius defendere contra omnes bellum regi molientes teneor. Itaq; hoc vobis cognitum esse volui, cum vi sciretis vna cum reip. maiestate cõiunctam esse Gallorum regis amplitudinem atq; potentiam, tum vt quoniam intelligo esse quosdam, qui armis inuadere in eius ditionem cogitent, illos in eo cognoscere et non solum contra regem, sed etiam contra me esse facturos: idq; me quidem nihilo secius, ac si tantummodo in me arma sumpsissent, esse existimaturum. Dat. quinto Cal. Ian. M. D. XV. Anno tertio. Florentia.

FRANCISCO GALLO

RVM REGI.

CONSTANTIAM Varambonam Philiberti fratris mei vxoris, materteraq; tua familiarem lectissimam fœminam paterna charitate sane prosequor, eiusq; causa cupio omnia. Quare te hortor, vt in re dotis ei iam pridem debita, cuius dotus Maximilianus fo tua sese pradem constituera, mandes vt mulieri satisfiat: neq; permittas probam nobilemq; fœminam sua dote spoliatam iacere tamdiu, frustra q; implorare auxilium pretatu & liberalitatis tuae. Egu tecum proxime, Bononia cum esses, hac ipsa de re matertera eadem tua per sese, agiq; nunc etiam, vt intelligo, per internuntios: quæ quidem pro sua excellenti virtute & vestra propinquitate digna est, quæ à te talia impetret, praesertim nobis commendanti-

tibus

tibus. Itaque non agam tecum pluribus. Vnum dicam: si Constantia satisfieri celeriter iusseris, id mihi perquam gratum fore. Dat. tertio. Non. Ian. M. D. XVI. Anno tertio. Florentia.

## MAGISTRATVI VL

TERBIENSI.

20

MANDAVIMVS Ioanni Iordano Vrsino propinquo nostro, vt controuersias inter heredes Bartholomaei Aluiani nuper exortas autoritate sua componeret, et usq; quo sedatius & pacatius posset, omni studio et diligentia sedaret. Id cum Iordanus facere sese posse plane diffidat, nobisq; significet, per alteros eorum stare, quominus res, vt volumus, conficiatur, qui honestati & quieti sese dare nequaquam volunt, cum alteri imperata facere paratissimi sint: mando tibi, vt tui muneris atq; officij partes ea in re atque causa posthac prestes: omniaq; agas & efficias, quae tibi & Iordano ipsi agenda esse videbuntur: cui scimus aqua & honesta & vtriusq; commoda & salutaria vehementer probari. Dat. Id. Ian. M. D. XVI. Anno tertio. Florentia.

## ALFONSO DVCI FER-

RARIENSIVM.

21

VOLUMVS, vt naues sale onusta vsq; ad numerum quinque nauium, quas Leonardus Lauredanus Venetiarum Princeps Pado an. ne Bergomum mittit, liberè & sine vlla portorij mora per tuam ditionem iter faciant. Dat. sexto Cal. Feb. Anno tertio Florentia,

## EPISCOPO FOROLIVIEN-

SIVM IN HISPANIA IN-

TERNVNTIO.

22

MISSVS

MISSVS istuc à Iuliano Medice fratre meo ad Hispanos equos aliquot emendos ad nosq<sub>3</sub> perducendos is, qui has tibi literas reddidit, certiores nos fecit, eos sese equos emisse quidem iam, existimareq<sub>3</sub> ea se nobis emptione satisfacturum. Verum ex ista eos prouincia educendi impetrare se facultatem non potuisse à Regijs ministris. Quare mando tibi, vt Regem adeas ea dere, petasq<sub>3</sub> mandet suis, vt equi illi, qui quidem ad decem sunt, educi ex eius Regno possint, ad nosq<sub>3</sub> perducant: vt si eorum aliquis ad nos vectandos erit idoneus, eo vtamur. Datum quarto Cal. Febr. Anno tertio. Florentia.

ANTONIO ABBATI SAN-  
CTI BERTINI. 23

IMAGO diui Christophori, quam nobis dono misisti, pro mea in te singulari perq<sub>3</sub> vetere beneuolentia mihi sanè gratissima fuit, non quod ea mihi ad tui memoriam vt scribis, excitanda vti necesse sit: cuius ob oculos, ex eo quo te vidimus, valde quidem longinquo tempore satis crebro amantissime suauissimeq<sub>3</sub> versaris: sed quia ea omnia, quæ abs te proficiuntur, vti ab homine mihi charissimo iucundissimoq<sub>3</sub> missa mirifice me delectant. Reliquum est, vt te conserues, senectamq<sub>3</sub> istam tuam & valentem & firmam cura diligentiaq<sub>3</sub> tua quàm longissime protrahas: existimesq<sub>3</sub> te à me et summo opere amari, & fieri plurimi. Datum Calend. Febr. Anno tertio. Florentia.

MAXIMILIANO ROM.

IMP. DESIG. 24

ET si existimo eius te rei nuntium iam accepisse, quæ de re graui cum dolore ad te scribo: vel magnitudo tam

tamen ipsius, vel mea in te beneuolentia facit, vt statuerim de ea te certiozem fieri meis etiam literis oportere. Itaq; scies meos in Hispania internuntios scribere Ferdinandum Regem ea nocte, qua nox diem XI. Cal. Febr. est conſequuta, vitam cum morte commutauiffe. Egidem ſatis commemorare non queo, quantum nobis moleſtia, quantum mœroris tam grauis, tam prudentis, tam noſtri & Reipub. obſeruantis, tam bello & pace præclari excellentisq; Regis mors atque interitus attulerit; exiſtimandus multum nobis, multum Romana rei, multum etiam Chriſtiana publica eo extincto. Rege tum præſidiũ tum ornamenti eſſe ſublatum. Quas ad cauſa tot atque tantas doloris mei illud etiam accedit, quod te ſcio eius viri obitum grauitè et moleſte latũrum, quippe qui magno ſapientiſſimoq; Rege & tui amantiſſimo tecumq; coniunctiſſimo te deiectum et ſpoliatũ intelliges. Quamobrem vii de communi vtriusq; noſtrum, aut etiam vniuerſa Chriſtiana rei damno atq; iactura grauitè atque magnopere doleo, animiq; mei vberriſſimum tecum mœrorem & agrimoniã partior. Quod cum facio, tum Deum oro quaſoq; vt te eſſe apud homines eo diutius velit, quo Ferdinando Rege optimo atque máximo noſtri homines eo diutius velit, quo Ferdinando rege optimo atq; máximo noſtri homines ſpoliati autoritatus, prudentiæ temperantiæ, conſiliorumq; tuorum impenſius indigebunt. Dat. quinto Id. Feb. Anno tertio Florentia.

VLADISLAV PANNONIAE

BOEMIAEQUE REGI.

25

LECTIS tuis ad nos literis, quibus cum literis erat exemplum earum literarum, quas Turcarum Rex de

Tt

pace



pace tecum sancienda, aut saltem de inducijs statuendis ad te scripserat, quibus me literis super ea re consulis, petisq<sub>3</sub> à me, velim, quid tibi agendum sit, mature constituere, ad teq<sub>3</sub> perscribere. Visum est mihi faciendum, ut adhibitis statim meis fratribus E. R. Cardinalibus tanta de re inter nos sententia dicerentur. Quod cum esset agitatum, tandem omnium consilio atq<sub>3</sub> sententia decreuimus ad te scribi oportere, nullo ut pacto non solum pacem, sed ne inducias quidem vllas cum Turcarum Rege faceres: nec tuam illi fidem, qui nulla fide obstringitur, obligares neue causam dares eo fœdere perpetuis nostris hostibus rem Christianam pub. commodius atq<sub>3</sub> facilius perturbâdi. Non enim Rex pacem tecum vult vilius boni causa: sed tantummodo te ut consopiat, quiescereq<sub>3</sub> faciat, dum ipse ceteros suos hosteis expugnet: ut postea ab ijs, qui ei nunc imminet, hostibus securus, & fortior robustiorq<sub>3</sub> factus te tuaq<sub>3</sub> Regna cum prima rei bene gerenda occasione aggrediatur atque opprimat. Quamobrem non te quidem pax ista tutum à Turcis reddet, otiumq<sub>3</sub> tibi comparabit, sed te quidem ipse primum tuaq<sub>3</sub> Regna ea pace inita, deinde etiam Christianam Rempub. opportuniorem illi obycies ad debellandum, & quasi de manu, quantum in te est, trades. Quod quàm tibi committendum sit, statues ipse, & puto statues ex tua maiorumq<sub>3</sub> tuorum dignitate. Veruntamen quoniã exploratum nobis est sine nostro catorumq<sub>3</sub> Christianorum Regum & virorum principum auxilio non posse te à Turcarum impetu Regna tua tueri atque defendere, externis præsertim internisq<sub>3</sub> bellis defessa iam prope ac debilitata: dedi Regibus singulis & Principibus lite-

*Vas: quibus petij diligentissime ab ijs, te vt pecunia vnâ nobiscum iuuarent. Quod eos omnes libenter facturos puto. Quare bono animo es. Confido enim tantum tibi pecuniæ in tempore communiter subministratum iri, vt nihil tibi verendum sit, ne repellere hostem possis, tuosq; fines facile tueri. Quod cum ita sit, summopere te hortor abs teq; pro tua religione & pietate vehementer quaeso, ne te vlllo pacis aut induciarum genere cum Turcis cõiungas. Quanquam quidem non id peto, vt eorum postulationes iam nunc respuas atq; reycias: sed potius vt eis verba des, tempusq; interposita spe teras: quemadmodum ipsi tecum secerunt, qui legatum tuum ad se profectum ante biennium non admiserunt: dum quid mihi à Christianis Regibus respondebitur, scire possis. Quod vt celeriter fiat, omnem operam adhibebo, incumbamq; in eam rem, vt in te defendendo nullum à me paternæ charitatis & beneuolentiæ munus atque officium pratermittatur. Vale, nosq; dilige. Dat. sexto Cal. Feb. M.D.XVI. Anno tertio. Florentia.*

## CAROLO HISPANIA

RVM REGI.

26

*SACERDOTIVM sancti Iacobi Ventosilianum, quod nuper Consului Ferdinandi magni morte vacuum factum est, Galeatio Butrigario meo in Hispania inter-  
nuntio contuli: quemadmodum meis ex literis, quas ea de re scribi iussi, cognosces. Mouit autem me ad hominem eo & dignitatis & beneficij genere honestandum cum ipsius virtus, probitas, industria, mitis elegansq; natura tum mea in illum mirifica voluntas plurimis eius & veteribus & recentibus officijs excitata: cum nihil ei*

Tt

2

desue-

defuerit meis in rebus procurandis vel ad prudentiam, vel ad diligentiam, vel ad fidem. Itaq; & opinionem, quam de eo pridem cepi, cum minorem dignitatem gererem, non sustinuit solum, sed etiam auxit: & indies suis meritis factus est mihi quidem charior. Hæc autem eo spectant, ut intelligas & debuisse nos Galleatio omni tempore bene facere, & nunc magnopere valuisse. Quare te hortor, ut eius sacerdotij possessionem ita ei liberaliter mandes dari, ut cognosci facile possit, qui mihi charissi mi sunt, eos etiam abs te diligere: id, quod ego quidem in tuos et feci sape, & facio quotidie: ut quos mihi commendas ipse, eos su ornem, ut tibi non vel chariores esse videantur, vel coniunctiores, quam mihi. Id si tu quoque hoc in homine feceris, ut videre eius ornandi causa mecum qui isti certare voluisse, erit mihi supra quam dici possit, gratum: utq; facias, etiam atque etiam abs te peto. Dat. prid. Non. Feb. Anno tertio. Florentia.

### EPISCOPO VESPRIMILIENSI. 27

Cum intellexissem Turcarum Regem ab Vladislao Pannonia Boëmiæq; Rege per Legatum suum petere, ut vel pacem secum, vel inducias triennales conficeret: de fratrum meorum E. R. Cardinalium sententia dedi ad eum literas, quibus ab eo magnopere petij, nihil eorum, quæ postulabantur, faceret, neque se cum hoste suo negotioq; vlla conditione coniungeret. Pollicitus autem esum, daturum me operam, ut communi Regum omnium & Principum Christianorum pecunia collatione iudicetur, ut se suosq; populos tueri, atque propellere hostem possit: scripsiq; ad singulos ea de re diligentissime. Quorum qui vicinus nobis erat, Franciscus Gallorum

Rex

Rex mihi amantiſſime reſcripſit, omnia quæ vellem, libentiſſime ſe facturum. Itaque confidimus, vt maxime opus eſt, ita fore, reliquosq, Reges omnes idem reſponſuros, idemq, facturos. Quod cum erit ab ipsis confeſtum, omnem illorum ſtipem mea cum ſtiſe, quanta maxima fieri poterit, per meos homines magnis itineribus iſto mittam. Quibus de rebus omnibus te certiorem facere volui, vt ſpem haberes, Vladislauum Regem & ipſum & eius populos non ſolum, quæ ſe tueri, ſed etiam quæ, ſi volent, offendere hoſtem poſint, propediem habituros. Dum hæc autem interea comparantur, ſi tibi ad tuenda auxilijsq, munienda Illyrici municipia operæpretium erit com meatuſis, quem in oppido Sibinico Gilius Cortonenſis meo nomine aſſeruandum reliquit: permitto tibi, vt eo vniuerſo, quemadmodū tibi videbitur, ſic vtare. Hortor autē te, vt ſtudio diligentiāq, tuam, curam, laborem, animiq, tui fortitudinem mihi plane iam, vel omnibus potius hominibus cognitā, iſis in reb. adminiſtrandis ita exerceas, vt quod ſpero, & Reipub. Chriſtiane dignitas per te retineatur, et tui gloria nominis augeatur, & tibi ipſe magis magisq, debeam. Dat. XV. I. Calen. Mart. Anno tertio. Florentia.

## HELVETIIS VIRO

RVM OCTO. 28

GRATIſſimæ mihi veſtræ literæ fuerunt: quibus me certiorem feciſtis, vos meis hortationibus impulſos cum Franciſco Rege Gallorum amicitiam contraxiſſe, fœdusq, percuſiſſe: eaq, de re veſtram in me pietatem, quam pulcherrime oſtendiſtis, & propenſos ad pacis ſtudia concordiamq, veſtros animos vehementer

Tt 3

probo,



probo efferoq<sup>2</sup>, magnis et verissimis laudibus. Spero enim fore, vt vestra ea cum Rege illo inita beneuolentia & coniunctione admoniti reliqui nostri Reges ad communem pacem, quam velle omnes atq<sup>2</sup>, optare tantopere debemus, conciliandam faciliores & lubentiores conueniant, eaq<sup>3</sup>, statuunt, qua ex vsu dignitateq<sup>3</sup>, Reipub. maximopere sint futura. Hortor autem vos, amantiissimeq<sup>4</sup>, commonefacio, in eam curam cogitationemq<sup>2</sup>, incumbatis, id enitamini, vt reliqui etiam vestra nationis populi eandem pacem, idem fœdus consueuant, conglutinentq<sup>2</sup>, cum vobiscum quidem sese suosq<sup>3</sup>, animos: ne dum eiusdem corporis partes atq<sup>2</sup>, membra contraria inter se pugnantiaq<sup>2</sup>, tendunt esse, existimationem apud omnes homines vestram incredibili virtute partam imminuât, & opes ipsa viresq<sup>3</sup>, vestra discreta atq<sup>2</sup>, dissociata debilitentur: tum certe etiam cum Romana re atq<sup>3</sup>, nobiscum: vt quam antehac Dei Opt. Max. Ecclesia maiestatem contra labefactare illâ atq<sup>2</sup>, proterere imprudenter aggressos vestro sanguini non parcentes sapenumero protexitis, eadem in posterum per discordiam disidiaq<sup>2</sup>, vestra nullam à suis hostibus offensionem, nullam insignem notâ accipiat: vosq<sup>2</sup>, omnes & vestra natio vniuersa tam præclara, tam fortis, tam semper huius certe Imperij Romanorumq<sup>2</sup>, Pontificum studiosa, cōsentiens secum ipsa atq<sup>2</sup>, vnanimis in eisdem studijs maneat: qua quidem studia multum vobis dignitatis multum autoritatis & pepere-runt iam, et sunt profecto, si neq<sup>2</sup>, in vestris inter vos sententys, neq<sup>2</sup>, in huius reip. obseruantia infirmi labantesq<sup>2</sup>, eritis, etiam deinceps paritura. Caterum quod ad Cardinalem sedunum attinet, ita illi scribimus, vt sperandum

dum vobis sit, ipsum quidem amantissimis nostris et consilijs & precibus permotum vestra posthac concordia studia non impediturum. Nihil autem eorum pratermittātum hac ipsa, tum ceteris in rebus, quæ ad vestros animos coniungendos & consociandos esse vsui vel ipse per me cognoro, vel à vobis admonebor. Quod vt faciatis, literasq; ad me quamcreberrimas omnibus de rebus mittatis, sanè peruelim. Dat. XVI. Cal. Mart. Anno tertio. M. D. XVI. Florentia.

MARCO CARDINALI

SEDVNO. 29

CERTIORES nos per literas fecerunt Heluetiorum Legati vicorum octo nobiscum fœderatorum, qui in oppido, Bergensi conuenerant, se, quo facilius nos communem omnium Christianorum concordiam inire, necessariamq; in Turcas protectionem parare atq; conficere possemus, suas cum Francisco rege Gallorum similitates atq; inimicitiam deposuisse: neq; dubitare, quin consentientes statim vnà cum ipsis futuri ea in re fuissent reliqui eorum fœderis socij: nisi tu eis impedimento fuisses tuisq; eos studijs à proposito retraxisses. Deq; eo grauius apud nos sunt conquesti: vtpote qui prauideant, si, quæ optas quaq; conaris, effeceris, nouos bellorū in Christiana rep. motus magna inter ipsorum societates dissidia, grauissimasq; breui tempore dissensiones futuras. Quæ quidem nobis omnia incredibilem molestiam attulerunt, fortissima illius nationis consensum atque concordiam, & Christianorum Principum vnanimem præclarum illud ad bellum conspirationem summo iam pridem studio desiderantib. atq; spectantibus. Quamobrem

has ad te statim literas duxi dandas : quibus te commo-  
 nefacerem atque hortarer ab incepto desistere : quietiq;  
 potius & tranquillitati : quàm bellorum & discordia-  
 rum foueri dis inijs incendendiq; animis te dare:  
 cogitaresq;, quàm te deceat cum à nobis diffemire atq;  
 in alia cōnia discedere, qui pro tua dignitate vnà no-  
 biscum Romana reip. curam sustines, tum Heluetiorum  
 nationem tam egregiam, ex qua oriundus es, concordia  
 praesertim cupidam velle dissociare atq; dirimere. Quod  
 si tu vei priuatus on nino, vel alienus homo esses, deberes  
 tamen & cum reip. voluntate Romanq;, Pontificis stu-  
 dy consociare studia & voluntatem tuam, et velle for-  
 tem praelaramq; gentem illam & populos concordēs  
 potius inter sese esse, quàm bellis intestinis laborare. Ni-  
 hil est enim tam alienum à boni viri prudentiq; hominis  
 consilijs, quàm, quae coniuncta pacis & beneuolentiae stu-  
 dy praestat esse: ea cupere dareq; operam, vt bellis et dis-  
 sensionibus conterantur. Cum verò & vnus sis ex meis  
 ipsis fratribus E. R. Cardinalibus, et in Heluetiorum ter-  
 ra Heluetijs parentib. atq; maioribus genitus, vide, quā  
 de te hominum opinionem sis excitaturus, cum & à no-  
 bis atq; à rep. dissentias, & ea tractes, quibus Heluetio-  
 rum natio, quae te progenuit, à pace atque concordia ad  
 arma seditionesq; conuenitur. Quanquam id quidem et-  
 iam mouere te plurimum debet, quod in eo vniuersa rei  
 Christianae p. male consulis: quae quidem maxime in Hel-  
 uetiorum & inter se concordia, & cum re Romana con-  
 iunctione, tanquam in optimo totius spei rerum bene ge-  
 rendarum fundamento atq; initio, nititur Neq; à me il-  
 lud quoq; silebuur, amorem erga reip. eum, quo te sem-  
 per

per fraterne colui; veteremq; beneuolentiam mereri, ut ne nostris conatibus, praesertim cum omnium Christianorum bono atq; salute coniunctis ad pacem otiumq; tendentibus ire obuiam statuas, aduersariumq; te pares. Quod ne pergas facere, atq; vi verborum Domini memor, qui pacem nobis discedens commendauit, pacem et concordiam nationis tuae iniri coeptam ne impeditas, per huiusce reipub. dignitatem, cuius esse propugnator in primis debes, & mehercule consuesisti, perq; eam, qua Christianus es, religionem, abs te magnopere quaeso & postulo. Id si feceris, & ipse tuorum in me officiorum & plurimorum neq; sanè leuissimorum memoriam nunquam proyciam: & dignitas tua principem apud me curam locumq; semper obtinebit: & facies quidem ex usu cum omnium hominum, tum tuorum maxime ciuium, sed certe atq; in primis tuo. Dat. XVI. Calend. Mart. M. D. XVI. Anno tertio. Florentia.

IO ANNI FRANCISCO  
PICO MIRANDVLAE

DOMINO. 30

EGIT mecum per internuntium suum Francisco Triultia, qua Ludouici fratris tui vxor fuit, grauissimis mehercule querelis: cum se diceret intolerabilibus à te iniurijs quotidie affici: qui bona & fortunas ad se suumq; filium spectantes intercipias ruptis spretisq; stipulationibus, quas vtrig; Matthaeum Cardinalem Guriensem autorem sequuti probastis. Itaque precibus omnibus petijt, ut se viduam mulierē suumq; filium pupillum si a tris tui filium abs te spoliatum iri ludibrioq; esse ne permitterem. His auditis cum internuntium item tuum ad-

It s misissem,



enisssem, is apud me de Francisca ipsam ferè verbis est conquestus: atq<sub>3</sub> ab illa tum intercipi fortunas tuas, tum non stari pactis Gurcensianis longa constantiq<sub>3</sub> oratione differuit, opemq<sub>3</sub> meam atq<sub>3</sub> auxilium implorauit. Ego quidem, cui familia sane vestra magna cura semper fuit, agerrimeq<sub>3</sub> fero disceptationes eiusmodi atq<sub>3</sub> dissidia inter vos exerceri, te, quem quidem, cum vir sis, & bonarum artium sacrarumq<sub>3</sub> literarum excellas studijs, decet etiam foeminis & prudentiorem esse, & ab inferendis iniurijs alieniore, primum atq<sub>3</sub> praecipue hortor, si lapsus in aliquo es, pactaq<sub>3</sub> illa vestra lesa abs te preteritaq<sub>3</sub> sunt, velis meo rogatu & ablata restituere, & in posterum curare, nequis eo nomine conqueri de te iure possit. Quid enim facere illos oportet, qui obscuri & sine nomine sineq<sub>3</sub> vlllo cultu literarum sunt: cum doctos & philosophia diuinarumq<sub>3</sub> rerum scientia praeditos homines, & praclaros ac per illustres viros videant tam turpiter labi tamq<sub>3</sub> acerbe delinquere non in alienos, sed in suos? Hoc autem, quod te hortor, quodq<sub>3</sub> te facere est equissimum, vt libentius facias, scire te volo hac me omnia per literas à Francisca ipsa petere, quæ his abs te literis peto. Quare tuum erit dare operam atq<sub>3</sub> efficere, ne nos quicquam abs te eiusmodi frustra petisse videamur: neue cogamur asperius aliquid in te, quam vellemus quamq<sub>3</sub> consuetudo nostra fert, eo nomine statuere. Dat. sexto Cal. intercalares priores. M. D. XVI. Anno tertio. Florentia.

FRANCISCAE TRIVLTIAE  
CONCORDIAE DOMINAE. 31  
ET longum apud me sermonem, & plenum querelarum

larum grauissimarum habuit Ioannis Francisci Pici Mirandula, qui viri tui frater fuit, procurator ipsdem ferè verbis, quibus antea internuntius apud me tuam causam tuam egerat: se scilicet non vnus à te neq; leuibus contumelijs esse vexatum: dum ea, q; sui iuris sunt, vel furtim subripis, vel tenere intercipis, & pacta Cardinalis Gurchensis autoritate omnibus de rebus inter vos confecta & sancta pro nihilo habes. Itaq; petijt à me, ne sibi fraudi esset, si ipse quoque in te eiusmodi aliquid admitteret, quod tuæ in sese temeritatis impudentiaq; cursum atq; impetum refrenaret. Quibus intellectis rebus facere non potui, quin animo perturbarer, cum mutuas esse inter vos iniurias pactorumq; transgressiones cernerem. Quare cum Ioanni Francisco literas dederim diligentissime quidem scriptas, vt tuis postulatis & querelis satisfaceret: idem quoq; statui ad te scribere. Itaq; te hortor, ac primum quidem, vt illud cogites, æquius profecto esse te foeminam, etiam si offendare, vel aliquid ei permittere, qui viri tui frater fuit, vel dissimulare te offensam esse potius, quàm velle aut iniurias vlcisci, aut ius tuum vsquequaque persequi. Nihil est enim in muliere laudabilius continentia, placabilitate, lenitate, nihil audacia temeritateq; putidius. Deinde, vt si quid contra pacta vestra ablatum à te aut à tuis ex illius bonis est, id ei omne reponas atq; restituas. Deniq; vt quibus semel te pactis Cardinale statuente obligauisti, ijs omni ex parte des operam vt stes, prestesq; in posterum ea omnia tam diligenter, vt merito apud me conqueri de te nemo possit. Id si feceris, & quieti prospexeris tuæ, & filij tui saluti optime consulueris, & mihi curam eripueris,

durius

durius in te, atq<sub>3</sub> à mea in vos beneuolentia & consuetudine alienius vt huic occurri malo possit, quippiam cogitandi. Dat. VI. Calend. intercalares priores. M. D. XVI. Anno tertio. Florentia.

FRANCISCO GONZAGAE

MARCHIONI MANTVAE.

32

CONQUESTA grauius apud nos est Franciscus Triultia, quae Ludouici Pici Mirandula vxor fuit, de Ioanne Francisco Pico Mirandula viri sui fratre: à quo se ait plurimis maximisq<sub>3</sub> iniurijs & contumelijs premi, dum stipulationibus inter se atq<sub>3</sub> illam Matthaeo Cardinali Gurcensi autore inuis nequaquam stat, sed iura omnia conuentionesq<sub>3</sub> perturbat: petijtq<sub>3</sub> à me, vt suae filijq<sub>3</sub> sui incolumitati pro mei muneris officio consulere: ne quotidie ipsa mulier vidua eiusq<sub>3</sub> filius puer patre orbatus in fortunarum suarum salutisq<sub>3</sub> discrimen per Ioannis Francisci auaritiam & crudelitatem adducerentur. Idem subpostea Ioannes ipse Picus fecit, cōquestusq<sub>3</sub> de Francisca eadem ferè attulit petens à me, vt mulieris audaciam importunitatemq<sub>3</sub> retunderem. Quae cum mihi essent perimolestae: totam enim illam gentem atq<sub>3</sub> familiam & amo tampridem, & tueor: Nedi ad vtrunq<sub>3</sub> literas, hortatusq<sub>3</sub> eos sum, inferendus inter se damnis et offensionibus modum statuerent, concordiamq<sub>3</sub> Cardinale statuente seruari vtrinq<sub>3</sub> iussam ne violarent. Peto autem abs te, vt pro ea, quae apud illos polles autoritate, cum illorum oppidi diuionis tuae fines pertingant, teq<sub>3</sub> ipsi vnum vereantur planè atq<sub>3</sub> suspiciant: des operam, vt ea familia paci & quieti & bonis artibus potius, quàm dissidio et inimicitiarum seminibus & irritandis animis studeat,

studeat, praeſtetq<sub>3</sub> vterque eam fidem, quam pepigere. Confido enim ſi tu illos commonefeceris, fuerisq<sub>3</sub> interminatus te vtriſq<sub>3</sub> ſuccenſurum, ſi pergent inter ſe laceſſere: ipſos facile quieturos, ad officiumq<sub>3</sub> redituros. Dat. ſexto Cal. intercalares ſecundas. M. D. XVI. Anno tertio. Florentia.

ODONI LAVTRECHAE

PRAEFECTO MEDIOLANI. 33

IOANNEM Franciſcum Picum Mirandulam doctum hominem & praeeruditum cum ipſum, tum Franciſcam Triultiam, quae Ludouici Pii Mirandulae vxor fuit, eueq<sub>3</sub> filium in huius Reip. tutela me Pontifice ſuſceptos paterno amore atq<sub>3</sub> beneuolentia iam pridem tueor. Eos, dum magnopere inter ſe diſiderent, Matthaeus Cardinalis Gurcenſis pactis quibuſdam & ſtipulationibus, quibus ſtare tenebantur, initis firmatq<sub>3</sub> ad concordiam reduxit. Eis ipſos non acquieſcere hoc tempore intelligo, ſed diſidere inter ſe, inferriq<sub>3</sub> ab vtriſq<sub>3</sub> in alteros iniurias magno cum illius familiae non ſolum dedecore, ſed planè etiam detrimento. Scripſimus ſanè illis nos, quemadmodum quidem erat ſcribendum, ea de re, vt eos ad bene atq<sub>3</sub> concorditer viuendum reuocaremus. Quoniam autem exploratum nobis eſt, quantum ipſe auctoritate valeas tum apud familiam omnem Triultiorum, quae tua in prouincia eſt, tum apud Ioannem Franciſcum ipſum: te hortor, velis eos commonefacere, à pactis atq<sub>3</sub> conuentionibus, vt diximus, initis ne recedant, amentq<sub>3</sub> inter ſe potius, quàm ſe ſuasq<sub>3</sub> opes inferendis iniurijs coterant. Id ſi fecerint, te illos prudenter feciſſe eſſe exiſtimaturum, pluriſq<sub>3</sub> facturum: ſi non fecerint, daturum operam,



operam, vt sua ipsos stultitia improborumq; consiliorum aliquando pœniteat. His atq; talibus monitis non vereor, quin egregia familia in officio contineatur. Mihi certe feceris gratissimum. Idq; vt facias, abs te peto. Datum sexto Cal. intercalares secundas. M. D. XVI. Anno tertio. Florentia.

ENNIO EPISCOPO VERV-  
LANO APVD HELVETIOS

Internuntio.

34

SCRIPSI ad te prioribus literis post fœdus à me cum Francisco Gallorum Rege initum, ita te apud Heluetios fœderatos gereres, vt Regis animum nulla in re procuratiōeue offenderes. In quo tametsi pro tua prudentia & fide morem à te mihi gestum putem: Regij tamen ministri suspitionem illam priorem de te non abiecerunt. Quamobrem censeo à conuentibus istis publicè proximeq; celebrandis prorsus abstineas, abdasq; te potius in aliquem diuium & priuatum locum, ex quo exploratum illis sit te ne cogitare quidem quippiam contra Regis voluntatem. Nam aggredi & moliri quid poteris? Dat. prid. Cal. Mart. Anno tertio. Roma.

ISABELLAE ARAGONIAE BA-  
RIONIS DOMINAE.

35

ACCEPI de Ioanne Iacobo Lamello equum missum abs te mihi & pulchrum quidem, & perornatum, & quoniam vti eo iam coepi, Qualem ad me commode vehendum maxime idoneum habere cupiebam. Itaq; scito tuum mihi munus & gratum & iucundum accidisse. Quod verò attinet ad petitionem tuam in ornando eo, quem nobis idem Lamellus tuis verbis commendauit, dabimus.

bimus, cum se occasio nobis obtulerit, profecto operam, ut intelligas tuas apud nos commendationes plurimum valuisse. Dat. quarto Non. Mart. M. D. XVI. Anno tertio. Roma.

ODONI LVTRCHAE PRAEFECTO MEDIOLANENSIVM. 36

REDEVNTI ad te Minioni, quem tuis cum literis ad me miseras, has ad te literas dari volui: quibus tibi significarem, mihi quidem displicere non potuisse me satisfacere petitioni tuae de monasterio Claruallensi propter eas rationes, quas ad te proximis diebus scripsi. Quoniam autem confido non defuturas mihi occasiones ornandi tuos, dabo quidem operam, ut intelligas regis ipsa experiare, tuas apud me commendationes multum valuisse, auctoritatemque tuam, quemadmodum quidem mea & cum Rege tuo benevolentia & de tuis excellentibus virtutibus opinioni maxime convenit, à me fieri plurimi. Dat. quarto Non. Mart. M. D. XVI. Anno tertio. Roma.

LA VTRCHAE PRAEFECTO MEDIOLANENSIVM. 37

MITTIT ad te Iulius Cardinalis Medices frater patruelis meus procuratorem suum, ut in causa monasterii Clareuallensis, quod ei nuper contulimus, tuo auxilio ea conficiant, quae agenda illi sunt: quemadmodum ab ipso intelliges. Qua de re literas ad Regem tuum dedi: nec vereor pro nostra in illum benevolentia, proque recentibus ipsius Cardinalis totiusque nostrae familiae in regem studiis, quin ea mea collatio grata illi probataque sit futura. Nunc autem his de causis cum existimem

mem eam te amanter rem administraturum, minus diligenter te hortor, hortor tamen, & erit mihi sane gratissimum, ut efficias, ut Cardinalis procurator id, quod petet, ex sententia consequatur. Dat. quarto Non. Mart. Anno tertio. Roma.

I O A N N I P A V L O

B A L I O N I.

38

VENERAT proximis diebus Romam Alfonso Cardinalis Petrutius vocatu meo: quod quidem feceram, ut disceptationes & controuersia, quas habet cum gente ipsa sua, me autore sedarentur & consopirentur. Cumq; is nobiscum mensem integrum prope fuisset, velletq; iam planè omnia ex eius sententia statuere, nobis non salutari repente profectus est: cum tamen nos ea profectio abitusq; non laetaret. Quoniam autem certior factus sum, versare illum animo, ut, si qua ratione poterit, sua patria otium perturbet, conuellatq; eum Senarum statum, qui nunc est: fidere enim plurimum in Perusinarum quorundam auxilijs: tametsi puto fore neminem eo in oppido, qui cum mihi & huic Reipub. iniuriam facere cogitantibus se coniungat: hortor tamen studere se te, scribis tuis, non id solum ut ab eiusmodi scelere se abstineant, quod eos per se facturos facile crediderim, sed etiam ut absterreant, contineantq; alios: si qui erunt, qui id moliantur: eaq; omnia facias, quae de Laurentio Medice fratre meo Vrbinatum vix operapretium esse abs te fieri & curari latius inueges. Dat. tertio Non. Mart. Anno tertio. Roma.

P E T R I

PETRI BEMBI EPI  
STOLARVM LEONIS DECI  
MI PONT. MAX. NOMINE  
scriptarum.

## LIBER XII.

IACOBO BANNISIO MAXI  
MILIANI ROMANORVM  
Regis ab epistolis.



T antea te paterna beneuolentia sum  
complexus, atq; vti virum prudentem et  
huius Reipub. meiq; studiosum hominem  
inter illos, qui mihi maxime chari &  
probatum sunt; libenter habui: & nunc  
multo sane vberius atq; prolixius idem mihi est facien-  
dum puto, propterea quod Latinus Iuuenalis familiaris  
meus istinc rediens de tuis in me remq; pub. officijs ea  
retulit, quae mihi quidem gratissima iucundissimaeq; ac-  
ciderunt. Itaq; volo te scire, eius me rei memoriam nullo  
tempore obiecturum. Hortor autem praeerea te idem il-  
lud quod pro tua probitate non dubito, quin tua sponte  
sis facturum: vt quoniam ad Maximilianum regem tuum  
Bernardus sanctae Mariae in porticu Cardinalis Legatus  
proficiscitur ad mea & Christianae Reip. negotia pro u-  
randa, velis ei praesto esse, cum prudentia & consilio, tum  
vero studio & diligentia tua: vt quae tractare atq; age-  
re incipiet, tua ope fultus etiam explicet. Ipse porro cuius



causam ages, Dominus tuam in eo pietatem intusbitur, eamq; tui patrocini mercedem constituet, quam nulla unquam eripiet dies. Nos quidem certe, cum primum se occasio dederit, aut etiam quotiescunque se dederit, bene grati erga te animi praeclara sumus signa atque indicia ostensuri. Dat. tertio Cal. April. M. D. XVI. Anno quarto. Roma.

## HELVETIIS.

2

QVAE ad me proxime de componendis Maximiliani Roman. Imp. desig. & Francisci Gallorum regis controuersis sedandoq; bello scripsistis, ea legi oculis libentissimis, vosq; vti & prudentes viros & religione praeditos homines & illorum Regum peramanteis ea de re magnopere laudandos puto. Nihil enim neque sapientius per vos fieri potuit, neque nobis gratius & iucundius significari. Deo etiam Opt. Max. qui pacem a nobis atq; concordiam coli amariq; in primis vult, satis vos in eo facere arbitror. Quare nulla quidem in re vobis deero, in qua tam iusta vestra petitioni, tamq; pia, tam cum Domini voluntate coniuncta opitulari praestoq; esse auctoritas cura diligentia studium labor etiam meus possit. Reliqua ex Ennio Episcopo Verulano cognoscetis. Datum tertio Non. April. M. D. XVI. Anno quarto. Roma.

## LVDOVICO PANNONIAE

## BOEMIAEQUE REGI

## P V E R O.

3

Ex literis Thomae Cardinalis Strigoniensis Legati intellexi Vladislaum Pannoniae Boemiaq; Regem patrem tuum magno cum illorum populorum morore & luctu

luctu vivere defuisse. Quo sane nuntio vehementer sum perturbatus, magnūq; ut debui, cepi dolorem ex amantissimi mei prudentissimiq; Regis morte, praesertim tam alieno Reipubl. Christiana tempore: existimōq; te quidem primum, qui in tam tenera etate patrem tuum maximū clarissimūq; virum amisisti, reliquos deinde istorum Regnorum viros principes, Regna deniq; ipsa et populos magno esse & praesidio & ornamento spoliatos, remq; hanc pub. benevolentissimi in se animi Rege, fidelissima societate, maximis auxilijs eo extincto planē carere. Verum cum eisdem literis certior sim factus Regnorum te istorum à patre tuo heredem fuisse institutum, cuius indoles egregium iam specimen magnāq; excellentis virtutis spem praebeat, statui mihi à luctu atq; molestia esse temperandum. Deumq; Opt. Max. rogandum, & ut illum mortali exutum corpore terrenisq; compagibus caelestem in patriam inter beatissimas forium optimorumq; virorum & sanctissimorum hominum animas conuentumq; recipiat: & ut te, cui quidem planē puero duo Regna maxima iure recteq; obtigerunt, tantum polleere bonis studijs optimisq; artib. velit, ut expectationem de te nostram tuorumq; populorum vota aequare atque implere facile possis: euadasq; in eum Regē, qui quidem in timore Domini eruditus omnibus Christianis populis atq; gentibus multum glorie multumq; Roboris sis allaturus. Quod profecto animo libentissimo et facio iam, & saepe in posterum faciam: speroq; fore ut me pro te pie se atq; suppliciter precantem Dominus audiat. Et quoniam idem Legatus scripsit ad nos patrem tuum extremo vita sua tempore mihi te commendauisse: omnes meas opes

omnem auctoritatem ad te fouendum ornandumq; polliceor: teq; iam in charissimi mihi filij locum agnosco atq; recipio, bonisq; verbis & atque omnibus & complector & prosequor. Tu vero ipse optimi viri patris tui maiorumq; tuorum fortissimorum & clarissimorum Regum gressibus atque vestigijs inambulans Regnum tuum à Dei pietate & cultu, atque ab huius Reipub. obseruantia & studio auspicare, daq; operam, vt non minus religione, quàm etate, neque magis corporis viribus, quàm virtutibus animi subcrescere tui te populi videant. Datum prid. Non. April. M. D. XVI. Anno quarto. Roma.

# EPISCOPO VESPRIMIENSI:

TVM CAETERIS SINGVLIS

IN PANNONIA MA-

gnis viris.

4

SCRIBIMVS ad Bernardum cantorem Agriensem internuntium nostrum ea omnia, quæ per illum tibi hoc tempore significanda esse duximus nostris verbis. Hortamur itaq; te, vt pro nostra in te paterna sane beneuolentia, expectationeq; ea & spe quam de tua probitate magnitudineq; animi, & religione, ceterisq; tuis virtutibus magnam atque mirificam semper habuimus, des operam, vt quibuscunque rebus poteris, istorum Regnorum quieti & tranquillitati per te consulatur: auctoritateq; tua, qua multum polles, ad eam rem cum huiusce Reip. dignitate, quæ quidem in tua erga se illustri voluntate & studio libentissime conquiescit, maxime omnium atq; in primis vtare. Erit id cum per se præclarum, & tibi laudi atque gloriæ, tum certe egregia isti fortissimeq;

nationi

nationi & populo apprime salutare. Dat. Non. April.  
Anno quarto. Roma.

## THOMAE CARDINALI

STRIGONIENSI.

5

QUANTVM mihi molestia, quantum mœroris  
Vladislai Pannonia Boëmiæq; Regis mors attulerit, de  
qua tuus ad nos literis est allatum, ex mea in illum chari-  
tate atque beneuolentia tibi quidem vni omnium maxi-  
me perspecta & cognita per te ipse facile potes existima-  
re. Videor autem mihi in illum non magnum et pruden-  
tem modo Regem, sed optimum etiam filium meiq; ob-  
seruantissimum amisisse, quo tempore propter Turcarum  
insidias adiectumq; ad ista Regna semper animum ma-  
xime illum viuere oportuisset. Itaq; cum mea & certe  
istorum populorum, vel potius, vniuersa Christiana Reip.  
causa vehementer dolorem, angererq; prope animi om-  
nibus articulis & sensibus, illa me res non mediocriter  
est consolata, quod is, vt scribis, Ludovicum filium suum  
mirifica indolis magna; spei puerum Regni heredem  
sibi reliquit. Qui quidem si non satis dum propter ætatem  
sit ad id regendum & procurandum idoneus: habet cer-  
te non paucos excellenti virtute, singulari prudentia vi-  
ros principes, quibus nitatur, quorumq; consilijs, & ipse  
recte institui, & eius Regnum administrari commodè  
atq; feliciter possit. Quamobrem sedato, quantum potui,  
mœrore meo & luctu, consilioq; cum meis fratribus. E.  
R. Cardinalibus super eare mature amantiissimeq; habi-  
to tibi quidem negotium damus, primum, vt Regem pue-  
rum saluere iubeas nostris verbis, affirmesq; illi salutem  
eius & dignitatem magna cura nobis fore, nosq; singu-



los in eo & fouendo, et ornando Vladislai patris eius curam et studium plane gesturos. Deinde vt reliquos istius Regni Principes quo maiore animorum nostrorum ostensione poteris, hortere, velint, quemadmodum quidem confidimus te atq; illos esse facturos, in eam precipue cogitationem incumbere, nihil vt inter vos disidiū, nihil omnino discordia suboriat, sed vno omnium vestrum consensu & voluntate sedate atque amanter Regni & Regis pueri res, prouentus, otium, negotium procuretur. Id erit & prudentia vestra dignum, & nobis omnibus in primis gratum sic, vt iam nunc libentissime profiteamur, eius rei gratiam vobis singulis aliquando etiam relatu-ros. Caterum quod ad municipiorum illorum curam & tutelam attinet, quæ municipia isto in regno vicina oppositaq; Turcis sunt, atque in summa rerum omnium inopia versantur, celerisq; auxiliij magnopere indigent, ea in re omnem meam curam adhibebo: daboq; operam, vt eis omnibus in tempore succurratur. Itaque volo bono vos animo esse, neque vereri, quin à me omnia paterna in vos officia procurationesq; profiscantur. Quod quidem vt iam re fieri perspicere omnes homines possint, mittere istuc quamprimum decreui Robertum Archiepiscopum Regium familiarem meum illustri ortum gente, probumq; ipsum hominem, & doctrinæ studijs præditum, quem valde amo, tecum vnà vt à Regis pueri latere nunquam discedat, auctoritatemq; illi offerat nostram, quibuscunque in rebus & opus erit, & oportebit: ne is tam illustrem patris sui de sese commendationem apud nos parum valuisse suspicari possit. Scripsi etiam Bernardo Cantori Agriensi internuntio meo, vt cum istius

istius Regni magnis viris, quos ad singulos etiam literas dedi, diligenter ageret, vt in Regni negotijs procurandis concordiam in primis exercerent: vt rectius atque commodius publica per eos vtilitati regiæq, dignitati consuleretur. Iubebam autem tum has ipsas, tum ceteras, de quibus dixi, literas eiusmodi tabellario dari, qui celerrimè iter faceret: vt ante conuentus vestri tempus, qui ad diem nonum Calend. Maij est futurus, ad te perferrentur. Datum octauo Id. April. Anno quarto. Roma.

CAROLO HISPANO  
REGI PVERO. 6

QVOD Hieronymo Vicco excellenti virtute, mirifica diligentia, singulari fide viro, qui Roma Ferdinandi regis aui tui legatum multos annos gessit, velle te hoc tempore vti scribis, habereq, illum eodem apud me loco, sane gaudeo. Nam & ego illum valde amo, gratissimæq, mihi eius consuetudo semper fuit: & tu hominem ad eam rem magis idoneum habere nullum poteras. Habes autem eo in munere multa cum laude diu versatum, & cui vrbs Roma notior, quam vlli domus ipsa sua sit: qui neque fallere propter probitatem, volet, neque falli poterit propter vsum rerum atque prudentiam. Itaq, verissimum de illo testimonium Antonij Stunige magni Castella prioris, de quo scribis, plurimum apud te valuisse valde lator. Hortor autem te: quem quidem & amari semper antea, & nunc pluris etiam facio, cum quidem ad priorem in te charitatem meam Regij etiam nominis tui dignitas maiestâsque sit adiuncta, vt, quo horum ipsorum in te beneficiorum

Domini bene memor videre, vel in ipsius Domini cultu & amore, quemadmodum quidem intelligo facere te vt in huius Reip. obseruantia amantius in dies atq; ardensius versari, addicereq; animum in hoc ingressu in adolescentiam tuo ad omnium hominum pacem atq; salutem, quantum in te erit, erit autem semper plurimum, procurandam. A me certe omnia boni amantiq; patris ossi in te proficiantur. Quemadmodum cum Vico ipso, de quo, vt ad initium reuertar magnopere probo consilium tuum, his de rebus omnibus sum loquutus. Dat. septimo Id. April. Anno quarto. Roma.

SIGISMUNDO POLO-  
NIAE REGI.

7

Cum Vladislai Pannoniae Boemiaq; Regis fratris tui mors, eiusq; filij Ludouici nimis tenera ad perferenda onera duorum Regnorum aetas, aliquot nos dies moerentes suspensosq; habuisset: de fratrum meorum E. R. Cardinalium sententia Robertum Archiepiscopum Reginum designatum familiarem meum, quem propter familiae splendorem & singularem ipsius doctrinam atq; virtutem ita complector, vt sit mihi plane charissimus, legavi, quem illuc quamcelerrime mitterem: vt esset, qui vna cum Cardinali Strigomensi Regi puero meo nomine adesset: atq; ad pacem & otium eius regni procurandum autoritatem adderet meam: vt quantum pro tempore possem, puerum quem quidem nobis pater extremo vitae sua tempore diligentissime amantissimisq; verbis commendauerat, & pueri regnum ornarem atque protegerem. Volo enim omnes homines intelligere, fratrem meum fortem virum ei prudentem a religione prae-  
homi-

hominem cum fruente vita dilexisse, iun: eius comm: en-  
dationem morientis non neglexisse, Regnorumq; illo-  
rum & nationum fortissimarum & bene de re Chri:stia-  
na meritatum, quam delui, curam et rationem habuisse.  
Cui quidem Roberto, cum maturare, quantum posset,  
profectionem suam mandauissem, ha: ad te literas iussi  
dari certo tabellario & celeri: vt te ante omnibus de re-  
bus docerem, quam is Pannoniam attigisset. Ego si com-  
mendare tibi fratris tui filium velim, diffidere videar.  
probitari tua: cui sanè non diffido: est enim mihi quidem  
probatissima. Sed tamen facere non possum, quin tibi il-  
lum commendem. Vale. Dat. tertio. Id. Apr. Anno quat-  
to. Roma.

## VITERBIENSIBVS.

8

C V M nuper intellexerim Piratarum Punicorum  
iustam classem ad vicina vobis littora: oramq; istam ma-  
ritimam aduenire, vos quidem vnos maxime omnium  
& commonefacere & hortari volui, paratus vt vos ala-  
cresq; ad ea munera obeunda, curas laboresq; capeffen-  
dos prestaretis, qua munera Franciscus Pius Hetruria  
Prolegatus vobis mandauerit, quamobrem tam inopi-  
nato teterrimorum hostium & latronum aduentui atq;  
impressionibus iri obuiam possit. Ea in re si quem admo-  
dum quidem spero, deq; vestris confido studijs, sic egeri-  
tis: non vos quidem ipsos pius amauero. Qui enim fieri  
potest, nihil cum sit meo perueteri erga vos amore cha-  
ritateq; ardentius? sed plus amari à me meritos esse vos  
facile profitebor. Dat. sexto Calend. Maias. M. D. XVI.  
Anno quarto. Roma.

## FALISCIS.

9

Vn 6

Qvo-



QVONIAM renuntiatum nobis est, Pœnorum, qui Piraticam exercent, non parvam classem in mari nostro esse, vestraq; ad littora atq; ad Centuncellas cui sum tenere, mando vobis, vt omnibus in rebus, quæ à Francisco Pitta Hetruriæ Prolegato vobis imperabuntur, sine vlla ei mora pareatis, non secus, ac si ipsis à nobis presentibus iuberemini: ad vestram enim & vestrarum rerum incolumitatem salutemq; pertinebunt. Dat. sexto Cal. Maias. Anno quarto. Roma.

## GRAVISCIS. 10

ALLATVM est ad me satis magnam Piratarum classem à vestris littoribus non multum abesse. Quare vobis mando, & vt oppidum istud, quo celerius fieri poterit: communiatis, ne imparati ab hostibus paratissimis offendamini: & vt Francisco Pitta Hetruriæ Prolegato omnibus in rebus vestram operam nauandam statuatis, quis ille per vos fieri iusserit, non secus, ac mihi ipsi. Volo autem vos bono animo esse. Eorum enim quæ ad vos oppidumq; vestrum defendendum pertinebunt, nihil prætermittam: vt intelligere possitis vestram incolumitatem mihi magnæ curæ esse. Dat. sexto Cal. Maias. Anno quarto. Roma.

## FRANCISCO PITTAE HETRURIAE PROLEGATO. II

QVOD me de Piratarum Classe celeriter monuisti, quam appropinquare nostris littoribus scribis, diligentiaq; tua & vigilantia, quam adhibes, ne imparati offendamur, mihi vehementer probatur. Scribimus autem ad ea municipia, quæ in Legatione sunt Marci Cardinalis Cornely: vt quoniam eiusmodi classis in mari nostro

est, primum se premuniant, prouideantq<sup>3</sup> ne offendi possint: deinde tibi omnibus in rebus, quas fieri per eos & curari voles, ita praesto sint, vt mihi essent, si à me presente iuberentur. Te verò hortor: nam mandare tibi, cum omnia per te facias, nihil debeo: vt pergas quemadmodum quidem coepisti, nulla in re deesse ad istorū populorum salutem incolumitatemq<sup>3</sup> protegendam: sic enim & praestabis ipse mihi fidem tuam, & ego te chariorem habebo, et plurius pluriusq<sup>3</sup> faciam. Dat. sexto Cal. Maias. Anno quarto. Roma.

FEDERICO FREGOSIO

ARCHIEPISCOPO SA-

LERNITANORVM. 12

GRATAE mihi tuae literae fuerunt, quibus ostendis, si quid aggredi contra Piratarum classē velim eam, quae Italiae oram nuper insedit, infestatq<sup>3</sup> Tyrrheni maris littora, te paratum animatumq<sup>3</sup> esse cum nauibus longis quatuor, quas ista vrbs deductas & ornatas habet, quod oporteat quoque iubeam accedere: neque vereri, quin ipsa ciuitas nihil sit mihi eiusmodi pro sua in me obseruantia & cultu recusatura. Deq<sup>3</sup> ista tui animi propensione & studio mehercule gaudeo. Video enim bonorum ciuium & fortium virorum prouentu hanc Remp. non prorsus inopem factā: cum vigere adhuc quidē in nostris hominibus eiusmodi sensus et cogitationes intelligo. Erit autem eo mihi tua hac liberalitas opportunior, quo celebritate opus est ad rem recte atq<sup>3</sup> vt volumus conficiendā. Scribo itaq<sup>3</sup> ad Octavianum fratrem tuum Praefectū Genuae eiusq<sup>3</sup> oppidi decuriones, velint mihi et eas, quas dis-  
cis, quaeq<sup>3</sup> in anchoris sunt, triremes nauēis commodare,  
& or-

et ornare alteras totidem, ad nosq<sup>2</sup> mittere: vt communes hosteis nostros eo & tutius aggredi, & celerius opprimere possimus. Te verò etiam atque etiam hortor, rem apud ciues tuos inuies: atq<sup>3</sup> in eo multum infumas opera, vt quæ comparanda erunt, quam celerrime comparentur. Erit id mihi apprime atq<sup>3</sup> summopere gratum. Reliqua ex literis Petri Bembi familiaris mei ab epistolis, qui te plurimum diligit, cognosces. Dat. tertio Non. Maias. Anno quarto. Roma.

## OCTAVIANO FREGOSIO

PRAEFECTO ET DECVRIONI

BVS GENVAE.

13

APVLLISSE ad Italia insulas & littora vobis viri in Punicam Piratarum classem non spernendam, eaq<sup>3</sup> infestissima reddere, deripere, depopulari, intellexisse vos aliquando etiam, quàm me temporius arbitror. Eam ad classem vel repellendam, vel si fieri poterit, conterendam, omnem meam curam & cogitationem adhibeo. Sed quoniam ad id & magna classe opus est, & quæ celerrime conficiatur: pro vestra vetere in Rom. Pontifices & Dei ecclesiam pietate proq<sup>3</sup> meo in vos paterno amore culto à vobis diligentissime etiam à vobis peto, vt ad hanc rem, quam paro, Italis quidem omnibus in primis honorificam, vobis certe propter periculi societatem etiam salutarem, & eas vestras triremes, quæ instructæ paratæq<sup>3</sup> sunt commodetis, & simul ornari alteras totidem quam celerrime imperetis: quibus nauibus cum nostra classe societatis communes omnium nostrum hosteis nobis turpiter insultantes aggredi atq<sup>3</sup> opprimere possimus. Ea res vt facilius, confici possit, si me adnionueritis, partem.

partem stipis ad vos mittam in nautas & milites cogendos nauibusq; imponendos. Toto vero in apparatu atque negotio vos oportet vnos tum diligentiam & studium, tum maxime celeritatē adhibere. Si enim praestolabimur nihil est cur illos, qui omnia temporū momentis mentiantur, posse nos consequi spem ullam habeamus. Id autem ut animis alacrioribus vobis esse faciendum statueretis, petijt à Francisco Gallorum Rege per lueras non hoc ipsum modo, ut vestras naueis permitteret mihi praestō esse, sed illud etiam ut suam ipse classē cum nostra classe coniungeret quoad aliquid actum & confectum esset. Quod quidem illum confido pro nostra coniunctione, proq; suo intuenda Christiana re studio libentissimē esse facturum. Datum tertio Non. Maias. Anno quarto. Roma.

# ABBATI SANCTI BERTINI. 14

MITTIMVS ad Carolum Hispania Regem Pindarum Santesium familiarem nostrum: eiq; mandauimus, ut Rege salutato te inuiseret, tibiq; significaret, me tui memoriam crebro libenterq; repetere, utpote boni hominis et religione pradi, et mei obseruantis, et quem ego vnice atq; summe pere amo. Itaq; ei te meis verbis alloquenti, deq; mea in te voluntate plura & certiora deferenti fidem habebis, tibiq; persuadebis gratissimum mihi fore, si te & recte valere, & bene agere intellexero. Datum sexto Id. Maias. M. D. XVI. Anno quarto. Roma.

# PROSPERO COLVMNAE

CAVIO. 15

LITERAS



LITERAS tuas Decurionibus municipij Acutini  
 & Vicario Episcopi Agnanini scriptas, quibus literis  
 demortui Episcopi bona tuis procuratoribus dari postu-  
 las, legi missas ab ipsis mihi, non illas quidem dignas,  
 quæ à te proficiscerentur, & cum iniquas, tum contum-  
 eliosas, præsertim in hominem mihi charissimum, quiq;  
 à latere meo nunquam discedit. An tu vnus nesciebas A-  
 cutum oppidum & Episcoporum bona non ad te, sed ad  
 nos pertinere? Quamobrem primum quidem paterne te  
 hortor, deinde mando etiam atque impero, ne te causa  
 vlla, modo vllò, colore vllò illis in bonis immisceas, ne te  
 animum addas Episcopi aduersarijs male in eum cogi-  
 tandi: faueas etiam potius præstog; sis eius procuratori-  
 bus, qui has tibi meas literas reddiderunt. Quod si ius  
 tibi aliquod ijs in bonis competere existimas, id à me  
 postulato: qui tibi quod rectum honestumq; sit, nulla  
 ex parte deero. Datum tertio Id. Maias. Anno quarto.  
 Roma.

## CAROLO HISPA-

NIAE REGI.

16

PROFICISCENTEM ad te Antonium Stuni-  
 gam Castellæ Priorem dimittere sine meis literis nolui:  
 in quo cum ad generis nobilitatem animi etiam magni-  
 tudinem, prudentiam, continentiam, plurimas egregias  
 excellentesq; virtutes adiunctas et consociatas agnoue-  
 rim: apud nos enim prope biennium in sui prioratus con-  
 trouersia dum sibi ius fieri postulat, summa cum tempe-  
 rantia & equanimitate, versatus est: eum dignum exi-  
 stimaui, quem & mea beneuolentia vnica complecterer,  
 et tua pietati diligentissime commendarem. Moram au-  
 tem

tem eam, quam iudiciorum praestituta tempora sibi de-  
 poscunt, illud etiam auxit, quod Ferdinando Rege au-  
 to quotidianis prope postulationibus agente apud me, ut  
 rem illius et causam paululum protrahi permetterē: fore  
 enim propterea, ut dilatione aliqua iudicij interposita  
 Prior ipse ad concordiam adduceretur: sententiam iudi-  
 ciumq<sub>3</sub> differri aliquātisper rogatu Regis passus sum exi-  
 stimās ipsum concordiae conditiones, quae Regis et aduer-  
 sariorum ei nomine proponebantur, non recusaturum.  
 Quamquam quidem postea cum illū nullas pactiones ac-  
 cipere, nullas sibi leges velle dari cognovissem, neq<sub>3</sub> vllis  
 conditionibus adduci posse, ut ad concordiam sese demit-  
 teret, iussi ut causa lisq<sub>3</sub> omnis terminaretur, ad exitūq<sub>3</sub>  
 perduceretur. Iis vero in actionibus omnibus biennioq<sub>3</sub>  
 toto planē perspexi id quod mihi gratissimū profecto ac-  
 cidit, ipsum quidem observantissimū tui esse, tuumq<sub>3</sub> no-  
 men maxime colere, maximiq<sub>3</sub> facere nutus singulos vo-  
 luntatis tuae. Itaq<sub>3</sub> tibi illum commendare iustissime sanē  
 videor tum morum optimorum hominem eximiaq<sub>3</sub> con-  
 stantia atq<sub>3</sub> virtutis, tum fidei explorata erga te plana-  
 q<sub>3</sub> singularis. Gratissimum igitur mihi feceris: si prater id,  
 quod Antonium diligere merito eius debes, habebis il-  
 lum mea causa etiam chariorem. Vale, nosq<sub>3</sub> dilige.  
 Dat. Id. Maij. Anno quarto. Roma.

LAVRENTIO MEDICI

FRATRIS FILIO. 17

IOANNIS Iordani Vrsini propinqui nostri precibus  
 adductus, charitate etiam, qua illam gentem, ut scis, at-  
 que familiam prosequor, me impellēte, te hortor, ut Vir-  
 ginum Vrsinum Anguillaria Dominum istius Reipubl.

Præfe-

- Praefectum equitum in ea, qua nunc est, conditione dignitateq; retineas, neq; cum missum facias: quem quidem etiam in meliore esse apud te remq; illam pub loco, si fieri posset, magnopere vellem: meamq; hanc voluntatem ipsi quidem exploratissimam esse scio. Itaque sic velim tibi persuadeas, te mihi rem pergratam esse facturum, si curabis, ut virginus, quam in me spem adhuc quidem positam habuit, ea ne deferatur. Dat. xvii. Cal. iunias. M. D. xvi. Anno quarto. Roma.

IOANNI PAVLO BALIONI,  
ET SIPITIANI Dominis.

CUM mihi, quem quidem pacis atq; concordie suaforem autoremq; esse maxime omnium conuenit, non mediocrem molestiam attulisset ea controuersia, quam de Petri & Grassiani oppidulis obstinata nimis animorum contentione inter vos aliquot iam annos exercuistis: ne semper ysdem in disceptationibus versaremini: quod sine vestro magno mehercule malo, nostri verò prope, ut verissime dicam, contemptu fieri non potest: Laurentium Medicem fratris mei filium Florentinorum exercitus imperatorem delegi quo viriq; arbitro vestrarum disceptationum vteremini: quiq; interea, dum de iure vestro cognoscit, illorum oppidorum possessionem meo nomine capiat: ne peioribus in dies malis grauioribusq; impensis implicemini. Quamobrem vobis singulis mando atq; impero, ut sine vel mora, vel recusatione vlla Matthæo Cautio Laurentij procuratori eorum oppidorum possessionem tradatis, ab sq; ipsi recedatis, spemq; faciatis, per illud iudicio vos staturos & quieturos.

*turos. Secus si feceritis, quo maiore charitate vos ample-  
ctor, eo cogar & diligentius & celerius dare operam, ut  
meam dignitatem tuear. Dat. XVII. Cal. iun. Anno  
quarto. Roma.*

THOMAE FELTRINORVM  
EPISCOPO LEGATO. 19

PVTO te non latere quanto studio cum Venetis e-  
gerim, ut Christophorum Friapanem Matthæi Cardina-  
lis Gurcensis sororis virum captum ab eis sui redime-  
rent. Quod quoniam parum successit, neq; velle Venetos  
intelligo missum illum propterea facere, quod Iulium  
Manfronum eorum Praefectum equitum hostes captum  
item à suis, si id fiat, missum se facturos recipiant: multo-  
rum valde mihi & gratiorum & probatorum hominum  
precibus adductus mando tibi, ut tum apud Maximilia-  
num, tum cum Cardinale ipso agas, contendas, efficias,  
ut conditione aliqua neutri parti graui Iulium liberent  
missumq; faciant hostatu meo. Dat. XV. Calend. iun.  
M. D. XVI. Anno quarto. Roma.

BOIORVM DVCI PRAE-  
FECTO MEDIO-  
lanensium, 20

SCRIBITVR mihi non paruum militum manum  
extra regis tui ditionem abs te mitti. Ea de re cum nihil  
mihi significaueris, non potui non moleste ferre me à te  
ijs de rebus esse celatum, praesertim cum intelligerem eos  
milites iamprimum ad conturbandum Campi & Miran-  
dula statum tendere, municipiorum mihi imprimis com-  
mendatorum, nostraq; in tutela otiose atque imparate  
quiescentium. Quamobrem cum existimem pro summa,



nostra beneuolentia regem ipsum, ad quem quidem ea de re literas dedi, non permissurum, ut ij, qui nobis commendati sunt ab eius militibus diripiantur: peto à te etiam, primum quidem, ut ab illorum oppidorum impressione tuos milites continere, quoad aliquid ab rege afferatur: deinde ut de militum itinere, si tibi videretur, cogitationibusq, tuis. quemadmodum quidem nostra coniunctioni valde conuenit, aliquid nobis impartiare. Dat. XII. Cal. Iun. Anno quarto. Roma.

FRANCISCO GALLO.

RVM REGI.

22

RENUNTIATVM nobis est non exiguam tuorum militum manum extra tuæ ditionis fines transq, Palum iter facere. De eo cum neg, ad me scripseris ipse, neque tui qui quidem in Italia sunt, mihi quicquam ministri significarint, affectus molestia sum propterea quod est sane rumor eos tuos milites ad peruertendas Carpi & Mirandulæ res contendere: quæ quidem municipia aliquot anni sunt, cum in meam clientelam tutelamq, sunt recepta. Quare te hortor, ne permittas eos, qui se mihi dediderunt, à tuis militibus vexari, præsertim cum illos constet nulla in re contra te dignitatemq, tuam vel egisse vnquam, vel omnino cogitauisse. Id erit & te dignum, & à coniunctione nostra postulatum, & mihi gratissimum. Dat. XIII. Calend. Iun. Anno quarto. Roma.

BOIORVM DVCI.

22

HERI ad te scripsimus, ut, quoniam rumor erat tuos milites ad Carpi atq, Mirandulæ municipia lacescenda iter facere, velles eos continere, dum sciri posset,  
quid

quid Rex tuus ea de re fieri vellet. Eas meas literas tametsi confidimus tantum, quantum profecto debent pro mea summa in regem beneuolentia proq<sup>3</sup> nostra coniunctione, apud te ponderis habiturus: tamen increbrescente magis magisq<sup>3</sup> horis singulis rumore illo & sermone hominum statui Latinum Iuvenalem familiarem meum magnis itineribus ad te mittere, qui coram tota de re diligentius tecum ageret meis verbis. Ei tu igitur fidem habebis, pacemq<sup>3</sup> & pacis studia, si me audias, plus diliges bellis & turbis omnibus. Dat. ad XII. Cal. Iun. Anno quarto. Roma.

## EPISCOPO VESPRI-

MIENSI.

23

REVERTENTI ad te Thoma Nigro Vicario tuo, qui non solum apud me, sed etiam apud fratres meos E. R. Cardinales publice oppidorum eorum, quæ à Turcis obsidentur, regniq<sup>3</sup> istius causam, atque in primis tuam grauitè & accurate egit, mandauit, vt te meis verbis saluaret: ac primum tibi significaret, quòd plurimos pro re Christiana labores pertuleris, grauià omnia periculisq<sup>3</sup> adieris, impensas maximas feceris, nos te efferre maximis et verissimis laudibus, deq<sup>3</sup> ea optime esse meritum libentissime profiteri. Deinde tibi cognitam faceret diligentiam meam, quam adhibeo, vt tibi tantum auxilij, quantum satis sit ad illa oppida munenda hostesq<sup>3</sup> propulsandos communi consilio atque opibus quamcelerrime mittatur: vt tuam & istius Regni Christianaq<sup>3</sup> Reip. dignitatem defendere ac tueri possis. Den. ù te hortaretur, vt pro tua virtute animiq<sup>3</sup> magnitudine hostiù furorem tandiu sustineres, dum hæc conficerentur, quod

quidem paucis diebus confidebamus fore. Itaq<sup>3</sup> bono animo es, optimamq<sup>3</sup> spem alere populos istos fortissimos & constantissimos iube, breui se incolumes futuros. Reliqua ex ipso cognosces. Dat. octauo Calen. Iun. Anno quarto. Roma.

FRANCISCO GALLO-

R. V. M. REGI.

24

BINAS iam ad te literas dedi, quibus te literis sum cohortatus, vt fessis atq<sup>3</sup> labantibus Pannoniæ rebus propter assiduam in Dalinatas Turcarum impressionem diuturnaq<sup>3</sup> nimis bella pecunia auxilio mecum & cum cæteris nostris Regibus pro tua liberalitate succureres. Et quoniam ea res magna sanè diligentia celeritatiq<sup>3</sup> indigebat, commonui in primis te, vt quæ tibi agenda esse ea de causa putares, ageres efficeresq<sup>3</sup> quamprimum: neq<sup>3</sup> committeres, vt elapsa rei bene gerenda occasione, quæ quidem erat perbreuis, tueri postea ab audacissimis hostibus nostris Regnum illud, cum velles, non posses. Eas ad literas postulataq<sup>3</sup> nostra, quod te dignum erat, rescripsisti, te scilicet velle facere, quæ proponebantur: itaque ei te rei pro tua portione non defuturum. Quod quidem ego statim Regi Pannoniæ Principib<sup>3</sup>q<sup>3</sup> illius Regni viris significavi, acciditq<sup>3</sup> eis omnibus planè gratissimum. Verum cum nouissime per literas Episcopi Vespri-  
miensis Præfecti Croaciæ Pannoniaq<sup>3</sup> Proregis optimi atque fortissimi viri certior factus sim, ipsum quidem in exigua spe esse, posse se vltius Turcarum vim atq<sup>3</sup> impetum sustinere: ipsius autem Episcopi Vicarius coram mecum & cum meis fratribus E. R. Cardinalibus prostratus ante meos pedes illorumq<sup>3</sup> genibus aduolutus  
flens,

flens, fidemq<sub>3</sub> nostram atque omnium Christianorum Regum implorans obtestansq<sub>3</sub> Deos & homines egerit, ne Regnum illud, quod quidem adhuc hostium gladios nostris à iugulis atque ceruicibus semper repulit, iri perditum nostra ignavia atque segnitia sineremus: oppidorum enim eorum, quæ à Turcis hoc tempore obsiderentur premerenturq<sub>3</sub> modis omnibus, Iai<sup>z</sup>e, Tininij, Clisij, Scardona, eam naturam esse cum propter portus, quos haberent maximos atque tutissimos, tum propter materiam ad naueis adificandas idoneam, qua abundarent, demum etiam propter ipsorum situs atq<sub>3</sub> positus, ita Pannonia atq<sub>3</sub> Italiae opportunos imminenteisq<sub>3</sub>, ut vno eorum aliquo in Turcarum potestatem redacto, Pannonia quidem ipsa se tueri nullo modo possit: Italiae autem ora, quæ ad mare Adriaticum est, noctis vnius navigatione eorum clasibus pateat, quibus diripi atque incendi possit. Hæc itaque cum ita se haberent, de eorundem fratrum meorum sententia statui ad te scribere, teq<sub>3</sub> hortari, & rogare, ut quamprimumquamq<sub>3</sub> celerrime saltem quindecies mille nummum aureorum ad nos mitteres: qui vnà cum meis alteris totidem illuc transmitteretur: quibus se opibus illa municipia communirent, ne nostris hostibus sese dedere fame ac rerum omnium egestate atque inopia magno cum nostro, nostro inquam te coniungens, reliquorumq<sub>3</sub> Regum nostrorum dedecore et ignominia cogerentur. Plura me ad te scribere hæc de re fortasse res ipsa postulat: quæ quidem secum maximum in vtramq<sub>3</sub> partem rerum omnium motum atque faciem trahit. Sed persona, quam sustines, nomenq<sub>3</sub>, quod geris, planè non postulat. Ea te mouere etiam tacentibus nobis debent, ut



non magis verbo, quam re tuendusq; Christi populis & esse & haberi velis Rex & maximus & Christianus maxime. Quod quidem te facturum & pro animi tui magnitudine, quam et omnes predicant & ipse agnoui, proq; tua prudentia, religione, pietate, liberalitate sanè confido. Hac vero ipsa, quæ ad te scribo, scribo item cæteris Regibus: quos quidem in eo non defuturos puto. Sed te decet: qui & illis maior es, & vobis cum viuimus, tum coniunctus magis, ad tui partes muneris peragendas etiam priorem & alacriorem accedere: ex quo tamen & vberior à Dijs immortalibus gratia & clarior ab hominibus gloria te sequetur. Fraïres mei tibi salutem ascribunt. Vale. Dat. Id. Maijs. M. D. X V I. Anno quarto, Roma.

M A X I M I L I A N O R O M.

I M P. D E S I G.

25

PROXIMIS diebus à te cum venisset Sigismundus Alberti Legati tui familiaris multa nobis narrauit, quæ libentissime audiuimus quæq; nobis pro summa nostra in te beneuolentia gratissima & iucundissima fuerunt. Quanquam quidem, quod ad te attinet, nunquam sanè dubitauimus, te, qualem consilimus decetq; esse, talem futurum. Sed pupugerant me quorundam hominum voces non tam maleuolorum, quam timidorum, & omnia sua ipsorum natura moribusq; metientium. Quos tamen ipsos nunc valde pœnitet minus recte de animi tui magnitudine, quā par erat, cogitauisse. Sed hæc quidem hætenus. Sigismundo vero ipsi ad te reuertenti multa mandauit, multa etiam cum Legato tuo sum loquutus, quæ ad te præferri volo. Quare & illius sermoni et huius

luteris

literis semihoram dabis: tibiq<sup>3</sup> persuadebis, dignitatem  
amplitudinemq<sup>3</sup> tuam mihi magna cura esse. Vale no-  
strorum hominum Imperator vere maxime atque opti-  
me. Dat. Cal. Iun. Anno quarto. Roma.

## V. R. B. I. N. A. T. I. B. V. S. 26

INTELLEXI vestris ex literis id, quod mihi pro  
ea, qua urbem istam omni sum tempore beneuolentia  
charitateq<sup>3</sup> prosequutus, iucundissimum sanè fuit, vos ad  
meum & huius Reip. Imperium libenti animo rediisse.  
Equidem vos ea de re vehementer laudo: qui tempesta-  
tibus huc illuc diu iactati post longos atque multos labo-  
res in Reip. pie optimaq<sup>3</sup> matris sinu tanquam in portu,  
conquiescere voluistis. Itaq<sup>3</sup> municipium istud vosq<sup>3</sup> om-  
nes in meam curam atque fidem libentissime recipio:  
daboq<sup>3</sup> operam, ut in mea erga vos tum beneuolentia,  
tum studio & diligentia securè pacateq<sup>3</sup> degatis. Atque  
aliquem ex intimis charissimisq<sup>3</sup> mihi perspectaq<sup>3</sup> probi-  
tate & virtute virum propediem istuc mittam ad vos  
non solum regendos, sed maxime etiam & fouendos &  
omni pietate complectendos. Neque interea vobis deerit  
Laurentij Medicij fratris mei filij vestri Ducis industria:  
qui suis vos opibus amantissime tuebitur. Hortor autem  
vos, ut quàm vobis nuper Dominus in recuperanda huius  
Reip. beneuolentia mentem dedit, eam in posterum pie-  
tate, fide, studijsq<sup>3</sup> vestris etiam augeatis. Dat. Cal. Iun.  
Anno quarto. Roma.

## G. E. N. V. E. N. S. I. B. V. S. 27

QVESTI apud me sunt per literas VIII. viri  
Reipub. Florentinae grauitè illi quidem, & plus do-  
lore, quam atramento illitis codicillis: cum scriberent

nauem quandam Cypriam à Florentinis mercatoribus conductam, onustamq<sup>3</sup> sale Ebusitano in ciuitatis ipso-  
rum vsum Pisano in portu à vestrarum quatuor triremium Praefectis captam fuisse, perductamq<sup>3</sup> istuc, inquitentibus ita sibi facere per vetustissimas Romanorum Imperatorum concessiones licere, velleq<sup>3</sup> se eo detracto sale nauem comburere iactantibus praeq<sup>3</sup> se ferentibus. Quod quidem mihi, vt vere dicam, quod sentio, molestissimum accidit, visumq<sup>3</sup> est valde mehercule indignum vestra maiorumq<sup>3</sup> vestrorum equitate ac frugalitate, addo etiam vrbs vestra dignitate & nomine, eoq<sup>3</sup> magis, quod quibus à ciuibus vestris se defensum iri Florentini ciues contra Pœnorum Piratarum classem existimabant, idq<sup>3</sup> ab ipsis predicabatur, quosq<sup>3</sup> ciues vestros ea de causa suo in portu amicissime receperant, rebus omnibus iue-  
rant, illis ipsis eorum fortunas pradae atque ludibrio esse, speciem quandam habet insolita vel perfidia, vel auaritia, vel sceleris. Quid enim hostes ipsi Pœni vi atque armis illos aggressi durius in eos atque crudelius statuis-  
sent: Aut quis vobis posthac fidem vllam habendam existimabit, si quos ab alijs tuendos ipsi palam suscepistis, quiq<sup>3</sup> vos sanè liberaliter atque etiam verius hilariter, tanquam bonos hospites, amicos quidem certe atque socios suis in terris atque portubus exceperant, ij à vobis capiuntur, diripiuntur, incenduntur, eiusmodiq<sup>3</sup> habentur, in quos exempla crudelitatis exerceatis? Quamobrem statui vos magnopere hortari, ne pluris antiquas vllas vestras Imperatorias concessiones, quàm ius gentium, quàm bonum & equum, quàm humanitatē ipsam faciatis: iubeatisq<sup>3</sup> vt mercatoribus Florentinis, vel reip.  
potius,

ptius, (ea enim me hoc rogat,) tam quidem mecum & cum reliacp. coniuncta atq. consociata, vt vna atq. eadem ambæ esse videantur, ablata per vestros Praefectos omni sine mora sineq. impendio restituantur. Quod erit & iustitia modestiaq. vestra, duas enim has praclaras maximeq. vrbibus populisq. salutare adhuc in vobis virtutes agnoui, magnopere proprium, & mihi vehementissime gratum. Sed tota de re Franciscus Ghibertus fisci Romani minister, ad quem longiores literas dedi, mentem vobis meam diligentius exponet. Dat. VIII. Id. Iun.

M. D. XVI. Anno quarto. Roma.

## CAROLO HISPAN-

NI AE REGI.

28

MVLTO ante, quàm ab hominibus emigraret Ferdinandus Rex auus tuus, literas ad me dedit: quibus se literis Hieronymo Vicco Legato apud me suo pollicitum fuisse narrabat, quem quidem virum optime de se meritum fatebatur, daturum se operam, vt qua primum Ecclesia boni prouentus suis in regnis Episcopo deficeretur, ei nos Ecclesiae Vicci fratrem praefereremus. Qua de re mecum Hieronymus non semel egit, quippe qui ea spe plurimum fouebatur, nec verebatur, quin rex quemadmodum quidem & sibi receperat, & mihi scripserat, primo quoque tempore esset factururus. Hac mea commendatio quam vim habeat, per te ipse facile iudicabis. Nunc autem, cum Hieronymus mihi significarit Ludouicum Episcopum Dertucensem vita functum esse, testis vero ipse sim non solum promissi regis, vt dixi, sed Vicci etiam in Regem fidei, diligentiae, meritorum: probo & prudenti homini, & eximia in Reges suos obser-



uantia, & cum summa illorum laude maximisq<sup>3</sup> suis laboribus decem totos annos Roma versato, optime de auo ipso tuto, bene de te merito, mihi propter eius excellentem virtutem in primis grato deesse plane volui. Itaque non solum te hortor, sed etiam atque etiam abs te peto, velis vt ei Ecclesie Pontificis cura atq<sup>3</sup> solatio destitutæ frater Hieronymi præficiatur, cum propterea, vt tu, qui fortunarum aui tui & Regnorum tot atque tantorum hereditate Dei Opt. Max. munere creuisti, illius etiam fidei & promissorum, ratione præsertim meritoq<sup>3</sup> factorum, heredem velle agere videare: tum vel maxime vt Legati tui, qui tuorum Regnorum negotia tam diligenter tantaq<sup>3</sup> cum dignitate totq<sup>3</sup> annos apud Romanos Pontifices procurauit, laborum & vigiliarium rationem te habuisse omnes homines intelligant. In quo cum illud egeris, quod facere tua sponte sanè debes, quodq<sup>3</sup> tibi & laudi & gratie apud tuos est futurum, qui hoc exemplo ad bene de te merendum excitari poterunt. Mihi quidem ipsi tam gratum feceris, quàm si tantundem aut eo amplius alicui ex meis familiaribus mihi charioribus & coniunctioribus contulisses. Dat. XIII. Cal. Quintilis. Anno quarto. Roma.

A G N E S I N A E M O N T I S F E -

R E T R I A N A E F A B R I T I I

Columnæ vxori.

29

A F F E R T V R ad nos multa quotidie latrocinia multasq<sup>3</sup> cedes in Algidi sylua fieri, impediriq<sup>3</sup> itinera sic, vt iam à viatoribus non si equententur. Quod cum mihi & permolestum sit, & cum Reip. indignitate magnopere coniunctum: peto à te, des operam, mandesq<sup>3</sup>

tuis

tuis hominibus, vt latrones intercipient : vt & eiusmodi  
 scelera reprimantur, & itinera purgentur. Ea in re cum  
 id, quod, tametsi femina es, à tua tamen virtute postu-  
 latur, teq; maxime dignum est, facies tum viri tui ab-  
 sentis optimi hominis atque fortissimi desiderium mihi  
 & Reipub. lenies. Dat. XI. Cal. Quintil. Anno quarto.  
 Roma.

PETRI BEMBI EPI-  
 STOLARVM LEONIS DECI-  
 MI PONT. MAX. NOMINE  
 scriptarum.

LIBER XIII.

THOMAE CARDINALI  
 STRIGONIENSI.

**E**CTIS tuis literis, quas binas vno tem-  
 pore accepi, alteris ad decimum, alteris  
 sexto Cal. Iunias datis, statim fratres  
 meos E.R. Cardinales adhibui: vt vnà,  
 quid tibi ad illas respondere nos oportere-  
 ret, matura consuleremus. Itaque de communi nostrum  
 omnium sententia tibi respondeo: vt ar autem ordine, ad  
 priorem scilicet epistolam prius: Gratissimum nobis acci-  
 disse, quod in conuentu Pannonico nuper habito omnia  
 tranquille atque pacate acta confecta transactaq; sint.  
 Nam cum proxime propter recentem Vladislai Regis  
 mortem,

mortem, imbecillamq<sup>3</sup>, Ludouici eius filij ad regendos  
 populos atatem ne turba seditionesq<sup>3</sup>, inter istos Princi-  
 pes existerent, magnoperè timuissimus: nunc, cum res  
 aliter ceciderit, iamq<sup>3</sup>, omnia per vos & prudenter &  
 temperate administrantur, magna certe voluptate tua  
 nos litera affecerunt. Valde enim fore credimus, vt si  
 vos in tractandis Regnorum istorum explicandiq<sup>3</sup>, ne-  
 gotijs idem atque vnum omnes respicietis, magna cum  
 pacis & quietis, tum dignitatis & commodorum incre-  
 menta publicè atq<sup>3</sup>, priuatim vestris rebus sint accessu-  
 ra. Pacis enim atq<sup>3</sup>, concordia cupidos et retinenteis pro-  
 tegit augetq<sup>3</sup>, pacificus & mitissimus Dominus. Quare eo  
 de consensu et voluntate maximis vos singulos et studijs  
 prosequimur & laudibus. Hortamur autem, vt in insti-  
 tuendo Rege puero, atateq<sup>3</sup>, illa tenera & flectenda, &  
 dirigenda eundem consensum eandem curam adhibea-  
 tis, quoad Rex se atq<sup>3</sup>, sua regere per atatem possit. Nam  
 vt arborum semina, dum pusilla sunt, palis indigent, qui-  
 bus nitantur, ne ventis & tempestatibus incuruescant,  
 obliquitatemq<sup>3</sup>, ducant crescentia, sic puerorum ingenijs  
 moderatore opus est & magistro, qui ea regat atq<sup>3</sup>, con-  
 tineat, ne flectere in vitia malasq<sup>3</sup>, artes possint: ad quas  
 tenera omnis & infirma etas pronos maximeq<sup>3</sup>, lubri-  
 cos lapsus habet. Rescripsi ad priorem epistolam tuam,  
 nunc ad postremam venio: qua me de aduentu ad vos  
 Turcarum. Regis Legati certiozem facis induciarum  
 cum Rege tuo conficiendarum causa: consiliumq<sup>3</sup>, requi-  
 ris meum: vt quid vobis faciendum sit, scire possis. Quod  
 quidem nullum habeo, tibi quod dem, prater illud, de quo  
 ad te non vnus literis scripsi. Quod idem nunc scribo: no-  
 bis sci-

his scilicet eandem esse mentem, eundem animum, qui antea fuit, quiq; semper est futurus. Cupimus enim ut debemus, ne cum perpetuis nostris hostibus vlli Reges nostri, vllaimperia se coniungant. Qui non id postulant propterea quod pacem & otium velint, cum nihil, nisi bella meditentur: vel quod vlllo vos commodò affici non agerrime molestissimeq; ferant, quorum oppida ditiorumq; ipsas inducias flagitantes depopulantur et prote-runt: sed ut à vobis populisq; istis bellicosissimis atq; fortissimis securi tantisper sint, dum vel alia, quæ sibi cordi sunt, explicent aliosq; Reges opprimant, vel sibi opes comparent ad vos postea, quibus maxime inhiant, validis integrisq; viribus aggrediendos plaseq; conficiendos. Itaq; non possumus assentiri ijs conditionibus, quas in vestras ceruices atq; perniciem credimus reuersuras. Eam ob rem, ut scis, diligentissime ad omnes Christianos Reges non semel scripsimus: multisq; precibus contendimus ab ijs, ut Regi Regniq; istis ad hostium conatus repellendos vnà nobiscum opem atque suppetias ferant. Id etsi serius sit, quam volumus, quamq; decebat, futurum tamen in tempore confidimus: utq; fiat, damus nunc quoque ad eos ipsos eadem de re literas, monemusq; singulos, longiorem mittendo auxilio moram ne addant: ne dum ipsi cunctabundi sedent, ad id vos necessitas compellat, quod postea factum recidere in maximum vniuersa Christiana Reipub. damnum atque dedecus facile possit. Qui si, quod petimus, in tempore fecerint, vobis ante omnes erit utile, nihil cum Turcis statuisse: quibus fortasse veteres etiam eorum in vos iniurias vlciscendi occasio propterea dabitur. Nos quidem  
certe



certe pro vestra dignitate tuenda Regnoq<sup>3</sup> defendendō omnes nostras opes, sanguinem etiam nostrum, si expediat, sumus libentissime profusuri: quemadmodum cum Francisco Marsupino familiari ab epistolis tuo latius & ipse loquutus sum, & meorum fratrum plurimi idem fecerunt: cuius te ad literas referes. Dat. oct. Cal. Quintil.

M. D. XVI. Anno quarto. Roma.

HOMINIBVS SANCTI  
MARTINI IN FINES  
Ariminenſum.

2

IULIANVM ordinis Franciscani theologicis studijs magistrum internuntium vestrum libenter audiui grataq<sup>3</sup> mihi eius oratio fuit. Intellexi enim cognouiq<sup>3</sup> ex ipso nostrum vos exercitum proximis diebus & victima vobis loca nūssum, omni ope copiaq<sup>3</sup> vestra iunisse: de quo etiam Laurentij Medicis fratris mei filij literis sum certior factus: qui mihi vos iisdem ipsis literis diligentissime commendauit. Ea de re studijsq<sup>3</sup> vestris vos & laudo vehementer & probo. Volo etiam considerare, posse vos aqua honestaq<sup>3</sup> omnia vobis ipsis de me polliceri. Atque vt primas postulationes vestras me non neglexisse intelligatis, in meam vos iam nunc curam tutelamq<sup>3</sup> recipio. Dat. octauo Cal. Quintil. Anno quarto. Roma.

PETRO IOANNI GALLI  
CAE CLASSIS PRAEFECTO.

3

GRATA mihi fuit voluntas & alacritas tua, quam tuis ex literis perspexi, Francisci Regis tui iussu in nostra contra Piratas Pænos classe operam studiumq<sup>3</sup> tuum mihi nauandi. Qua in re quoniam me consulis, quarisq<sup>3</sup>

querisq<sup>3</sup>, quid per te maxime fieri velim : nihil sanè,  
præter vnum, vt Federico Archiepiscopo Salernita-  
norum, quem classi nostræ legavi, præsto sis, eiq<sup>3</sup> pareas  
rebus in omnibus. Ille enim is est vir, eaq<sup>3</sup> tum prudentia,  
& rerum gerendarum experientia, tum facilitate  
temperantiq<sup>3</sup> præditus, vt mihi dubium non sit, quin  
huius belli administrandæ eam, quam debet, & curam  
sit & rationem habiturus, tibiq<sup>3</sup> in primis satisfacturus.  
Caterum quoniam accidere poterit, vt cum Caroli  
Regis Hispaniæ classe, quæ quidem etiam proxime  
Neapoli ad Pœnos persequendos est solutura, nostra  
classis se coniungat : te hortor, vt cum eius classis  
Præfectis omnia amici hominis officia exerceas, teq<sup>3</sup>  
ijs facilem atque beneuolum præbeas : sic enim Regis  
ministriis recepi, te reliquosq<sup>3</sup> nostros & Præfectos  
& ministros omnes esse facturos. Itaque meam in eo  
fidem vt præstes, etiam atque etiam abs te peto. Quod  
attinet ad morte multandos Piratas illos, si capi-  
entur, vt magis ceteri à locorum nostrorum vastatione  
absterreantur : eius rei deliberationem, quemadmo-  
dum reliqua omnia, ipsi Legato Remisi : quem scio tuis  
consilijs multum semper tributurum. Perge modo ipse :  
& quæ tuæ erunt partes, hoc in bello fortem te & di-  
ligentem præsta : vt bene de me addo etiam ceteris  
de populis, quorum interest, quosq<sup>3</sup> defendes atque  
rueberis, bene agendo beneque consulendo mereare.  
À me certe tuorum & laborum & meritorum pater-  
no animo ratio semper habebitur. Datum septimo  
Calend. Quintilis. M. D. X V I. Anno quarto.  
Roma.

PETRI BEMBI  
PHILIBERTAE ALLOBRO-  
GI IULIANI FRATRIS

demortui vxori.

4

EA, quæ cum Bauno internuntio tuo de tuis meisq;  
rebus loquutus sum, ab ipso intelliges. Vnum hoc te volo  
ex me cognoscere. Ego cum te semel in filia mihi charis-  
sime loco collocarim atque habuerim, etsi is, cuius te cau-  
sa impensius amabam, frater meus optimus & suauissi-  
mus decedens è vitâ me atque te moerentes reliquit, tui  
tamen curam, rationem, beneuolentiam, amorem deni-  
que paternum meum nunquam rejiciam. Id virtus, pro-  
bitas, religio tua, optimi tui castissimiq; mores atque no-  
bilitas postulant. Dat. prid. Cal. Quintil. Anno quarto.  
Roma.

DVCI ALLOBROGV M 5

BAVNVS Philiberta sororis tuæ interpres, quæ  
mecum egerit, ipse ad te veniens tibi significabit, men-  
temq; meam atque animum explicabit: qui quidem ani-  
mus ad tuam sororisq; tuæ dignitatem commodam ratio-  
nes & fuit præsto antea, & erit posthac, quoad vixero.  
Dat. prid. Cal. Quintil. Anno quarto. Roma.

FRANCISCO GALLO-  
RVM REGI 6

QVAM mihi grata & probata sit Ludouici Episco-  
pi Tricaricensium egregia in me obseruantia, probitas,  
virtus, ea res præbere tibi argumentum potest, quod esse  
illum apud te volui, quo internuntio tractandi tecum  
meis rebus vterer. Eo in munere obeundo cum ille ita  
se gesserit, atque adhuc quidem gerat, vt cum nobis ma-  
xime satisfaciât, tua etiam beneuolentia tuâq; libera-  
litate

litate dignus esse magnopere videatur: aequum esse duximus, ut ad ipsum, qui quidem Episcopatum satis tenuem habet, pro virtutum dignitate fortunis amplificandum te socium adiutoremq<sup>3</sup> haberemus. Quare te hortor, vel etiam pro meo iure abs te peto (est autem beneuolentia atq<sup>3</sup> amoris ius omnium optimum atque maximum): ut cum primum Ecclesia aliqua, aut omnino sacerdotium aliquod eiusmodi, quod prouentus liberales habeat, tuis in regnis vel Pontifice vel curatore destitueretur, Ludouicum velis esse, cui illud, quicquid erit, conferatur. Equidem si exploratum non haberem vel pro animi tui munificentia, vel etiam pro ea familiaritate, qua is tecum iam est biennium prope totum versatus, id, quod opto, te libenter esse facturum, vterer pluribus verbis. Valde enim cupio, in eo me homine ornando habere te, qui esse mecum non abnuas eius muneris atque oneris particeps. Sed cum nihil minus necesse putem esse, quàm me ad te hac de re multa scribere: finem faciam scribendi. Addam tamen illud: si ei commode feceris, tuum te beneficium optime atq<sup>3</sup> pulcherrime positurum. Dat. Cal. Quintil. Anno quarto. Roma.

OCTAVIANO FREGOSIO

PRAEFECTO ET DECVRIO-

nibus Genuæ.

7

SANE QUAM pro mea vetere in vos beneuolentia moleste tuli, de naui à Florentinis mercatoribus conductæ atque à vestris triremium Praefectis in eorum portu capta, post acceptas meas ea de re literas vos ea statuisse, quæ maximam illis fraudem atque iacturam afferrent. Nam & meam apud vos auctoritatem alicuius esse

Ty

ponderis



ponderis existimabam: & equitatem atque bonos mo-  
res iusq; ipsum gentium nihili à vobis fieri non crede-  
bam, ea praesertim in re, quae vicina vobis atque amica,  
neque spernendarum opum urbis & Reip. animos maxi-  
me laederet atque exulceraret. Sed hac quamifacienda  
vobis sint, ipsi videritis, quorum interest recte dispicere  
atque cognoscere, quid, cuiq; tribuendum aut negan-  
dum sit. Ego, cum Octoniri Reip. Florentina iterum à  
me postularint, ut vellem suis ciuibus non deesse, hac di-  
ctum ambulans, cum me dolor, quem ea de re capio, qui-  
escere non pateretur. Itaque & planè & bene Romane  
vos moneo, ut mercatoribus Florentinis pendendi & re-  
pni ablata omnia; damna omnia iubeatis sic, ut sacros  
rectosq; quod dicitur se videant: ne si ij sapius apud me  
eadem de re conquerentur, cogar ipse aliter, ac mea fert  
voluntas, eorum incommodis mederi. Cupio autem, ut  
debeo, pacate potius atq; amantius de rebus statui in-  
ter vos: quam ea fieri, quibus odij & inimicitiarum se-  
mina subnascantur. Id ne fiat, vestra in manu est. Meo  
ipse munere & functus adhuc quidem sum, & deinceps  
fungar: neque meos ciues male à vestris ciuibus acce-  
ptos, atque à vobis indigne habitos deferam: Dat. prid.  
Id. Quint. Anno quarto. Roma.

### DECLVRIONIBVS EVGVBINIS. 7

CAROLVM Gabrielem Ecclesia vestra Praeposi-  
tum et Hieronymum Acoran bonum doctum hominem  
& philosophiae studijs illustrem optimuq; medicum ci-  
ues internuntiosq; vestros oïtose audiui: quaq; mihi ij  
vestris verbis accurrate & prudenter exposuerunt, ex-  
cepi auribus libentissimis. Itaque vos de vestra in me pie-  
tate

tate etiam atque etiam laudo. Quod vero ad postulatio-  
nem vestram attinet optimis illam quidem sultam cau-  
sis & rationibus, dabo operam, ut id, quod petitis, breui  
consequamini. Reliqua omnia, quibus de rebus ijdem ve-  
stri mecum interpretes egerunt, aliud in tempus distuli  
eo consilio, ut vobis plenius atq; vberius satisfaceret. Dat.  
Id. Quintil. Anno quarto. Roma.

MATTHAEO STROZZAE

CIVI FLOREN-

tino.

9

CUM ex Aenea Pio Alfonsi Ducis Terrariensium  
procuratore intellexissem nolle te ei gemmas illas resti-  
tuere, quas apud te esse ipse Dux voluit propterea, ut  
mibi item eius nomine sponsonem quandam faceres:  
nisi ego ea de re tuam fidem libero: has ad te literas iussi  
dari, quibus sciri omnibus ab hominibus volo, tuam me  
fidem, quam mihi Ducis nomine dederas, liberam solu-  
tamq; fecisse: quodq; sponsor mihi fueris Alfonsi Ducis  
verbis, tibi fraudi nulla in re aut iudicio esse debere. Ita-  
que eas illi gemmas per me quidem reddes, cum voles.  
Dat. Id. Quint. Anno quarto. Roma.

BERNARDO BIBIENAE

CARDINALI.

10

ETSI per mihi gratum atque iucundum est pro eo  
amore, quo Iacobum episcopum Albanum Cardinalem  
Arborensem prosequor, ipsi melius esse de ea valetudi-  
ne, qua omnes ei medici mortem allatum iri existima-  
bant, maximeq; illum cupiam conualescere: a gre tamen  
fero, commodare tibi me non potuisse de ea domo, quam  
is in Vaticano adibusq; nostris habet. Nam quoniam

domo illa, quam adhuc quidem inhabitasti, ipse vti volebam: est enim maxime apta ad letitiam animi & exhilarationem propter mirificam porticum speculasq<sup>3</sup>, quas habet multas atque bellissimas: eam ipsam Cardinalis domum, is si vita functus esset, cogitabam tuam facere: quam esse percommodam perq<sup>3</sup>, amplam sciebam latis spatiosisq<sup>3</sup> & thalamis et atrio, festiuam etiam & sumptuosam aureis laquearibus & pauimento tessellato: tibiq<sup>3</sup> magno illam & vsui & voluptati putabam fore: vel propter confluentem ad te omnibus horis populi multitudinem: vel propter ingrauescentem iam etatem tuam, qua natura etiam sua letitijs & hilaritatibus gaudet. Quare non potest mihi non molestum esse, inuideri tibi eam commoditatem. Sed profecto tibi nos non deerimus: dabimusq<sup>3</sup> operam, vt qua prior nostrarum adium pars elegans vacua erit, ea tua sit. Interea cura vt valeas: vt te saluum et sospitem quamprimum videre possimus. Dat. tertio Id. Quint. Anno quarto. Roma.

## DVCI GRAVINAE.

II

SCRIPSIT ad me Magistratus meus ex ijs, qui in Latium sunt, te nescio quibus Andrea atque Massentio, qui ob suas disceptationes armis dimicaturi sunt, in oppido tuo Nerula locum certamini concessisse. Id cum à Domini nostri voluntate atque praeceptis valde abhorreat, qui pacem, qui animorum concordiam, qui amorem nobis mutuum ante omnia commendauit: magnopere te hortor, aut si minus hortatu meo commouebere, mando tibi pro eo, quanti me facis, duellum istud tuis in locis fieri ne permittas: sed illorum potius animos, qui dissident auoces ab ea re autoritate sententiaq<sup>3</sup> tua, componasq<sup>3</sup> si poteris.

teris. Id à virtute tua postulatur, & omnes equum est  
facere, & mihi erit gratum. Datum Id. Quintil. Anno  
quarto. Roma.

FABRITIO MAGNO RHO-  
DI MAGISTRO. 12

QVOD tuis me literis de Turcarum Regis appa-  
tu bellico certiolem fecisti, valde mihi gratum fuit, idq;  
vt quam creberrime facias, neque solum quid specula-  
tores tibi tui referant, aut amicorum literis ad te perfe-  
ratur, sed quæ rumor ipse dubius saepe iactet, ea vt mihi  
significes abs te peto; vt quid ille agat, quid paret, quo  
cogitationes intendat suas, ex te sciri & cognosci possit.  
Equidem quod assequi coniectura possum, sic existimo,  
in Asiam illum potius hoc tempore, quam istuc aut no-  
stras in oras cogitare. Itaque aut contra Sultanum Ae-  
gypti Regem, aut contra Sophim Regem Armenia pu-  
to illum suos exercitus moturum: vt eos, à quibus fere  
singulis annis premitur, prius aggrediatur atque oppri-  
mat: quibus integris nullum tibi, nullum Christiana  
Reipubl. periculum impendere magnopere arbitror.  
Nam nisi illos, quos habet hostes paratissimos atque au-  
dacissimos, & quibuscum bello ferè semper est implici-  
tus, antea vel deuicerit, vel debilitarit, vel inducias cum  
ijs inierit, vires suas in nos atque furorem exercere satis  
commode profecto non poterit. Tibi tamen sum autor,  
Insulam vt istam atque oppidum, quod tanquam in ore  
atque in faucibus est nostrorum hostium, commeatibus,  
apparatu reliquo, rebusq; omnibus ad repellendum &  
ad sustinendum bellum idoneis iam nunc fulcias, teq;  
ante compares atque pramunias, ne imparatus offendi  
possis.



possis. Neque tamen recusò, quin, si accadat vt te Turca velit aggredi, omnes meas opes tibi præsò futuras putes. Volo enim te scire, me pro collegio isto bene de re Roma. optime de re Christiana merito omni tempore omnia, pro tua verò & salute & dignitate, vii & prudentis hominis, & optimi fortissimiq; viri, & mihi amicissimi, plurima atq; maxima esse facturum. Itaq; bono animo es: valetudinemq; tuā cura: meq; vt facis, dilige, si te scis à me & amari, & fieri plurimi. Dat. vndecimo Calend. Septemb. M. D. XVI. Anno quarto. Roma.

FRANCISCO GALLO-  
RVM REGI. 13

QVOD Ludouicum Episcopum Tricaricensem Legatum meum honestaueris Ecclesia Bellouacorum & locuplete & honesta, valde lator. Nam cum illum, vt proxime ad te scripsi, magnopere diligam, sitq; is in meis summis atque intimis familiaribus, hac eius fortunarum accessio, praesertim abs te profecta, mihi magna voluptati fuit. Itaque sic existimes velim, non te quidem minimum recentis amoris cumulum ad meam veterem in te beneuolentia tua ista liberalitate addidisse. Qua in re cum mea de illo apud te commendatio tantum valuerit, quantum ego eam valinurā considebam: efficiam profecto, vt tua item autoritas in tuis familiaribus mihi commendandis, vel potius omnibus in rebus tantum habere ponderis cognoscatur, vt & ipse videar vinci abs te in officio noluisse, & tu latere meo in homine ornando munificum & liberalem te fuisse. Dat. nono Cal. Septemb. Anno quarto. Roma.

LVDO-

EPIST. LIB. XII. 343  
LVDOVICO CANOSSAE TRI-  
CARICENSIVM ET BELLO-  
uacorum Episcopo. 14

SANE mihi pergratum & periacundum fuit, Regem istum in te augendo voluntatem & liberalitatem suam contulisse. Nam cum te propter tuam excellentem virtutem, nostramq; veterem necessitudinem, & plurima tua in me officia, non solum tuendum mihi, sed etiam honestandum amplificandumq; susceperim: tam illustri & fortunarum tuarum acceptione, & Regis in te beneuolentiae ostensione, mirifice sum delectatus: à quo me beneficium accepisse existimo, tibi cum dederit, teq; ornauerit nec exiguis prouentibus & honesta dignare. Itaq; & contuli tibi Ecclesiam Bellouacorum libentissime, & reliqua, quae habes sacerdotia tibi manere volui: ut intelligeres te mihi esse charissimum, excitare eq; ad bene, ut soles, de me in posterum etiam atq; etiam promerendum. Ages autem Regi gratias eo de munere meis verbis, ostendesq; id mihi planè ac vere grati accidisse: quod ei tamen ipse & nunc is libenter ostendi, quas ad illum dedi, literis, & sapere cum potero libentius declarabo. Datum nono Cal. Septemb. M. D. X V I. Anno quarto. Roma.

FRANCISCO GALLORVM  
REGI. 15

REDIT ad te Villabramius, quem ad me miserat, quemq; libenter vidi, ut diligentem hominem, & familiarem tuum. Et sum omnia, quae à me petijt, sic elargitus, ut ab ipso intelligeres. Reuerti autem hominem ad te nolui sine meis literis, quibus tibi significarem me in

optimam in te voluntatem magis magisq<sup>3</sup>, indies singulos augeri. Dat. octauo Cal. Sept. Anno quarto Roma.

LEONARDO LAVREDANO

VENETIARVM PRINCIPI. 16

PROFICISCENTI Venetias Ioanni Georgio Trissino ciui Vicentino, quem quidem propter bonarum artium doctrinam & polliiores literas excellentemq<sup>3</sup>, virtutem vnice diligo, mandani vt tibi salutem nuntiaret meis verbis, tecumq<sup>3</sup>, certis de rebus ageret, quæ cum mihi cordi sunt, tum nostra vtriusq<sup>3</sup>, interest ea consieri: tibi verò etiam honestati atque gloriæ sunt futura. Dat. prid. Non. Septemb. Anno quarto. Roma.

FEDERICO ARCHIEPISCO-

PO SALERNITANORVM. 17

ET SI antea de rebus tuis classe ea, cui meo nomine prafuisti, contra Pœnos gestis abundè ex alijs intellexi: tua tamen litera, quibus ad me singula è bello domum rediens ordine perscripsisti, me magnopere delectarunt. Aliquanto enim plenius ex ijs et liquidius consilia, actiones, impressiones in hostem tuas, difficultates, euentusq<sup>3</sup>, singulorum cognoui. Quæ quidem omnia quoniam magno constantiq<sup>3</sup>, animo, multoq<sup>3</sup>, tuo labore ex nostra dignitate sunt confecta: te de ijs vehementer collaudo, meoq<sup>3</sup>, te benedicto plurimo optimisq<sup>3</sup>, verbis impartior. Hortor autem te ciuitatemq<sup>3</sup>, istam præclaram & fortem: quæ sanè omnibus in maritimis artibus semper excelluit: eundem vt animum eandem alacritatem parandæ contra eosdem hostes clasiss in æstatem insequentem retineatis, vt si erit opus, Christiani nominis offensam atque illusam ab illis dignitatem, nostrasq<sup>3</sup>, & nostrorum

storum iniurias communi consilio vindicemus. Dat. x.  
Cal. Oct. M. D. XVI. Anno quarto. Viterbio.

FRANCISCO GALLO-  
RVM REGI. 18

IOANNEM Iordanum vsinum propinquum me-  
um, hominem istius Regni atque Regum omnium Ita-  
lorum studiosissimum, tibi deditiſſimum mihi, certe mul-  
to chariſſimum, omnibus in rebus, quas impetrare abs te  
non minus confidit pro tua liberalitate animiq; magni-  
tudine, quàm cupiat, ita tibi commendo, vt quicquid vel  
commodi vel dignitatis in illum contuleris, id omne  
tam mihi gratum sit futurum, quàm si tantundem in  
me ipsum contulisses. Itaque vt eius postulationes libe-  
raliter excipias, tuaq; bonitate eum iuues, etiam atque  
etiam abs te peto. Dat. prid. Calen. Oct. Anno quarto.  
Viterbio.

PROCVRATORI CARDI-  
NALIS SEDVNI. 19

IOANNES Lascaris Byzantinus homo Gracis lite-  
ris pereruditus; nostrarum non ignarus, omnium bona-  
rum artium appetens, bonus planè vir, cupit commodari  
abs te de ea domo, quam Cardinalis Sedunus herus tuus  
in Esquilijs habet, hoc tantummodo tempore, quo is Ro-  
ma est absfuturus: Idq; ea de causa vult, vt dum ego hic  
autumni calores & Romanum cœlum deuoto, ipse istic  
& pulcherrimarum ædium elegantia, & hortorum a-  
mœnitate & sylua viridiſſima suis cum libris oblectare  
seſe poſſit. In eo si illum inueris, erit mihi gratum: idq; vt  
facias te hortor. Dat. prid. Non. Octob. Anno quarto.  
Viterbio.



PERDIU est, cum Rolandum Palauicinum hospitem meum rectum & probum hominem valde diligo. Eiquoniam intelligo negotium & molestiam per tuos ministros parari in possessione oppidorum Zibelli & Roche Blanca, te hortor vel etiam abs te peto, mandes, nequid ei aut damni aut laboris contra equum & fas inferatur: habeasq; hominem tum hac, tum ceteris eius in rebus commendatum mea causa. Datum tertio Non. Octob. Anno quarto. De Faliscis.

PETRO NAVARRO

CANTABRO.

21

EX Ferrandi familiaris tui oratione intellexi te magno desiderio teneri contra Christiani hostes nominis virtutem tuam mihi nauandi, rogareq; ea de causa nos, ut in paranda ad id classe opem tibi nostram subministremus. Equidem valde lator te tam laudabili voluptate curaq; affici, ut de omni Christiano homine bene mereri studeas: teq; de eo & prestantiam istam egregiam in rebus bellicis tuam, mirificamq; pietatem & religionem summopere et amandam & collaudandam puto: nihilq; profecto est, quod tibi publice non deberi existimem. Quod verò ad petitionem tuam attinet: scire te volo, id ipsum nos hoc anno summo studio & diligentia curauisse, duasq; classes magna impensa Neapoli alteram, Genua alteram parauisse. Quòd si alio tempore hanc aggredi prouinciam statueris, & commonesceris, dabo operam, ut tibi, quantum fieri poterit, satifiat. Datum Non. Octob. Anno quarto. De Faliscis.

GVIL-

QVOD me certiozem feceris nosse te locum quen-  
 dam in agro Centuncellarum, in quo thesaurus sit ab-  
 sconditus per antiquus, polliceri q̃, te mihi illum reperitū-  
 rum, si tibi & terram fodiendi potestatem & eius the-  
 sauri partem aliquam fecero: eisi agnosco credulitatem  
 inanemq̃, spem tuam, neq̃, me fugit, quā hęc leuia fal-  
 laciāq̃, sint: tamen vt ijs, qui me pro te hoc rogant, ma-  
 gnis illis quidem & claris viris mihiq̃, charissimis satis-  
 faciam: fodiendi vbi voles eo in agro tibi facultas esto  
 edicto meo, quo valere mensem integrum volo, tecumq̃,  
 dum fodies, Centuncellarum Decuriones bini sunt.  
 Dat. sexto Id. Octob. Thuscianella.

ODONI LAVTRECHAE PRAE-  
 FECTO MEDIOLANENSIVM. 23

MVLT I ad nos detulerunt in Francisci Mantua  
 domini ditionem eo, quo Veronam spectat, latere à Re-  
 gis militibus vastitatem iam prope inductam esse casis  
 arboribus, incensis villis, comprehensis & multatis colo-  
 nis, ciuibus aut magno pretio redemptis, aut in custodias  
 abductis, eaq̃, de causa cum Franciscum ipsum, tum eius  
 municipium omne magno in luctu atq̃, mœrore versari.  
 Quam quidem indignitatem eo iniquiore animo feri-  
 mus, quod te atque illos non latebat & ipsum & eius po-  
 pulos dudum sub nostra & reipub. tutela esse receptos:  
 vt facile appareat à Regis & Praefectis & ministris  
 nullam nostri, nullam Reipub. habitam fuisse ratio-  
 nem. Sed acta quae sunt, ea reprehendi facile possunt:  
 reuocari & restitui non possunt. Itaque quod superest,  
 si cura-

si curabis vt à Regis tui exercitu nullum vltius damnum, nulla iniuria Mantuanis inferatur: & quod te decet, feceris, & mihi minus magnam ansam dederis vel de te atque illis apud Regem, vel de Rege tuo apud Reges reliquos conquirendi. Dat. Id. Octob. Anno quarto. Grauisca.

### RAPHAELO MEDICI. 24

QVONIAM certior factus sum Carolum Regem, qui adhuc in Gallia se continuit, profectionem ad Hispanias suam in prima veris tempora distulisse: ne is inter-  
nuntio nostro diutius careat, mando tibi, cuius prudentiam facile perspexi, vt meum hominem apud illum agas, tractesq; mea negotia ea fide atq; diligentia, quam & abs te amor in te meus postulat, & te allaturum pro tua probitate & nostra proquinquitate planè confido. Dat. XI. Cal. Nouemb. Anno quarto. Palo.

### CAROLO HISPANIAE

#### R E G I.

25

COGITANTEM me quidem certe iam inde ab initio regni tui mittere certum aliquem ad te meum interpretem, qui & tibi de adeptis abs te Regnis Regioq; nomine meis verbis gratularetur, & apud te, qui mihi es, vti debes, planè charissimus, mea negotia tractaret, quaq; ad te et ornandum et amplificandum pertinerent, in ijs autoritate mea fultus esset: ea res tenuit, quod statim te in Hispaniam transmissurum & nuntij literis & rumore ipso afferebatur prope quotidie. Itaque cum ibi nostros homines probatos nobis viros haberemus, eis mandauimus, vt cum ad Hispaniam appropinquare te intelligerent, tibi obuiam progressi eo apud te munere  
funge-

fungerentur. Nunc autem cum intelligamus eam te perfectionem in prima veris tempora reiecisse : ne diutius, quam & ipsi volumus, & amor in te meus postulat, homine nostro careas, Raphaëlo Medici propinquo meo viro mihi & grato et probato, qui nunc istic est, versaturq<sup>2</sup>, tua in aula familiariter, scribo, vt quoad tu proficiscare, internuntium meum apud te agat : quem quidem propterea quod est obseruantissimus & studiosissimus tui, gratum tibi & optatum fore confido, vtq<sup>2</sup> sit, si adhuc fortasse minus est, aut si est, vt multo sit magis, & ei meis verbis alloquenti fidem habeas, abs te peto. Dat. XI. Cal. Oct. Anno quarto. Palo.

## B R I X E L L A N I S. 26

INTELLEXERAM his diebus proximis magnas inter vos & Fisci Mediolanensis Magistratos altercationes extitisse ijs de rebus, quarum illi rerum pretia fisco deberi existimabant. Earum controuersiarum cum me arbitrum vtrique delegeritis, hoc statuo, vos municipiumq<sup>2</sup> vestrum ripamq<sup>2</sup> istam Padi ad earum rerum solutionem fisco teneri, de quibus Atestini Regni tempore more atque consuetudine tenebamini, sic, vt aut ad plus eo fisci nomine praestandum et fisco inferendum cogi, aut minoris absolui nequeatis : quoad aliud per nos mandabitur. Dat. XII. Calen. Nouemb. Anno quarto. de Centumcellis.

## CARDINALI TOLETANO. 27

MAGNA molestia tua nos literæ affecerunt : quibus scripsisti eum, quem contra communeis nostros hostes in Aphricam exercitum transmiseras, ab Aphris atque Turcis reiectum & fugatum magnam plagam apud Alzarem



Alzarem accepisse. Te tamen animo fractum non esse, neq<sub>3</sub> quicquam de tuo ardore & diligentia eam ob causam esse detractum : quæ quidem tua constantia & fortitudo dolorem meum multa leuiorem fecit. Sic enim existimabam, si te ipse non contraxisses, et spem vincendi nō abiecisses, fore, vt breui hæc ipsa res secundior multo maiorem luctum & diuturniorem tuis hostibus pareret. Sed auxit eundem illum statim dolorem meum atq<sub>3</sub> molestiam Turcarum Regis contra Sultanum Aegypti regem recens mirificaq<sub>3</sub> victoria : de qua & te arbitror cognouisse, & ipse his diebus cognoui: tum eiusdem Regis ducentarum longarum nauium classis, quam illum habere paratam dicunt, qui illinc veniunt. Sed hæc Dominus moderabitur. Te autem etiam atq<sub>3</sub> etiam hortor, vt quando hoc tuo parando mittendoq<sub>3</sub> exercitu magna tua diligentia, maiore impensa confecto maximam verisimamq<sub>3</sub> gloriam apud omnes homines optimi fortissimiq<sub>3</sub> principis, apud nosq<sub>3</sub> in primis tibi ipse comparauisti, magis etiam ad eosdem hostes opprimendos & profligandos, Remq<sub>3</sub> pub. Christianam iuuandam pro virili tua iterum atq<sub>3</sub> sapius te accendas & pares : atq<sub>3</sub> in hac quidem causa dignum te, dignum tua virtute, dignum etiam autoritate ea, quam tibi Resp. dat animum, quid dicam sumas, qui tam auiam rem egeris? sed tamen iuum ipsum, quem sumpsisti multo ante ea, magnum & fortem animum vel retineas diutissime, vel augeas. Nam quod ad insequentem annum atinet, esse nobis exploratum potest, vere into mare nostrum omne Turcarum classibus plenum fore. Itaq<sub>3</sub> nos neq<sub>3</sub> desistimus reliquos Christianos Principes magnopere hortari, vt se ad capeffen-

dum

dum contra Turcas bellum in tempore comparent: neq;  
 si quid erit, in quo iuuare ipsi causam tam sanctā bonūq;  
 omnibus tam expeditam possumus, non id sumus libentis-  
 sime iam nunc, si expediat, praestaturi: modo vnum om-  
 nes sentiant: vnum sibi & tentandum & conandum &  
 persiciendum putent. Sed vt ad te exercitumq; tuum re-  
 deam, & doleo tuas cogitationes atq; conatus in com-  
 munem vtilitatem susceptos non multum profuisse, &  
 lator tui te studij & voluntatis hoc accepto incommodo  
 nihil remississe. Dat. 4. Non. Nouemb. Anno 4. Roma.

LVDOVICO FIRMANO

ET HIERONYMO BRAN-

CADORIAE.

28

QVAE ad me perferri de Praefecto Hispano curau-  
 istis, qui à vobis captus accepto in femore vulnere in ve-  
 stra custodia est: ea libenter cognoui. Is cum eiusmodi  
 sit, vt quari ab eo facinoris causa recte possit, mando vo-  
 bis, & vt in eo curando nihil opera aut diligentia ab vllō  
 vestrum praevertatur sic, vt ad sanationem quanto  
 celerius fieri potest, si modo potest, perueniat: & vt re-  
 stitutus elabi vestris è manibus non possit, cautio per vos  
 adhibeatur. Quod si isto in loco atq; custodia seruari iu-  
 tissime non potest: volo, vt aliquò, vbi nihil eiusmodi ti-  
 meatur, perferri hominem iubeatis. Virumq; enim &  
 viuere, & custodiri illum valde cupio. Dat. tertio Non.  
 Nouemb. Anno quarto Roma.

PALAVICINO ANTO-

NI MARIAE PALA-

uicini filio.

29

QVOD

QVOD patrem tuum magnum & clarum virum  
proximis diebus amiseris, tum tua causa vehementer do-  
leo, tum mehercule etiam mea. Nam & tu illius viui hoc  
ipso tempore maxime indigebas: & ego cum summope-  
re amabam, & ille me colebat plurimum. Omnino neq<sub>3</sub>  
vir melior, nec mei amantior quisquam fuit. Ita et tu  
patre optimo, & ipse homine amicissimo priuatus sum:  
vt te separatim consolari cum magnopere cupiam, non  
possim. Sed est profecto illa consolatio proposita omnibus,  
qua nobis non vti turpissimum est, vt quando Deus Opt.  
Max. hunc illi vita sinem atque laborum voluit esse: no-  
men quidem atque memoriam optimi clarissimiq<sub>3</sub> viri  
& retineatis ipsi, & posteritati etiam mandandam lite-  
rys & monumentis statuatis. Nihil autem cum illo mali  
actum existimetis, quem Dominus tanquam è carcere,  
sic ex hac corporis compagine atque vinculis euolare  
iusserit ad sese. Nobiscum si male actum est, id feramus  
aquo animo, & Dei voluntate, quinihil mali vult, no-  
strum desiderium leniamus. Quod te in primis facere sa-  
nè velim. Ego si quid est, quo mederi tuo vulnere, aut re-  
ponere parte aliqua iacturam istam possim, id tibi omne  
polliceor: amoremq<sub>3</sub>, quo patrem tuum sum vita fruen-  
tem prosequutus, in te libenter transfero. Tu modo &  
tanto patre te & amore meo dignum presta. Da.  
Calend. Decemb. M. D. X V I. Anno quarto. Rô-  
ma.

## GALEATIO PALA-

VICINO.

30

ANTONIUM Mariam Palauicinum fratrem  
tuum egregium praestantemq<sub>3</sub> hominem cum alijs mul-  
tis de

tis de causis planè doleo vita functum esse: tum propterea quod quanti te facerem, vnus ipse optime omnium intelligebat. Nam cum mihi tecum neque vetus neque magna familiaritas intercessisset propterea quod non sãpe neque multum vnà fuimus, cum illo qui Romam ad me crebro veniebat, sum de te sãpenumero ea loquutus, quibus illi ostenderem te mihi esse charissimum, dignitatemq<sub>3</sub> iuam à me fieri plurimi. Itaque graui teste priuatus sum amoris summi erga te mei sum mag<sub>3</sub> beneuolentia illo mortuo. Sed hoc leuius. Non enim vereor, ne tibi sãpe declaraturus sim per me ipse meam in te voluntatem meumq<sub>3</sub> animum. Illud grauius, multum te, multum eius filium Palauicinum, multum propinquos reliquos gentemq<sub>3</sub> omnem vestram atque familiam in eo viro, praesidij, multum etiam splendoris amisisse. Sed hac ipsa etiam propterea quod humana sunt, a quo & forti animo sunt ferenda homini praesertim magno, vt tu es, & multarum rerum atque euentorum experientia praedito. Quod sane facit, vt in te consolando minus opera infumendum putem, quod te existimo pro tua prudentia & magnitudine animi Deorum immortalium voluntatem, tuam ipsius voluntatem iam fecisse. Reliquum erat, vt tibi pollicerer, quæ si a tre tuo, si videret, petente & rogante facerem, ea me omnia vel eius filij, vel tua causa omni tempore esse facturum, amoremq<sub>3</sub> meum; quo illum complectebam; in vos an hos conuersurum. Sed id malo vos re, quàm verbis cognoscere. Exirenum est, vt Palauicinum ipsum orbem patre maximo fratre tuo filij loco tibi habendum putes. Ita enim ei quod te decei, feceris, & quod prestare amoris aie mihi debet,



& quo mihi esse gratius atq; probatius nihil potest. Da.  
tertio Non. Decemb. Anno quarto. Roma.

## MARCHIONI MON-

TISFERRATI.

31

QVOD me rogas, vt tibi permittam, vt Iulium Medicum Cardinalem fratrem patruelem meum tuarum rerum procuratorem apud me facere possis, & illi mandem, vt eam curam suscipiat: alterum tibi do, vt cum voles, facias, alterum perfeci ipse hodie bene mansi, cum me ille, vt quotidie solet, prima luce salutauisset, iussiq; eum procuratorem tuum agere. Neque enim decet quicquam te à me rogantem nō impetrare. Id tua tuorumq; maiorum virtus, atque in me meamq; familiam fides studium beneuolentia postulant. Dat. oct. Id. Decemb. Anno quarto. Roma.

## FOCARIS MERCATORI-

BVS GERMANIS.

32

ALIQUANDIV est, cum ad nos non tantum infecti argenti transmittitis, quantum soletis, quanti q; indigemus. Ita saepe fit, vt cum ad cudendos nummos, tum ad alia publice priuatimq; conficienda ea materia urbem deficiat. Quare hortor vos operam adhibeatis, vt infecti & probi argenti plus ad nos, quàm nunc sit, & quantum opus est afferatur. Erit id vobis perutile, quibus precia sine dilatione à Quaestoribus Urbanis curabuntur: & nobis qui in vestra diligentia conquiescimus, planè gratum. Dat. prid. Id. Decemb. M. D. XVI. Anno quarto. Roma.

## ODONI LAVTRECHAE PRAE-

FECTO MEDIOLANENSIVM.

33

QV E

QVESTVS est apud me per Legatum suum Leonardus Lauredanus Venetiarum Princeps, sex naues sale onustas, quod is ad suas in Gallia vrbes mittebat, à Regis tuis ministris in Padi ripa detentas esse. Qua in re, quod ad me attinet, scire te plane volo, mihi id displicuisse, neque me vnquam voluisse vt ea naues retinerentur. Itaque si procedere illas sine vllò impendio permiseris, erit mihi gratum: idq; vt facias, te hortor. Dat. decimo Calend. Ianuar. M. D. XV. Anno quarto. Roma.

E. N.

GRATAE mihi vestra tua litera fuerunt bis iam ad me per tabellarios vestros allata: quibus me de Turcarum Regis bello Aegyptiaco deq; rebus ijs certiolem fecistis. Grata etiam ea, quae ad Dominicum Allegretum super eisdem rebus scripsistis, quae quidem ille statim omnia, vt iusseratis, ad me detulit. Itaq; de ea vestra diligentia atque officio planè vos collaudandos censeo. Hortor etiam, vt ea in re studia vestra ne remittatis: vt quid ille agat, quid cogitet, quo se vertat, quid moliat, per vos, vt adhuc quidem fecistis, scire deinceps possim. Nam ea mihi & vera & certa erunt, quae à vobis afferentur. Ceterum quod res vestras mihi summo studio commendatis, dabo operam, vt, quod ex Reip. dignitate fieri possit, eas commendationes vestras & ratas & probatas me habuisse intelligatis. Dat. tertio Non. Ianuar. M. D. XVII. Anno quarto. Roma.

IOANNI GEORGIO TRIS-  
SINIO VICENTINO.

35

QVONIAM opera & diligentia tua atque vir-

tute certis meis in meis & reip. rebus vti quamprimum volo, quarum rerum causa te vt alloquar, magnopere oportet: mando tibi, vt, quod tuo commodo fiat, Leonardo Lauredano Principe Venetiarum salutato ad me confestim reuertare. Dat. Non. Ian. M. D. XVII. Anno quarto. Roma.

C A R O L O H I S P A N I A E  
R E G I. 36

AQVILAS quatuordecim auibus capiendis idoneas, quas mihi Adulphus Vandra familiaris tuus attulit, Regium sane munus libèter, vt debui, accepi. Et sunt enim mira pulchritudinis, & abs te, quem ego mihi filij loco esse duxi: eius praterea generis, quod omnium & nobilius est & rarius: vt neque multa vllis in locis capiantur: neque seps ad nos veniant. Tu vero vno munere tot misisti, vt existimem earum capiendarum artem aliquam te callere. Nisi forte ipsæ sponte sua omnibus è regionibus isto conuolant, vt abs te capiantur, tibiq; seruiant. Quod si est, tu eis male gratus fuisti, qui ad me miseris. Sed omnino extra iocum, malletm tibi eas retinisses, quam mihi misisses. Quippe, quæ tibi voluptati multo magis fuissent, quam mihi erunt, qui tantummodo cum autumnî Romanum cælum fugio, valetudinis interdum causa venatione aucupioq; me oblecto, vel eos prius, qui mecum sunt: vt iucundior per agros vagatio & delectabilior nos diutius in labore via teneat. Tu verò adolescens & Rex, vt multas horas omni tempore consumere arbitrato tuo possis, eis & sapius vsus fuisses, & vtilius, addo etiam & decentius. Quod mihi tamen munus ipsum tuum multo charius atq; amabilius facit, cum  
eo te

eo te defraudes ipse, qui vti recte potes, vt mihi des, qui non possum. Et quoniam bellissima, vt dixi, sunt: dabo operam, vt aliquo te remunerer munere. Interea valebis, nosq; vt facis diliges. Datum quarto. Id. Ianuarij. M, D. XVII. Anno quarto. Roma.

PETRI BEMBI EPI  
STOLARVM LEONIS DECL  
MI PONT. MAX. NOMINE  
scriptarum.

LIBER XIIII.

ALFONSO DUCI FER-  
RARIENSIVM. I



INTELLEXIMVS Franciscum Ma-  
riam Ruuerem, Vrbinatium olim Du-  
cem, cui sacris interdictum est, Hispano-  
rum peditum manu coacta iter per tuam  
ditionem esse facturum; vt ad nostra  
municipia perturbanda noua q; res moliendas pertenden-  
dat. Ego tametsi te pro tui muneris partibus id ei non  
permisurum puto volui tamen ad te scribere, monereq;  
te vt Francisco Maria Hispanisq; peditibus loca nostra  
tentaturis nihil opis des, nullum prorsus cōmeatum prae-  
beas, sed itinera potius claudas, arceasq; illos à Padi ri-  
pa, tum abductis nauibus, tum flumine communito: nec  
eos sinas opportunitatem vllam tuis ex locis ad tam sce-  
lestos ausus exercendos Remq; pub. perturbandam

ZZ 3 posse



posse nancisci. Id si feceris, quod te facturum confido, eris nobis vehementer gratum: dabimusq<sup>3</sup> operam, vt bene te de nobis esse meritum latere atq<sup>3</sup> gaudeas. Sin aliter statues tibi esse faciendum, siue te volumus nos id agerime molestissimēq<sup>3</sup> laturos. Quemadmodum ab inter-nuntio tuo, qui cum his de rebus loquuti sumus, latius in-telliges. Dat. XIII. Cal. Febr. M. D. XVII. Anno quarto. Roma.

M A X I M I L I A N O R O M.  
I M P E R. D E S I G. 2

ET ex Legati tui literis, & ex mei sermone, qua hoc tempore Franciscus Maria Vrbinatium olim Dux, cui quidem igni & aqua interdictum est, in nos Remq<sup>3</sup> pub. molietur, intelliges. Ea tamen si existimem eum exitum habitura, quem par est tam scelestia initia consequi: omnem tamen meam cogitationem, omnem curam adhibeo, vt ne quid ab illo incommodi Resp. accipiat. Itaq<sup>3</sup> etiam atq<sup>3</sup> etiam te & hortor & rogo, vt quando ipse primariam aduocationem rerum Romanarum sustines, quibus opibus melius atq<sup>3</sup> celerius potes, & nobis prestò sis, & nostris hostibus ire obuiam pares. Plura non dicam, ne vel docere te videar hominem summa prudentia summaq<sup>3</sup> rerum experientia praditum, vel dissidere pro-bitati tuae, quo nemo melior vir, nemo sanctior vnquam fuit. Vnum dicam, si ad priora tua multo maxima atq<sup>3</sup> plurima in Remp. officia hoc adiunxeris, vt ei hoc tem-pore opem atq<sup>3</sup> auxilium feras: & ipsam tibi magnope-re obstrictum & deuinctum iri, & te ex eo fructus vber-rimos atq<sup>3</sup> pulcherrimos esse capturum, hominum lau-dem &

dem & gloriam sempiternam. Datum nono Cal. Febr.  
M. D. XVII. Anno quarto. Roma.

PRAEFECTO MILITVM  
HISPANORVM. 3

Ex sermone Stephani Camporemiri de optimo vestro in nos animo quæ volebamus ferè percepimus. Quæ de re etiam atque etiam vos collaudamus, scireq; volumus istud vestrum in nos studium mirificamq; voluntatum propensionem nobis planè gratam accidisse. Itaque quoniam vestrarum rerum & petitionum causam Laurentio Medici fratris mei filio Urbinatium Duci tractandam & cognoscendam remisi: hæc adscripsi, ut sciretis, quicquid ab eo ijs de rebus postulationibusq; vestris statuatur, id mihi omne ratum & probatum fore. Datum octavo Cal. Feb. M. D. XVII. Anno quarto. Roma.

EPISCOPO PACENSI. 4

SCRIBIMVS Carolo Hispanie Regi de Francisci Marie Ruueis, olim Urbinatium Ducis subita in Reip. vrbes impressione ea, quæ scribenda sunt, quæq; tu ex ipsis nostris ad eum literis intelliges. Cum verò te propter tuas plurimas excellentiæq; virtutes summopere amem, putemq; cum Episcopus sis, atq; huius Reip. magistratum geras, eam tibi eiusq; dignitatem & maiestatem pro tua probitate & fide magna cura esse: peto abs te, ut eiusdem Reipub. apud Regem tuum tuendæ atque defendendæ causam suscipias: desq; operam, ut quanto celerius quamòq; fauorabilius fieri potest, negotium transigatur, nobisq; respondeatur. Id erit nobis uni-  
ce atque summopere gratum: teq; ipse bene officium

*Et diligentiam tuam posuisse, cum se occasio dederit, facile cognosces. Sed si me amas, age, cura, perfice, ut res ne differatur. Hoc in te, atque in tua erga nos voluntate pietateq<sub>3</sub> reponimus. Dat. nono Cal. Febr. M. D. XVII. Anno quarto Roma.*

FRANCISCO GONZAGAE  
MARCHIONI MANTVAE. 5

*ETSI tua in nos fides plurimis maximiq<sub>3</sub> in rebus multo ante nobis perspecta est & cognita: tamen qua nouissime perstitisti officia fidei amoris diligentiaq<sub>3</sub> plenissima, ea nobis multo maxime & grata et iucunda acciderunt: deq<sub>3</sub> ijs, quantum plurimum laudari quis & recte sentiens & honesta persequens debet, tantum te effero meritis atque verissimis laudibus. Itaq<sub>3</sub> has ad te literas dedi, cum ut scires te ad vetera tua de nobis merita magnum cumulum nouorum officiorum adiecisse, tum ut te hortarer, etsi id minus necesse est, ut insisteres, qua nunc quidem pergis, viam: adderesq<sub>3</sub> tibi ipse quasi stimulum ad ea, qua cogitas, quaq<sub>3</sub> facis, etiam ardentius & constantius vsquequaque persequenda. Id erit mihi tam gratum, ut eius rei memoria meo ex animo deleri nunquam possit. Quod re, cum opus erit, cognosces. Reliqua ex Alexandri procuratoris tui literis intelliges. Dat. octauo Calend. Febr. M. D. XVII. Anno quarto. Roma.*

OCTOVIRIS REIP.

FLORENTIAE.

6

*ETSI ex Laurentio Medice fratris mei filio, quam nobis grata, quamq<sub>3</sub> iucunda fuerit diligentia alacritasq<sub>3</sub> vestra in parandis promendisq<sub>3</sub> ijs, qua opus erant ad re-*

ad repellendos comprimendoq; nepharios Francisci  
 Mariae conatus atque impetus, cognoscere potuistis: ta-  
 men cum postea & quidem singulis prope horis intelle-  
 xissem & diligentiores vos & ardentiores ea in re quo-  
 tidie fieri, ac nihil pratermittere eorum, quæ ad vestram  
 primum; deinde nostram dignitatem tuendam pertine-  
 rent: non potui, aut etiam non debui continere me, quin  
 is apud vos literis testarer, probari à me vehementer of-  
 ficia omnia studiâq; vestra: nihilq; esse tam magnum at-  
 que arduum, quod non se à me impetraturam ciuitas ve-  
 stra considerare facile possit. Quod cum ita sit, hortor iam  
 liberius vos, vt, quod superest, pergatis etiam reliqua,  
 quo cœpistis animo atque ardore persequi: existimetisq;  
 nostras res dignitatem, auctoritatem vobis maxime om-  
 nium sustinendas & tuendas esse. Quemadmodum non  
 quidem certe vestras res. ita tuemur, semperq; tuebi-  
 mur, ac si nostræ ipsorum essent. Neque enim secundum  
 Dei Ecclesiam Remq; hanc publ. vel esse in vita quic-  
 quam nobis debet, vel planè potest nostra patria charius.  
 Dat. septimo Calend. Feb. M. D. XVII. Anno quarto.

Roma.

FRANCISCO GALLO-  
 RV M R E G I. 7

EXPLORATVM tibi puto esse, quo àmore atque  
 beneuolentia ferimus in Antonium Mariam Palauici-  
 num: quamq; illum in arctam atque intimam domus  
 nostræ familiaritatem & necessitudinem admiserimus.  
 Eo ab humanis sublato meam in illum charitatem ad Pa-  
 lauicinum eius filium, quem quidem vnicum reliquit, li-  
 bentissime traduxi, eumq; ei tuendum, et fovendum. &



ornandum mihi omni genere et officij et liberalitatis & planè benevolentia suscepi. Quod cum ita sit: Ille autè fortunas suas omnes in ditione tua Ducatūq; Mediolanēsi habeat: & si prope compertum nobis est pro tuo magno regioq; animo, proq; patris in te sui studio & fide, proq; laboribus plurimis atq; maximis te mandate susceptis, illum tibi per sese satius iam commendatum esse: volui tamen pro mea etiam pietatis officio à te diligenter petere, ut omnibus illum in rebus, quibus in rebus opus ei erit, gratia auxilio liberalitate tua, habeas mea causa & rogatu etiam commendatiorem. Erit id cum mihi mirandum in modum gratum, tum tibi etiam laudi, necessarium & familiarem meum, tuum hominem, cuius pater, dum tibi obtemperat ac præsto est, mortem obierit, tua te liberalitate atq; benevolentia in primis tueri. Dat. V Cal. Feb. M. D. XVII. Anno quarto. Roma.

## C E V R I O.

8

Ex meis ad Carolum Regem tuum literis, quàm mihi gratum fuerit in despondenda Maria Constantia Maneriana Annibali Rangoni equitum cohortis nostra Præfecto voluntatem illum suam adhibuisse, facile perspicies. Id tu quoq; illi non solum ut confirmes, sed etiam ut augeas, abs te requiro. Veruntamen quoniam à Regijs, qui apud me sunt, Legatis ei rei mora quedam interponitur, neq; possumus quæ de causa id fiat, interpretari: petimus more nostro abs te, agas apud Regem, atq; efficias, ut quod semel velle se per literas mihi significavit, id aliorum inductu ne mutet. Effet enim eiusmodi voluntatis illius commutatio mihi multas ob causas apprime atque summopere molesta. Pluribus tecum verbis

non

non agam: ne vel Regia fidei, vel tuae virtuti videar diffidere. Si quid autem praeterea erit, quod te scire opus sit, de Raphaëlo Medice familiari meo id cognoscēs. Dat. prid. Calend. Februa. M. D. X V I I. Anno quarto. Roma.

FABRITIO MAGNO RHODI MAGISTRO. 9

ET gratum mihi tuum studium fuit, quod, ut mihi notos faceres Turcarum Regis inopinatos progressus, scribendis ad nos literis adhibuisti ijs, quas ad diem xv. Cal. Nouemb. dederas: & cura vigilantiaq; tua in munienda ista insula, de qua me certiores facis, vehementer mihi probatur. Enimuero nec abs te quicquam optatius contingere nobis potest, quam ita te animatum esse ad societatem istam atque ordinem vnà cum Rhodio ipsa contra illorum conatus, si acciderit, fortiter atque viriliter defendendum: nec minora de te quidem nobis ipsi pollicebamur, cum ad ea mentem & cogitationem nostram conuertebamus. Perge igitur magno erectoq; animo, ut facis, de vniuerso Christiano nomine bene mereri. Nam etsi existimem hoc sanè tempore Turcarum regem aliò vires suas conuersurum: est tamen tuae prudentiae ea comparare, ita te instruere, quasi ille ad te opprimendū neruos omnes intendat suos, omnes cogitationes isto conferant, omnem conatum: ut si quis casus in tua damna Turcas armauerit, ij te imparatum non offendant: teq; Dominus tanquā vigilantem agricolam suae isti colendae vineae arcendisq; ab ea furibus cum cognouerit, meritos tibi laborum tuorum fructus vindemiamq; affluentē paret. Quod ad me attinet: omnibus ijs in rebus, quas ad res  
opem

opem auxiliumq<sup>3</sup> meum expetis, quoad fieri recte poterit, libentissime satisfaciam : quemadmodum ab ijs, qui apud me sunt, procuratoribus tuis latius intelliges. Tuam enim societatisq<sup>3</sup> tua salutem, incolumitatem, dignitatem proxime facio, facturusk<sup>3</sup> semper sum, ac huius ipsius reip. atq<sup>3</sup> nostram. Idq<sup>3</sup> & scire te, & collegio isti tuo meis verbis polliceri sane volo. Quod autem me hortaris, vt ad omnium Christianorum Regum pacem conciliandam animum adhibeam, vt possimus in communes nostros hostes nobis acriter imminentes aliquando tandem arma nostra conuertere : scire te plane volo, nihil me aliud dies atq<sup>3</sup> noctes cogitare, nihil omni mea cura, diligentia contentione precibus denique omnibus moliri ac niti, quàm vt hoc ab illis consequar : sperare etiam moderatore & adiutore Deo cogitationes eiusmodi et contentiones meas in tempore profuturas. Tu velim mecum de Iurcarum molitionibus tum de tuis rebus, quantum quidem locorum longinquitas & traiciendi tempestates patientur, quam creberrime certiore facias.

Dat. prid. Cal. Febr. M. D. XVII. Anno quarto. Roma.

C A R O L O H I S P A N I A E

R E G I.

IO

CUM intellexisses superioribus mensibus cupere nos, vt quæ prima Ecclesia vberior tuis in regnis Pontificem amisisset, de ea Bernardus Bibiena Cardinalis honestaretur, per nosq<sup>3</sup> aueretur : liberalissime nobis per literas significauisti, si, quod cupiebamus, confecissemus, id tibi ratum & probatum fore : praesertim cum scires Ferdinando Regi auo tuo idem etiam placuisse, nobisq<sup>3</sup> illum significauisse. Hac tua liberalitas eo nobis gratior fuit,

quod

quod primis nostris ea de re sermonibus cum Legato tuo habitis id, quod dico, tribuisti: neq<sup>3</sup> voluisti nos multum operæ eo petendo beneficio insumere. Quæ cum ita sint Ecclesiæq<sup>3</sup> Cauriensis, quæ in tuo Hispaniæ regno est, Pontifex mortem obierit: de fratrum nostrorum E. R. Cardinalium consilio ecclesiam Cauriensem Bernardo Cardinali contulimus existimantes te, vt pollicitus fuisti, quicquid egissemus, libentissime comprobaturum. Id si ita, vt volumus acciderit, erit nobis tam gratum, vt nihil possit esse gratius: sin aliter se res habuerit, vt quidam non bellum iam homines dictitant, mirabor: præsertim cum scias ea nos in re pro Cardinali optime de nobis merito, neq<sup>3</sup> solum vetere vsu beneuolentia fide studijs officijs coniuncto, sed etiam ab ineunte atate nobiscum educato laborare, quiq<sup>3</sup> præterea duorum clarissimorum hominum auctorum tuorum Maximiliani & Ferdinandi studiosissimus amantiissimuscq<sup>3</sup> semper fuerit, non secus ac si ipse vnus ex vestra gente fuisset: vt iam non te modo id mihi permissurum facile quilibet non ineptus existimarit, sed plane etiam gauisurum fuisse occasionem tibi dari magnum & prudentem & summo ingenio summis facultatibus virum, deq<sup>3</sup> vobis optime meritum, maximeq<sup>3</sup> gratum hominem promerendi. Quæ cum ita se habeant, tu minus vereor, ne sis fidem mihi tuam præstaturus. Itaq<sup>3</sup> familiaris iam abs te peto, mandes, vt Episcopatus Cauriensis possessio Bernardi procuratoribus sine mora tradatur: vt tua & in illum liberalitas illustrior, & in me obseruantia testatior appareat, & ego tibi amplius atq<sup>3</sup> prolixius debeam. Datum 3. Id. Febr.

M. D. XVII. Anno quarto. Roma.



EA, quæ à Carolo Rege tuo in re Bernardi Bibiena Cardinalis peto, ipse de meis Legatis intelliges. In ijs cum & ipsius Regis fides interposita sit, & voluntas maxima atque iustissima versetur mea, non dubito, quin ab eo sim facile omnia & sine vlla mora impetraturus. Sin verò aliter se res habuerit, te hortor ita apud illum agas, vt impedimenta omnia ea in causa reijciatur. De eo tibi ego haud multo certe minus, quàm ipse Cardinalis debebo: qui tibi tamen omnia sane debet: vel vtrique potius debemus. Dat. tertio Id. Feb. M. D. XVII. Anno quarto. Roma.

MAXIMILIANO IMP.

DESIG.

12

AGET tecum meis verbis Thomas Legatus meus in re Bernardi Bibiena Cardinalis cum magni certe præstantisq; hominis, & mihi familiarissimi planeq; coniunctissimi, tum tui, vt scis tam cupidi, nihil vt illo possit esse in te amando & colendo ardentius. Plura me ad te scribere non oportet: qui quamleuissima tuorum familiarium commendatione omnia tua causa facio. Totam rem ita tibi commendo, vt me abs te beneficium accepisse sim existimaturus, si id, quod petit, à Rege Carolo nepote tuo per te consequetur. Datum tertio Id. Febr. M. D. XVI. Anno quarto. Roma.

MATHÆO CARDINALI

GVRGENSI.

13

ET SI existimem non necesse esse, vt res & fortunas Bernardi Bibiena Cardinalis Maximiliano magnopere

pere commendem : cuius percelebris perq̃, vetus in illum observantia studium amor exposcere iure prope suo videntur, vt ipse aliorum commendationis apud Casarem non egeat : Feci tamen id per literas diligenter, per Legatos autem meos multò etiam diligentius : cum cuperem, vt si quis casus ferret, vt Cardinalis in Ecclesia Cauriensis, cui hodie illum proposui, possessione à Carolo Hispania Rege assequenda difficultatis aliquid experiretur, Casar in eo interponeret autoritatem apud nepotem suum, remq̃, ex mea & Cardinalis voluntate conficeret. Nunc autem, quod super est, & si minus necesse est pro homine tibi deditisimo, tui studiosissimo, tuorum bonorum cupientissimo, tui præterea ordinis me apud te agere: tamen quantum maxime possum, te hortor, velis, si erit opus atq̃, vbi erit, eius causam apud illum tueri atque suscipere, quoad is voti compos per te fiat. In quo tum Cardinali Casar maximum beneficium fecerit: tum sibi ipse apud omnes homines benevolentia plurimum compararit. Nemo est enim cui non cognita perspectaq̃, sit Babiena in illum observantia plurimis maximq̃, officiorum testata generibus, planeq̃, comprobata. Ego verò viriq̃, vestrum debere me facile profitebor, ipsi, apud Carolum Regem, tibi, qui apud illum egeris, vi fieret vtriq̃, nostrum satis. Dat. tertio Id. Feb. M. D. XVII. Anno quarto. Roma.

CAROLO HISPANIAE

—R E G I.

14

VENIT ad te Ioannes Bernardinus Montorius homo tuus pro fortunis quibusdam suis abs te recuperandis. Is quoniam existimat paruo se negotio, quæ cupit, mea  
commen-


commendatione abs te impetraturum, facile pro meo in se amore mihi persuasit, ut se tibi commendarem. Quare erit mihi certe gratum, si te is liberalem suis in rebus experietur. In quo etiam illud consequere, ut hominem tibi iam tum sua sponte, tum quod in imperio tuo est, sanè deditum, tuo beneficio tibi deuincies. Dat. prid. Id. Feb. M. D. XVII. Anno quarto. Roma.

R A I M U N D O C A R D O -  
N A E P R O R E G I N E -  
A P O L I S. 15


Ex Caroli Regis tui literis cognoui id, quod cum mihi vnice gratum accidit, tum fuit nostræ in illum beneuolentiæ & spei, quam de illo conceperam, magnopere consentaneum, velle illum scilicet, tibiq; mandare, ut quibuscunq; in rebus ipse auxilium tuum requirerem ad nepharios Francisci Mariæ in nos Remig; pub. conatus atq; impetus compefcendos, mihi præsto esses: quemadmodum ex ipsius ad te Regis, Legatorumq; regiorum literis intelliges. Quamobrem te horior, ut quod iam tua sponte faciebas, in quo mihi fides diligentiaq; tua valde mehercule, probabatur, id nunc eo libentius facias, vel perficias potius, quod ad tuam in me propensionem & studium Regis tui voluntas atque imperium accessit: ut quos milites mihi parabas, eos itinere des, ut cum nostris militibus se coniungere, & nobis vsui esse in tempore possint. Sed hac & reliqua, quæ te sine opus est, de Iuliano Rodulpho Priore Capuæ, quem ad te his de rebus mitto, melius & planius intelliges. Dat. XIII. Cal. Mart. M. D. XVII. Anno quarto. Roma.

FRAN-

Def.







**B 1327**